

J. F. R. E. D. E. R.  
G. A. R. E. H. U. S. E.

T. O. M. I. I.

11099











Théodore Baron  
Régis Scientiarum  
Académie socius et Doctor  
Medicus Parisiensis.

---



Res 11009 1099

JO. FREDERICI

CARTHEUSER

MEDICINÆ DOCTORIS

Ejusdemque in Regiâ Academ. Viadrinâ

Prof. Publ. Ordinarii.

FUNDAMENTA

MATERIÆ MEDICÆ

TAM GENERALIS QUAM SPECIALIS,

*In usum Academicum conscripta.*

---

TOMUS SECUNDUS

---



PARISIIS,

Apud GUILLELUM CAVELIER Patrem  
viâ Jacobæâ, sub signo Liliæ aureæ.

---

M. DCC. LII.

*Cum Approb. & Privilegio Regis.*

collationnée le 11 mars 1889  
Fg

SERIES SECTIONUM

& Capitum Partis Secundæ.

SECTIO XII. De Balsamicis & Aromaticis, Pag. 1.

CAP. I. De Differentiâ atque Naturâ Aromaticorum & Balsamicorum, 1

II. De Modo operandi atque Virtute Balsamicorum & Aromaticorum, 19

III. De Rad. Zedoaria, Zingiberis atque Curcumæ, 28

IV. De Rad. Cyperi & Galangæ, 39

V. De Radice Iridis Florentina, 45

VI. De Calamo Arom. & Radice Helenii, 53

VII. De Rad. Serpentaria Virginiana & Valerianæ, 60

VIII. De Rad. Imperatoria, Agelice, Levistici atque Mei. 66

IX. De Radice Carlinæ, 75

X. De Melissâ & Basilico, 78

XI. De Herbâ ac floribus Rorismarini & Salviæ, 83

XII. De Foliis ac Floribus Majoranæ, Thymi, Serpilli atque Origani. 91

XIII. De Hyssopo, Menthâ, Matricariâ & Tanaceto, 100

XIV. De Saturejâ & Maro Vero, 110

XV. De Sabinâ & Abrotano, 115

XVI. De Chamomillâ & Millefolio, 119

XVII. De Floribus Lavendulæ & Calendulæ, 132

XVIII. De Ligno Sassafràs, & Guayaco,	137
XIX. De Ligno Aloës, Rhodiò, & Santalo flavo,	147
XX. De Ligno Juniperi, & Lentisci,	156
XXI. De Ligno Cotubrino, & Nèphritico,	161
XXII. De Corticibus Citri & Aurantiorum,	170
XXIII. De Cortice Cascarilla, & Thymiamatis,	174
XXIV. De Cinnamomo,	181
XXV. De Cassiâ Ligneâ,	192
XXVI. De Cassiâ Cariophyllatâ, & Cannellâ albâ,	198
XXVII. De Camphorâ,	205
XXVIII. De Mirrhâ,	234
XXIX. De Gummi Ammoniaco, Galbano, & Bdeltio,	255
XXX. De Sagapeno & Asâ foetida,	263
XXXI. De Ladano, Carannâ, & Gummi Hedera,	270
XXXII. De Gummi Anime, Juniperi, & Elemi,	277
XXXIII. De Olibano, Mastiche, & Gummi Tacamahacâ,	281
XXXIV. De Asâ dulci, & Styrace,	286
XXXV. De Gummi Lacqâ,	292
XXXVI. De Pice, tam Siccâ Navali, quàm Liquidâ,	297
XXXVII. De Terebentinâ, Balsamo Peruviano, Balsamo de Copairâ, aliisque hujus commatis Balsamicis,	306

& Capitum Partis Secundæ. v

- XXXVIII. De Semine Fœniculi & Anisi,  
tàm Vulgaris, quàm Chinenfis, 321
- XXXIX. De Semine Coriandri, & Ni-  
gella Romana, 328
- XL. De Semine Cina, Ruta, & Tana-  
ceti, 332
- XLI. De Semine Apii, Petroselini, &  
Dauci, tàm Vulgaris, quàm Cretici, 343
- XLII. De Semine Carvi, Cumini, Am-  
meos, Anethi, & Levistici, 347
- XLIII. De Baccis Lauri, & Juniperi, 354
- XLIV. De Nuce Moschatâ & Maco, 359
- XLV. De Pipere, Cubebis, & Amomo, 365
- XLVI. De Caryophyllis, & Anthophyl-  
lis, 377
- XLVII. De Granis Cardamomi, & Pa-  
radisi, 386
- XLVIII. De Castoreo, 390
- XLIX. De Moscho, & Zibetho, 399
- L. De Succino, & Ambrâ, 406
- Seçtio XIII De Amaricantibus, Auste-  
riusculis, Blande Balsamicis, Terreo-  
aut Mucilagineo - Subadstringentibus,  
aliisque, sapore mixto donatis, 420
- Cap. I. De Naturâ, Differentiâ, atque  
Virtute Diversorum horum Simplicium  
in genere, ibid.
- II. De Rad. Peonia & Nympha, 425
- III. De Rad. Rubia tinctorum, & An-  
chusa, 431



vj Series Sectionum

Cap. I V. De Contrayervâ , & Radice Ca-	
riophyllatæ ,	Pag. 435
V. De Rad. Cardana , Taraxici , & Tuss-	
silaginis ,	440
VI. De Radice Vincetoxici , & Pareira	
brava ,	444
VII. De Rad. China & Sarsaparilla ,	448
VIII. De Rad. Apii palustris , & Petro-	
selini ,	455
IX. De Veronicâ & Betonicâ ,	458
X. De Hederâ terrestri ,	462
XI. De Herbâ Chamedryos , & Chame-	
pytios ,	465
XII. De Thea orientali , & Teucrio vero ,	470
XIII. De Artemisiâ ,	484
XIV. De Floribus Liliorum convallium ,	
Tiliæ , & Primulæ veris .	489
XV. De Floribus Pæoniæ , Tunicæ horten-	
sis , & Rosarum ,	497
XVI. De Floribus Calcatrippæ arvensis ,	
Borraginis , atque Cyani sylvestris ,	504
XVII. De Visco ,	507
XVIII. De Cortice Peruviano ,	516
XIX. De Ligno Santalo rubro ,	530
XX. De Sanguine Draconis , & Succo Aca-	
ciæ ,	532
XXI. De Granis Chermes , & Coccionel-	
la ,	536
Sectio XIV. De Dulcibus , Subdulcibus ,	
Leniter Amaricantibus , Austeriusculis	
atque Balsamicis Unguinoso-oleosis &	
Pinguibus ,	548

& Capitem Partis Secundæ. vij

Cap. I. De Naturâ, Principiis & Differentiâ Oleosorum ac Pinguium in Genere, ibid.

II De Viribus Oleosorum ac Pinguium, 553

III. De Amygdalis dulcibus, Pineolis, Pistaciis, & Nucleis Armeniacor, 556

IV. De Seminibus Cucurbitæ, Citrulli, Melonum, Cucumeris, Lactucæ, Scariolæ & Portulacæ, 562

V. De Seminibus Lini, & Fœni Græci, 565

VI. De Cacao, 568

VII. De Lactæ, 572

VIII. De Spermate Ceti, & Ordinariis Animantium Pinguedinibus, 578

Sectio XV. De Insipidis & Subdulcibus Mucilagineis & Gelatinosis, 584

Cap. I. De Naturâ, Differentiâ & Virtute Gelatinosorum, ac Mucilag. Ibid.

II. De Rad. Altheæ, Malvæ, & Liliorum alborum, 589

III. De Radice Symphiti sive Consolidæ majoris, 592

IV. De Radice Scorzonera, 593

V. De Semine Psyllii, & Cydoniorum, 595

VI. De Hordeo & Avena, 599

VII. De Gummi Arabico & Tragacantho, 601

VIII. De Ichthyocollâ & reliquis Animantium Gelatinis, 605

Sectio XVI. De Siccis Sulphureis, Mercurialibus, Sulphureo-mercurialibus,

vijj Series Sect. & Cap. Part. II.

• Sulphureo - regulinis, & Metallicis ;  
Semimetallicis, ac Terris Martiali-  
bus, 607

Cap. I De Sulphure vulgari minerali, Ibid.

I-I. De Pulvere Lycopodii 614

III. De Mercurio vivo sive corrente, 619

IV. De Cinnabari nativâ, 622

V. De Antimonio crudo, 635

V-I. De Ferro, Lapide Hematite, Rubrica

fabrili, aliisque Terris martialibus, 638

Sectio. XVII. De aquâ simplici, & Aquis

Mineralibus Medicatis, tam frigidis,

quam calidis, 644

Cap. I. De Naturâ, Proprietatibus, ac Vi-

ribus medicis Aquæ simplicis. Ibid.

II. De Aquis medicatis mineralibus, 649

## SECTIO



## SECTIO XII.

De Balsamicis & Aromaticis.



### CAPUT PRIMUM.

*De differentiâ atque naturâ Aromaticorum  
& Balsamicorum.*

#### §. I.

**S** A P O R E M aromaticum & balsamicum discriminis quicquam intercedere, Physici ac Chemicici dudùm annotarunt. Balsamicus nempe purus est, simplex, remissior, & quodammodò nauseosus; aromaticus autem ex acri iterùm & balsamico compositus, adeòque longè fortior atque urens deprehenditur: Posterior prætereà rariùs, quam prior, perfectè purus ac solitarius, sed *subdulci*, vel *austriusculo*, *amaricante*, quin *intensè amaro*, mixtus observatur. Purè aromaticus v. g.

CARTH. *Mat. Med. Pars II.* A

in cubebis, pipere, caryophyllis &c. ob-  
vius est; subdulcem simul admixtum de-  
prehendimus in radice angelicæ, semine  
anisi, fœniculi &c., austeriusculum in cin-  
namomo, ligno sassafras &c., amarican-  
tem in cort. citri, aurantiorum, macere  
&c., & intensè amarum in calamo aro-  
matico, myrrhâ & similibus.

## §. II.

Aromatica & balsamica odore plus minus-  
ve fragrante pollent, & ambientem ideo  
aerem tenerrimis effluviis odoriferis re-  
plent: Cum aucto tamen, vel imminuto  
aeris circumfusi calore laudata exhalatio,  
à perenni motu intestino derivanda, cres-  
cit atque decrescit, immò, temporis suc-  
cessu, non sine notabili virtutis medicæ  
decremento, penè insensibilis evadit;  
unde protinùs constat, activitatem in aro-  
maticis & balsamicis recentibus semper  
majorem esse, in vetustis aut fortiùs ex-  
siccatis minorem, tandemque, odoratis  
nempe particulis diuturnâ exhalatione  
prorsum ablatis, ferè nullam: Patet quo-  
que, decocta eorum, in vasis apertis pa-  
rata, ob aliquam, immò interdum sa-  
tis magnam, potioris substantiæ exha-  
labilis jacturam, infusis longè debiliora  
esse.

## §. III.

Regnum animale ac minerale pauca tantum simplicia balsamica, vegetabile autem, præter multa balsamica, numerosissima pariter aromatica largitur. Principia, quibus hæc posteriora, ex vegetabili nimirum regno desumpta, de quibus, ceu potioribus, primum agere consultum duco, instructa sunt, partim volatilem, partim fixam naturam obtinent. In singulis enim 1) *tenerrimum, mobilissimum, fragrantissimum, principium spirituosum salino-oleoso-plogista indolis*, 2) *oleum essentiale æthereum*, & 3) *substantia quædam fixa vel resinosa, vel gummosa, vel gummeo-resinosa aut resiuoso-gummea*, saporis in aliis subdulcis, in aliis purè aromatici aut balsamici, & in aliis denique austeriusculi, amaricantis, amari &c. demonstrari potest. Pleraque nempe, immò, si sufficiens quantitas recepta fuerit, cuncta hujus censûs subjecta, sub destillatione humidâ, primò aquam reddunt, *particulis subtilissimis; mobilissimis, spirituosiss, fragrantissimis, cum phlegmate magis minùsve miscibilibus*, largissimè refertam, eamque vel limpidam prorsus, vel etiàm, si præter spiritum copiosiore, parùm quoque olei tenerrimi intraverit, albicantem, quasi lacteam, quæ naribus odorem, linguæ verò sapo-

rem simplicis specificum balsamicum & aromaticum vividè imprimat. Mobili atque spirituofo huic principio, fufficienti fcilicet, quod dictum, simplicis quantitate receptâ, fuccedit, immò illud ipfum per fæpè comitatur *oleum effentiale ac fubftantiale æthereum, fimplicis odorem, faporem aromaticum aut balsamicum, & præcipuam indolem eminenter & exactè referens*. Deinde, nifi ex omnibus, tamen plerifque, aqua acidula, refrigerans, naufeofa fequitur, & in ipfâ veficâ aut cucurbitâ vitreâ, præter caput mortuum, virtute penitùs fpoliatum, *decoctum fufcum, vel ex fufco-flavesceus, viridescens, aut nigricans &c. faporis, pro fubjecti diverfitate, fubdulcis, aufteri, amaricantis, amari, aromatici, balsamici, remanet, quod blandâ évaporatione in fimilis naturæ, faporis, odoris, atque virtutis extractum refinofò-gummeum, aut gummeo-refinofum in fiffari potest.*

## §. IV.

*Portio fpirituofo mobiliffima, quæ fpon-taneâ ac paulatinâ exhalatione e plantis aromaticis & balsamicis prodiit, & def-tillationis quoque initio feorsim cum aquâ tranfmittitur, partim e tenerrimis fubftantiæ gummeo-refinofò-oleofæ, in quibus-dam fimul camphorata, ramentis, phlogiftæ*

purioris, aut salino-inflammabilis naturæ, partim ex integris, iisque tamen valdè subtilibus moleculis oleosis constat; hinc solâ etiam subtilitate ac mobilitate, neutiquam verò odore, sapore atque virtute ab oleo æthereo substantiali differt. Insignis cæteroquin teneritudo ejus atque mobilitas causa est, ut per se, vel præfente substantiæ crassioris ac viscosioris penuriâ, in conspicuas guttulas oleosas coire nesciat, sed saltèm aquæ poris invisibiliter immergatur.

§. V.

*Oleum essentialè æthereum*, seu alterum, idque præcipuum, plantarum hujus classis principium activum, primò quidèm succis circulantibus tenerrimè mixtum est, inde nihilominùs sensim in certas *vesiculas membranaceas* secedit, ibidemque successivè in minorem majoremve molem colligitur. Vesiculæ memoratæ in cortice cinnamomi recenti, baccis juniperi, nuce moschatâ, radice helenii, mei, angelicæ, Zedoariæ, imperatoricæ, fœniculi, ireos Florentinæ, aliisque, in lamellas dissectis, & microscopio deinde subjectis, satis conspicuæ sunt: Numerosissimæ imprimis in cortice arborum pini & abietis occurrunt, eademque adedò plerumque oleo replentur, ut persapè



rupturam patiantur, & liquorem oleoso-balsamicum, in resinam postea aeris calidi ope indurescentem, copiosè effundant. Comparari hæ cellulæ poterunt cum cellulis, in adiposo animantium panniculo obviis, & oleosa quoque substantiâ, in iis collecta, eundem, quem pinguedo animalis, usum obtinere, & hyeme imprimis tubulos ligni, succo aquosiori repletos, contrà frigoris sævitiam, & inde nascens coagulum, defendere videtur.

## §. VI.

In plantis vetustioribus & exsiccatis oleum laudatum, cellulis membranaceis inclusum, sensim exeunte spiritu subtili æthereo, seu materiali fluiditatis causâ præcipuâ, primò in balsamum spissiusculum, tandemque in corpus siccum, durum, resinosum, aut resinoso-gummeum coagulatur. Baccæ juniperi v. g. succo dulci, acri, aromatico, & nonnihil quoque, si dentibus perfectè comminuantur, amaricante, repletæ sunt. Sapor dulcis in parte pulpæ gummosâ residet, aromaticus autem & amaricans oleo essentiali, vesiculis, per baccam pulposam dispersis, incluso, maximè adscribendus venit. Hoc, si baccæ siccantur, in resinam abit, & passim proinde in dissectis

§. VII.

Egregiam hoc loco harmoniam inter opera naturæ & artis observamus. Istud enim principium, quod ex plantis balsamicis & aromaticis, tum vivis adhuc, ac lætè virentibus, tum mortuis pridem & exsiccatis, nec minùs ex ipsis succis earum balsamicis, perenni exhalatione prodit, & odorem fragrantem spargit, comparandum est cum portione spirituosâ, destillationis initio cum phlegmate in receptaculum transeunte. Succedens oleum substantiale ab oleo, prædictis vesiculis inhærente, aut parcius cum balsamis liquidis mixto, non diversum est, & resinosa denique, gummosa, gummeo-resinosa, aut resinoso-gummea substantia, cum massulis, quæ ex oleo, in vesiculis indurato, vel ex ipso etiàm succo, ruptis aut incisis tubulis promanante, ac sensim coagulato, nascuntur, quoad naturam & proprietates convenit, præterquam, quòd resinæ naturales plus olei & acidi coagulantis in mixtione foveant, quam extracta memorata; quippe quæ sub destillatione, præsertim igne fortiori adhibito, majorem utriusque principii portionem amittunt.

## §. VIII.

Sed redire juvat ad uberiores olei substantialis ætherei contemplationem: Hoc in genere e duabus constare deprehenditur partibus essentialibus, e prædictâ nimirum *parte mobili, spirituosâ, activâ*, quam *animam oleorum*, aut cum BOERHAAVIO *spiritum rectorem* vocare licebit, & deinde *ex parte viscosâ, tenaci, fixiori, resinosa, aut gummeo-resinosa*, quæ priori quasi corpus, excipiens, matricem, domicilium, præbet, ac, motum ejusdem nonnihil coercendo, discessum præmaturum, & momentaneam fermè dissipationem lentore suo, atque majori cohæsione impedit. Facile memoratæ partes essentielles per experimenta & observationes redduntur manifestæ: Destillata v. g. olea ætherea, in vitris, obiter saltè operculo papyraceo munitis, & in loco calido collocatis, diutiùs paulo asservata, sensim sensimque spirituosam portionem, & cum eâ fluiditatem, odoris fragrantiam &c., amittunt, adeò, ut fluida non amplius olea, sed massæ densæ, coagulata, resinosa, existant. Citiùs principii utriusque separatio accidit, quandò oleum quodam, v. g. oleum caryophyllorum aromaticorum, orbi vitreo infunditur, & aeri libero ac paullulùm calido

exponitur. (a) Brevi enim elapso tempore, partem spirituosam, mediante forti atque constanti exhalatione fragrante, in auras dimittit, & residuum successivè corpus tenax, resinofum, parùm amplius activum, condensatur. Quando cum rectificatissimo quoque vini spiritu, præmissâ digestionem ac solutionem, vel etiam citrà eandem, igne leniori, e vesicâ, aut cucurbitâ destillantur, mobile principium cum spiritu vini transmittunt in receptaculum, & in fundo cucurbitæ aut vesicæ corpus crassum atque viscosum relinquitur, quod, interatâ spiritûs vini recentis affusione & abstractione, tandem odore, sapore, atque viribus specificis prorsum spoliatur; Immò, eadem olea, si cum simplici saltèm aquâ aliquoties destillantur, aut agitatione vasculi cum illâ ruditer miscentur, aquam specifico odore, atque sapore, & specificâ pariter virtute imbuunt; ipsa verò valde inertia redduntur: Hinc semper quoque fragrantiora olea impetrantur, quando plantæ destillandæ aquâ spirituosâ, a præcedente ejusdem subjecti destillatione residuâ, & mobili principio jam satis imprægnatâ, superfunditur.

§. IX.

Laudatum principium spirituosum in

(a) Conf. Boërhaave in Chym. T. II. Proc. 275.

Alv.

plantis, earundemque oleis essentialibus *quantitate* magnoperè differt, & in aliis largissimum est, in aliis parciùs reperitur. Hinc ab odoris quoque fortitudine, & fragrantiae gradu ad olei substantialis, in vesiculis latitantis, quantitatem, conclusio simpliciter formari nequit. Multae enim plantarum, quae odorem balsamicum & aromaticum fortissimum spirant, parùm duntaxat olei sub humidâ destillatione reddunt, dùm aliae interim, quae odore longè debiliori pollent, sat copiosum oleum largiuntur. Exempli nobis præbeant *Salvia, Ruta, radix Calami aromatici, & folia Sabinae*. Tria priora subiecta, adhuc recentia, fortem quidem odorem emittunt, parùm nihilominus olei suppeditant. Nam ex calami aromatici libris XXV. saltèm una olei uncia elicitor: Rutæ libræ undecim vix unciam dimidiam, & æqualis salviæ quantitas circiter drachmas quinque cum semisse reddunt; sabina ex adverso, licet debili saltèm odore polleat, multùm olei suppeditat. Inde igitur satis pater, quod ex majori, vel minori fragrantiae gradu principii quidem spirituosior, neutiquàm vero olei substantialis quantitas certò cognosciqueat. Non innascitur quoque oleum promiscuè singulis plantarum partibus, sed apud alias præcipuè floribus, apud alias:

præcipuè foliis, aut cortici, ligno, feminibus, fructibus, ingenitum hæret.

§. X.

Olea ætherera ex *tenerrimis particulis inflammabilibus, salino-acidulis, aqueis, & terreis*, interveniente specificâ & intimâ miscelâ, arctissimâque cohæsione, in plantis demùm generantur. Elementa hæc, quorum præsentiam, & necessarium concursum uberrimè pridem in *Pharmacologiâ* (a) demonstravi, partim cum succo nutritio, plantas e tellure per radices intrante, afferuntur, partim per patula corticis atque foliorum vascula inhalantia ex aere ambiente sese insnuant, & caloris postea atque perennis circuli ope tandiù attenuantur, donec ad subeundam laudatam unionem specificam apta evadant. Vero tamen simillimum est, oleum non aded diu in succo circulante hospitari, sed sensim sensimque post genesin suam in vesiculas antea descriptas secedere.

§. XI.

Quamquam olea ætherera in genere ex iisdem elementis componuntur, mirificè nihilominus, ob ingentem compositionis varietatem, diversissima mque ingre-

(a) pag. 146. & 196. sequ.

dientium proportionem, quoad odorem, saporem, colorem, fluiditatem, volatilitatem, gravitatem specificam, acrimoniam, indolem calidam, & vires specificas ad invicem distincta inveniuntur. Numerosissimis hæc ipsa exemplis probare protinùs & illustrare vellem, nisi multa pridem hujus commatis in vix allegatâ *Pharmacologia* (a) dicta fuissent, & specialior prætereà simplicium selectiorum descriptio generali huic aromatico-balsamico-rum considerationi succederet: Quare hoc loco solam duntaxat HOFFMANNI tabulam, quæ relativam oleorum quorundam gravitatem concernit, subjungere placet. Est autem sequens:

Vitrum, cujus tara, seu pondus proprium ʒij & grana 42. æquabat, in lance exactissimâ postea pendebat, penitus repletum				
oleo ligni saffras	-	-	ʒvj gr.	53.
- - caryophyllorum	-	-	-	52.
- - cinnamomi vero	-	-	-	51.
- - cinnamomi adulterato	-	-	-	48.
- - carvi	-	-	-	51.
- - anisi	-	-	-	50.
- - fœniculi	-	-	-	50.
- - menthæ	-	-	-	40.
- - olivarum	-	-	-	40.
- - spicæ	-	-	-	37.

(a) L. c. p. 196. seq.

-e Balsamicis & Aromaticis.					13
- -	terebinthinæ igne				
	sicco destill.	-	-	-	37.
- -	philosophorum	-	-	-	37.
- -	schœnanthi	-	-	-	33.
- -	terebinthinæ cum aquâ				
	destill.	-	-	-	32.
- -	majoranæ	-	-	-	30.
- -	lavendulæ	-	-	-	30.
- -	de citro Ital.	-	-	-	20.
	<i>Spiritu vini rectificatiss.</i>	-	-	-	32.

## §. XII.

Binis aromaticorum & balsamicorum principiiis volatilibus, hætenùs consideratis, in plantis quibusdam, earundemque partibus tertium adhuc, in aliis nempe *tenerrimum camphoratum*, in aliis *siccum saliniforme*, jungendum venit. Priùs, quod in capite speciali de *Camphorâ* uberius demonstrabo, siccum tantummodò, atque volatile concretum terreo-inflammabile est; posterius autem verum sal volatile essentialè, substantiale, oleo æthereo modicè imprægnatum (a) exhibet. Utrumque ex subjectis plerisque, quæ illo instructa sunt, destillationis aut sublimationis ope, nunc faciliùs, nunc difficilùs separari potest, immò camphoratum in certis plantarum quarundam vesiculis, formâ salis foliati, concretum

(a) Vid. Cap. de Gummi benzoïno.



cernitur. Vero præterea simillimum est, camphoratam ejusmodi substantiam, quamquam tenerrimam, ac valdè dispersam, in multis adhuc, e quibus hactenus nondum sub desideratâ consistentiâ educi potuit, latitare, quoniam fortem camphoræ odorem spirant. Notatu quoque dignum est, principium hoc subinde ipsis oleis æthereis copiosè immersum esse, & ità temporis progressu in iis concreescere, ut totum, vel quoad maximam tamen partem in conspectum veniat; uti plura de singulis hisce, in futurâ tractatione specialissimâ passim videntur. (a)

## §. XIII.

*Principia fixa resinosa ac gummosa*, quæ generaliùs quoque consideranda restant, rarò, vel numquam, perfectè pura ac solitaria in plantis balsamicis & aromaticis occurrunt, sed ordinariò mixta, h. e., *gummeo-resinosa*, aut *resinoso-gummea* reperiuntur, ita tamen ut in aliis substantia resinosa, in aliis gummosa, aut crassior mucilaginea prædominium obtineat. Magnoperè præterea, æquè ac volatilia oleoso-spirituosa, respectu saporis ac vi-

(a) Conferri etiam hoc loco possunt, quæ in *Pharmacologia* p. 199. sequ. de ead. materia dicta fuerunt.

rium, differunt, etiam si eadem elementa in naturali suâ mixtione recondita gerant, & memoratæ igitur discrepantiæ ratio unicè in differenti elementorum proportionem & compositionis seu mixtionis modo lateat. Nam quævis resinosa, destillationi siccæ in retortâ vitreâ aut terreâ subjectâ, *phlegma copiosum, liquorem acidum* aut tamen *acidulum*, & *oleum empyreumaticum* largiuntur, multumque terræ in retortæ fundo relinquunt. Gummosa & mucilaginea, si valdè pingua sunt, eadem reddunt; sin verò tenuiora & magis aquosa, loco olei completi, tenerriam duntaxat substantiam phlogistam, phlegmati immersam, suppeditant. Probat quoque resinosi principii elementa ipsa syncrasis artificialis: Ex oleo enim virrioli, aut alio acido minerali concentrato, & oleo quodam æthereo, v. g. terebinthinæ, anisi, caryophyllorum &c., corpus resinosum nascitur, quandò decenti quantitate relativâ miscentur, & incallescetiâ atque coagulatione peractâ, blandè exsiccantur.

#### §. XIV.

Inter olea ætherea & resinas ac gummi-  
resinas *Balsami liquidi naturales*, qui sponte ex incisis, vel fortuitò ruptis arborum quarundam, aliarumque plantarum tu-

bulis profluunt, medium quasi locum, respectu consistentiæ, indolis atque virium, obtinent. Quandò mobili enim parte oleoso-spirituosâ successivè in vasis apertis, vel corticis etiàm superfacie maximam partem privantur, in massas densas, tenaces, duriusculas, resinosas aut resinoso-gummeas degenerant: Quibus, addito quodam liquido spirituosò, major tamèn, immò fermè pristina fluiditas reddi potest; quemadmodùm ea ex sequenti HOFFMANNI experimento patent: » Sumitur, *scribit* (a), mastiches » electæ albissimæ libra dimidia; pulve- » risata cum æquali pondere salis, exactè » miscetur in mortario, postea spiritus » vini rectificatissimus in cucurbitâ affun- » ditur, ad eminentiam quatuor digito- » rum; leniori submisso calore solvitur » resina in spiritu, & obtinetur essentia » valdè resinosa, quæ loco vernicis usur- » pari potest; calore aucto, destillat in » receptaculum spiritus, oleo subtili bal- » samico hujus resinæ imbutus, & sapo- » rem & odorem mastiches exactè refe- »rens. - - - In destillatione hujus spiri- » tûs, illud notabile occurrit, quòd re- » siduum hujus solutionis ab abstracto » spiritu perfectum balsamum liquidum, » instar terebinthinæ, vel balsami de Co-

(a.) In Obs. physico-chym. select. p. 68. 69.

» paivâ , quoad consistentiam , repræsen-  
 » ter , & rectissimè etiam balsamum ma-  
 » stichinum vocari mereatur , &c. Idem  
 quoque cum gummi elemi , anime , ben-  
 zoe , sandarachâ , & similibus concretis  
 succedit.

§. XV.

Cum substantiis resinosis vegetabilibus  
*Bitumina balsamica mineralia* valdè quoad  
 elementa conveniunt , præterquàm ,  
 quòd loco olei ætherei , singulare oleum  
 minerale , vulgò *petroleum* & *naphtha* dic-  
 tum , mixtionem ingrediatur. Quandò li-  
 thantraces enim ex retortâ terreâ lorica-  
 tâ , sicco ac forti igne , destillantur , *phle-*  
*gma* , liquor flavescens spirituosus , odoris *em-*  
*pyreumatici* , saporis oleoso-aciduli , tandem-  
 que *oleum empyreumaticum* , primo subtilius ,  
 deinde valdè crassum , piceum , ac nigrum  
 prodeunt , & collo retortæ , ut & recepta-  
 culi lateribus *sol volatile* , *siccum* , *albicans* ,  
*acidulum* , adhæret nihilque ampliùs , nisi  
*caput mortuum terreum* , *nigrum* , *iners* , in  
 retortæ fundo relinquitur. Eadem pari-  
 ter , quanquàm subtiliora paululùm ac  
 longè gratiora , succinum , ambra (a) , &  
 concreta similia post violentam destruc-  
 tionem largiuntur.

(a) Vid. Cap. de Succino & Ambra.

## §. XVI.

Longiùs multò, quàm bituminosa mineralia, a gummi-refinis vegetabilis propriæ, respectu naturæ, elementorum ac generationis, *Balsamica illa concreta* recedunt, quæ regnum animale offert. Occurrunt nempe, post secretionem e sanguine, vel sub *pinguedinis*, nunc liquidioris, nunc spissioris oleoso-unguinosaë butyracæ, vel *corporis grumosi durioris* formâ, & in certis quoque animantium folliculis, & celluloso-glandulosis receptaculis colliguntur. Constant ex *substantiâ crassiori unguinosa*, aut *unguinoso-terreâ*, quæ matricem quasi ac receptaculum constituit, & *tenerrimo quodam*, adeòque *exhalabili*, ac *fragrantissimo principio oleoso-inflammabili*. Valdè cæteroquin probabile est, principium salinum, quod ad olei formationem concurrat, non acidæ, ut in oleis plantarum ac mineralium, sed magis *urinosa* indolis esse, quoniam Zibethum &c.; diutiùs in vasculo argenteo asservatum, colorem illi cæruleum passim inducit. Sine dubio istud in animantium corpore ex sale cruoris ammoniacali resuscitatur, vel, caloris & perennis circuli beneficio, ex terrâ teneriori. acido succi nutritii, nondùm subactò, & paucissimâ substantiâ oleoso-inflammabili sen-

sim prognatum, reliquis principiis constitutivis ita sub actu secretionis jungitur, ut memoratae massae pingues, unguinoso-balsamicae, aequè, ac bilis, interveniente singulari atque specificâ compositione, nasci queant.

---

## C A P U T II.

*De modo operandi atque virtutibus Balsamicorum & Aromaticorum.*

### §. I.

**A**ctivitas medica simplicium balsamicorum & aromaticorum partim volatili oleoso-spirituoso, partim fixo gummeo-resinoso aut resinoso-gummeo principio adscribenda venit. Illud, post assumptionem, blando ventriculi calore facile expellitur, & in tenerrima ac mobilissima effluvia mutatur; hoc autem a liquore gastrico, calore non minùs, quam motu ventriculi peristaltico adjuvante, solvitur, extrahitur, & a portione terrea recrementitiâ separatur.

### §. II.

Resoluta pars oleoso-spirituosa notabilem quidem effectum, tum resolvendo atque discutiendo contenta, tum arrendo quasi ac vellicando ipsas tunicas, in

ventriculo edit, non adeò longas tamèn moras in hujus & intestinorum cavo trahit, sed, brevi elapso tempore, ob eminentem, quâ pollet, subtilitatem ac mobilitatem, per vasa lactea & reliqua inhalantia & absorbentia lymphaticovenosa, ad humores circulantes progreditur, ibidemque, calore ac motu intestino attritorio magis magisque attenuatum, & in minutissimas moleculas divisum, per machinæ universæ recessus disseminatur, validèque sub transitu suo per vasa, canalium quorumvis parietes nervoso-membranaceos & musculosos, mediante singulari quodam ardore, irritat, globulos sanguinis, cæterorumque humorum particulas secum in motum velociorem rapit, principia cruoris salino-oleosi inflammabilia expandit, influxum liquidorum moventium in fibras solidorum motrices vegetiorem reddit, substantiali materiæ ignescentis miscelâ, materiam calorificam auget, adeòque vario modo vim contractilem, & actûalem totius generis nervoso-musculoso-membranacei contractionem, cum inde pendente velociori humorum circuitu, & majori fluiditate (a) atque calore, egregiè suscitât, &

(a) Virtus resolvens partim ab auctâ solidorum vi contractili, & velociori ac validiori contractione actuali, partim ab introitu, & immediatâ

intendit: Hinc aliter fieri nequit, quin presso statim pede aliqua solidorum exsiccatio, & largior partium exhalabilium, mobiliumque per cutis foraminula diffusio, adeoque diaphoresis, & in aliis pariter organis copiosior se-& excretio superveniant.

§. III.

Ex indicatis effectibus generalibus, principio oleoso-spirituoso, nisi unice, maximè tamen tribuendis, facili postea negotio virtutes specialiores atque specificæ, quas dudum multiplex comprobavit experientia, *nervina* nempe, *cephalica*, *cardiaca*, *pectoralis*, *carminativa*, *stomachalis*, *anthelmintica*, *uterina*, *aphrodisiaca* &c., deduci possunt, ac solidè explicari. Monendum tamèn, virtutem roborantem non solo fortiori ac velociori humorum in fibras motrices influxu niti, sed simul quoque ab exsiccatione, eisdemque succedente majori solidorum

partis spirituosæ mobilissimæ miscelâ dependet. Quemadmodum enim subtile hoc principium crassas atque tenaces substantias resinosas & gummeo-resinosas, seu oleorum matrices, durante unione, in decenti fluiditate conservare, immò eandem restituere valet; sic nulla planè ratione dubitandum est, quin similes vires in justò crassiores animantium humores exserere queat.



densitate & compactiori texturâ derivandam esse. Quò densiora enim motûs organa sunt, eò quoque robustiora existunt, eòque validiorem actionem in fluida, & hac vice versâ in solida exercent, itâ, ut motuum augmenta, & vigor actionum in solidis ac fluidis corporis partibus mutuò sequantur.

## §. IV.

Quamvis virtutes allegatæ communes existant, & singulis simplicibus aromaticis & balsamicis in genere competant, aliæ nihilominus in hisce, aliæ in illis eminentiores ac magis propriæ reperiuntur; cujus differentiæ ratio partim in specifico principii volatilis oleoso-spirituosi genio, partim in distinctâ sociatæ substantiæ fixæ gummeo-resinosæ, aut resinoso-gummeæ indolè latet. Nam substantiæ dulces simul demulcent & abstergunt, & subjecta igitur, quæ ejusmodi principio fixo instructa sunt, majores vires pectorales exserunt; substantiæ fixæ amaræ magis roborant, validè usque urinam pellunt, & subjecta hujus commatis aliis, respectu virtutis stomachalis, anthelminthicæ, antifebrilis, &c. præferenda sunt, & fixæ denique substantiæ austeriusculæ modicè adstringunt, & roborantem proinde, stomachalem, aliasque virtutes

augment. Singularem quoque annotationem *siccum* atque *volatile principium camphoratum* meretur, quod multis plantis aromaticis & balsamicis inesse, suprà demonstratum fuit. Hoc quippè, purum tamen & a reliquis principiis perfectè separatum, singulari planè modo, quem alibi fusiùs explicabo (a), notabile refrigerium corpori affert; sub nativâ autem mixtione cum cæteris resolvendi ac discutendi vires mirificè intendit.

§. V.

Solida modi operandi, viriumque generalium cognitio, usum specialissimum facilè manifestum reddit, & inde protinùs perspicere licebit, quod aromatica & balsamica in omnibus profutura sint morbis, quorum causæ potiores ad imbecilitatem, flacciditatem, nimiamque humiditatem partium solidarum, vel etiàm ad liquidi nervei penuriam, depressionem caloris naturalis, abundantiam partis seroso-lymphaticæ, & sanguinis, cæterorumque humorum crassitiem, viscositatem, inertiam ac variam impuritatem, adeòque in genere ad torpidam solidorum contractionem, languidumque humorum circuitum, & imminutas aut planè suppressas se- & excre-

(a) Cap. de Camphora.

tiones redeunt. Quarè specialius quoque huc referri merentur debilitas memoriæ, vertigo idiopathica, apoplexia pituitosa, affectus soporosi, coryza, cephalalgia rheumatico-catarrhalis, hemicrania, paralysis membrorum, lipothymia, & syncope, otalgia, odontalgia seroso-pituitosa, tinnitus (a), & adhuc magis susurrus aurium, obauditio, surditas, imbecilitas visus, incipiens gutta serena, & cataracta, ophthalmia serosa, melancholia, epilepsia præsertim idiopathica, nec minus raucedo, tussis, dyspnoea, asthma pituitosum & cachecticum, catarrhus suffocativus, colica & cardialgia verè flatulenta, vitia digestionis & appetitus, obstructio hepatis, lienis ac mesenterii chronica, hydrops ascites, passio hypochondriaca & hysterica, defectus & suppressio fluxus menstrui, lochialis, & hæ-

(a) Non promiscuè aromatica & balsamica calidiora in aurium tinnitu locum inveniunt. Nam, quotiès hic affectus forti sanguinis, a partibus inferioribus ad partes superiores congestioni originem debet, impetuosum affluxum magis augent, quàm minuunt, adeoque magis nocent, quàm prosunt: Sin verò a copioso impuritarum mucidarum decubitu, indeque nascente multorum cerebri vasculorum obstructione dependet, validè discutiunt, resolvunt, aperiunt, roborant ac multum itaque ad tinnitus curationem conferunt.

morrhoidalis,

morrhoidalis, fluor albus, sterilitas, partus difficilis, retentio placentaë uterinaë, prolapsus uteri & intestini recti, impotentia virilis, vomitus, diarrhoea, lienteria, coeliaca, cachexia simplex & icteritia, affectus scabiosi, venerei, scorbutici, rheumatici & frigidi arthritici, vermes, febres intermittentes, & continuæ catarrhales atque malignæ, immò, varia venena animalis ac vegetabilis profapiaë, & morbi complures alii, quos rationalis pathologiæ gnari facilè determinare poterunt.

§. VI.

Præter indicatum multiplicem & egregium usum internum, pleraque amplissimum quoque externum obtinent, & opem omninò eximiam discutiendo ac roborando ferunt, quandò in debilitate capitis & memoriæ, coryzâ & gravedine rebeli, hemicraniâ, cophosi, imbecillitate visûs, nec non in paralyfi membrorum, doloribus arthriticis & rheumaticis, affectibus oedematosis, tumoribus glandularum, odontalgia, colicâ, anasarca, tympanitide, inflammationibus erysipelaceis, aliisque, debilitate ligamentorum, &c. sub formâ epithematum siccorum, sacculorum, cucupharum, vel in vulnere quoque atque ulcerum in-

flammationibus, contusionibus, & puncturis nervorum cum vino calido applicantur. Creberrimè quoque pulveres dentifricios, & cyprios, nec minùs cataplasmata, decocta travmatica, unguenta, linimenta, emplastra, suffumigia, gargarismata, in laxitate uvulæ, anginâ spurriâ, stomacace &c. maximè proficua, itemque balnea, pediluvia, & infusus uterinos, in sterilitate, fluore albo, suppressione mensium &c. nonnumquàm utilissimos, ingrediuntur.

#### §. VII.

Cognitis præcipuis ægritudinum speciebus, quibus pharmaca hujus classis primumque egregiè medentur, facilè pariter subjecta, quibus nocent, nec minùs morbi, in quibus nullum locum inveniunt, eognosci poterunt: Non conducunt nempe, præsertim calidiora, hominibus biliosis, cholericis atque plethoricis, nec tutò quoque exhibentur in morbis, qui ex nimia fibrarum siccitate atque strictione, contractione solidorum justò celeriori, ac fortiori, defectu feri, & partium biliosarum, aliarumque salino-oleoso-inflammabilium abundantia, nec minùs congestionem, ebullitionem atque orgasmum cruoris, & inde necessariò promanante motuum augmento proficiscua

tur. Secundùm summum tamen rigorem memorata nequaquàm intelligenda sunt. Varii enim dantur morbi, qui proximè quidem & immediatè ex motibus solidorum exorbitantibus nascuntur, & fortiora nihilominus commoventia non solum ferunt, sed etiàm ad sui curationem postulant, quoniam virulenta scilicet, corrupta, ac simul valdè tenax materia quædam, vel fluidis mixta, vel tubulis minoribus hinc inde pertinacissimè inhærens, præternaturali motuum augmento occasionem præbet, & solida sensibilia atque elastica continuis stimulis ad violentiorem contractionem tamdiù impellit, donec penitùs per apta organa excludatur; quemadmodum hæc febrium quarundam, venenorum animalium ac vegetabilium, dysenterix, colicæ, cardialgiæ, immò epilepsix & morborum similium curatio abundè probat. Sub cuiuscunque enim morbi curatione verâ medicus rationalis non tantùm de mitigando motu præternaturali, & profligandâ causâ formali, sed simul quoque de corrigendâ causâ materiali sollicitus esse debet, quoniam hæc illam ordinatio producit, & hac igitur præsentē ac perdurante, illa cessare nequit.

## CAPUT III.

*De radicibus Zedoaria, Zingiberis, atque  
curcumæ.*

## §. I.

**Z**EDOARIA, Zedoaire *gittiver*, *gittiver-burhel*, quæ etiam *Zaduaria*, *Zadura*, *Zadera*, *Zerumbeth* SERAPIONIS &c. vocatur, in *rotundam* ac *longam* distinguitur. Hæc virtute illam nonnihil superat, & unice proinde in Officinis nostris venalis prostat. Radix est brevis, compressa, quodam modo tuberosa paucis solummodò fibris intertexta, crassitie digiti minoris, colore foris albido, ad luteum, aut fuscum, aut gryseum vergente, intus subfusco aut cinereo-subluteo, odore fragrantè, camphorato, sapore aromatico & amaricante. Rotunda plerumque colorem griseum obtinet, quoad reliquas verò proprietates cum longâ convenit, præterquàm, quòd debilior sit, & minorem substantiæ camphoratae quantitatem in mixtione foveat. Nonnulli utramque uniûs ejusdemque plantæ radicem esse, & rotundam caput quasi seu partem radicis superiorem, longam verò truncum seu partem inferiorem constitue-

re, perhibent; alii ex adverso, quorum relationi major in hoc passu fides habenda sit, distinctarum prorsus plantarum radices judicant, & plantam, quæ ex longâ progerminat, ac folia, iridis aut cannacori junioris foliis haud dissimilia, habet, *Zingiber latifolium sylvestre*, alteram vero, rotundæ nimirum radice pro-  
geniem, *Colchicum Zeylanicum* vocant. Crescunt in Chinâ, Bengalâ, Ma'abariâ, Ceyloniâ, aliisque Indiæ orientalis locis, optima tamen Zedoariæ longæ species ex insulâ Ceyloniâ affertur.

§. II.

Radix Zedoariæ longa bonæ notæ, hæc integra, recens, carie nondum correpta, ponderosa, compacta, parum fibrosa, & intus saturato colore fusco-cinereo donata, *copiosis ac valdè activis* gaudet *principiis*, tam *volatilibus oleoso-spirituoso-camphoratis*, quàm *fixis resinoso-gummeis*. Oleum æthereum, cujus unica circiter drachma ex integrâ Zedoariæ librâ obtinetur (a), crassiusculum est ac ponderosum, & quoad maximam idè partem in aquâ descendit. Portio, quæ primum expellitur, limpida & comparative levior existit, deinde autem viridescens

(a) Vid. Teumanni Prælect. chemico-pharmaceut. p. 1212.



tandemque nigricans sequitur. Principium spirituoso-camphoratum non tantum ex ipsius radice & aquæ destillatæ odore fragrantissimo camphorato cognoscitur, sed ita quoque humidâ destillatione ac sublimatione, præsertim ex radicibus recentibus (a), separari potest, ut in conspectum veniat, & vera camphora substantialis, quanquam tenerissima, sub squamularum tenuissimarum, albicantium ac splendentium formâ, aquæ superficiei passim innatet. Substantia fixa gummosa resinosa sapore & odore camphorato, adeoque etiam activitate medicâ superat, & majori præterea quantitate inhæret. In unâ enim radice uncia binæ circiter drachmæ, totidemque scrupuli substantiæ gummosæ, & vix scrupulus unus aut drachma dimidia substantiæ puræ resinosæ latent. Infusum aquosum colore fusco, sapore subacri, amaro & camphorato gaudet, eundemque, quem ipsa radix contusa, odorem naribus imprimit. Extractum, inde paratum, longè debilius est, & odore fermè caret; manifesto documento, partes præcipuas, volatiles nempe oleoso-camphoratas, sub evaporatione abiisse in auras. Infusum spirituosum colorem flavo-rubicundum ob-

(a) Conf. Miscell. A. N. C. G. Ann. IX. & X. Obs. 196. no. 14.

rinet, & sapore amaro atque acri aquo-  
sum superat, odore autem & sapore cam-  
phorato multo inferius reperitur. Eadem  
pariter de extracto inspissato dicenda  
sunt, præterquàm, quòd hoc longè ma-  
jori amaritiæ & acrimoniâ præditum in-  
veniat, & eminentem igitur fervoris  
sensum aliquandiù in linguâ ac faucibus  
relinquat.

§. III.

Vires medicæ hujus radicis maximè  
quidem volatili principio oleoso-cam-  
phorato adscribendæ sunt, valdè nihil-  
minùs activitatem ejus fixa quoque prin-  
cipia resinoso-gummea augment. Militat  
inter efficacissima, tametsi paulò calidio-  
ra, medicamenta *discutientia*, *sudorifera*,  
*alexipharmaca*, *pectoralia*, *cardiaca*, *stoma-  
chalia*, *carminativa*, *anthelmintica* & *ute-  
rina*, ac, ritè usurpata, eximium subinde  
auxilium in morbis exanthematicis, fe-  
bribus malignis & catarrhalibus, affecti-  
bus frigidis rheumaticis cachecticis &  
oedematosis, tussî & asthmate pituitoso  
anxietatibus præcordialibus, dyspepsiâ,  
dysforexiâ, vomitu, diarrhoeâ muscosâ,  
cardialgiâ & colicâ verè statulentrâ, fluo-  
re albo, suppressione mensium chronicâ,  
partu difficili, & placentæ uterinæ reten-  
tione præstat. Incolæ Ceyloniæ tanti cam-

æstimant, ut omnibus fermè medicamentis aliis præferendam ducant. Addunt proinde singulis præparatis suis, & multi recentem, ad corrigendam ventriculi imbecillitatem, cum oryzâ comedunt: Alii farinam ejus cum jusculo bibunt, alii illam manducant, & halitu, quem ore emittunt, culices, aliquaque insecta alata, in regionibus orientalibus noctu valdè molesta, abigunt, imò nonnulli, saltèm manu tenent, aut, amuleti instar, collo suspendunt, & hac quoque ratione corpus suum contrà morbos varios, maximè autèm putridos conragiosos, optimè sese tueri credunt (\*). Exhibetur in essentiâ & infuso vinoso, & creberrimè paritèr pulveres, electuaria, pilulas, atque potiunculas ingreditur. In substantiâ datur à paucis granis ad scrupulum semissem, in infuso vinoso autèm à drachmâ dimidiâ ad integram. In officinis quoque radix condita prostat, quæ remissior est, & majori proinde quantitate assumi potest. Externè inter cataplasmata, vulneribus, venenato cruore aut putrido ichore turgidis, imponenda, nec minùs inter decocta anthelmintica recipitur.

(\*) Conf. Miscellan. A. N. C. G. Dec. II. Ann. 3. Obs. 208.

## §. IV.

Cum Zedoariâ quoad multa ZINGIBER  
 sive ZINGIBER *Gingembre* convenit :  
 Radicem enim sistit brevem, tuberosam,  
 nodosam, ramosam, paululum compres-  
 sam, ac multis fibris donatam, coloris  
 intus albicantis aut flavofusci, foris ab-  
 bidi, sublutei, aut fusco-rubescens,  
 saporis valdè acris aromatici, odoris fra-  
 grantis quidè, ast debilioris, ac minùs  
 camphorati, quam Zedoaria. Planta, *Zin-*  
*giber angustifolium*, *Zingiber semina*, item-  
 que, ob foliorum similitudinem, *Iris la-*  
*tifolia tuberosa flore albo* dicitur, & in mul-  
 tis indiae orientalis insulis ac regionibus  
 non tantùm sponte crescit, sed hic pa-  
 ritèr, & in Americâ in locis calidis ac  
 simul humidis studiosè colitur. Zingiber  
 sylvestre, absque culturâ in tractibus pa-  
 lustribus adolescens, sativo ignobilius  
 existit, & huic igitur, intuitu usûs me-  
 dici, postponendum est.

## §. V.

PAULUS HERMANNUS (a), ali-  
 que Zingiberi naturam alcalinam tri-  
 buunt; ast citrà idlud fundamentum so-  
 lidum. In naturali enim mixtione ejus,  
 præter inertes partes terreas, nil, nisi te-

(a) Vid. Cynos. Mat. Med. p. 10.

*nerrinum principium spirituofo-camphoratum, oleum æthereum, & fixa substantia refinofogummea*, demonstrari potest, immò, sub destillatione siccâ, & nativæ mixtionis destructione, non merum sal alcalicum, novè genitum, sed simul quoque multum acidi prodit. Siccum principium camphoratum ex radicibus vetustioribus & diutissimè exsiccatis conspicuâ mole vix quidè, aut ne vix, separari potest, in Indiâ tamen cum recenti Zingibere sylvestri optimè id succedere 10. OTTO HELLBIGIUS testatur (a) Oleum substantiale æthereum, cujus unica circiter drachma ex integrâ Zingiberis librâ, humidâ destillatione elicitur, valdè temperatum est, ac multum in hoc passu à longè calidiori Zedoariæ oleo differt. Substantia fixa resinosa ac gummea arctè invicem mixta est, & difficilimè igitur prior extractionis ope à posteriori separatur: Infusum aquosum primum colore flavescente, sapore acri, urente, & ipsius Zingiberis odore gaudet. Inspissatum extractum odore fermè destituitur, saporem tamen valdè acrem ac fervidum obtinet. Pendet, si una radicis uncia recepta fuit, circiter drachmas duas. Infusum spirituosum primum, cum æquali Zingiberis:

(a) In Misc. A. N. C. G. Ann. IX. & X. Obs. 196.

quantitate, blandæ digestionis beneficio paratum, colorem saturatè aureum, odorem debilem, qui magis spiritum vini, quam radicem prodit, & saporem vehementissimè urentem, atque pungentem possidet. Extractum, quòd plerumque drachmam semissem, vel scrupulos duos pondere æquat, coloris flavo-subfusci est, & naribus debilem odorem, linguæ autem saporem fervidum atque acerrimum imprimit.

## §. VI.

Zingiber, & si saporis acredine valdè præpolleat, ob blandam nihilominus olei essentialis, seu principii activi potioris, indolem, Zedoariâ longè temperatius deprehenditur, & operationem suam magis irritando & incidendo, quàm commovendo, in corpore exercet. Jure igitur inter medicamenta *stimulantia*, *attenuantia*, *stomachalia*, *carminativa* & *aphrodisiaca* referendum est, quæ toties imprimis utilissima reperiuntur, quoties motus ventriculi peristalticus, aliarumque partium contractiones languent, & ob pravam idèò esculentorum digestionem larga impuritatum viscidarum ac flatuum generatio accidit. Plerumque, condimenti loco, jusculis, aliisque ciborum generibus additur, & subinde etiam pulve-

res, electuaria, infusa vinosa, &c. ingreditur. In substantiâ non facilè ultra scrupulum dimidium, præsertim apud subjecta sicca, macilenta, cholericâ, exhibendum est. conditum verò, quod pariter in Officinis prostat, majori dosi assumere licet.

## §. VII.

Zingiberi atque Zedoariæ, ob formam atque naturam, immò ipsius plantæ, similitudinem, CURCUMÆ RADICEM *Vilvivurhel*, *Curcumen*, quam nonnulli etiam *Zingiber flavum*, *Crocum Indicum*, *Crocum rerrestrem*, itèmq; *Terram meritam* &c. vocant, eodem capite jungere, nullus debito. Dividitur in *longam* & *rotundam*. Longa, quæ in officinis nostris præcipuè venditur, & rotunda, intuitu usûs medici, longè præstantior judicatur, oblonga, nonnihil tuberosa, nodosa, ac ponderosa est, colore foris subluteo, intus croceo, in vetustiori tamen valdè ad puniceum vergente, odore aromatico, naribus quorundam paululùm ingrato, sapore pingui, subacri & subamari-cante. Rotunda atque perfectè tuberosa, respectu coloris, odoris & saporis, longè valdè quidè analogâ existit, minùs tamen aromatica, & ignobilioris, uti dictum, indolis deprehenditur, adeò

*de Balsamicis & Aromaticis.* 37  
que rarissimè in usum medicum trahitur.

§. VIII.

Passim in *Indiâ orientali*, maximè in *Malabariâ*, *Cananor*, *Calecut*, &c. crescit, indeque ingens ejus quantitas ad Europæas non minùs, quàm Asiaticas & Africanas gentes evehitur. Planta, cujus folia Cannæ Indicæ junioris folia ratione formæ æmulantur, inter Zingiberis species numeratur, & ideò etiàm *Zingiber flavum* dicitur. Radix longa, quæ sola officinalis est, ex *partibus terreis*, *resinosis*, *gummosis*, *oleosis*, & *spirituoso-camphoratis* componitur, Camphora substantialis in radice sicciori difficiliùs demonstratur; ex recenti verò, præsertim copiâ majori experimento adhibitâ, interdum conspicuâ, tametsi valdè exiguâ, mole educi potest. (a) Oleum æthereum, quod aureo colore & satis forti sapore & odore pollet, parcissimè quoque inhæret, & integra radicis libra vix scrupulum unum vel drachmam semissem largitur. Infusum aquosum primum coloris flavo-spadiceum est, linguæ saporem amaricantem ac nauseosum balsamicum, naribusque ipsius radicis odorem imprimit. Extractum, inde post inspissationem resultans, odore curcumæ, colore fusco, ad nigredinem ver-

(a) Conf. Misc. N. C. G. l. c.



gente, & sapore blandè aromatico, amaricante, & falso, qui postremus fortissimus est, donatum reperitur. Ex uncia unâ paratum, binas fermè drachmas pondere æquat. Infusum spirituosum primum sese elegantissimâ rubedine commendat, digitos tamèn, latera vitri, vasa argentea &c. croceâ flavidine tingit, odore magis spiritum vini, quam curcumam, prodit, & gustu exploratum satis acre, aromaticum ac simul nauseosum deprehenditur. Docent hæc examina, principium gummosum ac resinofum quantitate fermè æquali, & adeò quoque mixtum inhære, ut alterum ab alteriûs consortio extractione perfectè liberari nequeat: Immo, ex speciali eductorum contemplatione pater, activitatem hujus radicis non soli principio volatili oleoso-spiritoso, sed simul quoque fixo gummeo-resinoso adscribendam esse.

## §. IX.

Blandè resolvendo, abstergendo, commovendo ac discutiendo in corpore agit, & in ictero proinde, præsertim cachectico, inertia bilis, affectibus flatulentis, febribus intermittentibus, hydrope ascite, nephritide pituitoso-sabulosâ, fluore albo, obstructione mensium, partu difficili &c. efficacissima ac plane speci-

fica deprehenditur. In Indiâ orientali ab incolis plerisque inter præcipua esculentorum condimenta refertur, & cibis ferè omnibus, croci aut Zingiberis loco, additur. Apud nos pulveres, infusa vinosa, & electuaria, immò emplastra & unguenta roborantia ac discutientia &c. ingreditur. Dosis in pulvere à granis aliquot ad scrupulum unum, in infuso autem à scrupulo semisse ad drachmam integram ascendere potest.

---

#### C A P U T IV.

*De radicibus Cyperi & Galangæ.*

##### §. I.

**D**Uplex CYPERI radix in Officinis prostat, *longa* nimirum & *rotunda*. *Souchet long*, *Souchet rond*. Hæc olivæ magnitudine est, scabra, multis fibris tenuibus, passim, pilorum quasi instar, ex capite prodeuntibus, instructa, colore foris ferrugineo aut rufo, intus albo vel ex albido nonnihil flavescente aut rubescente, vel subfusco, sapore subacri, amaricante, ac blandè aromatico, odore grato, & in recentiori satis fragrante. Illa autem oblonga reperitur, tenuis, nodosa, geniculata, contorta, fractu diffi-

cilis , coloris in externâ superficie fusconigricantis , intùs albidì , odoris grati , & saporis , æquè ac præcedens , subacris , amaricantis & aromatici. *Cyperus rotundus* in *Ægypto* , *Syria* &c. spontè circà flumina crescit ; longus verò *Indiam orientalem* præcipuè agnoscit patriam , licet ignobilior quoque species in *Siciliâ* , *Italiâ* & *Galliâ* hinc indè obvia sit. Uterque cæteroquin ad plantas graminifolias ac junciformes pertinet.

## §. II.

Alii *cyperum longum* , alii *rotundum* præstantiorem judicant , ast differentiam respectu virtutum non adedè magnam esse , examina chimica quodammodò ostendunt. Utraque enim radix , præter *odoratum principium oleoso-spirituosum* , ejusdem fermè indolis *substantiam fixam resinoso-gummeam* possidet , & *terreis* imprimis *partibus* scatet. Oleum substantiale , ob exiguam , quâ inhæret , quantitatem , separari nequit , nisi magna radicis quantitas unâ vice humidæ destillationi subijciatur ; quare præsentiam ejus ex fragrante aquæ abstractæ odore suspicari magis , quam demonstrare licet. Infusum rotundæ aquosum colore aureo , odore faris fragrante , sapore modicè amaricante & aromatico gaudet , & post inspissatio-

nem extractum relinquit coloris sordide ferruginei, odoris debilis fragrantis, saporis amari & aromatici, quod, ex integrâ unciâ separatum, circiter drachmas duas, totidemque scrupulos pendet. Infusum spirituosum primum colore aurantio est, odore magis, spiritum vini, quam radicem, prodit, & sapore satis acri, atque amaricante pollet. Extractum colore fusco-rubente, odore debili aromatico, sapore subacri & amaro donatum est, ac linguæ sub degustatione pertinaciter adhæret. Ex unciâ radicis unâ circiter drachmas duas, totidemque scrupulos obtinui.

§. III.

Infusa & extracta, ex radice cyperi longâ leni digestionem & evaporationem parata, à prioribus parùm distincta reperiuntur: Nam infusum aquosum primum, licet colore obscure rubro, ad nigrum vergente, tinctum sit, eundem odorem & saporem, quem præcedens aquosum, obtinet, præterquam, quod amarities paulò major deprehendatur. Extractum inspissatum magis differre videtur: Colore enim fusco-nigricante, & sapore subacri, amaro, & subadstringente pollet, odore autem penitus fermè destituitur. Minori præterea quantitate gummosam

hanc substantiam in radice cyperi longâ adesse, manifestum est, quoniam extractum, etiamsi eadem radice portio extractioni adhibeatur, nondum quinque scrupulorum pondus perfectè explet. Infusum spirituosum primum colore flavo-rubescente sese commendat, &, præter debilem odorem balsamicum, saporem amaricantem & aromaticum possidet. Parum itaque vel nihil ab infuso spirituofo radice cyperi rotundæ differt. Massa inspissata coloris flavo-ac rubro-fusci est, & odoris, fermè instar rob sambuci, debilis balsamici, saporis amari & aromatici. Ex unciâ radice unâ separatam, drachmas duas & aliquot grana pender.

## §. IV.

GALANGA MAJOR & MINOR *grosser uno fleiner valgan*, cyperi radicibus valdè analoga deprehenditur. Minor, quæ præstantior est, radicem sistit tuberosam, nodosam, crassitie digiti minoris, colore foris spadiceo, sive ex fusco rubescen-te, pallidioribus geniculis circularibus hinc inde distincto, intus rufo, aut ex rufo-albicante, odore fragrante, & sapore acri, aromatico, ac paululum subadstringente præditam. Planta in *China*, & aliis quibusdam *Indiæ orientalis* tractibus crescit, ibidemque, teste HERMANNO

(a), *Lagondi* dicitur. Nonnulli minorem hanc galangam etiâ *Galangam Chinensem*, itemque *Cyperum Babilonicum* vocant.

§. V.

*Galanga* major cum minore maximam partem convenit, præterquàm, quod pollice ut plurimum crassior sit, & ingratiore odore ac sapore, adeoque ignobiliore etiâ indole medicâ gaudeat. Rariùs igitur, ob rationem indicatam, in usum medicum trahitur, & in paucissimis saltèm officinis hodie venalis prostat. Planta *Banchabe* nuncupatur, ac sponte in *Malabariâ*, *insulâ Javâ*, *Sundâ* &c. provenit.

§. VI.

Mixtionem naturalem galangæ minoris, quam solam ulteriari contemplationi submittam, principium spirituofo-camphoratum, parùm olei essentialis ætherei, copiosa substantia gummea, resinosa parciùs mixta, & multe partes terreae inertes ingrediuntur. Partes spirituofo-oleosæ non tantùm ex odore fragrante patent, sed humidâ etiâ destillatione demonstrari possunt, etiamsi integra radicis libra vix drachmam unam olei substantialis red-

(a) Lib. cit. p. 8.

dat. Sicca substantia camphorata rarissimè in conspectum venit, nisi major radicis recentis (a) quantitas destillationi subijciatur. Infusum aquosum primum odore fragrante, sapore subacri ac paululùm aromatico, & colore fusco-rubente gaudet. Inspissatum, receptâ radicis uncia unâ, circitèr drachmas duas, totidemque scrupulos pendet, & satis acrem atque urentem saporem possidet. Infusum spirituosum primum, ex æquali radicis quantitate paratum, debiliori quidè odore, quàm aquosum, pollet, saporem tamen acri ac fervido longè istud superat, & rubro prætereà colore sese commendat. Post blandam evaporationem binos plerumque scrupulos massæ rubro-fuscæ relinquit, quæ primò subadstringentem & aromaticum, deinde, piperis acerrimi instar, tam mordacem atque urentem saporem linguæ imprimit, ut duo grana, aliquamdiù in ore detenta, apud subjecta ficciora ac sensibilia faucium atque palati inflammationem excitare possent, credam. Notatu quoque dignum est, extracti utriusque superficiem subindè splendentibus ac valdè acribus miculis salinis passim conspersam cerni; unde ingentis acredinis ratio quodammodò innotescit.

(a) Conf. Miscell. A. N. C. G. Ann. IX. & X. Obs. 196.

§. VII.

Militat hæc radix, quæ in substantiâ seu pulvere, à granis aliquot ad scrupulum unum, in infuso vinoso autem à scrupulo uno ad drachmam integram exhiberi potest, inter activa medicamenta *nervina cephalica, stomachalia, carminativa, antifebrilia* atque *uterina*, & eminentem igitur virtutem in vitiis digestionis & appetitûs, diarrhæâ, vomitu, lienterîâ, cœliacâ, affectibus frigidis flatulentis, debilitate capitis ac visûs, vertigine, paralyâ, epilepsiâ cacochymicâ, suppressione mensium, fluore albo, doloribus post partum, cachexiâ, febribus intermittentibus quotidianis & quartanis &c. exferit. Externè cucuphas, & sacculos roborantes ingreditur.

---

C A P U T V.

*De Radice Iridis Florentina.*

§. I.

**R**ADIX IRIDIS sive IREOS FLORENTINÆ, Iris de Florence. *Florentinische Violett-Burzel*, oblonga est, nodosa, tuberosa, pollicem crassa, paululum compressa, foris candida, fuscis ta-



men punctulis passim ornata, intùs verò vel perfectè albicans, vel, præsertim quoad partem medullarem, ex albido-flavesçens. Odorem, repurgata scilicet & exsiccata, spargit subtilem, gratum, balsamicum, odori florum violæ Martiæ simillimum, & manducata saporem, ex amaricante, subacri, & nonnihil pingui mixtum, linguæ imprimit. E terrâ vix extracta, cortice tegitur rubente, multis fibris, seu radiculis circumquaque instructo, quo detracto, radix aliquantulum siccatur, ut à citiori carie atque corruptione immunis evadat. Post exsiccationem facilè triturâ in pulverem redigitur, farinæ ex albo flavescenti haud dissimilem, qui, naribus attractus, mucum potenter incidit, & sternutationem provocat.

## §. II.

Planta, quæ *Iris Florentina flore albo*; itèmque *Iris Illyrica* dicitur, in variis *Italia* provinciis, & campestribus imprimis atque montanis *Hetruria* tractibus, spontè ac sine culturâ crescit, nec rarò pariter in multis *Germaniæ*, aliarumque *Europæ* regionum hortis sativa ac culta visitur: Testibus quoque plerisque rei medicæ scriptoribus, in insulis *Rhodo* & *Cypro*, nec minùs in *Lybiâ*, *Macedoniâ*, *Dal-*

*matiâ* (a) &c. provenit. Olim, intuitu nempè usûs medici, radicem Iridis Illyricæ & Macedonicæ præstantissimam judicabant, nostrâ verò ætate Florentinæ radix, quæ ab Illyricâ parùm vel nihil differt, & vulgari nostrate solummodo candidior, compactior, atque odoratiores existit (b), reliquis omnibus præfertur.

§. III.

Circà principia constitutiva, præsertim activa, hujus radice apud plerosque materiæ medicæ scriptores altum observatur

(a) Vid. Valentini Hist. simpl. reform. Lib. II. Sect. 2. Cap. 20.

(b) » De Iride Florentinâ, HEUCHERUS  
» scribit, & Illyricâ benè observes velim, quod  
» vix differant, nisi floris odore, qui in Floren-  
» tinâ fragrantior, & colore, qui in eadem can-  
» didissimus! in Illyricâ pallidè coeruleus - - -  
» Iris quoque alba Florentina à vulgari flore albo  
» specie diversa non est, differentia sola est in  
» radicibus, quæ in Florentinâ majores, crassio-  
» res, solidiores, candidiores, odoratiores; ut  
» a leo rectè Joh. Bauhinus diversitatem regioni  
» calidiori adscribat. Sic fœniculum dulce in no-  
» stras regiones translatus paulatim in vulgare  
» degenerasse ipsi observavimus. Fortè etiâ Flo-  
» rentina dicta sationi primam suam originem  
» debuit; nam ab eodem semine proveniunt iri-  
» des flore odorato, & inodoro. Vid. Ejusd.  
» Novos Proventus Horti med. Acad. Viteberg.  
p. 11.

silentium. L E M E R Y quidè̃m, pro more suo, de *copioso oleo & sale essentiali* loquitur, & alii *pinguedinis, terræ levis, farinaceæ, porosæ, absorbentis*, nec non *salis acris* mentionem faciunt: Attamen nullus indè̃ perspicuus & sufficiens conceptus nascitur, & instituta ex anima chemica potius docent, radicem hanc ex *subtili terrâ farinaceâ, paucâ substantiâ resinosa*, ac paulò *lurgiori gummosa* sive *salino-mucilagineâ*, quibus omnibus *tenerrimæ, odoriferae, particula oleoso-spirituosæ exhalabiles* mixtæ reperiuntur, compositam esse. Terra insipida, farinacea, maximam ponderis partem constituit, & ordinariò in unciâ radicis unâ quinque drachmas superat. Oleum essentialè æthereum minimâ quantitate inhæret, nec quicquàm, nisi magna radicis quantitas recipiatur, sub destillatione humidâ prodit. Quum octo enim radicis, antea probè maceratæ, uncias in arenæ balneo ex cucurbitâ destillarem, nil, nisi aquam, odore violaceo ac debili sapore balsamico imbutam, cui frustula discerptæ cuticulæ pinguis, & paucissimæ miculæ oleosæ innatabant, in receptaculum translatum fuisse, deprehendi.

## §. IV.

Substantia fixa gummosa, cujus quinque

que circiter scrupuli radicis uncia innati  
reperiuntur, substantia oleoso-resinosa,  
quæ minori quantitate adest, & binos  
scrupulos plerumque pondere æquat,  
adeò remixta est, ut notabilis ejus portio  
sub primâ digestionem cum spiritu vini si-  
mul extrahatur. Infusum aquosum palli-  
dè flavescens est, saporis amaricantis,  
moderatè acris, ac paululùm nauseosi,  
odoris violacei; Extractum verò colo-  
rem sordidè fuscum, saporem ama-  
ricantem, lenissimâ saltèm acredine  
mixtum, & gratum odorem obtinet.  
Sub evaporatione odor violaceus nares  
constanter replet: manifesto documen-  
to, odoriferum principium evapora-  
bile copiosè in fixâ hac substantiâ de-  
litescere. Tinctura spirituosâ prima colo-  
re flavescente, odore violaceo, & sapore  
amaricante, acris, ac temperatè balsamico  
pollet. Acredo, brevi interjecto tempo-  
re, sese eminentiùs manifestat, tantaque  
deprehenditur, ut, piperis instar, for-  
tem in faucibus ardoris sensum excitet.  
Quandò tinctura hæc spiritûs abstractione  
aliquâ in cucurbitâ concentratior reddi-  
tur, moleculæ quædam spissiusculæ resi-  
noso-oleosæ, superficiem innatantes, in  
conspectum veniunt, quæ, cochleari ab-  
latæ, in loco frigidiusculo paululùm coa-  
gulantur, & teneriorem ac liquidiorẽ

massam resinofam referunt , accedente verò calore leniori ad pristinam fluiditatem redeunt , & degustatæ aromaticum , pinguem , ac valdè acrem saporem linguæ imprimunt. Extractum , ex integrâ residuæ tincturæ mole paratum , coloris fusco-flavescentis est , & quoad saporem & eminentem acredinem cum descriptâ massâ resinoso-oleosâ innatante convenit. Unde constat, radicis activitatem parti oleoso-resinosæ præcipuè adscribendam esse.

## §. V.

Sub destillatione siccâ , adeoque violentâ nativæ mixtionis destructione , ex radice hac primò *aqua limpida* , deinde *liquor flavescens* , tandemque *liquor bruneo-rubens* & *saturatè spadiceus* , cum notabili portione *olei nigri empyreumatici*, prodeunt; in retortâ autem caput mortuum nigrum , iners, terrestre , quod , receptis quinque radicis unciiis , binas fermè uncias pendet , relinquitur. Liquor flavescens debili saltèm sapore acidulo gaudet , in succedente verò liquore fusco-rubente aciditas tanta reperitur , ut acetum vini , nisi acore , certè tamèn acrimoniâ , superet. Postremum quoque hoc liquidum cum alcalicis vividè effervesceat , & cutem , si guttula instilletur , colore flavo, aliquam-

diù pertinacitèr inhærente, tingit. Oleum empyreumaticum, simul ex prædictâ radicis quantitate prolectum, ac postea à liquore, cui innatat, separatum, ad drachmæ pondus & ultrà plerumque ascendit.

§. VI.

In genere huic radici vires leniter *commoventes*, *discutientes*, *resolventes*, *abstergentes*, *aperitivæ*, *diureticiæ*, *antaciæ* atque *anodynæ* competunt. Mediante enim principio, subtili, exhalabili, balsamico, blandè discutit, ac lenem virtutem anodynam exferit: Mediante autem substantia fixiori resinoso-gummea, & oleosâ spissiusculâ acriori, humores commovet, mucositates validè attenuat, & abstergit, partesque solidas, præsertim nervoso-membranaceas, adeò vellicat, ut fortiori ac vegetiori nisu in humores agant, & hac ratione circuitum non minùs, quam fluiditatem eorum augeant. Et terra denique farinaceâ, quæ, extractâ portione solubili, relinquitur, acidum, primæ culinæ inimicum, nonnihil destruit. Ob varias igitur vires hæc generales ad profligandos multos morbos valet, ac valdè imprimis in debilitate capitis, atque ventriculi, fœtore oris, tussi, asthmate pituitoso, affectibus flatulentis, torminibus ventris, præsertim apud infantes

(a) obstructione atque tumore hepatis, lienis, glandularum meseraicarum, suppressione fluxûs menstrui, calculo & epilepsiâ infantili sese commendat, immò, contrà gravedinem, coryzam, hemicraniam rebellem, cachexiam icteritiam, hydropem, febres intermittentes, & continuas catarrhales atque malignas, venena animalia, diarrhœas, & plures ægritudinum species alias, quæ per blanda diapnoica, abstergentia, ac diuretica maximè curanda sunt, & copioso inprimis mucò, in ventriculo, intestinis, aliisque cavitatibus hospitanti, aut firmiùs etiam canalibus impactò, natales debent, multùm ægris auxilii ferre deprehenditur. Optimè datur in pulvere, apud adultos à scrupulo dimidio ad integrum, apud infantes à granis aliquot ad scrupulum semissem; commodè tamèn etiam inter infusa vinosa, à drachma dimidia ad integram & ultra, recipitur.

(a) » Usus ejus, BERNH. VALENTINI  
 » in *Hist. simpl. reform.* p. 117. scrib. præcipuè in  
 » omnibus pectoris affectibus, a tenaci pituitâ  
 » oriuntis, valde est decantatus, quippè quam  
 » resolvit, & ad faciliorem ejectionem idoneam  
 » præstat. Id quod in renellorum infantum tussi,  
 » torminibus, aliisque affectibus cum emolu-  
 » mento fit eo majori, quoniam pulvis, ad ali-  
 » quot grana datus, interdum etiam lenissimum  
 » vomitum excitat, &c.

## §. VII.

Externè, sub formâ pulveris grossioris aut subtilioris adhibita, exsiccando, validè incidendo, abstergendo, discutiendo, ac stimulando agit, & frequentissimè proinde inter pulveres errhinos, ptarmicos, dentifricios, cyprios, erysipelaceos, sacculos, nervinos, & species pro cucuphis recipitur. Subindè etià à chirurgis felici effectù ossibus cariosis, & ulceribus fistulosis, laxis, ichorosis &c. inspergitur, ut carnem luxuriantem absumat, & absorbendo humidum acre corrigat, adeòque consolidationem adjuvet.

---

## CAPUT VI.

*De Calamo Aromatico & radice helenii.*

## §. I.

**C**ALAMUS AROMATICUS sive ACORUS VERUS OFFICINARUM, *Calmus*, *vetervurhel*, radicem sistit oblongam, in superficie nonnihil geniculatam, fungosam, colore foris ex albedo aut subflavo rubescente, intùs albicante, sapore acri, aromatico, amaro, & odore admodùm fragrantè præditam. Planta loca humida, palustria, amat,



ac passim copiosè crescit. *Acorus Indicus* seu *Asiaticus* sese ab *Europæo* solâ radice distinguit, quæ, teste HERMANNO (a), tenuior est, compactior, in superficie crebriùs geniculata, & saporis quoque, atque odoris gratioris.

## §. II.

*Copioso* quidè̃m *principio spirituofo*, & *copiosa* paritèr *substantiâ fixâ resinoso-gummeâ*, ast *pauco* saltè̃m *oleo substantiali æthereo* radix calami nostratis instructa est, quarẽ eminens odoris fragrantia magis mobilissimis partibus spirituosis, quàm oleo æthereo, cujus unica circiter drachma, vel interdum bini duntaxat scrupuli integræ radicis libræ inhærent, in acceptis ferenda erit. Infusum aquosum primum, colore aureo tinctum, fragratem odorem spirat, & balsamico ac valdè amaro sapore gaudet. Inspissatum massam ex flavofuscam relinquit; quæ pristinum quidè̃m saporem balsamicum & amarum retinet, odore autem penitùs fermè spoliata reperitur Tinctura spirituofo prima coloris spadicei est, odore magis spiritum vini, quàm calamum aromaticum, prodit, & saporem valdè acrem, pungentem, amaro modicè saltè̃m mixtum, possidet. Extractum inspissatum parùm vel

(a) Lib. cit. p. 5.

nihil a tincturâ differt, præterquàm, quòd mordacitas saporis in illo paulò remissior sit, idemque meliùs, quam tinctura, ipsum calamum sapore referat. Ex unciâ radicis unâ fermè drachmas tres extracti primi aquosi, adeoque maximam partem gummosi, & binas circitèr drachmas extracti primi spirituosì obtinui: Undè apparet, substantiam fixam gummosam longè majori, quàm resinofam, quantitate mixtionem ingredi, & amaritiem radicis præcipuè à parte gummosâ, aromaticam verò acredinem maximè a parte oleoso-resinofâ derivandam esse.

§. III.

Operationem suam in corpore humano validè commovendo, discutiendo, irritando, ac roborando calamus absolvit, quare cautè etiàm apud subjecta, ficca, biliosa, cholERICA, & plethorica in usum vocandus est. Conducit magis subjectis humidis, frigidis atque pituitosis, adeòque in iis quoque morbis, qui ex mucidâ lymphæ dyscrasiâ, lentore humorum & partium solidarum laxitate, oriuntur, multùm auxilii spondet. Pertinent huc varia appetitûs atque digestionis vitia, ex ventriculi flacciditate, & mucì accumulatione persæpè nascentia, nec minùs inertia bilis, vermes intesti-

nales , affectus flatulenti , febres intermittentes quartanæ , cachexia , oedema membrorum , leucophlegmatia , asthma pituitosum simplex & cachecticum , nephreticis pituitosa , scabies humida , fluor albus , sterilitas , torpor veneris , tumores glandularum , coryza diuturna &c. Nonnulli eum specificè quoque contrà scorbutum , hydropem ascitem , febres malignas , pestilenciales , & benignas catarrhales , immò , contrà paralyfin , atque tremorem membrorum , præsertim apud aurifabros , aliosque , qui halitus mercuriales , seu rectiùs , mercurium vivum , igne in halitus resolutum , sæpiusculè intrà corpus recipere coguntur , commendant.

§. IV.

Plerumque in infuso vinoso , à drachmâ dimidiâ ad integram , rarius in aquoso , exhibetur. In Officinis quoque radix condita prostat , quæ cruda longè remissior est , & majori ideò quantitate assumi potest. Externè decocta vulneraria & anthelmintica nec minùs sacculos & epithemata sicca , membris paralyticis , arthriticis &c. applicanda , ingreditur , & interdùm quoque , amuleti instar , contrà aerem corruptum , effluvia contagiosa , & infecta , de collo suspenditur. Ulti-

num hunc usum non reprobo quidem, credo tamèn, radicem, hanc per intervalla manducatam, grassantibus morbis malignis, corpus à contagio certiùs, quam sub amuleti formâ, immune præstituram esse.

§. V.

RADIX HELENII, sive ENULÆ, Enula campana, *Aulnée Ulan-Burbe*, quam calamo aromatico hoc capite jungam, crassa est, oblonga, foris subfusca, intùs pallida, contactu pinguis, saporis amari & subacris, odoris fragrantis, paululùm ingrati. Planta, vulgò *Enula campana*, itèmque *Helenium* &c. nuncupata, in hortis colitur, & passim quoque in locis sylvestribus provenit.

§. VI.

Quanquàm dissecta enulæ radix valdè pinguis deprehendatur, parùm tamèn, vel nihil, olei substantialis ætherei in mixtione fover: Nam integra libra sub destillatione humidâ ne guttulam olei reddit, sed aquam transeuntem mobilis duntaxat principio spirituofo impregnat. Notatu quoque dignum est, nos unquàm, adhiberi nimirùm majori radicis quantitate, in alembico, quin ipsâ aquâ, materia cujusdam camphoratae moleculas an-

conspectum venire, quæ formâ externâ flosculos nivales æmulantur, & partim aquæ innatant, partim alembici ac rostri lateribus adhærent. B. NEUMANNUS ex radicis libris duabus drachmam unam & scrupulum dimidium obtinuit, eamque spiritu vini quidè, neutiquàm verò aquâ, solvi testatur (a).

## §. VII.

Penuriam olei *copiosa principia fixa resinoso-gummea* compensant, & præcipuam radici activitatem largiuntur. Substantia gummosa resinofam quantitate superat, & in unâ radicis unciâ fermè ad unciam dimidiam ascendit, resinosa ex adverso circitè drachmam dimidiam aut duos scrupulos pondere æquat. Infusum aquosum primum nonnihil turbidum est, colorem tamèn flavescens possidet, & odore ac sapore ipsam radicem refert. Post evaporationem massam, odoris debilis, saporis moderatè balsamici & amari, coloris alibi albicantis, alibi ex albido flavescens, alibi ex flavo-fusci, relinquit. Infusum spirituosum primum dilutè aureo colore gaudet, odore partim radicem, partim vini spiritum prodit, & satis acrem atque amarum saporem linguae imprimat. In extracto inspissato co-

(a) In Prælect. chemicis p. 880.

Ior aureus adhuc saturatior & amarities fortior existit, acredo autem nonnihil imminuta deprehenditur. E quibus colligere licet, activitatem hujus radicis magis resinosa, quam gummosa substantia adscribendam, & acredinem quoque à principio volatili, quod sub evaporatione maximam partem in auras dispergitur, simul derivandam esse.

§. VIII.

Inter activa medicamenta *discutientia*, *diaphoretica*, *sanguinem purificantia*, *alexipharmaca*, *stomachalia*, *carminativa*, *pectoralia*, *antiscorbutica*, *vulneraria* &c. locum sibi vindicat, & frequentissime proinde, nec sine insigni plerumque emolumento, in infuso vinoso aut aquoso, vel subinde etiam in decocto, à drachmâ dimidiâ ad dracmas duas, contra affectus flatulentos, cachecticos, catarrhales, frigidos rheumaticos, scorbuticos, & scabiosos, tam benignos, quam malignos, nec minus contra tussim & asthma puitosum, hydropem ascitem, chlorosin, fluorem album, profluvia alvina, febres intermittentes & continuas malignas, praesertim exanthematicas, paralyzin, imbecillitatem ventriculi, visus ac cerebri, melancholiam &c. praescribitur, immò multum quoque ad expellenda venena animalia.

& sananda ulcera ac vulnera valet. Externè inter unguenta, atque decocta traumatica & anthelmintica recipitur.

---

## CAPUT VII.

*De radice Serpentaria Virginiana & Valeriana.*

### §. I.

**R**ADIX SERPENTARIÆ seu VIPERINÆ, VIRGINIANÆ, Serpentaire de Virginie ou Viperine virginienne, *Virginianische nater-oder Cchlangen-Burzel*, tenuis est, fibrosa, foris gryseo-aut luteo-fusca, intùs albicans, saporis acris, amaricantis & camphorati, odoris aromatici, ac pariter camphorati. Affertur ex *Americâ*, præsertim *Virginia*, & *Aristolochiæ* sive *Pistolochiæ* species est; hinc planta etiàm a Botanicis non tantùm *Serpentaria* ac *Viperina*, sed etiàm *Aristolochia* & *Pistolochia Virginiana* vocatur.

### §. II.

Prætèr egregium principium volatile spirituofo-camphoratum, quod ex odore satis cognoscitur, multas quoquè partes resinoso-gummeas continet: olei substantiis verò nihil indè destillando elicitur, nisi magna

quantitas unâ vice dictæ operationi sub-  
jiciatur. Infusum aquosum saturatè fusc-  
cum est, odorem spirat balsamicum cam-  
phoratum, & sapore amaro, leniter bal-  
samico & camphorato gaudet. Extrac-  
tum, indè blandâ evaporatione partum,  
nigricans est, odore rob sambuci æmu-  
latur, & amarum, subacrem, balsami-  
micum atque camphoratum saporem ob-  
tinet. Uncia radicis una binas circitèr  
drachmas suppeditat. Tinctura spiritiuosa  
prima aurantii coloris est, saporis acris,  
amaricantis, camphorati, odoris nonni-  
hil saltèm balsamici. Massa inspissata,  
quæ sub evaporatione fortem odorem  
balsamico-camphoratum spirat, colorem  
flavo-fuscum, odorem aromaticum, &  
saporem amarum, subacrem, & nonni-  
hil camphoratum obtinet. Superat acti-  
vitate extractum aquosum, & ex uncia  
unâ circitèr drachmam unam pendet.

§. III.

Ab incolis Virginie magni hæc radix  
æstimatur, quoniam sese simplici hoc re-  
medio contra virulentissimos anguium  
quorundam morsus egregiè tueri possunt,  
Apud nos inter *diaphoretica*, *diuretica*, *ro-  
borantia*, *carminativa*, *anthelmintica*, &  
præstantissima *alexipharmaca* atque *purifi-  
cantia* numeratur, & specificè imprimis



in peste, aliisque febribus malignis, scorbuto, anginâ spurâ, affectibus soporosis & apoplecticis seroso-pituitosis, refractariâ febre quartanâ & quotidianâ &c. magnoperè prodesse, ac multùm quoque ad destruenda venena animalia, & variolas, aliaque exanthemata expellenda valereprehenditur: A largo tamen atquè frequenti ejusdem usu in morbis paulò calidioribus abstinere decet, ne justò fortiùs commovendo & irritando noceat. Plerumquè in infuso vinoso, à scrupulo uno ad drachmam integram, præscribitur, & subindè quoquè pulveres & electuaria ingreditur. Tinctura, cum spiritu vini parata, calidioris indolis est, & saltem à guttis 10. ad 20. 30. 40. propinatur. Externè, grossiusculè contusa, speciebus pro faculis discutientibus & nervinis miscetur, nec rarò quoque decoctis vulnerariis additur.

## §. IV.

RADIX VALERIANÆ, *Valrian-Burhel*, Racine de Valeriane, divitur in *Hortensem*, *Sylvestrem majorem*, & *Sylvestrem minorem*. *Hortensis* crassa est, rugosa, in superficie geniculata, foris gryseo-fusca, intùs pallida, saporis subacris & aromatici, odoris fragrantis ingrati. Planta in hortis colitur, & *Phu magnum*,

de Balsamicis & Aromaticis. 63  
*Valeriana Pontica*, *Phu Ponticum*, *Valeriana hortensis* &c. dicitur. *Sylvestris major* tenuis, atque fibriosa est, & foris colore fusco, intus cinereo aut subflavo-albicante, odore aromatico atque simili etiam sapore donata reperitur. Fibrae seu radicae minores ex capitulo crassiori prodeunt. Planta, quam *Valerianam sylvestrem majorem*, *Phu Germanicum*, *Phu majus vulgare* &c. vocant, in locis humidis sylvestribus crescit. *Sylvestris minor* sive *palustris* cum sylvestri majori maximam partem convenit, praeterquam, quod radicae adhuc tenuiores sint, & saporem magis amaricantem, quam aromaticum, obtineant.

§. V.

Respectu virtutis *radix Valerianae sylvestris majoris* reliquis speciebus praefenda est, & frequentius proinde in usum trahitur. Continet *activa principia spirituosa* & *fixa resinoso-gummea*, oleum substantiale autem in ea vix, aut ne vix, demonstrari poterit. Infusum aquosum primum coloris fusco-nigricantis est, fortem atque specificum radice odorem eructat, & saporem amaricantem ac valde nauseosum possidet. Massa inspissata coloris nigricantis est, odorem sat fortem ac valde nauseosum spirat, & saporem dulcama-

rum, seu potius amaricantem, aliquâ in principio dulcedine mixtum, linguæ imprimit. Tinctura spirituosa prima, colore obscurè aureo, odore ingrato, & sapore acri atque balsamico gaudet. Inspissata extractum coloris ex fusco-nigricantis, odoris debilis balsamici, & saporis subacris, aromatici, atque amari, relinquit. Major activitas, quod sapor testatur, in extracto spirituofo, magis resinoso, quam in extracto aquoso, magis vel unicè gummoso, later. Ex uncia radicis unâ drachmas duas & grana 35. extracti primi aquosi, & drachmam unam cum semisse extracti primi spirituosi obtinui.

## §. VI.

Viribus medicis radici *Serpentariæ* valde analoga est, in operando tamèn longè remissior deprehenditur, & eximiam imprimis ac planè specificam activitatem in imbecillitate visûs, incipiente cataractâ, & epilepsiâ monstrat. Antepilepticam virtutem dudùm *FABIVS COLUMNAS* (a) laudavit, eamque postea, præter complures alios *Dominus MARCHANTIUS* (b) ulteriùs confirmavit, & novis exemplis planè evictam dedit. Multis enim ho-

(a) In Hist. plant. cap. de Phu Diosc.

(b) Vid. Memoir. de l'Acad. Royale des Sciences. ann. 1706.

minibus, ætatis diversæ, qui truculento huic morbo ab infantiâ, vel per longum tamèn tempus obnoxii fuerant, radicem pulverisatam, præmissis laxantibus, semel, vel iteratâ etiâ vice, ad drachmam unam, tam felici exhibuit successu, ut plerique perfectam sanitatem, alii notabilem ad minimum symptomatum mitigationem inde reportaverint. Apud infantes & delicatiores pulveris dosim minuere, & eo sæpiùs eundem propinare præstat; nec opus quoque est, ut in quovis morbo, cui opitulari solet, in pulvere exhibeatur, sed subinde vino quoquè infundi, immò inter decocta recipi potest: Cetto tamen certius est, radicem pulverisatam in affectibus epilepticis efficacissimè operari. Externè traumaticis accensetur, & humidis epithematibus vinosis, quæ, præsentè visus debilitate, atque glaucommate, & imminente cataractâ ac guttâ serenâ &c., oculis imponuntur, persæpè additur. Nonnulli antimagicam quoque atque magneticam illi virtutem tribuunt, & amuleti instar de collo suspensam, febres intermittentes imprimis profligare credunt: Verum enim verò, putatitias hæc vires superstitionis sobolem esse, medicos rationales facillimè cognituros spero.

## CAPUT VIII.

*De radicibus Imperatoria , Angelica , levistici , atque mei.*

## §. I.

**I**MPERATORIÆ RADIX, *Meister-Burhel*, *racine d'Imperatoire*, crassa est, oblonga, & geniculata, foris fusca, intus alba: aut ex albido-flavescent, odoris admodum fragrantis aromatici, saporis acris & amari. Dissecta hinc inde numerosas vesiculas, materiâ oleoso-resinoso-gummeâ repletas, ostendit. Planta *Imperatoria*, *Astrantia*, *Ostrutium*, *Magistrantia*, *Smyrnium hortense*, *Laserpitium Germanicum* &c. appellatur, & in *Austriâ*, *Styriâ*, *Helvetia*, *Comitatu Tyrolensi*, & montibus *Tridentinis* spontè crescit, apud nos autem plerumque in hortis colitur.

## §. II.

Radix recens, & carie, cui valdè obnoxia est, nondum corrupta, *copiosis partibus resinoso-gummeis* & *paucis quoque oleosis athereis* instructa est. Nam libra radicis una circiter drachmam semissem olei, octo propemodum uncias substantiæ gummosæ, & binas, immò tres uncias sub-

stantiæ resinosa reddit. Infusum aquosum primum nonnihil turbidum est, coloris fusci, odoris, instar ipsius radicis, fragrantis, saporis satis amari, & quodammodò nauseosi cui post aliquam moram lenis acredinis sensus jungitur. Inspissatum suppeditat massam ex fusco-nigricantem, saporis amari, odoris debilis, & instar rob sambuci, nonnihil balsamici. Præter amaritiem, tandè aliquam etià acido percipitur. Tinctura spiritiosa prima colore dilutè aureo, odore valdè fragrante, & sapore amaricante ac longè acriori, quàm infusum aquosum, pollet. Extractum, post evaporationem relictum, colorem saturatè aureum, odorem ipsius radicis, & saporem amarum ac valdè acrem obtinet: Undè manifestum evadit, virtutes hujus radicis primariò principiis spirituoso-oleoso-resinosi adscribendas esse, etiam si multò minori quantitate, quam substantia gummosa, inhæreant. Quicquid enim circà copiam deficit, abundè indole calidiori, & eminenti acredine compensatur.

§. III.

Efficacissimum, & subindè planè egregium medicamentum *carminativum*, *stomachale*, *pectorale*, *diureticum*, *uterinum* &

*alexipharmacum* est ; cautè nihilominùs ; modicè , & apud humida saltem , frigida , & torpidioris naturæ subjecta , præfente causâ materiali magis frigidâ , quàm calidâ , in usum vocanda est. Conducit maximè in debilitate ventriculi , pituitosis cruditatibus onusti , cardialgiâ ac colicâ verè flatulentâ , diarrhoeâ mucidâ , febre intermittente quotidianâ & quartanâ , suppressione urinæ , calculo , nephritide pituitosâ , hydrope , fluore albo , suppressione mensium chronicâ , asthmate , cachexiâ , peste , ac pluribus morbis , quorum curationi paulò calidiora aromatica , balsamica & amara tutò impendi possunt. Locum etiâ inter anthelmintica , & travmatica obtinet , nec parùm subindè in refractariâ viscerum obstructione , & morbis catarrhalibus prodest. Internè plerumque in infuso vinoso , aut aquoso à drachmâ dimidiâ ad drachmas duas , præscribitur , & crebrò pariter inter electuaria recipitur. Externè multùm valet ad scorbotumoris , intumescentiam glandularum salivalium , & ulcera ac vulnera impura curanda , si pulveribus , gargarismatibus , decoctis &c. addatur.

## §. IV.

Imperatorix radice temperatior , adeoque etiam præstantior est RADIX ANGE.

LICÆ SATIVÆ ODORATÆ MAJORIS, *Unge-  
Diäen-Heilige-Ceist-Brust-Burhel. Racine  
Angelique.* Multas hæc ipsa fibras seu ra-  
dices minores è capite crassiori emittit,  
quæ, æquè ac ipse truncus seu caput, co-  
lore foris subluteo-ferrugineo, intùs al-  
bicante, punctis hinc indè ex fusco-fla-  
vescentibus distincto, odore fragrante  
aromatico, sapore acri & amaricante,  
gratâ quadam dulcedine mixto, pollent.  
Præter angelicam sativam hortensem ma-  
jorem, in officinis etiàm RADIX ANGE-  
LICÆ MINORIS SYLVESTRIS prostat, quæ  
præcedente sativâ, respectu virium, nisi  
superior, certè tamèn non inferior est,  
& spontè in *Helvetiæ, Bohemiæ, Norvve-  
giæ, Lapponiæ, Islandiæ* &c. montibus ac ru-  
pibus progerminat. Septentrionalis mon-  
tana censetur optima: Huic Bohemica  
& Helvetica, & hisce denique vulgaris  
sativa succedit. Longè faciliùs adhuc,  
quàm Imperatoriæ radix, ob junctam  
dulcedinem, cariota redditur; hinc sem-  
pèr integram, recentem, ac probè resi-  
nosam ad usum seligere præstat.

§. V.

Activis principiis *oleoso-spirituosis, resi-  
nosis* ac *gummeis* instructa est. Olei essen-  
tialis ætherei quantitas in integrâ librâ,  
raro ad drachmam unam ascendit, fixa



autem principia eo majori copiâ mixtionem ingrediuntur, & uncia radicis una plerumque drachmas tres extracti aquosi, & drachmas duas extracti spirituosî primi largitur. Infusum aquosum, quod luteo colore est, balsamico-subdulcem saporem possidet, & odore suo radicem quodammodò æmulatur, etiamsi tam debilis sit, ut simplex paulò difficilius inde cognoscatur. Massa inspissata, cujus color saturatè fuscus est, odore adhuc debiliori gaudet, & aromaticæ duntaxat dulcedinis sensum in linguâ excitat. Tinctura spirituosa, dilutè aurea, radicem ipsam valdè redolet, & acri, balsamico & amaricante sapore, qui longè majoris, quam in priori, activitatis index est, donata reperitur. Massa inspissata ab infuso vix distincta videtur, præterquàm, quòd color flavus ad fuscum vergat, & aromatica acredo longè adhuc potentior sit adeoque morificatione suâ linguam ac fauces fortiùs afficiat.

## §. VI.

Medicaminum præstantissimorum auget numerum, & *bezoardicâ* inprimis, *antiscorbuticâ*, *carminativâ*, *pectorali*, & *uterinâ* virtute sese commendat. Operationem suam partim irritando & discutiendo, partim abstergendo ac demulcendo

absolvit. Virtus demulcens subdulci principio gummoso, vires reliquæ partibus resinoso-oleoso-spirituosis primariò adscribendæ sunt. Imperatoriæ radici ubivis substitui potest, immò eidem, ob indolem longè temperatiorem, in casibus ple-  
risque, maximè autèm in scorbuto, affe-  
ctibus flatulentis, & pectoris pituitosis, passione hystericâ, & febribus malignis præferri meretur. Datur in infuso vinoso & aquoso, à drachmâ dimidiâ ad drach-  
mas duas, & subindè etiàm in decocta & infusa theiformia recipitur. Externè in-  
ter masticatoria antiputredinosa, anti-  
scorbutica, anticatarrhalia & prophyla-  
ctica, locum habet, & frequentissimè  
etiàm gargarismata, contrà odontalgiam,  
& tumores glandularum salivalium præ-  
scribenda, nec minùs decocta, unguen-  
ta, epithemata & cataplasmata, discu-  
tientia, roborantia, carminativa, trauma-  
tica, atque alexipharmaca, ulceribus scor-  
buticis, ac venenatis vulneribus, punctu-  
rà aut morfu inflictis, applicanda, ingre-  
ditur.

§. VII.

RADIX LEVISTICI, sive LIGUSTICI  
VULGARIS, *Livesche ou ache de Montagne*,  
*Liebståetel-Burhel*, crassa est, oblonga, in  
multas fibras rectas ac satìs quoquè crassas

divisa, coloris extrinsecùs subfusci, intùs albicantis aut pallidè flavescentis, odoris fragrantissimi, saporis subdulcis, subacris & blandè aromatici. Facile, & intra modicum tempus, æquè, ac radices præcedentes, pulverulenta atque cariosa evadit. Planta ordinariò in hortis seritur, & apud Botanicos etiàm *Angelica major*, *Laserpitium Germanicum* &c. audit.

## §. VIII.

Præter copiosum principium spirituosum, quod sese maximâ odoris fragrantia manifestat, parùm quoque olei, ac multùm substantiæ fixæ resinoso-gummeæ in mixtione fovet. Oleum essentiale æthereum in integrâ radicis librâ drachmæ pondus rarissimè excedit, substantia fixa autèm, præsertim gummosa, quantitate longe majori inhæret. Infusum aquosum primum; saturatè aureum, odorem spirat debilem, & balsamino suldulcem saporem obtinet. Massa inspissata, quæ ex uncia radicis circitèr drachmas tres pendet, vix distincta est, & majori solummodò dulcedine balsamicâ, & colore obscuriori, nimirùm subfusco, seu flavo-fusco pollet. Tinctura spirituosa, cujus color aureus est, odore radicem æmulatur, & acris atque balsamici saporis sensum in lingua excitat. Extractum inspissatum, quod, integra

tegrâ pariter radicis unciâ receptâ, drachmas duas & scrupulum dimidium pondere æquat, quoad odorem cum infuso convenit, respectu saporis & coloris autem aliquantulum differt, dum subfusco-flavum est, saporem subdulcem & aromaticum possidet. Notatu quoque dignum est, extracto huic, cum evaporando jam ad consistentiam mellis redactum esset, materiam paulò liquidiorē, pinguem, resinoso-oleosam, valdè aromaticam, innataisse, quæ massæ reliquæ activitatem præcipuè largiri videbatur: nec proflus silentio prætermittendum est, dulcedinem in extracto aquoso radicis levistici majorem, acridinem contrà aromaticam extracti spirituosi multò minorem fuisse, quam apud similia extracta radicis angelicæ.

§. IX.

Virtute *carminativâ*, *peëtorali*, *diureticâ* & *uterinâ* multa simplicia hujus commatis superat, & specificè imprimis in affectibus colicis & cardialgicis, aliisque flatulentis, cachexiâ icteritiâ, tussi, asthma-  
te, calculo, ardore & suppressione urinae, malo hysterico, obstructione mensium & lochiorum, cæterisque morbis, in quibus radix angelicæ prodest, convenit. Datur in infuso vinoso, rariùs in de-

cocto aut infuso theiformi aquoso , à drachmâ unâ ad duas , immò unciam dimidiam. De usu externo eadem prorsus , quæ de radice angelicæ dicta fuerunt , memorare licet.

### §. X.

Cum Levistici radice , quoad formam externam , odorem & saporem , adeoque etiam quoad principia activa ac vires , RADIX MEI sive MEU , MEUM *Barvurhel* , perfectè convenit , præterquàm , quòd minori dulcedine , majori ex adverso acredine donata sit. Planta , quæ etiàm *Anethum sylvestre* , *Anethum tortuosum* , *Fœniculum ursinum* &c. dicitur , spontè in montibus & pratis siccioribus crescit. Iisdem morbis , quibus levistici radix , medetur , in operando tamen potentior existit , & paulò minori proinde dosi præscribitur , præsertim apud illa subjecta , quæ vertigini obnoxia sunt , & fragrantiora medicamina perferre nequeunt. Externè , grossiusculè contusa , & cum vino cocta , mammis , ad tumores duros discutiendos , imponitur.



## CAPUT IX.

## De Radice Carlinae.

## §. I.

**R**ADIX CARLINAE sive CARDUI  
ANGELICI FLORE SESSILI,  
*Carline Chamæleon*, *Ebervurhel*, radix  
oblonga est, digiti ut plurimum crassitie,  
colore foris pallidè ferrugineo, intùs ex  
flavo aut fusco albicante, odore fragrante  
ingrato, sapore subacri ac debili balsa-  
mico. Spontè in tractibus *Helvetia*, *Bohe-  
mia*, *Moravia*, *Thuringia* & *Hercynia* mon-  
tanis atque apricis crescit, indèque in  
Officinas nostras sat magnâ copiâ trans-  
mittitur. Facile in superficie situm con-  
trahit, posteaque carie corrumpitur, nisi  
effossa probè siccetur, & sicco pariter lo-  
co asservetur.

## §. II.

*Copiosas partes resinosas ac gummeas, pau-  
cas verò spirituofo-oleosas possidet. Portio  
essentialis oleosa portioni resinosæ tam  
altè immersa est, ut altera ab alterâ pri-  
mæ destillationis & extractionis ope per-  
fectè separari nequeat. Ex librâ radicis  
unâ circitèr scrupuli duo, rarissimè drach-*

ma integra eliciuntur. Hoc oleum, quod paulò fortio-rem ignem ad sui separationem postulat, ob partium quarundam resinorum miscelam, in aquâ fundum petit, & spissioris consistentiæ est, adeòque temporis successu fluiditatem suam penitus amittit, & in balsamum crassiusculum condensatur, nisi maturè novâ destillatione humidâ à mixtis particulis resinosis, quæ, substrato igne moderato, in vesicâ remanent, separetur. Rectificatione laudatâ perfectè fluidum redditur, & aquæ postea innatat, multùmque virtutis obtinet, immò reliquis principiis intimâ unione suâ præcipuam activitatem conciliat (a).

## §. III.

Infusum aquosum primum ipsam radicem nonnihil redolet, & valdè debili ac parùm grato sapore balsamico pollet. Color ex flavo-et rubente subfuscus est. Extractum flavo-brunnum vix præstantius existit, licet uncia radice una dimidiam fermè unciam, vel ad minimum drachmas tres largiatur. Major virtus in parte resinosa latet. Nam infusum spirituosum primum, quod aureo colore gaudet, subacrem, &, ipsius radice instar, ingrâtè balsamicum saporem linguæ impri-

(a) Conf. Neumann. Lib. cit. p. 671. seq.

mit. Ejusdem fermè conditionis extractum inspissatum deprehenditur; quippè quod colore saturate aureo, ad rufum nonnihil vergente, odore debili balsamico, & sapore subacri & amaricante præditum est. Uncia radicis unâ duas circiter drachmas mihi reddidit.

§. IV.

Inter medicamenta *sudorifera*, *alexipharmaca* & *anthysterica* non infimum locum occupat, & in peste imprimis, febribus malignis exanthematicis, affectibus scabiosis, passione hystericâ, & sopore præternaturali effectus planè singulares edere traditur. Nonnulli etiâ specifice illam contrâ tremorem membrorum, à mercurialibus ortum, commendant; quæ virtus, si eventus expectationi respondet, unicè in diaphoresi, quam præstat, rationem suam habere videtur. In decocto & infuso aquoso aut vinoso datur à drachmâ unâ ad drachmas duas & ultrâ. Externè decocta traumatica, contrâ scabiem imprimis adhibenda, ingreditur.





## CAPUT X.

*De Melissa & Basilio.*

## §. I.

**M**ELISSA CITRARIA, seu MELISSA HORTENSIS ODORE CITRI, *Mélisse citronelle, Melisse, Citronen-Melisse, Herbrpraut* ubique in hortis colitur, & à Botaniciis persæpè etiàm *Melissophyllum, Meliphyllon, Cetrago, Citronella, Cedronella, Apiastrum* &c. nuncupatur. Folia, quæ præcipuum in medicinâ usum invenerunt, oblonga sunt, acuta, in margine paululùm incisa, nonnihil aspera, atque obscurè viridi & splendente colore tincta, sapore subacri ac blandè balsamico, odore citrino gratissimo.

## §. II.

Principiis planè eximiis, *temperatis nempe*, & nihilominùs *efficacissimis, partibus volatilibus oleoso-spirituosis, & fixis resinoso-gummeis* natura hanc plantam, præsertim folia donavit. Oleum substantiale æthereum non adèdè magnâ quidèdè quantitate ingenitum reperitur, penuria tamen indole nobilissimâ abundè compensatur, & HERMANNUS (a) idèdè, aliique vo-

(a) L. c. p. 207.

latilia melissæ principia tanti æstimarunt, ut spiritibus corporis humani analoga judicaverint. Volatilibus principiis, intuitu virtutis, pars fixa resinosa, tandèmq; gummosa succedit. Nam tinctura spirituosissima prima, saturatè viridis, vel etiam ex viridi nigricans, ipsius melissæ odorem spirat, & acrem atque balsamicum saporem possidet. Extractum inspissatum nigricans est, odore balsamico quidè, non adè tamèn grato, sapore subacri, amaricante, ac paululùm adstringente. Ex uncia foliorum integrâ drachmam unam cum semisse obtinui. Infusum aquosum coloris quidè ex rubro ac fusco-nigricantis est, & herbam, undè paratum fuit, odore satis prodit, nullo singulari tamen sapore donatum, sed nauseosum ac valdè iners deprehenditur. Alitèr comparatum est cum inspissatâ massâ nigricante; quippe quæ austeriusculum & amaricantem saporem linguæ imprimit, & activitate igitur non prorsùs destituta videtur. Ex æquali foliorum quantitate drachmas duas, totidemque scrupulos impetravi.

§. III.

Operationem suam blandâ commotione, discussione, ac moderatissimâ irritatione & subadstrictione absolvit, nec

parùm fortassis , uti medicorum aliquũ cum vix allegato HERMANNO firmitè credunt , ad partes spirituosas in sanguine & nervis substantialiter augendas confert. Jure igitur inter medicamenta *nervina* , *cephalica* , *cardiaca* , *pectoralia* , *stomachalia* , *carminativa* , & *uterina* , nisi primum , certè tamèn valdè eminentem , locum sibi vindicat , & magnum imprimis atque egregium auxilium in debilitate memoriæ , vertigine idiopathicâ , melancholiâ , epilepsiâ , apoplexiâ pituitosâ , syncope , imbecillitate visũs , flacciditate ventriculi & intestinorum , cardialgiâ , colicâ , passione hypochondriacâ & hystericâ , suppressione mensium , fluore albo , sterilitate muliebri , gonorrhoeâ simplici , tremore & palpitatione cordis , rursi , asthma , & singulis morbis reliquis , ex debilitatione generis nervosi , & partium spirituosarum penuriâ , atque depressione maximè oriundis , ferre consuevit. Optimè propinatur in infuso vinoso , & aquoso theiformi , à pugillo uno ad duos , tres , quatuor. Externè inter infessus uterinos , in passione hystericâ , fluore albo , sterilitate , & mensium defectu valdè proficuos , nec minùs inter balnea nervina , & facculos roborantes ac discutientes recipitur. Recens contusa subindè etiàm vulneribus venenatis , morfu aut

puncturâ ab animalibus rabidis, serpentinibus, viperis, scorpionibus, apibus &c. inflictis, imponitur, ac multùm paritèr ad resolvendos tumores scrophulosos, & purificanda ac sananda vulnera vulgaria valet.

§. IV.

Haftenùs descriptâ melissâ citrariâ, ob principia paulo rudiora ac calidiora, MELISSA ROMANA, TURCICA, & species reliquæ ignobiliores sunt: Hinc eidem quoque in nonnullis saltèm casibus, in quibus potentiore tutò admittuntur, substitui possunt; præstantior tamen melissa Romana, quàm Turcica, quoniam purioribus, ac gratioribus partibus activis volatilibus oleoso-spirituosis, & fixis resinoso-gummeis, adèdque meliori etiàm virtute *nervinâ, cardiacâ, stomachali, carminativâ, & uterinâ* instructa reperitur. Rarò infusa theiformia ingrediuntur, sed ordinario in infuso vinoso, à drachmâ dimidiâ ad integram, exhibentur. Melissa Turcica, quod addendum dūco, sub destillatione humidâ plus olei ætherei reddit, quàm species reliquæ, & indè etiàm calidior ejus in-  
doles præcipuè derivanda est.

§. V.

Melissæ BASILICUM seu OCTIMUM. C.

TRATUM MINIMUM AC MEDIUM VULGATIUS, *Basilic*, *Klein-und mittel-Citronen-Basiliën-Kraut* jungi meretur, quoniam melissæ Romanæ & Turcicæ indole ac viribus valdè analogum est. Utrumque, minimum nempe ac medium vulgatius, apud nos unicè in hortis colitur. Folia, de quibus hoc loco præcipuè sermo est, odorem spirant fragrantissimum, & subacrem atque balsamicum saporem linguæ imprimunt; feminibus tamen, quæ paritèr in medicinâ usum invenerunt, ac multis adduntur compositionibus, naturæ bonitate inferiora sunt. Quondam Physicorum ac Medicorum quamplurimi crediderunt, ocymum citratum, sæpiùs interne exhibitum, aut creberrimè saltem odoris causâ naribus admotum, in corpore humano, præsertim cerebro, scorpiones generare, & multi eâpropter herbam hanc in usum trahere vix ausi sunt: Verum enim verò, traditionem memoratam prorsus fabulosam esse, certior neotericorum experientia, ratione suffulta, docet. Scio quidè, scorpiones amare basilicum, & in calidioribus regionibus, v. g. in Italia, &c. sæpissimè inter folia degere, ibidè, que ovula sua deponere; ast indè nondum sequitur, basilicum scorpionibus in corpore aut extrâ illud generandis aptum esse. Ego ad minimum testari possum,

me herbam hanc frequentissimè adhibuisse, & nunquàm noxios, sed semper salutares, ab usu ejus observasse effectus. Quarè aliis quoque eam commendare, & vires ejus *nervinas, cardiacas, carminativas, pectorales & uterinas* deprædicare nullus dubito. Plerùmque in infuso vinoso, ad unum alterumve pugillum, præscribitur, & subindè etiam, tametsi, ob nimiam fragrantiam, paulò rarius, speciebus pro infuso theiformi additur. Externè inter balnea nervina, infusus uterinos, & sacculos discutientes ac roborantes, æque ac melissæ species, recipitur.

---

## C A P U T XI.

De herba ac floribus *Rorismarini & salvia.*

### §. I.

**R**OSMARINUS, LIBANOTIS CORONARIA, ANTHOS &c. *Romarin, Robmarin*, est planta fruticosa, quæ apud nos in hortis colitur, in regionibus calidioribus autèm, v. g. *Hungariâ, Italiâ, Hispaniâ, Galliâ Narbonensi &c.*, passim in locis sylvestribus provenit. Folia fragrantè ac grato odore aromatico, nonnihil camphorato, pollent, & acrem atque amaricantem saporem lingue imprimunt.

Flores paulò temperatioris indolis sunt, ratione odoris nihilominùs atque saporis cum foliis conveniunt.

## §. II.

Principia activa, tam fixa, quàm volatilia, in foliis & floribus unius quidem ejusdemque naturæ deprehenduntur, majori tamèn copiâ foliis, quàm floribus. inhaerent. Volatilia partim *spirituoso-camphorata* partim *oleosa* sunt, fixa autèm indolem *resinoso-gummeam* obtinent. Tenerimæ substantiæ camphoratae præsentia ex aquæ destillatæ, præsertim vetustioris, odore abundè innotescit, & substantiale oleum æthereum, cujus una circiter, vel una interdum & dimidia drachma ex integrâ foliorum librâ elicitur, aquæ innatat, paululùmque post separationem viridescit. Flores longè adhuc minorem olei quantitatem reddunt, quæ penuria princeps sine dubio activitatis remissioris causa existit: Paucum prætereà hoc oleum magis in calyce eorum, quàm petalis, residet. Folia, primùm cum spiritu vini digesta, infusum largiuntur, ex flavo viride, grato atque specifico roris-marini odore imbutum, & sapore balsamico, amaricante, ac satis acri præditum, quod inspissatum massam relinquit coloris ferrugineo-viridantis, saporis.

instar ipsius rorismarini, subacris, amaricantis ac camphorati, & balsamici quoque, debilioris tamen, nec tam grati amplius, quam antea, odoris. Uncia foliorum dimidia drachmam semissem mihi reddidit. Infusum aquosum primum longe ignobilioris, quam tinctura spirituoſa, indolis est, & debilem duntaxat atque inertem saporem amaricantem possidet, etiamsi saturato colore fusco, ad nigrum & viridem nonnihil inclinante, tinctum sit, & ipsius herbæ odorem eructet. Parum differt extractum, præterquam, quod color nigricans sit, & debili amaritiei aliqua acredo admixta sentiatur. Ex æquali foliorum quantitate drachmam unam & grana 24. impetravi. Instituta hæc examina docent, vires rorismarini præcipuas principio volatili oleoso-spirituoso-camphorato, & fixo resinoso adscribendas esse, in gummoso autem parum vel nihil virtutis latitare.

§. III.

Vires generales, quibus folia & flores rorismarini pollent, *roborantes, nervina, cephalica, cardiaca, pectorales, stomachales & uterinae* sunt; hinc validè etiã aëgris, epilepsiã, vertigine, melancholiã, debilitate memoriæ, sopore præternaturali, cephalalgia chronicã, apoplexiã pituitosã, synco-



pe, paralyſi, imbecillitate viſus, tremore & palpitatione cordis, affectibus pectoris mucosis, flacciditate ventriculi, obstructione menſium, fluore albo, & ſterilitate muliebri, cachexiâ &c. laborantibus, opitulantur. Plerumque in infuſo vinoſo, à pugillo uno ad duos, tres, præſcribuntur, & interdum pariter ſpeciebus pro infuſo aquoſo theiformi, immò decocto, miſcentur. Externè in hemi-craniâ refrectariâ, aliisq; capitis affectibus, e meningum atque nervorum debilitate præcipuè reſultantibus, nec minùs in paralyſi membrorum, doloribus frigidis rheumaticis, & arthriticis, aphoniâ, raucedine, laxitate uvulae, anginâ ſpurâ, tumore glandularum ſalivalium, ulceribus impuris cancroſis & fiſtuſoſis, ſuppreſſione fluxûs meſtrui, fluore albo, ſterilitate &c. auxilium planè eximium præſtant, quandò, pro morbi & partis affectæ diverſitate, modò inter cucuphas & ſacculos, modò inter pulveres cephalicos aut errhinos, modò inter gargarifmata, decocta, epithemata, balnea, inſeſſus uterinos, & ſuffimigia recipiuntur.

## §. IV.

Rorimarino FOLIA & FLORES SALVIÆ, tam MAJORIS LATIFOLIÆ, quam MINORIS ANGUSTIFOLIÆ, virium præſtantia

perfectè æqui paranda forent, nisi nimia eorum fragrantiam multis subjectis aliquam crearet molestiam : Flores tamèn, sive sint albi, sive pallidè coerulei, ob majorem principiorum teneritudinem, foliis paulò remissiores ac temperatiore reperuntur, & sæpiùs proinde, quàm folia, apud subjecta sensibilia in usum vocantur.

## §. V.

*Principiis spirituoso-camphoratis* salvia magis, quam rosmarinus, abundat, olei ætherei autèm longè minorem quantitatem continet, & integra foliorum libra vix drachmam dimidiam, aut scrupulos duos reddit. Oleum hoc aquæ innatât, & ordinariò post destillationem amœnissimo tinctum cernitur colore viridi, qui, modico tamen tempore elapso, in subfuscum mutatur : Memini quoque, me aliquotiès, præsertim ex foliis adultioribus, appropinquante autumno decerpitis, oleum subflavum accepisse. Infusum aquosum, cujus color fuscus est, odore herbam prodir, & moderato sapore amaricante atque simul camphorato pollet. Extractum inspissatum, quod ex unciâ unâ circiter drachmas duas ac totidem ferme scrupulos pondere æquat, coloris saturate fusci est, ad nigrum nonnihil in-

clinantis, odoris debilis, ferè instar prunorum coctorum, saporis subamaricantis, subsalsi & paululum in recessu adstringentis. Parùm in hoc ipso virtutis latet. Tinctura spirituoſa prima colorem ex viridi nigricantem, odorem solius vini spiritus, & saporem acrem obtinet, ac longè majori, quam infusum aquosum, activitate instructa deprehenditur. Hoc postremum etiàm de nigricante massa inspissatâ, cujus pondus, receptâ æquali foliorum quantitate, nondùm ad quatuor scrupulos ascendit, dicendum erit: Odorem enim balsamicum, non ampliùs tamen salviæ specificum, sed mellis potiùs ac ceræ odorem æmulantem, spirat, & acris, amaricantis atque camphorati saporis sensum in linguâ excitat. Quæ singula satis docent, virtutem medicam præcipuè parti spirituoſo-oleoso-resinosæ ingentum esse, substantiam gummeam verò, per se consideratam, nullum singularem edere posse effectum.

## §. VI.

Folia & flores commovendo, discutiendo, attenuando, ac roborando agunt, & jure maximo inter præstantiora *nervina*, *alexipharmaca*, *antiputredinosa* & *purificantia*, *anticatarrhalia*, *pectoralia*, *uterina* & *traumatica* referenda sunt. Conveniunt:

igitur in singulis fermè morbis, quibus curandis rosmarinus inservit, multùmque imprimis contrà catharros, & ictus mor-  
susque virulentos valent, etiamsi aranæ,  
bufones, immò serpentes plantam hanc  
valdè ament, & folia noxio humore sæ-  
pissimè conspurcare dicantur. Internè sub  
formâ infusi vinosi, à pugillo uno ad  
plures, exhibentur, & flores subinde  
etiàm infusa theiformia ingrediuntur;  
ante infusionem tamèn tam folia, quàm  
flores, ob rationem antea allegatam, aquâ  
abluere decet. Usus externus latius pro-  
pemodùm patet: Miscentur enim specie-  
bus pro facculis, gargarismatibus, de-  
coctis, & balneis, quorum medicami-  
num alia in doloribus arthriticis & rheu-  
maticis, tumoribus oedematosis, &c.,  
alia in laxitate uvulæ, raucedine, angi-  
nâ spuria, intumescentiis glandularum  
salivalium, aphthis benignis & malignis,  
aphoniâ, scorbuto oris, odontalgia, ul-  
ceribus impuris, vulneribus venenatis  
&c., & alia denique in sterilitate mulie-  
bri, fluore albo, aliisque uteri affectibus  
pituitosis ac frigidis cum fructu in usum  
vocantur. Quando aceto infunduntur vir-  
tus antiputredinosa & alexipharmaca,  
præsertim sub usu interno, valdè inten-  
ditur; hinc pestis quoque tempore ace-  
tum ejusmodi inter optima prophylacti-

ca militat, immò, sub ipsâ morbi invasione plus, quam multæ tincturæ, aliaque pharmaca concentrata, præstat.

## §. VII.

Salvæ hortensî SALVIA SYLVESTRIS, quæ etiam *Sclarea Sclarée*, *orvale* itèmq; *Horminum* dicitur, nonnihil quidè análoga est, longè rudioribus tamèn principiis instructa reperitur, ac turò igitur, ob ingentem fragrantiam, & impetuosam prorsùs operationem, internè adhiberi nequit, nullumque ampliùs locum inter medicamenta tueri posset, nisi, speciebus pro balneis & infusibus uterinis addita, in sterilitate, fluore albo, aliisque morbis muliebribus validas & sat eximias vires monstraret. Folia principio pingui camphorato valdè turgida sunt: Sicco enim ac calido æstatis tempore hinc inde in superficie tenerrima, sicca, albidâ, splendentia, corpuscula, quæ foliola, vel potiùs tenues moleculas camphoratas referunt, persæpè concrescunt, & camphorata quoque hæc substantia destillationis humidæ beneficio interdùm ita separare potest, ut sub camphoræ veræ, quamquàm tenerrimæ, formâ, ac consistentiâ quodammodò in conspectum veniat. (a)

(a) Conf. Neumann. Lect. de camphora.

## CAPUT XII.

De Foliis ac floribus Majoranæ thymi, serpilli, atque origani.

## §. I.

**M**AJORANA VULGARIS sive ANNUA. LATIFOLIA, *Marjolaine*, planta notissima est, & in hortis plerisque feritur. Folia, quæ medicis usibus præcipuè destinata sunt, sapore acri, amaricante, aromatico, odore fragrante gratissimo pol-  
lent, & egregiis omninò *principiis vola-*  
*tilibus oleoso-spirituoso-camphoratis, fixisque*  
*resinoso-gummeis* donata inveniuntur. Oleum æthereum, destillatione humidâ separabile, in unâ foliorum librâ circitèr drachmas duas pondere æquat, & plerumque subflavi coloris est. Quando in vitro probè obturato diù asservatur, flores albicantes in eo nascuntur, immò color & consistentia ità quandoque mutantur, ut in corpus salinum concretum videatur; quemadmodum hoc posterius DANIEL CRUGERUS aliquando observavit: Reperiit videlicet in pharmacopolio quodam vitrum, angustissimi orificii, cerâ atque vesicâ probè munitum, & sex unciiis olei majoranæ stillatitii repletum, quod per annos viginti septem in cellâ,

reconditum fuerat, ac totum fermè in-  
sale albicantem transmutatum appare-  
bat. Misit illud Norinbergam, ut SCHRO-  
ECKIUS, paritèr magna hoc intueretur,  
& naturam ejus ulterius exploraret. Con-  
cretum hoc, uti examina monstrabant,  
eodem, quo oleum majoranæ recens,  
odore & sapore pollebat. Cum ferro ca-  
lesfacto pauxillum imponeretur, ad pristi-  
nam olei fluiditatem ac formam redibat,  
ab igne autè denuò remotum ac refri-  
geratum, formæ ac consistentiæ salinæ  
iterùm compos fiebat; rursus tamen, igne  
in ferro memorato admotum, disfluebat,  
tandemquè penitus, relictâ saltèm exi-  
guâ olei crassioris, vel potius massæ resi-  
nosæ portiunculâ, evolabat in auras, &  
sub discessu suo conclave olei majoranæ  
vetustioris ac rancidi odore replebat. Por-  
tio alia, rectificato vini spiritui injecta,  
promptè solvebatur, & solutio, aquâ fri-  
gidâ admixtâ, nonnihil statim lactescebat.  
Cum spiritus in arenæ balneo abstraheretur,  
remanentia clara reddebatur, &  
ulteriori evaporatione partibus aqueis li-  
berata, in massam albicantem, flores-  
que, argenteo quasi nitore splendidos,  
& sapore nonnihil nauseoso præditos,  
concreescebat. Flores hi, iterùm iterùm-  
que aquâ soluti, neque infuso oleo tar-  
tari p. d., neque instillato olei vitrioli,

quicquam ad fundum dejiciebant, ferro calefacto autem impositi, rursus oleosam fluiditatem recuperabant, ac, debilem majoranæ odorem spirantes, paulatim in aerem, exiguâ saltem pulvisculi albicantis parte relictâ, migrabant (a).

§. II.

Principia fixa, quæ æquè, ac in plantis hujus censûs reliquis, ad gummea, ut dictum, & resinosa redeunt, sat magnâ pariter copiâ adsunt. Gummea enim substantia, quæ parùm tamèn activa, in uncia foliorum unâ circitèr drachmas duas & semissem, substantia resinosa autem, cujus activitas longè major est, circiter drachmam unam & scrupulum dimidium pondere explet. Infusum aquosum primum colore fusco est, &, præter debilem ac parùm gratum saporem amaricantem, specificum herbæ odorem possidet. Infussata massa fusco-nigricans nullum amplius odorem singularem diffundit, & amaricante atque subadstringente sapore gaudet. Tinctura spiritiuosa prima coloris ex viridi nigricantis est, odore magis spiritum vini, quàm herbam prodit, & acri aromatico sapore prædita reperitur. Post evaporationem extractum relinquit

(a) Vid. Miscell. A. N. C. G. Dec. 2. ann. 5. Obs. 38.



nigricans , sapore amaro , subacri & subadstringente donatum.

### §. III.

Nervos hæc folia , membranas , ceterasque partes solidas roborant , calorem sanguinis augment , humores viscidos blandè commovendo attenuant , putredinem avertunt , flatus discutunt , & excellentissimâ proindè virtute *cephalicâ* , *pectorali* , *cardiaca* , *stomachali* , *carminativa* , & *uterinâ* pollent. Specificè landantur in debilitate memoriæ , vertigine idiopathicâ , affectibus soporosis , epilepticis , melancholicis , apoplexiâ pituitosâ , amaurosi , incipiente cataractâ , susurru aurium , lipothymiâ , palpitatione cordis , pravâ digestionè , cardialgiâ , & colicâ flatulentâ , tympanitide , asthmate seroso-mucido & cachectico , nephritide sabuloso-pituitosâ , & plerique affectibus uteri frigidis. Præscribuntur in infuso vinoso , rariùs aquoso , ad pugillos aliquot , & frequentissimè etiâ esculentis , condimenti loco , adduntur. Externè cucuphas , pulvres cephalicos , errhinos , ptarmicos , sacculos nervinos , clysteres carminativos & anthystericos , balnea antiparalytica & uterina , decocta vulneraria , gargarismata , immò unguenta , emplastra &c. ingrediuntur.

§. IV.

THYMUS VULGARIS TENUIORE FOLIO ,  
aliàs etiàm *Serpillum hortense* , *Serpillum*  
*Italicum* &c. *petit Serpolet* , ou *Pillolet* nun-  
cupatus , in locis quibusdam *Galliae* & *Ita-*  
*liae* spontè crescit , apud nos autem so-  
lummodò in hortis colitur , & unicui-  
que ob frequentem usum domesticum  
notissimus est. Folia & flores satìs gratum  
odorem aromaticum spirant , & acri at-  
que amaricante sapore gaudent. Folia flor-  
ibus potentiora ac præstantiora censen-  
tur , & frequentius eapropter in usum  
medicum trahuntur.

§. V.

Quoad principia activa , tam fixa ,  
quàm volatilia , cum majoranâ convenit ,  
*largius* tamen *principium camphoratum* , &  
*oleum athereum* longè acrius continet. Hoc  
aureo colore gaudet , si igne blando eli-  
citur ; sin violentior verò ignis gradus  
adhibitus fuerit , saturatâ rubedine tinc-  
tum cernitur. Acrimonia ejus tanta est ,  
ut , parti cutis teneriori illitum , fortem  
ardoris & rosionis sensum excitet , &  
recens naribus admotum , halitu suo vi-  
vidam in iis titillationem , cui persæpè  
sternutatio supervenit , efficiat. Pondus  
ejus in unâ herbæ librâ circitèr ad drach-

mam unam & semissem ascendit. Substantia tenerrima camphorata sub destillatione humidâ cum aquâ & oleo essentiali expellitur, & itâ nonnunquam in illis con-  
 crescit, ut quodammodo sub formâ ac  
 consistentiâ camphoræ vulgaris manifesta  
 evadat; uti hoc ex subjunctâ NEUMANNI  
 observatione, quam *Miscellaneis Societa-  
 tis Regiæ Berolinensis* inseruit, uberius pa-  
 tet (a). Tinctura spiritiuosa prima, ex

(a) » Destillaveram, scribit. Cont. II. p. 72.,  
 » anno 1719. ex dictâ herbâ olei copiam benè  
 » multam. institutâque hujus ab aquâ separatio-  
 » ne cum gossypio, cernebam, tam ad orificium  
 » vitri, quàm in gossypio oleo imbuto, patvos  
 » figuratos crystallulos hærentes, qui ipsam des-  
 » tillationem, alias satis celerem, magis magis-  
 » que remorabantur, adeò, ut necessarium esset,  
 » gossypium contrâ morem aliquotiès renovare.  
 » Mirabar, quid rei novæ & extraordinariæ con-  
 » tingeret, variasque cogitationes agitabam, pa-  
 » rum tamen vel nihil certi eâ de re, unde ve-  
 » nerit, & quid esset, pòteram colligere, lage-  
 » nam igitur oleo plenam benè munitam repo-  
 » nebam. Interim semel excitatæ & conceptæ de  
 » rei novitate cogitationes inquietum me tene-  
 » bant, quare sciendi cupiditate ductus, post  
 » paucos dies resumò lagenam olei, visurus, an  
 » denuò Chrysellulorum quid ad orificium vitri  
 » hæreat, & quantumcunque demùm id fuerit,  
 » per experimenta tamèn parvula probaturus,  
 » cujus indolis illud sit, sed circâ orificium ni-  
 » hil ejusmodi reperiebam, circâ fundum vitri  
 » verò, quod me tantò magis attentum, ne di-  
 » solis

foliis foliis siccatis parata, colorem ex viridi nigricantem, odorem debilem balsamicum, & saporem acrem atque sub-

» cam attonitum, habuit, confedisse vidi Chry-  
» stallos in sic satis magnâ quantitate diversæ  
» magnitudinis, partim avellanas exæquantes,  
» plerasque cubiformes saccharo cando similes.  
» nondum suspicabar Camphoram, sed potius  
» sal volatile, quod præ copiâ herbæ successivè  
» simul transcenderit, & in parte aquo â solu-  
» tum, postquàm hæc fundum petiisset, putum-  
» que oleum supernataret, tandèm ità coaluerit.  
» Effundo igitur oleum, ut sal, quod esse puta-  
» bam, impetrarem, & judicii mei certior fie-  
» rem. Sed denuò in admirationem rapiebar,  
» quod ne guttulam quidem aquæ in fundo in-  
» venirem, ubi consultius nihil erat, quàm  
» magna salinum, à fundo liberare, & ab oleo  
» separatim servare. Quo me igitur ex dubio ex-  
» tricarem, vel potius, ut de sale, quod judi-  
» cando præsumseram, certior essem, tentabam  
» experimentum, quo cuncta sali: cujuscunque  
» indolis & nominis fuerint, probantur; ma-  
» gnâ scilicet quantitatè aquæ destillatæ in-  
» fundebam super materiam crystallinam, sat  
» diu simul agitabam, huic per aliquot horas  
» quieti dabam, solutionem Crystalli per om-  
» nes horæ quadrantes cupidè, sed frustra, ex-  
» pectans; neque enim solutionem, neque ullam  
» mutationem ejus animadvertēbam, præter  
» quod minimæ particulæ in superficiem eleva-  
» rentur, majores verò, quantumvis bene inte-  
» ragitatæ, fundum semper repeterent, & aqua  
» particulis oleosis crystallinæ materiæ adhæren-  
» tibus, sed agitatione liberatis, imprægnata

amaricantem obtinet. Evaporata massam, alibi flavam, alibi ex viridi nigricantem, suppeditat, quæ thymum paululum adhuc redolet, & sapore valdè acri, pungente ac simul camphorato pollet. Huic itaque

» esset. Transfundo aquam, & novâ affusâ, de-  
 » nuò tentabam Crystallorum pro indole salium  
 » solutionem, postquam hi ab adhærente oleo,  
 » quod forsan solutionem ejus in aquâ impediret,  
 » liberari essent, sed pertinacitè solutioni reni-  
 » tebantur, quam neque adhucdum, sæpiùs licet  
 » tentatam, admiserunt. De hinc præoccupatio-  
 » tione de salino concremento planè abjectâ,  
 » conjecturare cepi, quod planè quid aliud, sci-  
 » licet mixtum oleosum, vel quasi resinosum vo-  
 » latile ex oleo condensatum esse debeat: hoc  
 » mecum perpendens sub examen revoco varia  
 » alias existentia mihiq; nota subjuncta, si quod  
 » eorum cum novo hoc comparari queat, & mox  
 » ob similitudinem cogitabam Camphoram; sine  
 » morâ igitur nova quædam, per quæ me magis  
 » certum de re fore sperabam, adornavi, & ecce  
 » rei certus eram, siquidè omnia, quæ modo  
 » feci, experimenta non alia, quam quæ com-  
 » munis camphora suppeditat, phænomena ex-  
 » hibuerunt, undè tandè, utpote, veritatis  
 » convictum, nullo planè dubio relicto, con-  
 » cludere me oportuit, corpus hoc crystallifor-  
 » me aliud nihil, quàm veram esse Campho-  
 » ram, quæ ab orientali non nisi in eo differat,  
 » quod hæc Thymum, illa vero aliud vegeta-  
 » bile redolet, quòd, quia camphoram copio-  
 » sam suppeditat, huc usque nullo alio, quam  
 » Arboris Camphoriferæ nomine indigitatum  
 » fuit, &c.

principio post spirituofo-oleofum, quod potentiffimum eft, primus, intuitu virium, locus assignandus erit. Infufum aquofum, cujus color flavo-subfufcus eft, ipfius herbæ gratum atque fpecificum odorem eructat quidẽm, debili nihilo-minus fapore amaricante præditum, ac fatiẽ ideò iners deprehenditur. Extractum rubro & flavo-fufcum priftino odore maximam partem fpoliatum occurrit, fortiori tamẽn, quàm infufum, fapore amaricante, fubfalfo, & austeriufculo gaudet. Uncia herbæ una mihi drachmas duas & grana fedecim extracti aquofi primi, & drachmam unam & fcrupulos duos extracti fpirituoſi primi reddidit.

## §. VI.

Ob virium analogiam majoranæ commodè, tam internè, quàm externè, fubſtitui poteft, potentiori tamẽn virtute *ſtimulante*, *attenuante*, & *abſtergente* pollet, & plus ideò ad fanguinem congruatum & coagulatum diſſolvendum, lotiumque retentum ac calculum, nec minus fanguinem menſtruum, ſecundinas & fœtum mortuum pellenda & expellenda valet. Eminentiore quoque effectum in morbis ſerofo-pituitofis catarrhalibus capitis, partiumque reliquarum edit. Datur in infuſo vinoſo ad pugillos aliquot

& subindè paritèr speciebus pro decocto , & infuso theiformi miscetur. Externè eadem quoque præstat , quæ majorana , & frequentius , quam illa inter sacculos , balnea , & infusus uterinos recipitur.

### §. VII.

SERPILLUM , SERPYLLUM , THYMUS SYLVESTRIS, *Serpolet* , ou *Thym sauvage* , *Quendel* , *vilder Polen* , *vilder Ehyman* , nec minùs ORIGANUM sive MAJORANA SYLVESTRIS *Bohlgemuth* , *braune Dosten* , *Organ* spontè in locis sylvestribus crescunt , & adeò cum thymo hortensi , quoad naturam , principia , ac vires , conveniunt , ut eidem , præsertim serpillum , internè substitui queant : Rarò nihilominùs internè præscribuntur , sed unicè prope modum speciebus pro sacculis discutientibus atque nervinis , nec minùs infusibus uterinis & balneis miscentur.

## C A P U T XIII.

*Hissopo* , *Mentha* , *Matricaria* & *Tanaceto*.

### §. I.

**H**YSSOPUS VULGARIS ANGUSTIFOLIUS, SPICATUS , FLORE COERULEO, *Hyssope* , *Ysop* , ubique in hortis feritur , &

planta proinde notissima est. Folia, quæ floribus præstantiora censentur, odorem balsamico-camphoratum spirant, & acri atque amaricante sapore donata inveniuntur. Cum hac specie, intuitu naturæ ac virium, etiâ species reliquæ, nimirum *HYSSOPUS FLORE ALBO*, & *PURPUREO* conveniunt, & altera igitur in alteriûs locum commodè surrogari potest.

§. II.

Activitatem huic plantæ partim *volatila principia oleoso-spirituoso-camphorata*, partim *fixa gummeo-resinosa* fœnerantur. Oleum essentielle, quod principiorum reliquorum præcipuum est, mediocri quantitate inhæret, &, humidâ destillatione ex integrâ foliorum librâ separatum, plerumque drachmam unam & semissem, vel drachmas duas pendet. Non aded magnâ quoque copiâ principium resinosum mixtionem ingreditur, & uncia foliorum una nondum integram drachmam extracti spirituosi primi mihi suppeditavit. Substantia gummosa, cujus vires tamèn valdè debiles sunt, post recrementa inertia maximam ponderis partem constituit, & ultrâ drachmas tres ascendit. Infusum aquosum primum flavo-subfuscum est, debilemque herbæ odorem, & ingratum saporem camphorato-amari-



cantem possidet. Evaporatione in extractum mutatur, coloris flavo-fusci, saporis subamaricantis, subsalsi & austeriusculi, odoris debilis, instar prunorum coctorum. Tinctura spirituosâ prima, ex viridi nigricans, sapore acri aromatico gaudet, & odore suo partim spiritum vini, partim ipsam herbam prodit. Massa, inde inspissando producta, alibi flavum, alibi viridi-nigricantem colorem obtinet, & odore debili balsamico, sapore amaro, subacri, & camphorato prædita est. Patet uberius ex recensitis examinibus, virtutem hyssopi partim oleo æthereo, partim substantiæ resinosæ adscribendam esse, portionem gummeam verò, licet maximâ quantitate adsit, parum ad virium augmentum conferre posse.

## §. III.

*Vires attenuantes, pectorales, diuretice & uterine* in hyssopo maximè à medicis prædicantur, frequentissimumque usum in affectibus pectoris pituitosis, tussî videlicet, asthmate, raucedine &c., nec minùs in nephritide sabuloso pituitosâ, calculo, suppressione mensium, partu difficili & secundinis retentis, immò in obstructiõe hepatis & lienis, cachexiâ icteritiâ &c. invenit. Datur plerumque in infuso vinoso, rarius decocto, à pugillo

uno ad duos, tres, quatuor. Externè cum aquâ aut vino coquitur, & partibus, post plagam &c. sanguine suffulis, cum fructu imponitur, nec rarò quoque ingredientia gargarismatum auget, quæ contrà tumorem glandularum salivalium, laxitatem uvulæ, anginam spuriam, odontalgiam, scorbutum oris, & linguæ paralyfin adhibentur.

§. IV.

MENTHA HORTENSIS CRISPA OFF. sive ROTUNDIFOLIA ALTERA FLORE SPICATO LOB. *Menthe crepue*, *Frause Munke*, fortem odorem balsamicum emittit, & acri atque amaricante sapore pollet. Seritur in hortis, & probè à MENTHA AQUATICA, MENTHA CATTARIA, MENTHASTRO ac reliquis speciebus ignobilioribus distinguenda erit. *Copiosa* & valdè *activa principia oleoso-spirituosa*, & *resinoso-gummea* in naturali suâ mixtione fovet. Oleum: essenziale, quod primaria activitatis causa existit, post destillationem colore flavescente, qui intrâ breve tamen tempus in rubicundum, tandemque obscurè rubrum mutatur, rinctum cernitur, & valdè calidâ indole, summâque fragrantia pollet. Ex librâ unâ foliorum siccatorum, justo tamen tempore collectorum, tres circiter drachmæ eliciuntur. Portioni spi-

E iiij

rituosæ, quæ sese maximè in aquâ destillatâ manifestat, & oleo quoquè æthereo extractum resinofum, intuitu nempè virtutis, succedit; in gummofâ verò substantiâ, essentiali oleo prorsus spoliatâ, parùm activitatis delitescit. Nam infusum aquosum primum, licet quidè co-lore flavo-subfusco gaudeat, & sat fortem herbæ odorem specificum adhuc eructet, nullo tamen singulari sapore pollet, sed valdè iners reperitur, & massam fusco-nigricantem post evaporationem relinquit, quæ debili duntaxat atque non-nihil ingrato odore melleo, & debili paritèr sapore subacri, cui lenissimè amaricans & subadstringens mixtus sentitur, donata est. Ex uncia foliorum unâ fermè drachmas tres obtinui. Tinctura spirituosâ prima, cujus color ex viridi nigricans est, odor debilis balsamicus, sapor aromaticus, peractâ inspissatione, extractum nigricans, priori longè præstantius, largitur. Memtham enim odore adhuc pro-dit, & satis fortem saporem acrem, amari-cante & subastringente mixtum, possidet. Uncia foliorum una mihi saltèm grana quinquaginta reddidit.

## §. V.

Vires hujus herbæ *stomachales*, *carmi-native*, & *uterine* præstantissimæ sunt, ità,

ut non faciliè medicamentum simplex inveniat, huic in affectibus frigidis flatulentis & hystericis, chlorosi, fluore albo, suppressione fluxûs mestrui &c. intuitu activitatis præferendum. Multùm etiàm valet ad ventriculum roborandum, profluvia alvina cohibenda, & vermes expellendos, immò, in variis capitis ac pectoris morbis, ex uteri aut primæ culinæ viscio nascentibus, utilitate non destituitur. Præscribitur internè in decocto & infuso, præsertim vinoso, ad pugillum unum alterumve. Externè sub formâ sacculi abdomini, præsentè ventriculi imbecillitate, vomitu, colicâ, cardialgiâ, diarrhœâ, itemque mammis mulierum, ad tumores duros discutiendos & ipsum lac minuendum ac dissolvendum, imponitur. Frequentissimè prætereà sacculos discutientes ac roborantes, in paralyfi, œdemate membrorum &c. proficuos, nec minùs balnea uterina ingrediuntur.

§. VI.

HERBA & FLORES MATRICARIE, *Matricaire*, ejusdem indolis atque virtutis sunt, & plerumque conjunctim adhibentur. Odores admodùm fragrans, eoque balsamico ingrato, gaudet, & acrisculum atque amarum saporem linguæ in-

primunt. Seritur hæc planta in hortis, & spontè paritèr in locis campestribus crescit. Præter principium oleoso-spirituosum, copiosa principia fixa resinoso-gummea in foliis non minùs, quàm floribus adsunt. Unica enim uncia florum, quibus aliqua tamèn foliorum portio mixta erat, mihi drachmas tres & scrupulum unum extracti primi aquosi, maximam partem gummosi, & scrupulos quatuor extracti spirituosi primi reddidit. Infusum aquosum ipsam plantam redolet, & satis amaro sapore, atque subfusco colore est. Inspissatum massam sistit, falso quidèm ac satis amaro sapore, ast debili saltem odore, qui plantam non adeò amplius prodit, donatam. Tinctura spirituosà colore flavo-subviridi, odore debili balsamico, sapore acri, aromatico atque amaricante pollet, & evaporata extractum relinquit, quod colore ex flavo fusco, ad nigrum nonnihil vergente, odore balsamico specifico, ac satis grato, sapore subacri, aromatico & valdè amaro præditum est. Longè hoc posterius activitate superat extractum aquosum, & indè igitur colligere licet, virtutes hujus plantæ magis à partibus oleoso-spirituosis, & fixis resinosis, quàm gummeis dependere. Oleum æthereum substantiale non adeò copiose quidèm innatum reperitur,

ejusdem tamèn penuriam relativam spirituosa portio insigni copiâ suâ, quam odor fragrantissimus demonstrat, abundè compensat.

§. VII.

Operationem suam hæc planta partim discutiendo & abstergendo, partim roborando absolvit, & indè quoquè notissimæ ac satis eximix virtutes *uterinæ*, *diuretica*, & *carminativa*, quibus instructa deprehenditur, derivandæ erunt. Sterilitati nempe, suppressioni fluxûs menstrui & lochialis, passioni hystericae, fluori albo, cæterisque uteri morbis, quotiès scilicet ex atoniâ partium solidarum, & humorum crassitie atque muciditate nascuntur, specificè ac validè medetur, & multùm quoque ad vermes necandos, materiam sabulosam & urinam pellen-  
dam, flatus discutiendos, fœtum mortuum excludendum, & sanguinem congruatum resolvendum valet. Internè in decocto & infuso, tam aquoso, quàm vinoso, ad unum alterumve pugillum, præscribitur; externè autèm inter infessus, & balnea uterina, nec minùs inter epithemata humida & sicca, contrà inflammationes partium, tumorem atque durtiem mammarum, dolores colicos &c. applicanda, frequentissimè recipitur.

## §. VIII.

Matricariæ TANACETUM VULGARE LUTEUM, *Tanaïsie*, *gemeine gelbe Yheinfarn*, ratione naturæ ac virium valdè analogum est. Usum invenerunt folia & flores, posteriores tamèn palmam prioribus præripiunt, adeòque paulò frequentius adhibentur. Odor eorum plerisque hominibus displicet, & ingens fragrantia apud multa, præsertim plethorica & cholericæ subjecta, capitis dolorem excitat. Sapor subacris, amarus & aromaticus est. Passim hæc planta in locis incultis crescit, & solum imprimis siccum atque arenosum amat.

## §. IX.

Abundat *principiis resinoso-gummeis*, & *spirituoso-camphoratis*, immò, modicam *olei ætherei substantialis* portionem naturalem mixtionem ingredi, destillatio humida monstrat. Infusum aquosum colore flavo-rubente tinctum cernitur, ipsos flores valdè redolet, & sapore balsamico atque eminenti amaro pollet. Massa inspissata flavo- & rubro-subfusca saporem subacrem, amarum, falso nonnihil remixtum, & debilem odorem balsamicum, non ampliùs tamèn adeò, ac prius in infusò, specificum, obtinet. Unde

cognoscere licet, quòd fragrantia ratio unicè ab oleo æthereo, quod sub evaporatione sensim in auras avolat, petenda sit. Tinctura spirituosâ prima infuso aquoso longè præstantior est, & præter colorem dilutè aureum, & moderatum odorem balsamicum, satis fortem saporè aromaticum atque amarum possidet, eodemque flores perfectè prodit. Iisdem proprietatibus etiâ extractum inspissatum gaudet, immò, intuitu saporis, adhuc potentius est. Ex unâ florum unciâ drachmas duas & aliquot grana extracti aquosi primi, & drachmam unam, & grana sedecim extracti spirituosî primi impetavit.

. X.

Potiores hujus plantæ virtutes ad *carni-nativas*, *anthelminticas* & *uterinas* referendæ sunt; hinc in singulis quoque morbis, in quibus matticaria commendata fuit, maximè autè in affectibus flatulentis & verminosis, egregiam utilitatem præstat. Datur optimè in infuso vinoso, ad unum alterumve pugillum, & e floribus efficacissimam paritèr tincturam parare licet. Externè balnea uterina & antiparalytica, nec non decocta traumática & anthelmintica ingreditur.



## CAPUT XIV.

*De satureja & maro Vero.*

## §. I.

**S**ATUREIA SATIVA HORTENSIS, *Catturey*, *Yferfferfraut*, *Sarriete*, propter multiplicem atque frequentem usum æconomicum in hortis plerisque feritur, adeòque planta notissima est. Folia, quæ cæteris partibus præstantiora sunt, odore gaudent aromatico, & leviter saltèm manducata valdè acrem, pungentem, & piperis fermè instar, urentem saporem gustûs organo imprimunt, immò, si adhuc recentia paululùm teruntur, naribusque admoventur, vividam in iis titillationem ac sternutationem halitu suo excitant.

## §. II.

Efficacissimis *principiis oleoso-resinoso-gummeis* instructa sunt. Oleum substantiale æthereum, humidâ destillatione separatum, magnâ acredine pollet, & spirituosus particulis adeò refertum est, ut recens vulgaria vitri obturamenta penetret, & in naribus pruritus producat. Substantia gummea satis largâ quantitate

adeſt , activitate nihilominùs pariori principio oleoſo-reſinoſo longè cedit. Nam rubro-fulcum infuſum aquoſum , licet odorem baſamicum emittat , admodum iners , & acredine prorsùs deſtitutum ſentitur. Inſpiſſata maſſa nigricans non multò præſtantior eſt , & debili duntaxat odore baſamico , eoque nonnihil ingrato , debiliſque ſapore amaricante , ſubacri , ac paululùm adſtringente prædicta reperitur. Uncia una mihi drachmas duas cum ſemiſſe ſuppeditavit. Tinctura ſpirituoſa prima colore ſaturatè viridi , ad nigricantem pauliſper vergente , gaudet , odorem herbæ ſpecificum , ac longè gratioſiorem , quàm infuſum aquoſum , diſfundit , & ſaporem acrem , modicè urentem , ac pungentem poſſidet. Similes proprietates in extracto inſpiſſato inveniuntur , præterquàm , quòd odor , qui volatilibus particulis ſpirituſo-oleoſis unicè in acceptis ferendus eſt , paulò debiliſſior , ſapor ex adverſo acrior & magis aromaticus exiſtat.

§. III.

Partibus ſolidis vividos hæc planta ſtimulos imprimit , & humores viſcidos quoque , incidendo ac commovendo , reſolvit , attenuat , & abſtergit , adeòque modo utroque motus in toto corpore in-

tendit, & se-& excretionēs quascunque egregiè auget ac promovet. Non infimum igitur locum inter *antiscorbutica*, *diuretica*, *lithontripica*, *carminativa*, *stomachalia*, *pectoralia*, *uterina* & *aphrodisiaca* occupat, magnoperè in variis morbis chronicis, à motuum languore, & humorum spissitudine atque lentore oriundis, maximè autèm in sopore præternaturali, refractariis febribus quartanis, scorbuto, cachexiâ, ædemate membrorum, tympanitide, astmate pituitoso, calculo, suppressione mensium &c. sese commendat, si internè, sub formâ infusi vinosi, à pugillo uno ad duos, exhibetur. Subinde etiàm, præsertim in affectibus scorbuticis, sero lactis infunditur, immò frequentissimè cibus flatulentis condimenti loco additur. Externè, cum vino priùs cocta, partibus sugillatis, nec minùs oculis contrà incipientem cataractam, auribusque contrà susurrum, & cophosin imponitur. Non contemnendam quoque utilitatem in aphonyâ, intumescentiâ glandularum salivalium, & uvulæ laxitate spondet, quandò gargarismatibus modicâ quantitate additur.

§. IV.

Saturejæ, ob aliquam principiorum similitudinem, MARUM VERUM jungi-

meretur. Planta hæc apud nos solummodo in hortis colitur, & tam singularis naturæ est, ut non solum inter *aromatica*, sed inter *acria* pariter, *Seç. VIII.* pridem descripta, collocari possit. Nam folia, parva, oblonga, acuta, pallidè viridia, recentia, paululum contrita, halitum, nares fortiter ferientem, expirant, & fortem quoque acredinis sensum in ore excitant, ità tamèn, ut odori non minùs quam saporì balsamici & aromatici quidquam admixtum sit.

§. V.

Principia, quibus odor, sapor, & vires rectè adscribuntur, æquè, ac in reliquis hujus commatis plantis, in genere ad *oleum athereum*, & *fixam substantiam resinogummeam* redeunt. Oleum, destillando prolectum, valdè spirituosum atque acre est, & oleo cochleariæ, testante B. HOFFMANNO (a), neque odoris & saporis penetrantiâ, neque pretio multum cedit. Post oleum essentielle substantia resinosa præcipuam considerationem meretur, & infimo demùm loco pars gummea collocanda est. Infusum spirituosum, viridi-flavescente colore tinctum, magnarum virium est, & vividum saporem acrem & aromaticam linguæ

(a) In Obs. Physico-chym. select. p. 17.

imprimis. Massa flavo- & subviridi-nigricans, post evaporationem relicta, adhuc potentior est, fortemque aromaticæ atque pungentis acredinis sensum in faucibus ac toto gustûs organo excitat. Infusum aquosum ipsam quidem plantam magis, quam rectura spirituosâ, redolet, acri tamen & aromatico sapore longè inferius deprehenditur. Et hoc posterius etiâ de ipso extracto dicendum est; quippe quod acredine caret, & amaricantem solummodò saporem possidet.

## §. VI.

Ad medicamenta eximia, ac valdè activa hæc planta pertinet, quoniam multa laia, analogâ indole, similibusque principiis donata, virtute *stimulante*, *attenuante*, *diuretica*, & *antiscorbutica* superat. Hactenus quidem usus ejus in nostris regionibus, ob parciorem sine dubio proveniunt, non adeò frequens fuit, certo nihilominus certius est, folia, vino infusa, vel etiâ in essentiam cum spiritu vini redacta, in quibusvis morbis, à solidorum flacciditate, & crassâ ac copiosâ pituitâ oriundis, asthmate v. g., sopore præternaturali, hemicraniâ, rebeli viscerum obstructione, fluore albo, nephritide pituitoso-sabulosâ, scorbuto, cachexiâ, œdemate, & sic porro, semper egregiè profutura esse.

## CAPUT XV.

## De Sabina &amp; abrotano.

## §. I.

**F**olia fruticis & arboris, SABINÆ, *Cabe-baum-Blater*, Sabine satis fortem, præsertim contrita, odorem balsamicum spirant, & amari, acris, atque aromatici saporis sensum in linguâ excitant. Folia fruticis, seu *Sabinæ vulgatiore folio tamarisci*, propter saporem acriorem, potentiora, quàm folia arboris seu *Sabinæ majoris folio cupressi* censentur, & frequentius proinde in usum medicum trahuntur. In nostris regionibus binæ hæc Sabinæ species unicè in hortis coluntur, in calidioribus autem passim quoque in locis montanis & sylvestribus spontè crescunt.

## §. II.

*Oleo essentiali aromatico* abundant, idemque in librâ civili ultrâ uncias duas & semissem pondere ascendit. Non deficiunt quoque *principia fixa resinosa & gummea*: Una enim foliorum uncia mihi drachmas duas & grana aliquot extracti aquosi primi, & drachmam unam cum semisse ex-

tracti spirituosi primi reddidit. Virtus primaria in oleo & substantiâ resinosa latet, pars gummea verò non adeò activa reperitur. Infusum aquosum primum colore subfusco, ad flavum inclinate, odore foliorum specifico, & sapore amaricante gaudet. Inspissatum satis tenax atque mucosum fœneratur extractum, debilis quidem odoris balsamici, non amplius tamen specifici, saporis subacris, subadstringentis ac paululùm aromatici. Tinctura spirituosa prima colorem obscure viridem, odorem plantæ specificum, & saporem subacrem, aromaticum atque amaricantem possidet. Massa inspissata planè singularis est, & ex duplici materiâ, alterâ nimirum flavâ, alterâ nigricante, constat: Portio flava, quæ oleosa & nonnihil fluida apparebat, sapore acri, amaricante, atque aromatico prædita erat, & specificum plantæ odorem sensibiliùs diffundebat, nigricans verò ficior atque tenacior reperiëbatur, & præter acrem & amaricantem saporem, simul quoque debilem adstringentem obtinebat. Probabile itaque est, aliquam crassioris olei essentialis partem remanere, & cum tenerioribus moleculis resinosis mixtum, laudatam massam spissiusculam formare.

§. III.

Vires hujus plantæ *anthelmintica*, *emmenagoga*, & *diuretica* hominibus plerisque notissimæ sunt, adeoque contrà sterilitatem, & fluorem album, nec minùs ad calculum, urinam, fluxum menstruum, & fœtum mortuum pellendum, vermefque necandos creberrimè adhibetur. Non promiscuè tamen, sed valdè circumspectè in memoratis & similibus morbis in usum vocanda est, ne nimiâ activitate corpori noxam inferat. Præscribitur in infuso & decocto aquoso ac vinoso ad unum alterumve pugillum. Externè suffigiis, decoctis, clysteribus, & balneis, discutientis, anthelminticæ, traumaticæ uterinæ virtutis, additur, immò pulvis purificandis ac consolidandis ulceribus malignis inspergitur, & cum melle priùs ad emplastri aut cataplasmatidis formam redactus, sic dictum vermem umbilicalem, si aliquamdiù umbilico imponitur, necat.

§. IV.

ABROTANUM MAS VULGARE;  
*Aurone mâle*, *Stabvurb*, *Ebreib*, in hortis colitur, & sapore amore, gratoque odore citrino gaudet. Vires medicæ, postea recensendæ, magis in *principio resinoso-*



*oleoso*, quàm *gummoso* latent, licet oleum essentialiale æthereum, & substantia fixa resinosa longè minori quantitate, quam fixa pars gummea, mixtionem naturalem ingrediantur. Ex unciâ enim foliorum unâ drachmas duas ac totidèm fermè scrupulos extracti aquosi primi, & drachmam duntaxat unam cum semisse extracti spirituosi primi obtinui. Infusum aquosum, flavo-rubente colore tinctum, plantam odore satis prodit, inertem nihilominùs saporem amarum possidet, & post evaporationem massam obscurè fuscâ, grato ac quasi melleo odore, atque subacri, nonnihil falso, & amaro sapore donatam, relinquit. Tinctura spirituosa viridi-nigricans non adeò singularem quidèm odorem emitit, vivido nihilominùs sapore aromatico atque amaricante pollet, & evaporata extractum valdè activum, acre, amarum & aromaticum, alibi aurei, alibi nigricantis coloris, suppeditat.

## §. V.

Abstergendo, discutiendo ac roborando in corpore operatur, & egregiè imprimis virtute *carminativâ*, *anthelminticâ*, *uterinâ*, immò, *cardiacâ*, *pectoralî*, *diureticâ* & *alexipharmacâ* sese commendat. Meliùs in decocto & infuso vinoso, quàm

aquoso, ad unum alterumve, pugillum, præscribitur, præsertim si in refractariis morbis pituitosis, v. g. asthmate, fluore albo, passione hystericâ, suppressione mensium, obstructione hepatis, lienis &c. usus ejusdem necessarius est. Externè speciebus pro balneis uterinis, & decoctis anthelminticis ac vulnerariis sæpissimè miscetur, immò sacculis siccis discutientibus atque nervinis, nec minùs clysteribus carminativis & anthystericis haud rarò additur.

## CAPUT XVI.

### De Chamomilla & Millefolio.

#### §. I.

**D**Uplex in Officinis CHAMOMILLA prostat, altera nimirum VULGARIS, *Camomille* altera ROMANA. *Camomille Romaine*. Illa, quæ etià *Chamelium*, sive *Leucanthemum vulgare* dicitur, passim in arvis, vineis, aliisque locis campestribus iisque cultis, crescit; hæc autem, *Chamomilla* nempe *nobilis*, sive *Romana*, apud nos in ortis seritur, & in calidioribus solummodò regionibus spontè, & absque ullâ culturâ progerminat. Flores apud speciem utramque pal-

nam foliis præripiunt, adeoque longè frequentius, quàm illa, usibus medicis impenduntur. Odor eorum balsamicus est, paulò debilior tamen & quodam modo nauseosus (a) apud flores chamomillæ simplicis, fragrantior verò atque gratissimus apud chamæmelum Romanum. Similem differentiam circà saporem deprehendimus; quippe qui in floribus chamomillæ Romanæ magis amarus ac simul aromaticus est, in vulgaris autem chamæmeli floribus remissior, & simul mucilagineus.

## §. II.

Principiis activis, tam *fixis salso-resinosis-gummeis*, quam *volatilibus spirituosiss* scatent, *substantialie* autem *olei atherei* non

(a) Odor pro soli natalis diversitate admodum variat, & nunc gravior, nunc ingravior existit. Idem B. SCHULZIUS in *Diff. de Chamæmelo* testatur: » Notabile; videtur, pag. 18. » *scribit*, quod chamæmelum vix umquàm alibi » reperitur, quàm in agris cultis: atque hos » inter non tantoperè amet solum nigrum, & » naturâ pingue, quàm aliquantò macrum & » arenosum; inque tali, si probè stercoretum » fuerit, non solum copiosissimè proveniat, verum etiam odore malo cydonio proximè accedens. Ubi verò in agris nigriori solo præditis » & compactiore, nuper etiam stercoretis, crescit, non perinde jucundam olorem spargit, & » cotulæ foetidæ nomen meretur, &c.

adeo

adeò multum sub destillatione humidâ largiuntur, idemque raro ex librâ integrâ florum chamomillæ simplicis ad scrupulum unum, & ex æquali florum chamomillæ Romanæ quantitate ad drachmam semissem pondere suo ascendit. Oleum chamæmeli vulgaris post destillationem amœnissimo colore cœruleo tinctum conspicitur, ast ille non constantè remanet, sed, elapsis aliquot septimanis aut mensibus, in fuscum mutatur, præsertim si aerì crebrior in vitrum accessus pateat.

» Præterea, B. FRID. HOFFMANNUS scribit (a), mentio etiã est facienda oleorum florum chamomillæ vulgaris, & summitatum millefolii, quæ olea si pura, & quamdiù recentia sunt, elegantè cœruleo oculis blandiuntur colore, qui verò postea perit, inque brunum mutatur. Enimverò, si diutiùs & ultrà annum hic color olei florum chamomillæ pulchrè cœruleus persistit, certi marginii sistit indicium: nam oleum terebinthinæ, quod à cupro saturatè cœruleum fit, immiscere illos oleis solent. &c. Oleum chamæmeli Romani saphirino hoc colore destituitur, & saltèm flavescens prodit, viribus nihilominùs præcedenti analogum est, immò paulò adhuc calidius atque potentius deprehenditur,

(a) In Obs. physico-chym. p. 11.

præsertim si planta in Italiâ, aliisque regionibus calidis adoleverit.

§. III.

Fixa principia resinosa & gummea in utrâque chamæmeli specie copiosius adsunt, & vires medicas, oleo memorato præcipuè adscribendas, miscelâ suâ nonnihil augment, immò, vulgaris chamomillæ floribus emolliendi virtutem conciliant. Uncia florum chamæmeli Romani dimidiam fermè unciam extracti aquosi primi, & drachmas duas, totidèmq; scrupulos extracti resinosi primi suppeditat. Infusum aquosum, cujus color saturatè aureus est, specificum simplicis odorem eructat, & debilem balsamicum, ac modicè amarum saporem obtinet. In extracto inspissato odor flavus in subfuscum mutatur, odor valdè imminuitur, amarities verò increscit, & sapore austeriusculo paululùm remixta videtur. Tinctura spirituosa aurei coloris est, odore magis spiritum vini, quàm flores prodit, & satis forti sapore amaro atque balsamico pollet. Massa inspissata quoad saporem cum tincturâ convenit, odore autèm decoctum prunorum æmulatur.

§. IV.

A principiis chamomillæ Romanæ prin-

capia fixa florum chamomillæ vulgaris indole, ac prodere parùm differunt: Nam uncia una florum memoratorum dimidiam unciam extracti aquosi primi, & drachmas duas ac grana quinquaginta extracti spirituosi primi mihi reddidit. Tinctura spirituosa colore obscure viridi est, odore debili balsamico, sapore acri, blandè balsamico & amaricante. Post evaporationem massa relinquitur, coloris viridi-nigricantis, odoris balsamici, & saporis amaricantis atque aromatici. Infusum aquosum deterioris conditionis est, &, licet quidè m flores adhuc satè redoleat, ingratum solummodò & inertem saporem amaricantem possidet. In extracto fusco-nigricante sapor, mucilagineus nempè, subacris, falsus & amaricans fortior, odor specìficus verò longè debilior apprehenditur.

## §. V.

Fixis hisce principiis, præsertim gummoso sive mucilagineo, *sal falsum*, culinari analogum, immersum est. Cognoscimus illud ex sapore vix descripti extracti aquosi, immò ipsiùs infusi vinosi: Hoc posterius enim, si vinum al quotiès floribus recentibus superfunditur, & blandè cum iisdem coquitur, vel saltèm digeritur, testante SIMONE PAULI,

(a) tam falsum redditur, ac si aliquot salis culinaris pugilli injecti fuissent. Non hæret cæteroquin in intimâ mixtione, multò minùs in ipsâ plantâ generatur, sed ex fimo, quo agri fertiles redduntur, sensim extrahitur, sensimque cum succo nutriente in plantæ tubulos transit, & reliquis principiis obiter miscetur.

## §. VI.

Ufus medicus florum chamomillæ utriusque, tam internus, quàm externus, latissimè patet, quoniàm eximiis planè viribus *carminativis*, *uterinis*, *discutientibus*, *anodynis* & *antispasmodicis*, quibus in calidiori chamæmelo Romano *nervina*, & in temperatiori vulgari *abstergentes* & *emollientes* accedunt, instructi sunt. Jure igitur multis aliis medicamentis in affectibus flatulentis & spasmodico-dolorificis, colicâ v. g., cardialgiâ, passione hypochondriacâ & hysteriâ, dolore nephritico &c. præferri merentur. Singulare prætereà & specificum omninò remedium à veterum non minùs, quàm neoterico-  
rum nonnullis, in febribus intermittentibus, præsertim tertianis, prædicantur; quam virtutem tamen magis floribus chamæmeli Romani, quàm vulgaris, adscribendam esse arbitror, quum priores

(a) Vid. Ejusd. Quadripart. Botant p. 282.

in morbis, ubi validiori resolutione & discussione opus est, plus, quàm posteriores, qui magis emolliendo ac relaxando operantur, præstare consueverint. De virtute anthelminticâ, quam aliqui simplici huic pariter tribuunt, nihil addam, quoniàm nondum satis comprobata est, vel nullo tamen singulari fundamento nititur. Internè hi flores in decocto & infuso aquoso aut vinoso ad aliquot pugillos præscribuntur, & ex chamomillæ Romanæ floribus efficacissima quoque essentia paratur, quæ inter remedia carminativa & anthysterica eminentem locum occupat.

§. VII. .

Externè usum adhuc frequentiore inveniunt, multisque affectibus, qui emollientia, paregorica, & blanda discutientia ad sui curationem postulant, egregiè medentur, quandò pro ægritudinis & partis affectæ diversitate, modò inter clysteres, modò inter sacculos & epithemata sicca, modò inter cataplasmata, emplastra, fomenta, infessus, balnea vaporis &c. recipiuntur. Numerus morborum, quibus, extrinsecùs sub hâc vel illâ formâ adhibiti, opitulantur, valdè magnus est, iisdemque, observato tamen justo applicationis modo ac tempore, cardial-



gia, colica, tormina ventris, passio iliaca, hypochondriaca & hysterica, suppressio & defectus mensium atque lochiorum, dolor nephriticus, obstructio urinæ, sive à calculo sive spasmo orta, hernia incarcerata, dolores rheumatici, & arthritici, tumores, inflammatorii non minùs, quàm frigidi lymphatici, dolor, durities & intumescencia mammarum, œdemata membrorum, obstructio alvi, hæmorrhoides cœcæ & dolentes, rigiditas articulationum, siccitas ligamentorum, & strictura membranarum præ reliquis annumerari merentur. Iterùm nihilominùs iterùmque monendum duco, flores chamomillæ simplicis operationem suam præcipuam emolliendo, flores chamæmeli Romani autèm discutiendo absolvere, & priores proinde sæpiùs clysteres, cataplasmata, fomenta, & balnea, posteriores autèm sacculos & epithemata sicca ingredi.

. §. VIII.

MILLEFOLIUM, *Millefeuille, Schaaf-Varbe, Varbenfraut*, cujus folia & flores, ob insignem activitatem suam, usibus medicis creberrimè destinantur, triplicis generis est, nimirùm *vulgare flore albicante, vel ex albo purpurascente, (a) nobile flore*

(a) » Natura interdum ludit, B. FRID-

purpureo , & luteum Vulgare in pratis & plerisque locis campestribus , maximè autèm juxtà vias & in pascuis , ubi animalia stercore sua projiciunt , crescit , nobile autèm flore pupureo plerumque in hortis feritur , & luteum denique , quod rarissimi tamèn proventûs est , in campis

» HOFFMANNUS in *Diff. de Millefol.* p. 11.  
 » *scribit* , & flores monstrat purpureos vel ex al-  
 » bo purpurascens , uti idem in aliis quoque  
 » observatur plantis , & cumprimis in cœuleo  
 » illo agrorum decore cyano , quem non semel  
 » flore albo vel purpureo , aut aliis coloribus or-  
 » natum reperire contigit. &c. Nonnulli agricola-  
 rum quod pariter hoc loco addere placet ,  
 opinantur , sensim millefolium degenerare in  
 chamæmelum , cujus opinionis , quam tamen  
 falsam judico , B. SCHULZIUS in anteq̃a al-  
 legatâ *Dissertatione de Chamamelo* uberio-  
 rem mentionem fecit : » Etiam illud , p. 18. *scribit* ,  
 » habeo à viro , qui sæpius observavit , quod iis  
 » locis , quæ nuper præsertim sunt , & in culta arva  
 » mutata sunt , primo anno millefolium inter se-  
 » getes crebrum sit , chamæmelum rarò conpi-  
 » ciatur : sequentibus autèm millefolium rarius ,  
 » chamæmelum longè frequentius conspiciatur :  
 » prorsus ut agricolis quibusdam persuasum sit ,  
 » millefolium , quod præsertim magis amat , cum tem-  
 » pore , & culturâ accedente , in chamæmelum  
 » mutari : atque vicissim chamæmelum . si ager  
 » ipso luxurians in pratum convertatur , ad mil-  
 » lefolii naturam migrare. Hanc ego quidem ob-  
 » servationem suis actoribus relinquo , & illis ,  
 » quibus occasio observandi favet , commen-  
 » do. &c.

& hortis reperitur. Vulgare usus frequentioris est, & sapore acri amaricante, odore forti balsamico, nonnihil quasi camphorato, gaudet. Flores foliis paulò præstantiores judicantur, quoniam sapor eorum magis aromaticus existit. A millefolio vulgari reliquæ species, præsertim nobile flore purpureo, parum vel nihil in hoc passu differunt, & altera igitur alterius locum tempore usus occupare potest.

## §. IX.

Respectu principiorum millefolium cum chamomillâ multa communia habet: Æquè nempè, ac illa, sub destillatione humidâ *parum olei cærulei* sive *sapphirini* reddit, si in pingui nempè ac stercoreato solo natum fuerit; contrarium namque accidit, & oleum, subflavo colore tinctum, elicitur, quandò in macriori & arenoso solo adolevit. *Copiosa* prætereà *principia fixa resinosa-gummea* possidet, quæ unà cum substantiâ spirituoso-oleosâ, cui primus intuitu activitatis concedendus erit locus, vires medicas ipsi fœnerantur; præstantior tamèn portio resinosa, quàm gummosa, deprehenditur. Infusum aquosum primum, ex solis floribus paratum, rubro-& flavo-subfusi coloris est, odoris nauseosi, saporis moderatè amaricantis.

Inspissatum massam offert obscure fuscâ, vel potius nigricantem, odore ingrâtè balsamico, sapore subacri ac paululùm falso atque austeriusculo donatam. Ex unciâ unâ drachmas duas & grana viginti quatuor impetravi. Tinctura spirituosâ prima flavo-viridi obscuriori colore gaudet, & linguæ acrem, amaricantem atque aromaticum saporem imprimit. Massa inspissata, saturatè flava, gratum spirat odorem balsamicum, & amaricantem, aromaticum atque nonnihil camphoratum saporem obtinet. Uncia una circiter drachmam unam cum semisse mihi suppeditavit. Extracta & infusa ejusdem fermè conditionis, largiori tamen quantitate, ipsa herba largitur. NEUMANNUS enim ex unciâ unâ drachmas tres & scrupulum unum extracti aquosi primi, & drachmas duas cum semisse extracti spirituosi primi sese impetrasse testatur. (a).

§. X.

Simplici huic à medicis quamplurimis singulares vires *antispasmodicæ*, *sedativæ*, *tonicæ*, *antepilepticæ*, *anthystericæ*, *traumaticæ*, & *anthelminticæ* adscribuntur, & multi igitur folia non minùs, quàm flores, in cardialgiâ, colicâ, malo nephritico, passione hypochondriacâ & hystericâ, tormen-

tis hæmorrhoidalibus, doloribus post partum, à lochiorum suppressione oriundis, epilepsiâ idiopathica, & consensuali uterinâ, hæmorrhoidali ac verminosâ, nec minus in asthmate, febribus intermittentibus, gonorrhœâ benignâ, fluore albo, exulceratione renum, cæterorumque viscerum (a), excedentibus hæmorrhagiis,

(a) » Denique, HOFFMANNUS in vix al-  
 » legata *Dissertatione* p. 23. scribit, millefoliata  
 » mirificâ pollent virtute in læsionibus, corru-  
 » ptionibus & exulcerationibus internarum par-  
 » tium consolidandis, adeoque in pulmonum,  
 » renumque exulceratione eorum usus conspice-  
 » ctus non planè est contemnendus. *Rodericus à*  
 » *Fonseca Tom. II. Conf. Med. & Johannes Præ-*  
 » *notius in Medicinâ pauperum* valdè extollunt  
 » pulverem mellefolii in phthisi & ulceribus pul-  
 » monum, quotidie ejus drachma una in jusculo  
 » calido sumatur. Neque dubium est, quin dictis  
 » in morbis maximam interdum præstet utilita-  
 » tem, præsertim si ægrotantis ætas non sit pro-  
 » vectior, si succos adhuc in venis alat benignos,  
 » nec marcor, languor, & summus virium lap-  
 » sus in corpore sentiatur, sique insimul accu-  
 » rator victûs ratio observetur, & medicatio  
 » hæc per dimidium annum & ultrâ sollicitâ curâ  
 » continuetur. Eandem verò & illustriorem adhuc  
 » effectum in phthisi expectare possumus ab usu  
 » continuatos decocti millefolii cum conservâ ro-  
 » sarum rubrarum præparati & bene clarificati.  
 » In læsionibus & exulcerationibus intestinorum  
 » post dysenteriam gravem flores millefolii &  
 » chamomillæ in clystere applicati, vel intus

immò contrà pestem & abortum imminētem magnoperè commendant. Internè decocta & infusa eorum, cum aquâ, vino, aut sero lactis paranda, nec minùs tinctura spirituosa adhibentur; externè autèm, pro morborum, & partium affectarum discrepantiâ, modò inter epithemata sicca, modò inter cataplasmata, decocta, clysteres, gargarismata &c. recipiuntur, iisdemque creberrimè flores chamomillæ, ob naturæ ac virium analogiam aliquam, junguntur. Usus externus non minorem, quàm internus, ambitum habet: Aliæ enim ex recensitis præparationibus in erysipelate, & tumoribus inflammatoriis mammarum, aliæ in tumoribus œdematosis, odontalgicis, aliæ in vulneribus & ulceribus, aliæ in doloribus hæmorrhoidalibus, colicis, cardialgicis, hysteriis & hypochondriacis, & aliæ denique in odontalgia &c. egregiè profunt.

» quoquè in formâ decocti assumpti ad consolidationem, egregiam exerunt efficaciam. In  
» casu ab alto ad sanguinem conglobatum res-  
» solvendum aqua millefolii destillata, vel ejus  
» decoctum, pulvis quoque cum aceto itidem  
» præstantissimæ sunt virtutis. &c.

## CAPUT XVII.

*De floribus Lavendulæ & Calendulæ*

## §. I.

**B**INÆ LAVENDULÆ, sive LAVANDULÆ species in Officinis nostris locum inter præstantiora medicamenta adeptæ sunt, *Lavendula* nempe *latifolia*, *major*, *vulgaris*, flore cæruleo, sive *Spica Nardi*, *Spict*, *Spicanard*, & *Lavendula minor*, *angustifolia*, flore cæruleo, *Lavendel*. *Lavende*, *Spic*, *Aspic*, *Nard*, Prior etiam *Pseudonardus mas*, posterior *Pseudonardus fœmina* nuncupatur. Apud nos hæ plantæ solummodò in hortis coluntur, in *Hispaniâ* autem, *Italiâ*, *Galliâ Narbonensi* &c. in locis campestribus & montanis spontè crescunt. Valdè quoad formam, proprietates externas, & naturam conveniunt, præterquàm, quòd *lavendula angustifolia* gratiori odore balsamico sese commendet, & ideò naturæ magis amica videatur. Non tota planta, sed solummodò flores in usum medicum trahuntur, quoniam activis principiis longè largiùs, quàm folia, instructi sunt, &, præter odorem fragantiorem, saporem quoque fortiozem, eumque subacrem & amaricantem, possident.

## §. II.

*Oleum essentialè athereum* floribus hisce præcipuas vires medicas conciliat, & licet *fixa* quoque *substantia gummeo-resinosa* virtute non penitus destituta sit, oleo tamèn in hoc passu longè cedit. Largior olei copia in floribus spicæ vulgaris seu lavendulæ majoris latifoliæ, quàm minoris angustifoliæ, hospitatur, idemque ut plurimum in horum librâ civili ad drachmas duas, in æquali autèm illorum quantitate ad drachmas quinque vel sex pondere ascendit. Superat prætereà oleum lavendulæ vulgaris oleum lavendulæ angustifoliæ gravitate specificâ (a), & paulò calidioris proindè naturæ existit. Ex memoratâ discrepante olei essentialis quantitate ratio patet, cur flores lavendulæ gratiores, quàm spicæ flores, odorem spirent, remissioresque in corpore operationem exerceant. Infusum aquosum florum spicæ vulgaris colore flavo-fusco est, odorem gratum balsamicum eructat, & saporem amaricantem possidet. In massâ inspissatâ, quæ ex uncia florum unâ circitèr drachmam unam ac totidem fermè scrupulos pendet, proprietates hæ externæ nonnihil mutatæ reperiuntur: Color fuscus nempè ad nigre-

(a) Vid. Cap. I. p. 12.



dinem vergit, odor debilior & ingrator est, ac, præter, amaricantem saporem, etiã subsalsus sese manifestat. Tinctura spirituosa prima subviridi colore pollet, naribusque odorem simplicis specificum, linguæ autem acrem, amaricantem atque balsamicum saporem imprimit; Eiusdem quoque conditionis extractum est, præterquam, quod odor debilior existat. Ex unciâ florum unâ binas fermè drachmas, adeoque majorem, quam extracti aquosi quantitatem obtinui. Infusa & extracta lavendulæ minoris seu angustifoliæ parùm vel nihil à descriptis differunt, & levissimæ igitur discrepantiæ ratio, unicè fermè, quod antea pridem monui, in oleo æthereo delitescere videtur.

## §. III.

Inter activa pharmaca *nervina* & *cephalica* utriusque lavendulæ flores locum tuentur, multumque memoriæ debilitate, vertigine, hemicraniâ, corizâ diurnâ aut gravedine, epilepsiâ, melancholiâ, appoplexiâ pituitosâ, hebetudine sensuum externorum, paralyfi membrorum &c. laborantibus prodesse solent. Internè plerumque sub formâ infusi vinosi exhibentur, ac multa variaque præparata & composita pharmaceutica ingrediuntur. Externè, discutiendi ac robo-

randi fine , sapissimè speciebus pro cucuphis , sacculis , pulveribus cephalicis , immò balneis , & suffimigiis miscentur , viresque eximias variâ hac applicatione in multis capitis morbis , œdemate aut paralyfi membrorum , doloribus rheumaticis & arthriticis , suppressione mensum , sterilitate , fluore albo &c. exerunt.

§. IV.

FLORES CALENDULÆ VULGARIS seu SATIVÆ HORTENSIS , *Soucy* , *Hingen-oder Cold-Blumen* , in hortis plerisque uberri-  
mè crescunt. Sapore debili herbaceo gaudent , & fortem , si adhuc recentes sunt , odorem balsamicum , nonnihil tamèn nauseosum , emittunt , qui maximam partem in exsiccatis perit ; manifesto documento , *copiosum* quidèm atque *tenerrimum principium spirituosum* , *parùm* vero *olei substantialis aetherei* in naturali mixtione latitare. *Principia fixa resinoso-gummea* majori quantitate adsunt , eminentiori nihilominùs activitate carent. Nam flavescent infusum aquosum primum , licet nauseosum odorem balsamicum diffundat , saporem solummodò inertem subamaricantem & mucilagineum obtinet. Extractum indè paratum valdè tenax est , & odore panem mellitum , sapore rob sambuci quodammodò æmulatur. Tinctura spirituosa

prima paulò potentior existit, quoniàm, præter colorem aurantium & debilem odorem nauseosum, saporem subacrem ac blandè balsamicum possidet, &, evaporatione paractâ, massam relinquit rubro-subfuscam, sapore amaricante ac paululùm adstringente præditam. Uncia florum una mihi fermè drachmas tres extracti aquosi primi, & drachmam unam ac grana quinquaginta extracti spirituosi primi reddidit.

## §. V.

Vulgò hi flores, præsertim recentiores, fugacissimo principio spirituofo adhuc prægnantes, ad medicamenta *alexipharmaca*, *expellentia*, *cardiaca* & *uterina* referuntur, & specificè imprimis in febribus malignis, variolis, morbillis, aliisque morbis exanthematicis, nec minùs in ictero, palpitatione cordis, suppressione mensium, partu difficili, retentione placentaë uterinæ, & fluore albo prodesse dicuntur, quoniàm discutiendo ac leniter abstergendo agunt, & blandæ igitur humorum resolutioni, mobiliumque impuritatum exclusioni per poros cutaneos inserviunt. Internè optimè operantur, quandò ad aliquot pugillos vino, aceto, aut aquâ fervida infunduntur. Infusum aquosum in febribus, vinosum autèm in

morbis frigidioribus magis locum habet, acetum denique in peste, cæterisque febribus putridis malignis maximè proficuum reperitur. Externè decoctum eorum inter vulneraria militat, & cataplasma quoque, coctione cum vino paratum, multum ad maturandos bubones pestilenciales valere creditur.

---

### CAPUT III.

*De Ligno Sassafras & Guajaco.*

#### §. I.

**L**IGNUM SASSAFRAS, alias etiam *Lignum Pavanam*, *feniculatum*, *anticatarrhale* &c., germ. *Indianisches Fenchel-oder Sassafrab-Holz*, *Bois de Sassafras*. Dictum, colore rufescente, vel ex albido aut flavo gryseo, odore grato fragrante, sapore debili aromatico gaudet. Cortice cingitur, coloris intus ferrugineo-subrufi, foris cinerei, odoris, si raditur, fragrantissimi, saporis subacris, subastringentis & aromatici, qui subjacentem substantiam lignosam medicâ virtute longe superat, eidemque proinde in casu quocunque præferri meretur. Arbor, quæ hoc lignum largitur, & *Pavame* dicitur, alta est, ac tantâ copiâ & ubertate in va-

riis *Americæ* tractibus , maximè autem in *Brasilia* , *Florida* atque *Virginia* , adolescit ut passim integræ sylvæ reperiantur. Folia habet ficulnea , floresque fert rosaceos , quibus baccæ nigricantes , lauri baccas formâ & magnitudine æmulantes , succedunt. Radix lignosa , & rami minores trunci ligno præstantiores sunt , adeoque ad pharmacopolia nostra præcipuè transferuntur.

## §. II.

*Principio mobili spirituosissimo* hoc lignum , præsertim cortice suo adhuc tectum , valdè turgescit , & facit notabilem quoque *olei substantialis ætherei* , & *fixæ substantiæ resinoso-gummeæ* quantitatem in mixtionem fovet. Oleum , cujus drachmæ duæ , ac totidem fermè scrupuli in librâ unâ adsunt , in aquâ fundum petit , & pleraque olea ætherea reliqua gravitate specificâ superat. Post destillationem limpidum est , deindè autem nonnihil rubescit. Tinctura spirituosissima primæ colorem obtinet obscure rubrum , ad nigrum paulisper inclinantem , odorem ligni specificum spirat , & balsamicum atque subacrem saporem linguæ imprimit. Inspissata extractum largitur coloris fusco-nigricantis , saporis subacris , balsamici ac paululum adstringentis , odoris debilis fœniculati.

Ex unciâ ligni unâ drachmam unam & grana quinquaginta obtinui. Infusum aquosum primum rubicundi coloris est, & licet fortem ligni odorem eructet, valdè debili tamèn sapore balsamico pollet. Extractum inde resultans rubro-ac fusco-nigricans odore maximam partem reperitur orbatum, sat austerum tamen & amarificantem saporem possidet: Undè cognoscere licet, quòd sapor aromaticus præcipuè à partibus spirituoso-oleosis, & fixis resinosis, virtus subadstringens autèm magis à substantiâ gummosâ dependeat. Uncia ligni una binas drachmas & grana aliquot hujus extracti dedit. Quandò coctione fortiori atque protractâ partes fixæ gummosæ ac resinosæ simul separantur, extractum inde parari potest, viribus cortici Peruviano æquiparandum. (a)

§. III.

Cortex respectu naturæ ab ipso ligno minimè differt, præterquàm, quòd memoratis principiis activis largiùs instructus sit, & eminentiores proindè vires in corpore exerat. Validè discutiendo humores commovent, ac lenissimè adstringendo & irritando partium solidarum contractiones augent, adeoque sudorem

(a) Conf. Hoffmann. in Obs. physico-chym. select. p. 14.

atque utinam pellunt, impuritates mucidas attenuant, & sanguinem ac lympham egregiè purificant. *Uſus* eorum ſpecialis notiffimus ac planè eximius eſt in frigidis affectibus catarrhalibus, lue venereâ, ejuſdemque prodromis & ſymptomatibus, nec minùs in ſcabie benignâ, & malignâ, ulceribus impuris, ſcorbuto, cachexiâ, fluore albo, cæteriſque morbis, qui ex ſpiſſitudine, mucidate, & impuritate variâ humorum præcipuè naſcuntur. Datur internè infuſum vinoſum, & aquoſum, nec minus decoctum & eſſentia. In infuſo plerumque à drachmâ unâ ad duas præſcribuntur. Externè nonnunquam gargarifmata, in tumoribus glandularum ſalivalium, dolore dentium, raucedine, ſtomacace &c. proficua, ingrediuntur.

## §. IV.

LIGNUM GUAIAECUM ſive GUAIVACAN *Franhofen-Holh, Vocten-Holh, Bois de Gayac ou Gayac*, cujus ſpecies quædam albicans LIGNUM SANCTUM dicitur, valdè denſum, ſolidum, reſinoſum, ac ponderoſum eſt, coloris gryſeo-fuſci, vel fuſco-nigricantis, & ſubindè quoque nonnihil virideſcentis, ſaporis ſubacris ac reſinoſi, odoris, ſi raditur, debilis balsamici. Cortex, quo cingitur, craſſus eſt, gryſeum-

que colorem, cinereo-ferrugineum, interdum maculis obscurè viridibus hinc inde distinctum, & eundem, quem lignum, saporem & odorem obtinet. Arbores in variis locis *India occidentalis*, maximè autem in *Mexico*, & *Insulis Hispaniolâ, Jamaicâ, S. Dominici* &c., juglandium magnitudine crescunt, & fructus duos cordiformes, castaneis non dissimiles, binas tamen nuces includentes, ferunt. Quandò truncus & rami majores spontaneas fissuras agunt, vel inciduntur, succus acris resinofus effluit, qui sensim in corpus friabile, acre, fusco-rubicundum aut viridescens, gummeo-resinofum, si-ve sic dictum *Gummi Guajacum*, condensatur.

#### §. V.

Principiis volatilibus parùm in hoc ligno tribuendum est, quoniàm portio spirituosâ parcâ admodum quantitate inhæret, & oleum substantiale æthereum planè deficit: Quòd *fixam* verò *substantiam gummosam* ac *resinofam* attinet, illa sat notabili copiâ adest, ità tamen, ut posterior pondere priori antecellat. Infusum aquosum primum, cujus color flavo-fuscus, odor debilis & nonnihil aromaticus, sapor resinofus & subacris est, post blandam evaporationem extractum largitur,



coloris fusci, ad nigredinem aliquantulum vergentis, odoris debilis, saporis in principio subadstringentis, ac paululum resinosi, postea autem adeo acris atque urentis, ut piperis instar, quamquam remissiùs, fauces pungat, atque adurat. Quando perfectè siccatur, facile in pulverem tenerrimum teritur, cujus moleculæ, sub triturâ ascendentes, pruritum in naribus (*ein Krubben*), imò sternutationem producant. Ex uncia unâ ligni raspati & satis compacti drachmam unam, & scrupulos duos obtinui. Tinctura spirituosâ prima colore ex rubro ac fusco nigricante, odore resinoso ac debili balsamico, & sapore subacri atque balsamico pollet. Extractum inspissatum, quod fusco-nigricantis coloris ac valdè tenax est, odore vulgare rob sambuci æmulatur, & linguæ saporem merè propemodum resinosum, nullâ notabili ampliùs acredine mixtum, imprimit. Pendet circiter, una nimirum ligni uncia experimento adhibita, drachmas duas, totidèmq; scrupulos.

## §. VI.

Vires medicæ præsertim *stimulantes*, *attenuantes*, *abstergentes* ac *diuretici*, quod liquidò ex institutis examinibus patet, magis quidem gummoso, quam resinoso

principio adscribendæ sunt ; certo nihilo-  
 minus certius est , substantiam gum-  
 meam , particulis resinosis tenerioribus  
 remixtam , operari efficacissimè ; quam  
 sententiam dudum quodque B. FRID.  
 HOFFMANNUS amplexus est : » Præ-  
 » ter resinam hanc , in *Observationibus*  
 » *physico-chymicis select. Lib. I. pag. 66.*  
 » *scribit* , quæ beneficio spiritûs vini eli-  
 » citur , adhuc alia resiniformis substan-  
 » tia , non parùm ratione saporis & vir-  
 » tutis à priori dissidens , ex hoc ligno  
 » poterit obtineri , idque non per mace-  
 » rationem cum menstruis spirituosis ,  
 » sed per simplicem & paulò longiorem  
 » coctionem cum aquâ communi ; quan-  
 » dò nempe ligni guajaci decoctum leni  
 » inspissatur igne , tunc in fundo vasis re-  
 » siduum manet spissamentum quoddam  
 » resiniforme , quod balsamici & grati  
 » odoris est , saporis acriusculi , quod in  
 » pulverem tenuem redactum & naribus  
 » admissum , stimulando glandulosas il-  
 » las , quæ narium ossa investiant , tui-  
 » cas , pituitam ibi hærentem potenter  
 » colliquat atque educit , adeò , ut om-  
 » nibus à multo jam tempore notis , &  
 » expertis errhinis , propter eximiam ,  
 » quam exserit efficaciam , mihi resina  
 » hæc præferenda videatur. Nam præter  
 » vin errhinam & stimulantem simul

» quandam possidet facultatem robo-  
 » rantem, nervosis capitis partibus ami-  
 » cissimam. - - - Hoc experimentum no-  
 » bis perspicuè aperit modum, quo ligni  
 » guajaci decoctum ex aquâ operationem  
 » suam in lue Gallicâ sanandâ exserit.  
 » Quilibet enim facilè hîc perspicit, in  
 » decoctum non nisi hanc resinam acrem,  
 » errhinâ facultate donatam, transire,  
 » relictâ in ligno copiosiori & magis oleo-  
 » sâ illâ, resiniformi substantia. Quem-  
 » admodùm itaque resina hæc spiculis &  
 » stimulis suis salino-acribus vellicando  
 » glandulosas narium tunicas, fundit &  
 » liquat tenacem pituitam; ità nullum  
 » dubium est, quin ligni guajaci deco-  
 » ctum, spiculis istis salino-resinosus ro-  
 » boratum, dum accedit ad partium so-  
 » lidarum glandulosos tubulos, eos eâ-  
 » dem ratione vellicando & ad validio-  
 » rem constrictionis motum invitando,  
 » corruptos & tenaces, qui ibi hærent,  
 » humores colliquet, eosque e latibus  
 » suis excussos, ad expulsionem e corpore  
 » idoneos reddat, quæ primaria in hoc  
 » morbo sanando medentis debet esse in-  
 » tentio. &c.

### §. VII.

CORTICIS principia separabilia, na-  
 turâ ac viribus, cum principiis ipsius ligni  
 perfectè

perfectè conveniunt, minori tamen quantitate reperiuntur ingenita, hinc cortex etiàm dosi largiori, quàm lignum, præscribi potest. Non differt quoque nativum GUMMI GUAJACUM, dùm paritèr ex *partibus resinosis, gummeis, & terreis inertibus* conflatum deprehenditur, ità tamen, ut portio resinosa gummeam quantitate longè superet, & maximam totius ponderis partem constituat. Quando gummeo-resinosum hoc concretum, nec minùs cortex & lignum ex retortâ igne sicco destillantur, multum olei empyreumatici & sat notabilem quoque spiritûs aciduli quantitatem reddunt, quæ producta tamen, cum natales suos solummodò violentæ substantiæ gummeo-resinosæ destructioni debeant, nullam, intuitu principiorum naturalium, considerationem merentur.

### §. VIII.

Lignum Guajacum frequentissimè, cortex verò atque nativa gummi-resina, licet summa, quod dictum fuit virium analogia adsit, paulò rariùs apud nos in usum medicum vocantur. Locum inter præstantissima *attenuantia, abstergentia & purificantia* inveniunt, ac sese mirificè imprimis in morbis venereis, affectibus scabiosis, scorbuticis, atque cachecticis, ul-

ceribus impuris & rafractariis , catarrhis capitis , faucium , pectoris &c. , rebellibus rheumatismis , fluore albo , & singulis morbis reliquis commendant , quorum causæ primariæ ad spissitudinem & salino-mucidam humorum impuritatem redeunt. Lignum & cortex ordinariò in decocto , rariùs in infuso vinoso , à drachmâ unâ ad unciam dimidiam , præscribuntur , gummi-resina autèm pilulas , bolos , & electuaria ingreditur , vel , in spiritu vini , aut liquore terræ foliatæ tartari vinoso soluta , sub tincturæ formâ , à guttis viginti , ad triginta , quadraginta , propinatur. Externè lignum & cortex decoctis vulnerariis , & gargarismatibus , contrà anginam spuriam , laxitatem uvulæ , tumores glandularum salivalium , odontalgiam & scorbutum oris adhibendis , adduntur , & siccum ac pulverulentum extractum aquosum , cujus uberior mentio §o. 6o. facta fuit , commodè inter pulveres errhinos & ptarmicos , itemque abstergentes ac stimulantés , paralyfi linguæ p̄ficuos , recipitur.



## CAPUT XIX.

*De Ligno Aloes , rhodio & Santalo flavo.*

## §. I.

**L**IGNUM ALOES OFFICINARUM, XILO-  
 ALOES , AGALLOCHUM , LIGNUM  
 CALAMBAC , *Uloes-oder Paradies-Holb* ,  
 densum est , ponderosum coloris fusci ,  
 aut ferruginei , nigricanti , passim distin-  
 cti , odoris grati balsamici , saporis sub-  
 acris , amaricantis , & aromatici. Subinde  
 etiam Agallochum occurrit coloris pur-  
 purei , venulis cinereis distincti , item-  
 que perfectè nigricans , ligno ebano non  
 adeò dissimile. Optimum censetur com-  
 pactum , probè resinosum , in igne teræ  
 instar liquefscens , & fragrantem gratissi-  
 mumque odorem emittens. Scriptores  
 quamplurimi Agallochum sive Lignum  
 Calambac in *verum* & *spurium* distinguunt ,  
 & hoc duntaxat ordinarium lignum *Ar-*  
*boris Chinensis* atque *Tartariae Calambac* ,  
 illud autèm interiorem ejus medullam  
 lignoso-resinosam esse perhibent : Ve-  
 rum , pro meo judicio , distinctio hæc pa-  
 rum apta est , & alterum potiùs *lignum*  
*aloes ignobilius* , alterum *nobilius* atque  
*præstantibus* nuncupandum esset. Nonnulli

verum lignum aloes solummodò ex *Chinâ & Tartariâ orientali*, vulgare ac spurium autèm ex variis quoque *Indiæ* regionibus & insulis afferri, (a) & prius colore fusco-purpureo, ac totum fermè resinofum esse, posterius verò magis tex-

(a) Lignum Agallochum verum, uti GEORGE EBERHARDUS RUMPHIUS in *Miscell. A. N. C. G. D. II. ann. 3. Obs. 22.* refert, in regno Coinam nascitur, & rarò ad Europeos deferretur, quoniam in Indiâ majoris est pretii, quàm in Europâ, ibidemque duplo & triplo argenti pondere redimitur: Spurium verò ab arbore excæcante, quæ circa Amboinam in insulis passim obvia est, desumitur, & ad suffiendum adhibetur. Prunis enim inspersum, primò benzionum olet, deindè mox in nidorofum odorem desinit. Arbor excæcans nihil habet commune cum agallochi veri arbore, sed arbor deformis est, non nisi in littoribus solitariè crescens, & male audiens apud nautas & incolas, quia lacteo quodam liquore turget, qui, casu oculis immiffus, magnos cruciatus excitat, inflammat, & nisi citissimè succurratur, excæcat. Videtur Lathyrus quædam arbore'cens esse, ubique fructus fert triquetros, Lathyridis baccis valdè similes, quæ valgò Cataputia audit. Folia cum pyri foliis conveniunt, quæ in margine tamèn obscurè dentata sunt. Frustulum corticis, aut quinque lactis guttulæ validam provocant purgationem, sed in gutture urunt. In caudicis, radicumque terræ exstantium cavernis hæc arbor dictum lignum odoratum habet, quod gignitur ex pinguioribus ejus partibus, solis fervore, & crebrâ aspersione aquæ marinæ probè excoctis. &c.

turâ suâ ad lignum ordinarium accedere, & colore fusco-aut flavo-nigricante præditum esse, defendere sustinent. Addunt quoque, veram arborem Calambac, licet ad quercûs magnitudinem excrefcere consueverit, vix dimidiam ligni præstantioris libram reddere, & inde igitur insignem ejus caritatem non minus, quam raritatem derivandam esse.

§. II.

Vulgare lignum aloes, in officinis nostris venale, sat *copiosam* quidè *substantiam fixam gummeo-resinosam*, non adeò multum verò *spiritûs & olei essentialis ætherei* possidet. Nam B. FRID. HOFFMANNUS ex decem ligni raspati ac macerati libris vix unciam dimidiam liquidi cujusdam resinoso-oleosi spissiusculi humidæ destillationis beneficio elicere potuit. Mixtum hoc resinoso-oleosum instar camphoræ albicans erat, & in spiritu vini rectificatissimo promptè solvebatur, eumque eximiiis viribus nervinis imprægnabat (a). Tinctura spirituosâ prima, colore fusco-nigricante prædita, saporem possidet sub-acrem, lenissimè amaricante atque balsamico remixtum, debilemque duntaxat odorem balsamicum spirat. Massa inspiss-

(a) Vid. Ejus. Obs. physico chym. select.  
p 16.



fata nigricans est , ac valdè debili sapore & odore balsamico donata reperitur. Infusum aquosum primum turbidum est , ac sordidè fuscum , fortiori tamen odore balsamico , & eminentiori amaritie atque aromaticâ acredine , quàm tinctura spirituosâ , pollet. Extractum , peractâ evaporatione relictum , odore fermè destituitur , & , præter colorem obscurè fuscum , saporem amaricantem ac paululùm in recessu adstringentem obtinet. Ex uncia unâ ligni raspati drachmas tres extracti spirituosi , & drachmas duas extracti aquosi primi impetravi ; undè clarè constat , quòd pars resinosa majori quidem copiâ , quàm gummosa , inhareat , quodque posterior nihilominùs , testante imprimis sapore infusi & extracti , activitate nonnihil præpolleat.

## §. III.

Vires medicæ , quibus hoc lignum , præsertim nobilius , instructum reperitur , ad *roborantes* , *nervinas* , *cephalicas* & *cardiacas* maxime redeunt , ac multùm proinde auxilii ab usu ejus expectandum erit in morbis singulis , in quibus solida nervoso-membranacea atoniâ , & humores inertia quadam , partiumque spirituosarum penuriâ laborant : Cujus censûs sunt vertigo , debilitas memoriæ , apoplexia ,

affectus soporosi, epilepsia, melancholia, lipothymia, palpitatio cordis, gutta serena, imbecillitas pulmonum & ventriculi, passio hypochondriaca, singultus, vomitus, incontinentia urinæ, abortus imminens, cachexia, fluor albus, gonorrhoea benigna & complures alii. Ingitur pulveres, decocta, & infusa vinosæ, à scrupulo uno ad drachmam integram. Externè rasura ejus speciebus procucuphis, & sacculis roborantibus nec minùs, ob gratam fragrantiam, suffumigiis additur. Chineses, referente HERMANNO (a), odoratu ejus maximè delectantur, & quo gratior amicus, eò meliorem portionem illi offerunt, immò, mulieres Benjanorum in India, quandò sese cum defuncto marito comburere volunt, lignis pro construendo ferali rogo illud ipsum miscent, & odorem ejus diis suis gratum esse, credunt.

§. IV.

LIGNUM RHODIUM, ROSACEUM, CYPREUM, RHODIXILLUM, *Rosen-Rhodiser-Holz*, solidum est, compactum, colore subfusco-flavo vel aurantio, sapore oleoso, amaricante, balsamico, odore fragrante, rosaceo, gratissimo præditum. Planta, cujus radix, truncus & rami cras-

(a) In Cynos. Mat. med. p. 107.

fiores hoc lignum fœnerantur, ad frutices arboreſcentes pertinet, & ab HERMANNO *Cytisus incanus ſiliquis falcatis*, ab aliis *Oleaſter Rhodius* vocatur. In Syria & inſulis *Rhodo* atque *Cypro* præcipuè creſcit, & truncus nonnunquàm brachii virilis craſſitiem conſequitur. Eligendum eſt lignum rectum, ponderoſum, denſum, pingue, ac probè reſinoſum, quod colore ſaturatè flavo, ad ruſum aut ſubſcuſcum nonnihil vergente, donatum eſt, cultroque leviter raſum, fortem protinùs ac gratum odorem roſaceum diffundit.

## §. V.

Principiis gaudet *oleoſo-ſpirituofis, gummoſis ac reſinoſis*: Pondus olei ſubſtantialis ætherei exactè determinari nequit, quoniam quantitas, humidæ deſtillationis beneficio proleſta, pro valdè diſcrepante ligni bonitate mirificè variat. Nunc enim libra una unciam dimidiam, nunc drachmas duas vel tres, nunc ſaltèm aliquot ſcrupulos reddit. Oleum recens colorem aureum obtinet, temporis verò ſucceſſu rubefcere incipit. Principium fixum reſinoſum quantitate gummoſum ſuperat, & ex unciâ unâ ligni optimi circiter drachmæ tres extracti primi ſpirituofî, & drachmæ duæ extracti primi aquoſi ſeparari poſſunt. Tinctura ſpiri-

tuosa prima colore gaudet aurantio, ad rubrum vergente, vel potius flavo-rubundo, & naribus gratum odorem rosaceum, linguæ autem subacrem, balsamicum, & austeriusculo-amaricantem saporem imprimit. Inspissatum extractum flavo-rubundo-fuscum cum infuso quoad odorem atque saporem convenit, & adeò tenax est, ut degustatum, terebinthinæ instar, palato, linguæ, ac dentibus pertinacissimè adhæreat. Infusum aquosum primum colore aureo sese commendat, ipsius ligni odorem spirat, & sapore amaricante atque balsamico gaudet. Cum hoc infuso ipsum extractum inspissatum convenit, præterquàm, quòd colorem fluvo-fuscum obtineat, & debiliorem quoque odorem balsamicum emittat.

§. VI.

Activitas medica ad oleum essentielle æthereum maximè quidè redundat, symbolum tamen suum fixa pariter principia, præsertim resinosum, conferunt. Illud enim præcipuè commovendo ac discutendo, hæc autem magis roboranda & subaltringendo operantur. Valet igitur usus ejus in morbis plerisque, in quibus lignum aloes prodesse dictum fuit, & internè quoque eodem modo, frequentius tamen in infuso vinoso, quàm

aquoso, exhibetur. Dosis cæteroquin paulò moderatior esse debet, quoniàm multi ægrotantes, præsertim fœminæ hystericae, fragrantem ejus odorem rosaceum perferre nequeunt. Externè suffigiorum, faculorum roborantium, cucupharum, pulverum odoratorum &c. ingredientia augeat.

## §. VII.

SANTALUM, SANDALUM CITRINUM, EIGNPM SANTALINUM FLAVUM, *gelber vohlriechender Sandel*, referente HERMANNO (a), *arboris Timorensis bacciferae, Sercanda dictæ, solida, densa, ac flava medulla est. Odorem balsamicum gratissimum spirat, si cultro paululùm raditur, & amaricantem atque aromaticum saporem, præviâ tamen protractiori manducatione, linguæ imprimat. Il insulâ Timor, regione Tanassarin; aliisque Indiæ orientalis tractibus uberrimus harum arborum proventus est, adeòque, ut hinc inde integræ earum sylvæ conspiciantur.*

## §. VIII.

*Oleum essentiale æthereum, cujus binæ circiter drachmæ ex librâ unâ eliciuntur, quodque ambram & moschum redolet, præcipuum principium activum consti-*

(a) L. c. p. 109.

tuit: Huic *substantia fixa resinosa*, tandemque *gummosa* intuitu activitatis succedit. Color infusi aquosi primi flavescent est, odor balsamicus quidem, non adeò tamèn gratus, & sapor debilis balsamicus nonnihil nauseosus. Massa inspissata ejusdem fermè coloris reperitur, & sapore amaricante ac debili aromatico pollet. Ex unciâ ligni unâ scrupulos duos impe-travi. Tinctura spirituosâ prima colore aurantio seu flavo rubicundo, odore leniter balsamico, & debili sapore aromatico gaudet. Extractum, indè evaporando paratum, quoad odorem & saporem cum tincturâ convenit, obscuriorem tamèn, fuscum nempè, colorem obtinet. Quantitate præcedens gummosum superat, & ex unciâ unâ ligni bonæ notæ seperatum, scrupulos quatuor pendet.

§. IX.

Viribus medicis ligno aloes nisi præferri, certè tamèn æquiparari meretur, & mirandum omninò, quòd usus ejus hæctenùs paulo ratiò fuerit. Militat inter optima nervina, cephalica & cardiaca, adeòque in morbis singulis, quibus balsamica hujus commatis opitulantur, non sine emolumento insigni in infuso aquoso & vinoso, à scrupulo uno ad unam alteramve drachmam, propinari proterit.

Nonnulli eidem adstringentem quoque, ac fortem virtutem diureticam adscribunt, & specialius proinde in sudoribus colliquativis, & hydropo commendant: Verum enim verò, laudatam virtutem adstrictoriam neque in ligno integro, neque productis deprehendere potui, & in hoc igitur passu calculum meum adjicere nequeo. Externè in casu quocunque illud ligno Rhodio & Aloes substituere licet. Prostat etiam LIGNUM SANTALUM ALBUM, sed hoc ipsum viribus medicis destituitur, nec ullâ proinde descriptione dignum existit.

---

## C A P U T XX.

### *De Ligno Juniperi & Lentisci.*

#### §. I.

**L**IGNUM JUNIPERI, *Bois de Genévrier*. Partim albicans, partim flavescentis est, ac debili duntaxat odore & sapore balsamico pollet. *Principio oleoso-spirituoso* parcissimè instructum reperitur, nec ullum proinde oleum substantiale reddit, nisi magna ejus quantitas destillationi humidæ unâ vice impendatur, ità ut præsentiam olei essentialis magis suspicari, quam demonstrare liceat. Quod *fixa*

verò *principia resinoso-gummea* attinet, illa majori copiâ inhaerent, & uncia ligni una plerumque scrupulos duos extracti primi aquosi, & drachmam integram extracti primi spirituosi largitur. Infusi aquosi color rubicundus est, sapor ingrâtè balsamicus, &, ipsiûs Sandarachæ instar, resinofus, odor nauseosus oleosus. Massa inspissata colorem rubro-fuscum obscuriorem, odorem debilem balsamicum, & saporem amaricantem, subadstringente & balsamico mixtum, possidet. Tinctura spirituosa prima colore saturatè aurantio, odore & sapore resinoso-balsamico, instar mastichis, gaudet, &, peractâ blandâ evaporatione, extractum flavo-fuscum relinquit, resinoso pariter atque balsamico odore & sapore, cui lenissima saltem acredo admixta deprehenditur, præditum. Præcedens cæteroquin extractum aquosum, majori, quàm vix descriptum resinofum, activitate pollet.

§. II.

Multi lignum juniperinum ligno cassi-  
fras viribus analogum esse, & alterum  
alteri commodè eapropter substitui posse  
credunt: Verùm, pro meâ sententiâ,  
prius ob olei ætherei defectum, aut ma-  
gnam tamèn penuriam, posteriori longè  
debilius atque temperatius est. Virtutes



ejus , à fixis duntaxat principiis resinoso-gummeis derivandæ , *blande roborantes , subadstringentes , nervinæ , diureticiæ* , adeoque etiam paululùm *purificantes* censendæ erunt. Convenit igitur in lue venereâ , affectibus scabiosis , scorbuticis , catarrhalibus , rheumaticis & arthriticis , cachexiâ , hydrope , suppressione urinæ , calculo , fluore albo , & morbis quibuscvis reliquis , quorum origo partium solidarum atoniæ , & spissitudini atque impuritati humorum præcipuè adscribenda venit. Exhibetur ordinariò in decocto aquoso , & infuso vinoso , à drachmâ unâ ad unciam semissem. Externè istud nonnulli decoctis traumaticis addunt.

### §. III.

LIGNUM LENTISCI, *Bois de Lentisque , Mastar-Holb* , quod multa cum ligno juniperino communia habet , intùs flavo-& subfusco-pallidum est , foris autèm cortice ferruginei coloris cingitur. Odor & sapor ejus valdè debilis balsamicus est , posterior tamèn subadstringente nonnihil mixtus deprehenditur. Cortex paulò potentior existit , & adstrictoriâ imprimis virtute lignum superat. Crescunt lentisci in *Syriâ , Hispaniâ , Lusitaniâ , Italiâ , Galliâ* , maxime autem in *Chio , Cypro , Candiâ* , aliisque insulis maris *Ægei* ,

indeque non lignum duntaxat, sed exfundens quoque concretum gummeo-resinosum, *Mastiche* dictum, cujus uberior in frequentibus mentio fiet, ad nos defertur.

§. IV.

Volatilia principia oleoso-spirituosa vix considerationem in hoc ligno merentur, & medicæ igitur vires unicè prope modum *fixæ substantiæ gummeo-resinosæ* adscribendæ sunt. Portio magis gummosa, in aquâ solubilis, portione magis resinosa respectu quantitatis superior est, & in uncia unâ ad integram fermè drachmam ascendit; cum posterior ex adverso saltèm grana viginti quatuor vel drachmam semissem pondere æquet. Tinctura spirituosa prima aurei coloris est, saporis nonnihil balsamici & subacris, odoris nulliùs singularis. Massa inspissata colorem flavo-fuscum, odorem debilem balsamicum, similemque saporem, subadstringente & subsalfo mixtum, possidet. Infusum aquosum primum eleganti colore rubicundo, ad fuscum paululùm inclinante, tinctum conspicitur, gratum odorem balsamicum, instar gummi anime aut sandarachæ, spirat, debilemque duntaxat saporem balsamico-resinosum possidet. Extractum, inde post evaporationem relictum, nigricans est odoris

grati, saporis balsamici, subacris & subadstringentis.

## §. V.

Blandè discutiendo, subadstringendo, & roborando operationem suam in corpore exercet, ac jure meritoque inter moderatæ activitatis *nervina* & *abstrictoria* collocandum est. Specificè sese in diabete, gonorrhoeâ benignâ, imbecillitate ventriculi, aliorumque viscerum, nec minùs in vomitu, calculo, arthritide, asthma pituitoso & cachectico, vertigine, affectibus œdematosis, melancholiâ, apoplexiâ, epilepsiâ &c. commendat, quandò in infuso aquoso, vinoso, aut decocto, ad unam alteramve drachmam, præscribitur. Externè decoctis traumaticis, & gargarismatibus, in odontalgia inprimis, laxitate uvulæ, tumoribus glandularum salivalium, cruentatione gingivæ scorbuticâ, raucedine refractariâ &c. adhibendis, additur.



## CAPUT X.

## De Ligno nephretico &amp; Colubrino.

## §. I.

**L**IGNUM NEPHRITICUM, *Urieb-Holb*, in frustis majoribus consideratum, ex duplici substantiâ constare deprehenditur: Altera videlicet, eaque exterior, colore pallidè flavescente, altera verò, interior nempè ac medullaris, subfusco, nunc ad obscurè rubellum, nunc ad nigricantem aut gryseum nonnihil vergente, pollet. Odor substantiæ utriusque, si cultro raditur, debilis balsamicus est, sapor autèm amaricans, subacris, & paululùm aromaticus. Quandò aquâ simplici frigidâ infunditur, colorem ipsi cœrulescentem, in superficie maximè conspicuum, conciliat; hinc à nonnullis quoque, tametsi fatès incongrue, *Lignum Santalum cœruleum* vocatur. Multi laudato experimento, ad lignum genuinum à spurio *Brasiliensi* discernendum, utuntur: Ast monendum duco, colorem memoratum, licèt lignum genuinum sit, ac fatès diù in aquâ relictum, interdùm adeò debilem esse, pallidumque, ut vix, aut ne vix, nisi radii solares vitrum quodammodò collustrent, conspici queat.

## §. II.

Arbores, quæ lignum nephreticum verum largiuntur, in *Novâ Hispaniâ* maximè autem in *Regno Mexicano*, pyri vel pruni magnitudine, crescunt, & à Botanicis plerisque inter *Cytisi* species numerantur. Folia, alatim disposita, ciceris aut rutæ foliis haud dissimilia dicuntur, & flavi flores papilionacei tandem, uti PAULUS HERMANNUS refert (a), in siliquas retiformes, semina includentes, mutantur. Ab incolis *Cytisus* hic Americanus *Calti*, itèmq; *Coarthy* appellatur.

## §. III.

Largiori *substantiâ resinosa*, quàm *gummeâ*, lignum nephreticum instructum est, *olei atherei essentialis* autem vel nihil prorsus, vel valdè parùm continet (b). Virtus medica utrique quidè principio fi-

(a) In Cynof. Mat. Med. p. 112.

(b) Circa principia constitutiva, præsertim activa apud scriptores quamplurimos altum silentium est, vel falsa omninò, ac parùm demonstrata adducuntur. LEMERY V. g. multum *olei*, multumque *salis essentialis* huic ligno tribuit, & vix allegatus HERMANNUS de *blando sale alcalico* loquitur. Sed ubinam memorata hæreant, nondum hætenus detegere potui. HERMANNUS suam quidè sententiam cœruleo infusi aquosi tenuioris, colore, quem acida extin-

xo, magis tamèn gummoso, quàm resinoso, tribuenda, est. Infusum aquosum primum, corticis castanearum instar, colore obscurè fusco, sapore amaro, ac paululùm aromatico, & odore denique, mixti piperis & croci odorem quodammodò æmulante, gaudet. Extractum, quod post blandam evaporationem relinquitur, & ex unâ ligni uncia duos circiter scrupulos pendet, brunnei paritèr coloris est, ad nigrum paulisper vergentis, odoris nonnihil balsamici, & saporis amari atque subadstringentis. Tinctura spiri-

guunt, alcalia reducunt, corroborare annisus est; at parùm vel nihil argumentum istud hoc loco probare, arbitror. Acida enim & alcalia colores corporum, sive sal acidum, sive alcalicum, sive neutrum in mixtione suâ gerant reconditum, facilimè mutant, & facilè paritèr alcalia colores ab acidis destructos, reducunt, & vice versâ; adeòque solida, me sentiente, conclusio ad hujus vel illius salis inhaesionem inde formari nequit. Allegatum HERMANNI argumentum ejusdem penè valoris esse videtur, ac si dicerem: Salia acida sanguinem & lac animantium coagulant alcalia fixa autèm utrique fluiditatem reddunt, ergo in lactis & sanguinis mixtione naturali sal alcali fixum delitescit. Non dico cæteroquin, acidorum & alcalium miscelam principiis detegendis ineptam esse, sed hoc loco duntaxat nego, experimentum laudatum, ob suam applicationem, ad confirmandam HERMANNI hypothèsin quicquam conferre.

tuosa prima colore rubro-nigricante tincta cernitur, odorem, instar radicis levistici, balsamicum quidem, ast longè debiliorem, ac paupulum insuper nauseosum, spirat, & amaricantem, subacrem, ac blandè balsamicum saporem obtinet. Extractum, inde paratum, nigro colore est, & debilissimum duntaxat odorem balsamicum naribus, debilemque saporem amarum, balsamico & subadstringente mixtum, linguae imprimit. Valdè præterea, picis propemodum aut ceræ flavæ instar, terax est, & ex uncia ligni integrâ ad unam circiter atque dimidiam drachmam pondere ascendit. Residuum siccatum, secundâ vice cum aquâ simplici digestum, tincturam quidem fusco-flavescentem suppeditat, insipidam tamèn, inodoram, & nulliùs ampliùs virtutis. Eiusdem quoque conditionis massa inspissata est, licet drachmam adhuc dimidiam gravitate suâ superet.

## §. IV.

Ob principia amara, subacria & austerrinscula, lignum hoc, partim abstergendo ad lenitè irritando, partim subadstringendo, in corpore operatur, & *aperitivis* ideò, *laxantibus*, *diureticis* strictè itâ dictis (a), & *specificis lithontripticis* (b) omninò

(a) Medicamenta, quæ liberiolem, largiolem-

accenferi meretur. Virtus stimulanſ & blanda cathartica magis in parte reſinoſâ, ſubadſtringens autem & diuretica magis in parte gummoſâ latet: Ita tamen hæc principia invicem mixta reperiuntur, ut alterum vix prorsus ab altero ſeparari, & perfectè purum haberi poſſit.

que lotii ſe- & excretionem procurant, rectè in diuretica *proprie talia*, & *improprie talia* dividuntur. Hæc enim ſolummodo ſe- & excretionis obſtaculi tollunt, ut *emollientia*, *demulcentia* &c., vel ſeri ſecernendi copiam ſubſtantialiter augment, ut *diluentia*; illa autem, ſtrictè nimirum ac proprie ita nuncupata, leniter irritando & ſubadſtringendo fibras ac tubulos renum atque viſicæ, ſe- & excretionem ſimpliciter accelerant ac promovent. Et inde igitur ratio, cur lignum nephriticum diureticis proprie ita dictis acnumeraverim, manifeſta eſt.

(b) Lithontriptica *verè talia*, h. e., virtute, calculum jam concretum, ac plus minusve induratum, denuò diſſolvendi, inſtructa, exiſtere, parùm probabile videtur: Sed, pro meo judicio, illa duntaxat medicamina ſub lithontripticorum nomine intelligenda erunt, quæ calculi concretionem impediunt, & materiam pituiſoſoſabuloſam, grandioribus calculis prima ſtamina ſceneratnem, reſolvunt, diluunt, abſtergunt & expellunt. Non deſſe quidèſcriptores ſcio, vim quandam lithontripticam, proprie ita dictam; in medicamentis nonnullis ſeriò defendentes, verùm, cum ſolidis argumentis deſtituti, ad ſolam plerumque experientiam, quæ tamen in hoc paſſu fallaciſſima eſt, provocare ſoleant, nunquàm ad ſententiæ mutationem me deducunt.



## §. V.

Ex indicato operandi modo viribusque generalibus variæ iterum virtutes speciales, quas ipsa experientia dudum comprobavit, fluunt, & commodè hoc medicamentum simplex, nec sine fructu insigni, contra hydropem ascitem, suppressionem urinæ, nephritidem pituitoso-subulosam, & calculum adhiberi, immò usus ejus internus ad referandas quoque aliorum viscerum obstructions, scorbutum curandum, & vermes intestinorum expellendos extendi potest. Vulgò in infuso aquoso aut vinoso præscribitur, prius tamen solummodò urinam pellit, posterius verò, teneriori substantiâ resinosa simul imprægnatum, præter diuresin, blandam pariter catharsin excitat. Dosis pro subjectorum ac scopi diversitate quidè variat, ordinariò tamen apud adultos à drachmâ unâ ad unciam semis ascendit.

## §. VI.

LIGNUM COLUBRINUM, *Schan-gen-Holz*, affertur ex *India orientali*, arborea, quarum nunc crassa radix lignosa, nunc ipsius trunci lignum est, in *Malabariâ*, *Insulis Timor*, *Ceylon* &c. imprimis crescunt, &, teste HERMANNO,

nucis vomicas majores ferunt. Detracto cortice ferrugineo, solidum ac ponderosum hoc lignum subflavo colore, albidis hinc indè striis distincto, donatum reperitur, & licet quidè, in integro frusto naribus admotum, nullo singulari odore polleat, debilem tamèn balsamicum, si raditur, emittit, & valdè amarum prætereà saporem (a) post aliquam manducationem linguæ imprimit.

§. VII.

Rasura hujus ligni, blandæ digestionis cum aquâ simplici aliquandiù subjecta, infusum largitur, colore saturatè aureo tinctum, quod gratum odorem balsamicum, odori ligni Rhodii analogum, & valdè amarum ac simul blandè balsamicum saporem possidet. Extractum, post decentem evaporationem relictum, colore subfusco, debili odore balsamico, amarissimoque sapore gaudet, & integra nempè ligni uncia experimento adhibita, quatuor circiter scrupulos pendet. Quandò æqualis rasuræ recentis portio primùm cum spiritu vini rectificatissimo infunditur, post temporariam digestio-

(a) Propter eminentem amaritiam, debilemque ex adverso odorem & saporem balsamicum lignum hoc commode pariter ad A M A R A, quæ SECT. IX. descripta sunt, referri potest.

nem tinctura nascitur, coloris aurei, odoris nullius singularis, saporis valdè amari atque subacris. Extractum inspissatum binas fermè drachmas pondere æquat, & colorem sordidè fuscum, odorem balsamicum, & valdè amarum saporem obtinet. Si caput mortuum, post primam hanc extractionem superstes, denudò cum aquâ digeritur, menstruum notabili adhuc amaritie, aureoque colore imbuunt, & evaporatione susceptâ, drachmam integram extracti amari & subacris relinquit.

## §. VIII.

Præter *tenerrimum principium halituosum balsamicum*, & *fixam substantiam gummeo-resinosam*, nullum prorsus, vel saltèm paucissimum, *oleum essentielle æthereum* adesse videtur, æquè, ac in ligno præcedente, quoniam sub destillatione humidâ ex duabus ligni raspati ac macerati unciiis ne guttula quoque olei prodiit, sed mera saltèm aqua, debili odore balsamico imbuta, in receptaculo collecta fuit. Vero cæteroquin simillimum est, in ligno recenti principium halituosum non tantùm lagiori hospitari copiâ, sed etiâ valdè acre existere. Nam anno primo, uti scriptores plerique testantur, venenatam quasi indolem obtinet, & facilè, ob  
acredinem

acredinem eminentem, vomitum, tormina ventris, convulsiones, maniam, aliaque prava pathemata excitat, ita, ut multi etiã lignum hoc, ob memoratam operationem nocivam, è medicaminum censu prorsus ejiciendum esse, existiment.

§. IX.

Quod me attinet, usum hujus ligni, vetustioris tamen, ac satis exsiccati, planè dammare nequeo, si providè ac dosi minori, drachnam dimidiam non facilè superante, vel per se, vel additis appropriatis, in infuso aquoso, aut vinoso, quod perinde est, exhibeatur; justò largiorem verò atque frequentiores ejus adhibitionem omninò reprobendam duco, quoniã, experienciã teste, lignum quoque vetustum, diutiùs usurpatum, tremorem membrorum, atque stuporem, immò amentiam, produxit. Virtutes medicæ, quæ in fixo principio præcipuè latent, ad actionem *roborantem*, *stimulantem*, *abstergentem*, *diureticam*, *diaphoreticam*, *anthelminticam*, *antifebrilem*, *laxantem*, quin *leniorem cmetam*, redeunt, & indè etiã specificæ ejus vires, quas in refractariis febribus intermittentibus, præsertim quartanis, copiosâ vermium intestinalium progenie, cachexiã vulgari

& icteritiâ, atque hydrope humido incipiente exerere dicitur, facillè cognosci & explicari possunt. Nonnulli singularem quoque virtutem *bezoardicam* huic ligno tribuunt, & in indiâ contrà virulentos imprimis serpentum seu colubrorum morsus, unde etiâ nomen accepisse videtur, validum incolis remedium fœnerari, immò, solo odore suo, qui, uti supra dictum, in ligno recentiori longè fortior, serpentes fugare, referunt. Prius facillè concedere possum, an posterius autem ità se reverà habeat, experienciâ destitutus, confirmare nequeo.

---

## C A P U T XXII.

### *De corticibus Citri & Aurantiorum.*

#### §. I.

**B** Alfamico-amaricantes & fragrantissimi CORTICES MALI CITREI unicuique notissimi sunt, & flava eorum pars exterior, cui odor, sapor, ac reliquæ dotes excellentes unicè inhærent, adeò essentiali oleo æthereo turgida est, ut humidâ non minus destillatione, quàm expressione & scarificatione (quæ postrema separandi methodus in *Italia*, *Lusitaniâ*, & *Hispaniâ* usitatissima est) sat copiosè

elici queat. Oleum, expressionis & scarificationis ope separatum, flavescens est, vel instar aquæ limp dum, ac levitate suâ, fluiditate, & temperatâ atque gratissimâ indole sese magnopere commendat; destillatum verò, ob aliquam partium spirituosarum jacturam, & levissimam quandam metamorphosin, quam sub violentiori ignis actione pati cogitur, paulò crassius, acrius, atque calidius existit, & minori prætereà quantitate prodit.

## §. II.

Primario, ac prorsus eximio huic *principio spirituofo-oleoso*, exilissimis cellulis sive vesiculis incluso, *particulæ quædam gummosæ ac resinose*, quæ corticis virtutem augment, sociatæ inveniuntur. Uncia enim una, ab interiori albicante, fungosâ, & inertî substantiâ, quantum fieri potest, repurgata, circiter drachmas duas & semissem extracti primi aquosi, & drachmas duas extracti primi spirituosî, sive magis resinosi largitur. Infusum aquosum post filtrationem colore saturatè & elegantissimè aureo gaudet, odore ipsum corticem æmulatur, & saporem balsamicum & amaricantem obtinet. Extractum fusco-rubicundum est, odore tamen orbatum reperitur, & balsamicum dunta-

xat & amaricantem saporem, cui in principio dulcedinis quiddam admixtum videtur, linguae imprimit. Tinctura spirituoſa prima coloris dilutè aurei eſt, ſpecificum corticis odorem emittit, & balſamicum, ſubacrem, atque amaricantem ſaporem obtinet. Tincturæ huic ipſum extractum haud diſſimile deprehenditur, præterquàm, quòd color flavus ſaturatior, & amarities paulò fortior ſit. Docent recensita examina, in fixis quoque principiis, aliquam, uti antea dictum, virtutem, majorem tamen in reſinoſo, quàm gummeo, deliteſcere.

## §. III.

Principia activa, prædictis naturâ & proprietatibus valdè analoga, in ſuaveolente pariter *AURANTIORUM CORTICE* reperiuntur, quantitate tamèn inæquali. Eſſentiale videlicet oleum æthereum longè parciùs adeſt, fixa contrà ſubſtantia reſinoſo-gummea copioſiùs in mixtione latet, & uncia una portionis flavæ circitèr drachmas tres & ſcrupulum unum extracti aquoſi primi, & octo fermè ſcrupulos extracti ſpirituoſi primi reddit. Infuſum & extractum aquoſum cum infuſo & extracto corticum citri, quoad odorem, colorem & ſaporem, conveniunt, ac paulò majori ſaltèm amaritie à præce-

dentibus distincta sunt. Tinctura spiri-  
tuosa prima colore saturatè aureo sese  
commendat, atque odore specifico bal-  
samico, & acri, amaricante ac pariter  
balsamico sapore simplex satis prodit. In  
extracto flavo-ruberte odor imminutus,  
amarities verò aucta sentiuntur. Præcipua  
igitur virium ratio ad essentialia quidè  
oleum æthereum redundat, in fixis ni-  
hilominùs principiis non contemnenda  
pariter virtus latet, præsertim, si resino-  
sum, quod præstantius existit, intimè  
adhuc cum gummeo mixtum est.

§. IV.

Cortex citri, ob majorem olei copiam,  
in operando potentior deprehenditur,  
quàm cortex aurantiorum, respectu mo-  
di agendi autèm, ac virium, tam gene-  
ralium, quàm specialium, tantam simi-  
litudinem adesse observamus, ut alterum  
alteri ubivis substituere liceat. Virtus  
utriùsque egregia omninò ac varia est,  
præcipuè nihilominùs vires *nervinae*, *ana-*  
*leptica*, *cardiaca*, *stomachales*, *carminativæ*  
& *uterinae* prædicantur, & jure quidè  
maximo: Vix enim medicamentum sim-  
plex novi, corticibus hisce intuitu virium  
memoratarum præferendum. Latissimè  
igitur usus eorum patet, & in vertigine  
inprimis, melancholiâ, lipothymiâ, pal-



pitazione cordis, tussi, asthma, colicâ, cardialgiâ, torminibus ventris, passione hypochondriacâ, malo hysterico, & doloribus post partum multum valet. Quando cortex recens frusto sacchari Canariensis sensim abraditur, inde sic dicta *essentia corticum citri & aurantiorum sicca*, seu elæosaccharum gratissimum magis virtutis resultat. Frequentissimè cæteroque decocta, & infusa vinosa atque aquosa theiformia ingrediuntur.

## §. V.

Descriptis corticibus citri & aurantiorum CORTICES POMORUM SINENSIIUM & LIMONIORUM itidèmjungi possunt, virtute tamèn, præsertim posteriores, qui debili duntaxat odore & sapore, oleoque essentiali paucissimo gaudent, inferiores existunt, ac paulò rariùs proinde in usum vocantur. A fraudulentis, corticibus citri & aurantiorum persæpè miscentur.

## CAPUT XXIII.

*De Cortice Cascarilla & Thymiamatis.*

## §. I.

CASCARILLA, à quibusdam, quantum minùs rectè, etiàm Chacarrilla, Chaquarilla, Schacharilla, China chi-

*na spuria* &c. appellata (a), corticem quendam denotat plus minùsve convolutum, compactum, foris cinereo-albicantis, intùs subfusco-ferruginei coloris,

(a) » Originem vox hæc (Cascarilla nempe),  
 » *Clariss. Do. Doct. & Prof. PHILIP. ADOLPH.*  
 » BOHMERUS in *Diff. de Cortice Cascarilla Cap.*  
 » I. §. 2. scribit, debet Hispanorum *Cascara*,  
 » quæ corticem denotat, in vernaculâ dicimus  
 » *eine Rinde oder Schale*, Hinc *cascara di huovo*,  
 » ovi testa, *Cascara de maranja*, cortex auran-  
 » tiorum, vocantur; ut taceam varias denomi-  
 » nationes, v. g. *Cascara de limon*, *Cascara de*  
 » *granada*, *Cascara del arbore* &c. Itali dicunt  
 » *Corteccia*, ceu patet ex GIOVANNI TORRIANO  
 » lexico, ubi v. *cascara* seu *Corteccia* ait, the ut-  
 » most Bauck or Rindof. à Trec. h. e. *die Schale*  
 » *oder Rinde eines Baumes*. Corticula verò His-  
 » panicè significat *cascarillam*, adeoque est di-  
 » minutivum vocis *cascara*. Inde corticem Peru-  
 » vianum *cascarilla de la Oja*, Fieber-Rinde voca-  
 » ri, nonnulli scriptores referunt; tanquàm si-  
 » gnum, denominationem Hispanos Peruviano  
 » cortici κατ' ἐξοχήν tribisse. Itaque tam latè  
 » patet Hispanis signficatus hujus vocis, ut non  
 » in genere solùm pro corticibus intelligatur,  
 » verùm etiàm ad speciem quandam corticum  
 » referatur. Quomodò verò ab hac genericâ de-  
 » nominatione cortex noster *cascarilla* propriè  
 » dictus fuerit, aliam non invenio rationem,  
 » quam quòd botanices ignari illam ad speciem  
 » nullam referre sciverint, vel quòd, ut veri-  
 » simile mihi videtur, propter tenuiorem corti-  
 » cularum texturam aliter denominare, ipsi  
 » non displicuerit, quam *cascarillam*. &c.

odoris balsamici, saporis amari & aromatici. Ab arbusculâ detrahitur, quæ *Ricinoides elæagni folii* dicitur, & plerumque decem pedum altitudinem, atque uniûs circiter pedis crassitiem consequitur. Folia protrudit oblonga, acuminata, angusta, pallidè viridia, flosculosque fert exiguos, hexapetalos, albicantes, flavis apicibus donatos, quibus baccae ex albo viridescences, in tres loculos, semina nigra includentes, distinctæ, & pisum magnitudine æquantes, succedunt. Copiosè hæ arbusculæ in plerisque *Bahama* insulis crescunt, & passim quoque in regno *Peruviano*, *Nova Hispania*, aliisque *Americæ* tractibus adolescere dicuntur.

## §. II.

*Principiis volatilibus oleoso-spirituosis, & fixis resinoso-gummeis valdè activis gaudet.* Oleum essentielle æthereum, cujus unica circiter drachma ex integrâ corticis librâ elicitur, subviride, mobilissimum, spiritu valdè turgidum, adeòque fragrantissimum est, & fixæ substantiæ resinoso-gummeæ inhæsiōe suâ præcipuam activitatem fœveratur. Infusum aquosum primum flavo-rubicundi coloris est, odoris balsamici, saporis amari ac paululùm quoque balsamici. Sub evaporatione fra-

grantiam suam, abeuntibus particulis oleoso-spirituosis unicè adscribendam, amittit, & massam saturatè fuscam relinquit, debili duntaxat sapore amaricante, & vix sensibili ampliùs odore præditam. Ex unciâ unâ circiter drachmas duas, totidemque scrupulos obtinui. Infusum spirituosum primum, colore saturatè aureo tinctum, corticem odore prodit, & subacrem & amaricantem saporem possidet. Extractum flavo-fuscum, quod peractâ evaporatione relinquitur, valdè tenax est, odoris balsamici, nulliùs verò ampliùs saporis; unde manifestum redditur, parùm virtutis principiis fixis, per se consideratis, ingenitum esse, ac totam igitur, vel tamèn præcipuam, virium rationem, quod antea pridem monui, in volatili portione oleoso-spirituosâ latitare. Ex unciâ corticis unâ drachmas duas & scrupulum unum impetravi.

§. III.

Nostro ævo cortex hic, ob egregias vires *roborantes*, *discutientes*, *diaphoreticas*, & *sedativas*, frequentissimi usûs est, & cum insigni inprimis fructu in febribus exanthematicis, catarrhalibus, intermittentibus, inflammatoriis, affectibus spasmodicis, convulsivis, scabiosis, scorbuticis, cachecticis, frigidis rheumaticis,

atque arthriticis, nec minùs in diarrhoeis, dysenteria, cœliacâ, lienteria, vomitu pituitoso, imbecillitate ventriculi, morbis pectoris falso-mucidis, suppressione mensium diurnâ, & fluore albo, vel in pulvere à granis aliquot ad scrupulum dimidium, vel etiâ sub formâ infusi vinosi, à scrupulo uno ad duos, exhibetur. Pertinet præterea ad suffimigia, & sæpiusculè, præsertim in Angliâ, rasura ejus herbæ Nicotianæ, grati odoris causâ, miscetur.

## §. IV.

CORTEX THYMIAMATIS, olim *Thus judæorum* dictus, nusquam in Officinis nostris sub formâ cannularum occurrit, sed ex meris frustulis, minoribus, quibus aridæ foliorum partes mixtæ deprehenduntur, constat, ita, ut, judicante B. HOFFMANNO (a), relictum quoddam magna compressorum foliorum & corticum ex arbore esse videatur. Frustula hæc colorem subfusco-cinereum, & saporem subacrem, amaricantem, in recessu nonnihil adstringentem, possident, gratumque odorem balsamicum spirant. Nomen suum à vocabulo *Thymia* accepit, quod apud Græcos in genere *Suffitum* sive *Suffimentum* denotat. Affertur ex *Siriâ*, Ci-

(a) In Obs. physico-chym. p. 65.

*liciâ, Pamphiliâ &c.*, ac nihil sanè aliud  
esse videtur, quàm cortex resinofus ar-  
boris *Styracis*, quæ *Storacem* liquidam  
reddit; cui sententiæ etiam vix laudatus  
*HOFFMANNUS* adstipulatur: » Nostrâ  
» quidè sententiâ, loco cit. scribit, vi-  
» detur esse cortex arboris, ex quâ liqui-  
» dâ *storax* exprimitur, & arbor est mi-  
» noris *Ciliciæ*, cui etiâ sententiæ fa-  
» vet *Serapion*, qui pro cortice *styracis*  
» arboris eum habet, expressæ & exco-  
» ctæ liquidæ *styraci* superstitæ, præser-  
» tim cum ejus odor cum odore *styracis*  
» liquidæ quàm maximè conveniat. &c.

§. V.

*Substantiam fixam gummeo-resinosam*, par-  
tibus *oleoso-spirituosis* fragrantissimis satîs  
prægnantem, continet; major tamèn vir-  
tus in parte resinofâ, quàm gummosâ la-  
tet. Filtratum infusum aquosum primum  
coloris aurantii est, & saporem atque  
odorem ingratè balsamicum possidet. Ex-  
tractum, inde paratum, colore rubro-  
fusco, ad nigrum nonnihil vergente,  
odore ipsius corticis balsamico, & sapo-  
re austeriusculo adstringente, levi ama-  
ritie, blandâque acredine aromaticâ re-  
mixto, donatum reperitur, ac, integra  
corticis uncia extractioni adhibita, drach-  
mam unam & grana duodecim pendet.

Tinctura spirituosa prima, annotante HOFFMANNO (a) instar essentiae balsami Peruviani valdè nigra est, & aquæ communi infusa, protinùs lactescit. Spiritus abstractus odoris fragrantissimi est, eumque ita diffundit, ut à drachmâ unâ aliquot mensuræ aquæ odorem fragrantem mutuenter. Relinquitur resina satis copiosa, ità ut ex librâ corticis unâ uncia duæ ad minimùm resinæ haberi possint. Hæc resina, uti porro refert, identidèm suavem & fragrantem odorem emittit, & commodissimè extracto storacis, gummi benzoino & balsamo Peruviano, ad efformandam massam odoratam, calidæ fornaci illinendam, admisceri potest.

## §. VI.

Ufus internus paulò rarior est, etiam si virtute *nervinâ*, *sedativâ*, & *anodynâ* polleat, nec contemnendum itaque auxilium in sedandis doloribus, & compescendâ tussî convulsivâ præstet, si nimirum sub tincturæ aut infusi vinosi formâ exhibetur. Externè frequentius in usum trahitur, & egregium prorsus suffimentum, in œdemate partium, doloribus frigidis rheumaticis, coryzâ rebellî, &c. constituit.

(a) L. c.

## CAPUT XXIV.

## De Cinnamomo.

## §. I.

CINNAMOMUM, *Gimt-Rinde*, *Canelle*, aliàs quoque *Cassia cinnamomea*, *Cassia Ceylanica*, *Canella Ceylanica*, *Canella Officinarum*, nec minùs *Cinamomum*, quasi *Chinæ amomum*, dictum, corticem sistit tenuem, in cannulas convolutum, colore fusco-rubente, odore balsamico gratissimo, & sapore acri aromatico, subdulci tamèn & austeriusculo non-nihil-remixto, præditum.

## §. II.

Arbor, cujus truncum hic cortex ambit, à plerisque Botanicis, ob foliorum similitudinem, inter *Lauri* species refertur, & proinde etiàm ab HERMANNO *Laurus Ceylanica baccis calyculatis*, à LINNÆO *Laurus foliis oblongo-ovatis, trinerveis, nitidis, planis* (a) & à quibusdam aliis simpliciter *Laurus Canellifera Ceylanica* appellatur. Excrescit plerumque ad oleæ aut pruni altitudinèm, & radicem habet, substantiâ oleoso-camphoratâ, ex

(a) V. Hort. Cliff. p. 154.



forti odore satis cognoscendâ, & destillationis quoque ac sublimationis ope separandâ, valdè prægnantem. Lignum non planè inodorum est, uti nonnulli tradunt, sed rosaceum odorem spirat. Folia, lauri foliis, quod dictum, formâ haud dissimilia, amœnissimo, dum primum erumpunt, colore purpureo, qui postea in viridem mutatur, tincta cernuntur, & contrita caryophylla aromatica aut juniperum olent, flores autem albi, monopetali, infundibuliformes, qui mense Januario prodeunt, odore prorsus destituti dicuntur. Hisce tandem fructus succedunt, qui formâ & magnitudine glandes quercinas, vel olivas quodammodò referunt. In principio colore gaudent viridi, postea rubescentem tandemque nigrum splendentem induunt, odore caryophylla aromatica imitantur, & oleo quodam spissiori, quod, post coctionem in aquâ, expressum, naturâ ad oleum nucis myristicæ, albedine & consistentiâ ad sebum animale accedit, largiùs imprægnati sunt.

## §. III.

Truncus & rami cortice duplici, vel, secundum alios, triplici cinguntur, quarum exterior grysea, inodora, insipida, & planè inutilis est, binæ interiores au-

tèm, firmissimè cohærentes, cinnamomum constituunt. Latet tamen oleum suaveolens unicè in tenui cortice seu pelliculâ intimâ membranaceâ, quæ ex multis vesiculis, oleo repletis, constat. Altera enim, cui etiam adhuc recenti laudata pellicula tèm arctè adhæret, ut vix discerni, multò minùs sine vesicularum dilaceratione & olei effluxu separari queat, oleo aromatico penitus destituitur, ac solo propemodùm principio terreo-gummoso styptico pollet.

§. IV.

Descriptæ arbores canelliferæ in orientalis Indiæ *insulâ Ceylon*, quam veteres vocabant *Taprobanam*, unicè, & quidèm in parte ejus meridionali & occidentali, inter flumina *Chilauvv* & *Walauvve*, tanto numero crescunt, ut vastæ earum sylvæ reperiantur. Numerantur etiàm à quibusdam rerum orientalium scriptoribus, (a) præter descriptam, adhuc octo aliæ arboris canelliferæ species, quæ corticem tamen ignobiliorem, majori plerumque stypticitate, aut sapore camphorato, aliisque peregrino donatum, largiuntur, ac veræ igitur cinnamomi arbori neutiquam, intuitu bonitatis corticis, æquiparandæ

(a) *Scalmons Beschreibung der Elephanten und gimmet-insul Ceylon* p. 42.

sunt. Fieri cæteroquin creberrimè solet ; ut ignobiliore hæ species, quæ hinc inde in aliis pariter Indiæ orientalis regionibus crescunt, nec soli insulæ Ceylon, ut prior, propriæ inveniuntur, cinnamomo genuino, quod incolæ *Rassa Coronde* vocant, à fraudulentis admisceantur.

## §. V.

Certam hæ arbores ætatem postulant, priusquàm cortex ad justam maturitatem perveniat. Quæ in vallibus enim, ubi terra sicca, arenosa, atque tenerior reperitur, progerminant, post annum quintum adolefcunt, reliquæ autem, in solo humido & limoso crescentes, ad septem vel octo annorum ætatem pervenire debent, antequàm cortex maturus detrahi possit. Diutiùs præterea corticis bonitas in aliis, ad decimum quintum scilicet vel sextum ætatis annum, perdurat, in aliis, deterius solum natale nactis, citiùs perit. Certis quippe annis præterlapsis, trunci evadunt crassiores, & cortex, amisâ dulcedine, atque aromatici saporis suavitate, camphoratum acquirit indolem, tantamque crassitiem, ut in can-nulas, radiis solaribus expositus, amplius sese convolvere renuat.

## §. VI.

Post corticis detractionem, quæ ordinarîo à certis hominibus, mercede conductis, mense Maio, suscipitur, arbores denudatæ quidè̃ emoriuntur: ast, cum ex radice, priùs trunco cæsî ablato, paulò post multi furculi progerminent, qui, exactis quinque vel sex annis, arborum magnitudinem cum desideratâ corticis maturitate deindè consequuntur, & citò præterea novæ arbusculæ ex fructibus suprà descriptis, tum sponte decidentibus, tum hinc inde etiâ à certis columbis, quæ illis vescuntur, eisdemque ad pullos alendos in nidos suos transferunt, inter volandum fortuitò sparsis, nascantur, nulla earum penuria unquàm metuenda erit.

## §. VII.

Detractus cortex cinnamomeus, ac debitè ab inutili cineritio exteriori separatus, radiis solaribus exponitur, ut, paululùm exsiccatus, in fistulas contorqueatur, & oleum æthereum quoque, tenerimæ membranæ interioris, medianæ firmissimè adhærentis, vesiculis inclusum, ruptis iisdem, in totum penetret corticem, eumque grato pariter sapore & odore aromatico imbuat. Hic enim, uti su-

prà pridem dictum fuit , solo pollet sapore styptico , & aromaticâ suavitate ante olei laudati transitum ac distributionem penitus destitutus observatur. Ratio inde patet , cur cannulæ tenuiores fistulis, ex crassiori cortice convolutis, semper præstantiores existant. Hæ nempe, sub eodem pondere consideratæ , plus substantiæ inertis ac stypticæ, quàm priores, & longè minorem ex adverso olei aromatici quantitatem possident, adeoque, cum virtus aromatica unicè ab oleo laudato derivanda sit , nemini mirum videri poterit, quòd ea in corticibus crassioribus multò debilior sit , quàm in tenuioribus.

## §. VIII.

Triplici principio activo , *spirituoso-oleoso* nimirum , *resinoso* , & *terreo-gummoso* , cassia cinnamomea instructa est. Quando una enim ejus em libra civilis grossiusculè contunditur , & , præmissâ decenti maceratione in aquâ falsâ , humidæ destillationi in cucurbitâ humiliori , aut vesicâ cupreâ subjicitur , igne substrato , & per gradus aucto , aqua fragrantissima , coloris lactei , parte oleoso-spirituosâ largissimè referrâ , & grato cinnamomi sapore aromatico prædita, transtillat, ipsumque oleum substantiale , aureo colore ,

gratissimoque odore aromatico donatum, secum in recipiens ducit. Oleum hoc, ceu liquidum aquâ specificè gravius, fundum petit, & , biduo vel triduo elapso, demùm separatum, drachmam circiter unam, scrupulos duos, & aliquot grana, vel etiàm, si cinnamomum optimæ notæ fuerit, drachmas duas pender.

§. IX.

Fixa principia extractionis beneficio manifesta redduntur. Quandò una enim cinnamomi pulverisati uncia cum sufficiens aquæ simplicis quantitatè blandæ digestionis submittitur, infusum suppeditat, coloris fusco-rubescens, saporis subdulcis, aromatico & subadstringente nonnihil remixti, odoris specifici cinnamomi. Sub evaporatione gratum cinnamomi odorem diffundit, & copiosam in principio materiam, spumidam, pinguem, coloris pallidè rubescens, quæ olei ætherei particulis, calore expulsi, & terrâ teneriori remixtis, sine dubio natales debet, ad superficiem extrudit. Extractum, ad perfectam penè siccitatem redactum, unam circiter drachmam, pondere æquat, & colorem subfuscum, debilemque saporem adstringentem possidet. Tinctura spirituosâ prima fusco nigricans est, & saporem aromaticum, dul-

ci tamèn & subadstringente mixtum, nec non specificum cinnamomi odorem obtinet. Inspissata massam largitur fusco-nigricantem, sapore adstringente, & grato simul subdulci & aromatico præditam. Uncia una cinnamomi mihi drachmam unam & semissem reddidit. Clarè ex descriptis examinibus constat, virtutem cinnamomi adstrictoriam præcipuè in parte gummosâ, aromaticam verò in substantiâ resinosâ, & oleo æthereo-quærendam esse, & tincturam proindè atque infusum vinosum infuso aquoso longè præstantiora existere.

## §. X.

Cinnamomum, in pulvere exhibitum, ob stypticam imprimis terreo-gummosi principii indolem, fibras partium solidarum satis validè ad- & constringit, propter resinoso-oleosam verò substantiam solida nervoso-membranacea, interveniente vivido quodam ardore, ad vegetiores contractiones irritat, & sanguinem prætereà ac fluida reliqua commover, impuritates tenaces, viscidas, pituitosas, attenuat, calorem intendit, fluidi nervei influxum auget, & vario hoc modo non tantùm solida roborat, sed humorum etiam circuitum vegetiorem reddit. Ex vario hoc operandi modo quævis

virtutes generales, cinnamomo vulgò adscriptæ, nimirum *stomachalis*, *nervina*, *cephalica*, *uterina*, atque *cardiaca*, & ex hisce iterum specialiores derivandæ sunt. Opem nempe egregiam ferre consuevit in variis appetitûs atque digestionis vitiis, v. g. in anorexiâ, dysorexiâ, aperiâ, dyspepsiâ, immò ipsâ picâ & malaciâ, si illa scilicet accumulatis cruditatibus frigidis pituitosis, quarum resolutionem adjuvat, nec minùs tunicarum flacciditati & atoniæ, indeque pendenti languido motui peristaltico, quem denuò, flacciditatem corrigendo, fortiolem reddit, originem suam debent. Ex eodem fermè fundamento in variis fluxionibus serosis & seroso-sanguineis præternaturalibus, vomitu nimirum, diarrhoeâ vulgari, lienterîâ, cœliacâ, dysenteriâ, diabete, fluore albo &c. sese commendat, præsertim, si ante exhibitionem ejus impuritates eliminandæ per congrua remedia resolutæ & eductæ fuerint, aut fluores hi solam laxitatem & atoniam fibrarum causam agnoscant.

§. XI.

Notatu pariter dignum est, corticem hunc, qui fluxiones serosas, & sanguineoserosas, & præternaturales sistit, sanguineas naturales & nonnaturales v. g.



fluxum menstruum, lochialem &c., itemque fœtus atque placentæ uterinæ exclusionem egregiè promovere, & quidèmed certius ac citius, si eidem alia specifica, ut succinum, crocus, borax Veneta, salia mediæ naturæ &c. jungantur. Dum fibras enim leniter constringit, & sanguinis ac fluidi nervei in fibras musculorum motrices influxum auget, contractiones, ad prædicta expellenda necessarias, auctiores quoque reddit.

## §. XII.

Latiùs, quàm virtus stomachalis & uterina, vires nervinæ atque cephalicæ sese extendunt. Creberrimè videlicet hic cortex proficiuus fuit repertus in melancholiâ iliopathicâ, epilepsiâ cacochymicâ, coryzâ justo diuturniori, vertigine, imbecillitate memoriæ, apoplexiâ, affectibus soporosis, paralyfi, hebetudine & plenariâ abolitione sensuum externorum, itemque, ob generalem virtutem roborantem, in cachexiâ, tumoribus partium œdematosis, intumescentiis glandularum frigidis, febre intermittente quotidianâ & quartanâ, appetitu venereo nimis torpido, & singulis affectibus reliquis, qui ex nimiâ partium solidarum laxitate, humiditate, atoniâ, & humorum viscositate, languidoque circulo, vel liquidi

etiam nervosi penuria nascuntur.

### §. XIII.

Haftenus dicta primario de cinnamomo, in pulvere, & infuso aquoso aut vinoso ægris exhibito, intelligenda erunt: Circa olei enim, essentia, ac spiritus, inde cum alcohole per abstractionem parati, virtutes differentia quædam occurrunt. Nam oleum æthereum, distillatione separatum, medicamentum summè activum est, forti virtute commovente, calefaciente, discutiente, exsiccante atque nervinâ, nullâ verò adstringente, præditum: Spiritus abstractivus subtiliorem duntaxat olei portionem continet, & ideò oleo longè temperatior est, & essentia denique, si rectificatissimo vini spiritu extrahitur, oleum solummodò & resinam solvit, stypticam verò substantiam intactam relinquit, vel exigua saltem substantiæ, terreo-gummosæ portionem, quam phlegma, menstruo spirituofo adhuc inhærens, solvit, in poros suos recipit; hinc nulla singulari etiam virtute adstrictoria pollet, & viribus saltem commoventibus, discutientibus, calefacientibus, & roborantibus instructa est. Cinnamomum, quod addendum erit, in pulvere à granis aliquot ad scrupulum semissem, in infuso aquo & vinoso autem

à granis paucis ad scrupulum integrum ;  
immò drachmam dimidiam præscribitur.

---

## C A P U T XXV.

### *De Cassia Lignea.*

#### §. I.

**C**ASSIA LIGNEA, *Mitter-Gimmt*,  
sive *Canella Mallabarica*, *Xylocassia*  
&c., æquè, ac cinnamomum, in fistulas  
sive cannulas convoluta est, majori ta-  
men, quàm illud, rubedine tincta, cras-  
sior, &, ratione saporis, odoris atque  
virtutis, longè ignobilior deprehenditur.  
Odorem videlicet debiliorem spirat, &,  
loco saporis acris, gratissimâ dulcedine  
remixti, debilem duntaxat saporem aro-  
maticum, lentore quodam terrestri de-  
turpatum, gustûs organo sub manduca-  
tione imprimit : Aliquamdiù prætereâ  
manducata non lignum, ut cassia cinna-  
momea, sed glutinosam solummodò ma-  
teriam, quæ paulatim in salivâ diffluit,  
in ore relinquit.

#### §. II.

Nonnulli eam arboris cinnamomeæ  
corticem exteriorem credunt, alii ex ad-  
verso, qui sententiam, experienciâ ma-  
gis

gis fundatam , cui proinde subscribo lubentiùs , tuentur , *arboris canelliferæ Malabaricæ , Javanensis* , aliarumque regionum orientalium , à Ceylanicâ tùm totius , tùm partium formâ parùm vel nihil distinctæ , corticem esse , adeòque telluris duntaxat , & climatis discrepantiam differentis bonitatis causam existere , arbitrantur. Facile cæteroquin largior , speciem utramque discriminis quidquam intercedere posse , etiamsi illud tam exiguum sit , ut ex arborum formâ externâ vix , aut ne vix , dignosci queat. Ad confessionem hanc meinet arbores cogunt , quæ in ipsâ insulâ Ceylon interverras & nobiliores arbores canelliferas sparsim crescunt , & collectoribus nihilominus cassiam saltem ligneam , neutiquàm vero cinnamomeam , largiuntur. Hisce accedit , quòd , præter binas recensitas , plures adhuc arboris canelliferæ species , corticem , quoad odorem , saporem , & virtutem plus minùsve distinctum , fœnerantes , in eâdem Insulâ reperiantur.

§. III.

Præter inutiles *partes terreas* , & *copiosas* , easque *valdè crassas mucilagineas* , *resinosas* quoque & *paucissimas spirituosas* in mixtione suâ continet. Olei ætherei penuria tanta est , ut libra integra ,

quòd ipse expertus sum , sub destillatione humidâ ne guttulam in substantiâ largiatur , sed aquam solummodò lactescentem , grato sapore dulci & aromatico imbutam , reddat. Destillatio præterea admodum tædiosa est , ac lentè procedit : Admoto quippe igne mitiori , protinùs cessat , substrato autèm paulò fortiori , massa terreo-mucilaginea , licet dimidiâ saltem vesicæ pars aquâ & cortice diffractò repleta sit , adeò expanditur , ut integra corticis frustula , unâ cum expansâ mucagine , transcendere minitentur , & liquor hinc inde per alembici commissuras penetret.

## §. IV.

Simillimæ difficultates sub extractiōne & separationē partis mucilagineæ occurrunt. Unica enim cassiæ pulverisatæ uncia largam aquæ molem tam copiosâ , crassâ , atque tenaci mucilagine imprægnat , ut post digestionem in gelatinam , densam , fusco-rubicundam , mutata videatur. Mucilago hæc , licet aquæ recentis affusione dilutior reddatur , filtra chartacea , ob insignem crassitiem & tenacitatem , transire recusat , & , si , adhibitâ vi majori , per pannum lineum exprimitur , terra tenerior , quæ altiùs ipsi immersa est , atque involuta , simul pene-

trat, ut verum ideò substantiæ mucilagineæ pondus determinari nequeat, præfertim, cum notabilis insuper portio, linteo ac digitis sub percolatione ac forti expressione tenaciùs adhærescens, à malè trajectâ detrahenda sit. Fœlicius paulò opus succedit, quandò cassia lignea, in majora duntaxat frustra dissecta, extractioni ac leniori coctioni in ollâ subjicitur. Nam frustula faciliùs à mucilagine extractâ cribri ope separari, & illa exsiccari, hæc inspissari, & sic pondera lance examinari possunt. Adhibitâ ultimâ hac methodo, ex uncia cassiæ unâ extracti mucilaginei, justæ consistentiæ, drachmam unam & scrupulos duos impetravi. Mucilago nondùm inspissata, quòd addendum duco, per se considerata, ac penitùs à reliquis principiis separata, uti hoc, sub expressione infusi per linteum, ex puriori hinc inde transeunte portione cognoscere licet, albicans quidèm, inodora, ac planè insipida est, verùm, cum sub extractione & percolatione præcaveri nequeat, quominùs portio aliqua terræ tenerioris fusco-rubicundæ, mucilagini altius immersæ, immò ipsiùs substantiæ resinosæ paucillùm colatorii poros simul penetret, non mirandum est, quòd massa inspissata, præter colorem fuscum, debilem quoque saporem aromatico-sali-

num acquirat, & ipsam cassiam aliquantulum adhuc redoleat.

## §. V.

Partis resinosa separatio minùs facessere solet negotii, & post blandam cum spiritu vini digestionem tinctura indè resultat, coloris è rubro nigricantis, odoris aromatici, saporis acris, aromatici & subadstringentis, quæ, evaporando ad justam spissitudinem redacta, massam relinquit, rubro-nigricante paritè colore tinctam, & sapore adstringente, cui subdulcistamen ac debilis aromaticus mixtus deprehenditur, præditam. Uncia cassiæ una mihi drachmam unam & semissem hujus extracti reddidit. Residuum, cum aquâ coctum, itidè in crassam atque tenacem massam mucilagineam resolvitur, & antea memoratæ difficultates circa mucilaginis à terrâ separationem iterum obviæ sunt.

## §. VI.

*Vires calefacientes, commoventes, discutientes, roborantes atque nervinæ* in cassiâ ligneâ longè remissiores sunt, quàm in cinnamomo, *incrassantes* verò ac *demulcentes*, quibus cinnamomum penitùs fermè destituitur, ob mucilaginis copiam & crassitiem, notabiles inveniuntur, & inde

etiã ratio præcipuè petenda videtur, cur cassia lignea in morbis, ex nimia humorum tenuitate & acrimonia, partiumque solidarum erosione deducendis, v. g. in asperitate faucium, tussi, ardore ventriculi, cholerâ, dysenteria, stranguriâ &c. specificam virtutem exerat. Tota quidẽ mucilaginis in ventriculo extractæ moles, ob insignem glutinositatem, per vasa bibula & lactea ad sanguinem penetrare nequit, sed maxima ejus pars in primis viis remanet, ast subtilior tamẽ portio, confluentibus tepidis liquoribus aquosis dilutior reddita, ad humorum circulantium massam transfertur, & hinc inde demulcendi atque incrassandi virtutem edit. Scriptores aliqui huic cortici specificas etiã vires in uvulæ laxitate, fluore albo, aliisque uteri affectibus frigidis tribuunt; verũ, in hoc passu cinnamomo, me sentiente, neutiquã præferenda, sed potiùs postponenda, erit, quoniam rudioribus principiis gaudet, & in iis quoque morbis, qui leniora adstringentia postulant, longè minorem efficaciam monstrat. Optimè exhibetur in infuso vinoso & tincturâ spirituosâ, decocta autem & infusa aquosa nulliùs ferè pretii sunt, nisi medicus nonnunquã ad crassæ ac glutinosæ mucilaginis actionem, indeque derivandas vires incrassan-



tes & demulcentes, respicere velit. Datur etiàm in pulvere à granis aliquot ad scrupulum unum & ultrà.

---

## CAPUT XXVI.

*De Cassia Caryophyllata & Canella alla.*

### §. I.

**C**ASSIA CARYOPHYLLATA; *Nelken-Gimmt*, cortex aridus est, cinnamomo paulò tenuior, asperiori superficie externâ, colore, si à pelliculâ extimâ gryseâ probè purgata fuerit, ex rufo-ferrugineo, sapore acri aromatico, & odore caryophyllorum, quanquam debiliori, prædita.

### §. II.

Circà denominationem æquè, ac descriptionem arboris, quæ hunc corticem suppeditat, & in *Brafilia* imprimis, ac *nova Hispania* provinciâ *Chiapa*, nec minus in *insulis Jamaicâ & Madagascar* crescere traditur, non levis scriptorum dissensus occurrit: Alii quippe illam inter myrti arboreæ, alii inter arboris caryophylliferæ species referunt, & eandem igitur cum HERMANNO &c. *Myrtum arboream Americanam*, aut *Myrtum arboream*

*aromaticam foliis laurinis*, vel cum PLU-  
KENETIO *Caryophyllum aromaticum India*  
*occidentalis fructu retundo*, vocant. Difficile  
 igitur in hoc dissensu est, certi quidquam  
 determinare; reliquis nihilominus proba-  
 bilior mihi HERMANNI videtur sen-  
 tentia, quoniam arbor hæc non caryo-  
 phylla, sed initio statim baccas rotundas,  
 umbilicatas, fusco-nigricantes, piperis  
 ordinarii granis paulò majores, odoris  
 & saporis caryophyllæi, quas FRANCISCUS  
RHEDI (a) *piper Chiapæ*, *piper Tavaſci*,  
*pimiente de Chapa*, alii *caryophyllum* aut  
*anomum Plini*, *piper Jamaicense*, *cocculos*  
*Indos aromaticos* appellant, profert, &  
 & folia quoque, laurino odore prædita,  
 formâ ad myrti folia, ( præterquàm quòd  
 hisce multò longiora existant ac latiora ),  
 accedunt.

§. III.

Natura corticem hunc *principiis gum-*  
*mosis*, & *oleoso-spirituosis* parcissimè saltèm  
 donavit. Nam integra libra civilis, quam  
 humidæ destillationi in vesicâ, post suf-  
 ficientem in aquâ falsâ macerationem,  
 aliquandò subjeci, aquæ transtillanti co-  
 lorem quidèm ex albo flavescentem, &  
 aromaticum saporem & odorem conci-

(a) Vid. Ejus Experimenta circa varias res  
 naturales p. 133. seqq.

liabat, nullum tamèn oleum substantiale largiebatur, si paucas miculas exceperis, quæ aquæ superficiei innatabant, & ob molem nimis exiguam non separari poterant. Non adeò larga quoque messis post extractionem aquosam & spirituosam apparuit: Ex integrâ enim corticis uncia primùm rectificatissimo vini spiritu extractâ, tincturam fusco-nigricantem, odoris aromatici, ac valdè acris, & paululùm aromatici saporis, obtinui, quæ blando calore inspissata, vix drachmam unam massæ gummeo-resinosæ, colore obscurè fusco, & sapore aromatico ac valdè acri donatæ, reliquit. Longè parciior adhuc, post residui coctionem cum aquâ, substantiæ merè gummosæ proven-tus fuit, eademque vix ad scrupuli dimidii pondus ascendebat. Caput mortuum exsiccatum planè iners erat, & drachmas sex cum dimidiâ pendebat. Alia cassiæ recentis uncia, ordine inverso, primùm cum aquâ, protractiori ac repetitæ digestionis tradita, liquorem præbuit fusco-flavescentem, insipidum ferè, specifico tamen cassiæ odore imbutum, qui, peractâ decenti evaporatione, extracti gummosi, sapore austeriusculo, atque nonnihil amaricante ingrato præditi, drachmam semissem fœnerabat. Tinctura spirituosâ, quam post secundam residui

siccati cum spiritu vini extractionem impetravi, grana triginta octo substantiæ resinosæ suppeditavit.

§. IV.

Militat inter pharmaca *roborantia*, *calesfacientia*, *nervina*, *cephalica* & *stomachalia*, in morbis, à pituitâ, humorum spissitudine, & partium solidarum flacciditate oriundis, proficua. Caryophyllis aromaticis substitui potest, quotiès moderatioris operationis medicamina desiderantur. Optimè in infuso vinoso, à drachmâ dimidiâ ad integram & ultrâ, præscribitur.

§. V.

CASSIA sive CANELLA ALBA; *veisser Gimmt*, cassiâ ligneâ, caryophyllatâ, & cinnamomeâ longè crassior est. Colore gaudet albicante, vel potius ex albo flavescente, in exteriori superficie pallida hinc inde rubedine mixto, valdè acrem saporem aromaticum gustûs organo imprimit, gratissimoque inprimis odore, quo caryophylla, nucem myristicam, ac cinnamomum simul æmulari videtur, sese commendat. Dicitur etiâ *Cassia lignea Jamaicensis*, *Costus Arabicus Officinarum*, *Costus corticosus* & *ventricosus*, *Cinnamomum Magellanicum*, & *Cortex Winteranus*.

Ultimum hoc nomen ab equite Anglo, & navarcho WINTER, qui eam anno 1667. primum ad Europeos secum transtulisse traditur, adepta est.

## §. VI.

Transvehitur, ad gentes Europeas, ab extimâ tamèn pelliculâ priùs liberata, partim ex *India orientali*, partim ex *Americæ insula Jamaicâ*, & *terris, freto Magellanico vicinis*. Arbor, à cujus trunco detrahitur, folia habet, lauri foliis similia, floresque fert exiguos purpurei coloris, qui tandèm parvos fructus glandiformes, viridi colore tinctos, relinquunt. HANS SLOANE eam *Arborem bacciferam laurifoliam aromaticam fructu viridi calyculato (a)*, CLUSIUS *Arborem aromaticam Magellanicam*, CASP. BAUHINUS *Laurifoliam Magellanicam*, HERMANNUS *Arborem Magellanicam bacciferam*, SAMUEL DALE *Periclymenum odoratum, Magellanicum* & alii *Laurum canelliferam Magellanicam* & *Jamaicensem* vocant.

## §. VII.

Principiis valdè activis, tam *fixis gummeo-resinosis*, quàm *volatilibus oleoso-spirituosis* pollet. Oleum essentiale æthereum copiosis partibus, crassis, mucidis, unguinosi, remixtum prodit, & hisce ita-

(a) In Catal plantar. inf. Jam. p. 165.

que separatis, exigua saltē ejus quantitas colligitur. Quum aliquandō enim integram libram civilem canellæ albæ, grossiusculè contusæ, ac debitè priùs maceratæ, humidæ destillationi in vesicâ cupreâ submitterem, aqua ex albo flavescens, turbida, sapore acri aromatico, odore fragrante prædita, transtillabat, & paulatim ipsum oleum, obscurâ tinctum flavedine, secum in receptaculum educebat. Oleum hoc aquæ superficiē innatabat, & vitri recipientis lateribus adē circumquaque adhærebat, ut tota aquæ superficies oleo copiosè contacta, idemque ad uncie dimidiæ pondus ascendere videretur: Verum enimverò, eventus spem meam fefellit. Susceptâ enim olei separatione, vix scrupulum dimidium olei, limpidi, flavi, aromatici, obtinui, &, licet longè major adhuc portio adesset, illa tamen, ob valdè glutinosam ac crassam indolem, separari, & seorsim colligi nequibat, sed partim receptaculi, partim vitri hypocleptici lateribus unguenti, aut olei unguinosi expressi instar, adhærescens, quacunque etiam adhibitâ encheiresi, simul defluere renuebat. Aqua etiā multis adhuc particulis oleosis imprægnata erat, ac diu turbida permanebat.

## §. VIII.

Principia fixa gummeo-resinosa, quæ viribus oleo æthereo parùm cedunt, & canellæ amaritiem imprimis conciliant, majori quantitate mixtionem ingrediuntur. Tinctura spirituosâ prima colorem fusco-rubescens, saporem aromaticum, acrem, ac valdè amarum, & specificum canellæ odorem obtinet. Blandâ evaporatione inspissatâ, saporem aromaticum, qui unicè, vel tamen præcipuè, principio oleoso-spirituoso adscribendus venit, maximam partem amittit, ac solum fermè amarum retinet. Ex uncia canellæ unâ drachmas duas & grana sex hujus extracti impetravi. Infusum aquosum primum flavescens est, & intensè amarum. Quandò blandè evaporatur, massam relinquit, odore fusco, & maximâ paritèr amaritiæ præditam, quæ integrè paritèr canellæ uncia extractioni subjectâ, circiter drachmam unam, toridemque scrupulos pendet.

## §. IX.

Viribus potentioribus quàm reliquæ cassiæ aromaticæ species hic cortex donatus reperitur, & inter calidiora proindè ac valdè activa *commoventia*, *exsiccantia*, *nervina*, *cephalica* & *stomachalia* jure col-

locandus est. In refractariis febribus intermittentibus, præsertim quartanis, vires singulares monstrat; immò nonnulli eum specificè quoque scorbuticis prodesse, perhibent. Prior virtus certissima est, circa posteriorem verò multa, si spatium & scopus permitterent, monenda forent: Sufficientem enim rationem non video, cur cortex hic aliis balsamicis & aromaticis in scorbuti curatione præferendus sit, & alia potiùs remedia, hoc ipso leniora paululùm ac temperatiora, semper tutiora esse ac præstantiora, arbitror. Varias compositiones pharmaceuticas ingreditur, frequentissimè tamèn, & optimè quoque in infuso vinoso, à scrupulo uno ad drachnam integram, exhibetur.

---

## CAPUT XXVII.

### *De Camphorâ.*

#### §. I.

**C**AMPHORA, alias etiam *Caphura*; iremque *Casura* dicta, *Camphre*, rectè in *crudam* & *depuratam* distinguitur. Cruda, ob ad- & immixtas multas partes recrementitias, nondùm perfectò pollet candore, sed gryseum adhuc colorem obtinet, & propter hunc ideò, & exiguas hastulas crystallinas, ad salis culina-



ris impurioris, ac 'grossioris formam habitu externo accedit. Colligitur ea, ac sublimando separatur, tum in *Japonia* & *China*, tum etiã in *insulis Borneo* & *Sumatra*; maxima tamen quantitas, quæ alibi prostat venalis, ex Japoniã ad gentes exteras transvehitur: In Chinã enim atque insulis memoratis tantã copiã nusquam obvia est, ut inter merces, navibus exportandas, locum vindicare sibi, atque tueri possit.

## §. II.

Differunt etiã formã, tum totiùs, tum partium externã arbores, quæ in insulis *Borneo* & *Sumatra* camphoram reddunt ab arboribus, quæ idem concretum in Chinã atque Japoniã largiuntur. Nam arbor camphorifera Japoniæ, quæ à KÆMPFERO *Laurus camphorifera* vocatur, & in Japoniæ tractibus occidentilibus, maximè autem provinciã *Satzuma*, insulisque adjacentibus uberioris proveniunt, ad vastam tiliaë magnitudinem excrescit: Radicem habet, uti vix memoratus KÆMPFERUS refert (a) validam ac parum brachiatam, largiori tamen præ partibus reliquis substantiã camphoratã instructam. Truncus cortice scabro nonnihil ac pulli coloris, rami verò juniores

(a) In *Amœnit. exot.* p. 771. seq. u.

nitente, lævi, viridiusculo, facile tamen, ob interioris superficiei glabritiem & mucositatem, detrahendo, cinguntur. Medulla magna, fungosa & lignosa est, lignum recens candidum, exsiccatum verò colorem ex rufo variegatum acquirit. Folia lauri vulgaris foliis similia inveniuntur, & flosculi, qui mense Maio, Junioque in fastigiis ramulorum inter foliorum axillas prodeunt, albi & hexapetali sunt, iisdemque tandem baccæ succedunt, per maturitatem atro-purpureæ & splendentes, pisa majora magnitudine æquantes, figurâ quodammodò turbinatâ, pericarpio molli purpurascente, & sapore ex camphorâ caryophyllaceo præditæ, quæ intus nucleum, grani piperis magnitudine, cortice nigro micante obductum, bifidum, oleosum, fatui saporis, continent.

§. III.

Altera arbor camphorifera, quæ insulas *Sumatram* & *Borneo* patriam agnoscit, secundum CRIMMII descriptionem (a), caudicem habet rectè ascendentem, & ramos suos eleganter explicat. Lignum ejus, ob duritiem & texturam compactiorem, ad ædificia perutile reperitur, & , ferrâ dissectum, fortem spirat odo-

(a) In Miscell. A. N. C. Dec. 2, ann. I. p. 371.

rem, multumque ostendit pinguedinis. Folia sunt magna & carnosæ, antèriùs acuta, & camphoræ odorem contrita emittunt, qui non adeò diù tamèn perdurat, sed denuò, consumptis paulatinâ exhalatione particulis volatilibus, cessat; magna cæteroquin hæc & arboris caryophylliferæ folia, quoad formam, similitudo intercedit. Fructus, quos profert, formosi sunt, atquè oblongè rotundi, parvamque nucem avellanam magnitudine æquant. Cortice tenui cinguntur, quæ rursùs, instar, nucum avellanarum, alteri elegantis formæ tunicæ, diversis coloribus, rubro scilicet, purpureo, flavo, ac viridi præditæ, inclusa hæret. Hæc posterior integrum contegit fructum, & superius, instar tulipæ, quam figurâ etiàm nonnihil refert, sese aperit. Fructus conditi grato pollent sapore, & subtili odore camphorato, adeòque etiàm in Indiâ inter præstantiora referuntur alexipharmaca. Ex fructibus hisce, ut & ex foliis ac floribus aqua destillata satis activa, itemque oleum æthereum & expressum elici possunt, & ex ligno quoque, ad medullam usque discisso, copiosa materia oleosa prodit.

## §. IV.

Ex foliis, cortice, ligno, ramis, &

maximè radicibus, contritis, rasparis, aut grossiusculè saltè dissectis arborum descriptarum, camphora cruda ab Indiæ incolis, imprimis à rusticis provinciæ Japonicæ *Satzuma*, & insularum *Gotho* singulari destillatione, ac sublimatione separatur. Methodus hæc ab auctoribus diversimodè quidem describitur, plerorumque tamen descriptiones ad sequentia redeunt: Radices scilicet discissas, quæ præ reliquis, arborum parbitus camphorâ abundant, vel simul etiâ, si sufficiens radicum copia desit, folia, cortices, lignum, & ramos cum aquâ simplici, tantâ quantitate affusa, ut species aliquantulum tegat, in vesicâ, vel ahenò ferreo aut cupreo, cui amplum capitellum sive alembicum, fictile, rostratum, intus pileo, seu operculo stramineo obductum, imponitur, coquant, & igne moderato, lutatis priùs commissuris, & receptaculo adaptato, camphoram in alembicum, ubi formâ siccâ capitello stramineo adhæret, ex parte etiâ cum aquâ transtillante in applicatum receptaculum, propellant. (a)

(a) Conf. Breynius in Misc. N. C. G. ann. 4. obs. 130. et Kæmpf. l. c. p. 272. Neumann. in Lect. de camphora.

## §. V.

Occurrunt quoque, teste laudato GRIMMIO (a), multæ inter arbores camphoriferas, hoc concreto reliquis ditiores, quæ idèd etiàm camphoram *nativam, puram, candidam, virgineam*, absque ullâ sublimatione ac destillatione separandam, largiuntur. Incolæ igitur, postquam externis quibusdam signis, quorum GRIMMIUS tamen nullam specialem fecit mentionem, cognoverunt, arborem camphorâ divitem esse, omnibus eam foliis, nec minùs cortice ac ligno externo, usque ad medullam, spoliant, & camphoram ex medullâ fîsâ, in quâ hinc inde, sub formâ salis coagulati, tenuis, crystallini, foliati, latet, eximunt: Quæ messis tamèn non adeò larga deprehenditur, dùm magnæ arbores unam duntaxat libram, vel libram unam cum dimidiâ, libras duas, & ad summum tres libras fœnerantur.

## §. VI.

Ultima hæc camphoræ species nullâ depuratione, nullâ novâ sublimatione indiget, rudis verò seu cruda ordinaria, quæ methodo antea descriptâ separatur, & impuritatibus adhuc remixta est, de-

(a) L. c.

nuò sublimari debet, ut formam & proprietates, quibus camphora Officinarum instructa cernitur, acquirat. Olim hanc sublimationem depuratoriam, quam Indi ignorant, quamque Europæi vulgo *Refinationem* vocant, Veneti suscipiebant, nostrâ vero ætate illa ipsa optimè, ac fere unicè Amstelodami à nonnullis peragitur, quæ nondùm tamèn, cum additamenta & præcipuas encheireses studiosè celent, satis innotuit. (a) Quicquid interea sit,

(a) Nonnulli sequentem procedendi methodum veram, vel eidem saltèm valdè analogam esse, opinantur. Adornatur hoc modo: Primò camphoram crudam, grossiusculè contusam, & per cribrum, amplioribus instructum foraminibus, trajectam, ab inhærentibus quicquidlibet purgant: Deinde duas circiter libras, aut duas cum dimidiâ in phialam, fundo æquali, ventre amplissimo, ast simul humili, & vix quatuor digitos alto, nec non collo angusto, & aliquot pollicum transversalium longo prædidam, immittunt, eâdemque in arenæ balneo, ad aliquot pariter pollicum profunditatem, collocatâ, tantùm ignis gradum adhibent, ut camphora quæ instar fluat, & in hoc gradu tandiù relinquitur, donec humidum suum per vitrum apertum penitus exhalaverit. Ne dicta autem portio aquea, sensim ascendens, post aliquam refrigerationem denuò relabatur, & vitri rupturam efficiat, nec sublimata quoque camphora collateribus apponatur, sed liquecendo rursus ad massam redeat, usque dùm humiditas penitus consumpta sit; pannum laneum triplicatum vitri

peractâ ac ritè adornatâ hac sublimatione , *Camphora depurata* seu *camphora Officinarum* resultat , quæ singulare sistit *concretum vegetabile* , *siccum* , *candidum* , *splendens* , *crystallinum* , *volatile* , *inflammabile* , *odore fragrantissimo* , & *sapore acri* , *urente* , *ac paululum amaricante præditum*.

collo usque ad vitri medietatem , relictâ tamen vitri aperturâ , circumponunt , ut collum fortius incalescat , & calor intensior halituum appositionem impediat. Verùm , quum plurimæ partes camphoræ resolutæ hac ratione per vitrum apertum arbituræ essent in auras , cucullo conico , ex chartâ crassiori parato , & phialæ imposito , dissipationem earum impediunt , eodemque particulas sensim evectas , & sub florum formâ chartæ adhærentes , excipiunt. Peractis primis hisce laboribus , & phlegmate prorsum expulso , ignis successivè iterum minuitur , cucullus pyramidalis , cum prius applicato panno crassiori , auferitur , & pannus rarior , foraminibus instructus , loco ablati circumponitur , ut camphora , in sublime evecta , vitro , paululum hac ratione ac sensim refrigerato , sese apponat , & in unam quoque , eamque solidam & pellucidam massam , justo scilicet admoto ignis gradu , colliquescat. Quò liberior præterea sub novo hoc labore ac verâ camphoræ sublimatione aeris accessus , nimirumque partium volatiliū exhalatio præcaveantur , cucullus chartæ amplior ita vitro imponitur , ut illud ad arenam usque contegat , & singulis hisce ritè adornatis , ignis tandiū substernitur , ac sensim augetur , donec tota camphoræ moles sublimata , & in placentam compactam & candidam colliquefacta sit. &c. Sic proluxa quidē de-

## §. VII.

Memoratae camphorae depuratae proprietates, quarum nonnullae, v. g. siccitas, nitor candidus, forma crystallina, odor ac sapor sensus manifestè incurrunt, nonnullae autem, volatilitas nempe & sulphurea indoles ex odore fragrantissimo, nec minùs e plenariâ, quanquàm paulatinâ & invisibili, resolutione halituosâ, promptâ solutione in spiritibus ardentibus, & promptâ pariter atque totali, si accenditur, deflagratione clarè cognoscuntur, tam singulares, institutâ scilicet mutuâ omnium relatione ac correlatione, deprehenduntur, ut chemicorum plerique haecenus ignoraverint, cui corporum generi camphora rectè annumeranda esset, & idèò tantus etiâ apud scriptores chymico-medicos circa naturam ejus, ac vera principia constitutiva reperitur dissensus, ut numerosae successivè innotuerint opiniones, quarum plurimae tamen puratoris sublimationis camphorae descriptio sese habet, dubitant tamen multi, & ego pariter vix credere possum, illam tam completam esse, ut nihil ampliùs circa eandem deficiat. Probabile praeterea videtur, operarios camphorae sublimandae aliquid, quod partium molissimarum dissolutionem nonnihil prohibeat, addere, & in principio quoque peculiare encheireses, quas studiosè occultant, observare.



vero parùm consentaneæ, nonnullæ etiã prorsùs ridiculæ existunt. Alii quippe illam *sal volatile oleosum*, alii *oleum coagulatum*, & alii denique, qui longiùs, quàm reliqui, à vero aberrant, *corpus gummeo-resinosum*, immò, *gummosum succum inspissatum* &c. vocare consueverunt, licet pleræque camphoræ depuratæ proprietates, à proprietatibus, quibus salia volatilia oleosa, olea coagulata, resinæ, gummi, & succi inspissati instructa sunt, planè distinctæ inveniantur. (a)

(a) » Camphora, NEUMANNUS in *Miscell-*  
 » *Societ*, *Reg. Berol. Cont. II. p. 72. scribit*, 1 )  
 » Resina dici nequit, quia ) quod etiã Dom.  
 » Prof. Hoffmannus annotavit ) a ) omnes resi-  
 » næ, post combustionem, cineres vel aliùs  
 » terrei aliquid relinquunt, camphora e contrà  
 » planè nihil, sed tota deflagrat, & in auras avo-  
 » lat; b ) nullæ resinæ in vase clauso penitus &  
 » in totum elewantur ab igne seu sublimantur,  
 » quod tamen cum camphorâ succedit; c ) resinæ  
 » ubi destillantur, phlegma præbent, & oleum.  
 » partim etiã spiritum sic dictum, camphora  
 » vero horum nihil; d ) nulli plane resina est,  
 » quæ ad instar camphoræ in spiritu nitri solvi  
 » queat; nec ulla datur, quæ æquè cito, & in  
 » tantâ copiâ in spiritu vini colliquescat, neque  
 » f ) talis, quæ in aquâ calidâ, Camphoræ instar,  
 » avolet. 2 ) Multo minùs Camphora sal volatile  
 » dici potest, quia in aquâ non solvitur, nec cum  
 » aquâ intime, quin videri possit, miscetur,  
 » quam tamen solutionem invisibilem cuncta sa-

§. VIII.

Propiùs , me sentiente , cum allegato  
NEUMANNO ad veritatis tramitem ac-

» lia admittere debent necessariò , uti suprà jam  
» commemoratum est 3 ) Quamvis autèm Cam-  
» phora oleosum mixtum , vel ex oleo conden-  
» satum corpus sit , ideò tamèn simpliciter oleum  
» vocari nequit , æquè ac alia mixta solida oleo  
» prægnantia , siquidèm olei nomen liquidis præ-  
» cipuè vel ad summum tenuibus unguinosis , mi-  
» nimè verò solidis & siccis subjectis tribuitur ,  
» & convenit , neque ullum oleum in siccâ sub-  
» stantiâ , ceu Camphorâ , sublimari potest. 4 )  
» Succi nomen Camphoræ non convenit , quia  
» succi propriè dicti mixtionem , a ) vel gummo-  
» sam , quæ in aquâ facilè totaliter liquefcit , b )  
» vel gummi-resinosam ; quæ partim in aquoso ,  
» partim in oleo o , inflammabili , spirituoso ,  
» & simili solvuntur , c ) vel resinosam obtinue-  
» runt , qui posteriores resinæ propriè dicuntur ;  
» de quibus jam sub numero 1. dictum est , qua-  
» rum proprietatum nulla Camphoræ convenit.  
» Nam , si omnia ea , quæ ex arboribus aliisque  
» Vegetabilibus partim sponte proveniunt , vel à  
» naturâ & sole provocantur , partim etiam per  
» artem parantur , quamvis autèm in totâ plantâ  
» ejusque succo , & partibus aliis dispersa & com-  
» mixta fuerint , succos vocare quis vellet , quan-  
» tam non confusionem ineptam , & conceptu  
» impossibilem pareret in describendis rerum es-  
» sentiis ? sic enim omnis aquæ , succi , gummi ,  
» olei , balsami , resinæ , similiumque diversitas  
» periret , verbaque hæc distinctiva nullius pla-  
» ne usus forent. 5 ) Camphoram etiàm gummi

cedunt, & sententiam, ratione magis & chymicâ experienciâ fundatam, tuentur, qui camphoram novum omninò, singulare atque, genericum, adeoque à prædictis planè distinctum, concretum *terreo inflammabile* appellant, idemque ex *merâ terrâ subtiliori*, & *tenerriam substantiâ inflammabili* sive *phlogistâ*, oleo longè simpliciori, interveniente tamen unione firmissimâ, compositum esse, contendunt. De terræ enim & tenerioris substantiæ inflammabilis præsentia haud quemquam

vel bitumen non esse, ex prioribus jam satis  
 patet, quicquid enim gummi vocatur, penitus  
 in aquâ colliquescit, sicuti bitumina maximam  
 partem in eâ solvuntur, ambo verò sublima-  
 tioni refragantur, quam Camphora tamen ad-  
 mittit. Cum igitur nihil in orbe terrarum co-  
 gnitum sit, quod cum camphorâ comparari  
 possit, æquum etiam est, ut suo quoque no-  
 mine singulari & specifico insigniatur, per  
 quod, si res quædam dicatur Camphora, statim  
 intelligatur, eam neque oleum, neque gum-  
 mi, sal volatile, resinam, spiritum, neque bi-  
 tumen, sed planè aliam, & à dictis his diver-  
 sam esse materiam, mixtum nempe ex ingre-  
 diendis, camphoram veram constituentibus,  
 concinnatum, indolis specialissimæ. Unde  
 de quæstio, an sal, vel gummi, resina, vel  
 succus sit, æquè inconveniens, & supervaca-  
 nea judicabitur, ac si quis quærere velit, an  
 sal sit oleum, vel an gummi sit campho-  
 ra? &c.

dubitaturum

dubitaturum esse credo, si camphoram accensam flammam lucidam alere, & parùm fuliginis atræ sub deflagratione evolvere conspexerit. Luculentius tamen in hærentis principii inflammabilis simplicitatem putatitia camphoræ in spiritu nitri concentratori solutio, & inde resultans oleum verum probant. Putatitiam voco hanc camphoræ solutionem in oleum: Nulla quippe solutio vulgaris hic contingit, multò minùs fusio, uti aliqui opinantur, sed nova planè syncrasis. Nam terra subtilis camphoræ & tenerrima ejusdem substantia phlogista cum acidis quibusdam & paucissimis phlegmaticis aquæ fortis seu spiritûs nitri partibus connubium subeunt, ac novum hac ratione & verum oleum unione suâ demùm producunt, quod paululùm tamen adhuc causticum est, & injectam argenti limaturam nonnihil aggreditur, nec adeò firmâ pariter partium constituentium cohæsione gaudet, sed, aquæ frigida infusum, denudò dissolvitur, ita ut camphora protinùs ad pristinam formam redeat, & aquæ innatet: Quorum phænomenorum causa partim tumultuariæ ac rudiori compositioni, partim etiã nimis copiosæ acidijustò gravioris ad- & immixtioni tribuenda videtur. Natura quippe, olea in plantis producens, particulas constitutivas

tenerrimas sensim sensimque sub optimâ proportionem miscet ac congregat, & ideò unionem procurat arctissimam; quæ singula autem artifex chymicus non semper observat, nec unquam etiã tam exactè observare poterit.

### §. IX.

Singularis præterea ac novi prorsus concreti generici nomine camphoram dignam esse, certo pariter certius est, quoniam similis naturæ substantia, quanquam paulo impurior, & specifico plerumque plantæ oleo plus minusve imbuta, e pluribus vegetabilibus, tum intuitu generis, tum speciei distinctis, adhibitis tamen decentibus encheirisis, educi potest, ac separari, adeoque species quoque variae, sub uno comprehendendæ genere, reperiuntur. Nam, testantibus JOHANNES OTTONE HELBIGIO (a), GRIMMIO (b), & CLEYERO (c), qui per annos complures in Indiâ orientali vixerunt, & ipsi artis chemicæ theoretico-practicæ satis gnari fuerunt, concretum, camphoræ vulgaris æmulum, e *recentibus galangæ, Zedoariæ, Zingiberis sylvestris, cassiæ lignæ ac cinnamomeæ radicibus*, immo, ex ipsâ

(a) In Misc. N. C. G. ann. 9. & 10. obs. 196.

(b) ibid. Dec. II. ann. 3. obs. 208. & 209.

(c) ibid. Dec. II. ann. 4. obs. 6.

*cassia lignea*, destillando elici ac separari potest. Similem quoque substantiam, uti NEUMANNUS (a) partim expertus, partim ex odore suspicatus est, variae adhuc aliae plantae, tam indigenae, quam exoticae, forti odore aromatico & balsamico, camphorato tamen plus minusve remixto, praeditae maximè autem *salvia hortensis*, *majorana*, *thymus*, *rosmarinus*, *tanacetum*, *mentha Zeilanica*, nec minus *abrotanum*, *millefolium*, ac *schoenanthum Zeilanicum*, itemque *juniperus*, *cardamomum* &c., continent, & chymico industrio ac debitarum encheiridium gnaro, reverà, exiguâ licet quantitate, largiuntur. Nec ullâ denique ratione dubitandum est, corpuscula illa saliniformia, quae in oleis quibusdam aromaticis, in vasis probè clausis diù asservatis, v. g. oleo cinnamomi, terebinthinæ, menthae, matricariae, majoranae &c., SLARE (b), GODOFREDO (c), MENTZELIO (d), CRUGERO ac SHROCKIO (e) referentibus, paulatim concreverunt, indole suâ camphoræ valdè analogâ fuisse, etiamsi, calore

(a) L. c.

(b) In Transact. Angl. Comp. T. III. p. 362.

(c) Mémoire de l'Acad. Royal. des Sciences ann. 1721.

(d) (e) In Misc. N. C. G. Dec. II. ann. 5. obs. 38.

recedente , ex vitris apertis , ob partes unguinosas , quibus implicita hærebant , tam facile in auras evolare nequiverint.

§. X.

Cognitis veris camphoræ principiis constitutivis , & præcipuis pariter proprietatibus , operatio quoque ejus , quam in corpore humano vivo exercet , cognitu facilius erit , eamque ita comparatam esse credo : Quandò camphora pura , sub ficci pulveris formâ assumitur , minimè quidè à liquore gastrico , qui nimium aquosus est , ac nullum eapropter in camphoræ moleculas ingressum invenit , in ventriculo solvitur , facillimè nihilominus , & intrà breve tempus , ob laxiorem molecularum minimarum cohæSIONem , & insignem planè ac mirabilem teneritudinem atque volatilitatem , blando calore in effluvia resolvitur , quæ non tantum in ipsius ventriculi tunicas vividam quandam impressionem , lenissimi ardoris nomine forsan insigniendam , faciunt , sed rudi etiàm materiæ perspirabili , sæpius in ventriculi , & intestinorum cavo præfenti , mixta , eam in motum celeriores redigunt ; unde aliter fieri nequit , quin hac actione motus peristalticus , eodemque mediante cruoris per vasa ventriculi arteriosa ac venosa progressus ci-

tatior evadat, atque vegetior, & flatuum quoque discussio atque expulsio promoveatur.

### §. XI.

Moras tamen non adeò diuturnas memorata camphoræ resolutæ effluvia mobilissima atque tenerrima in ventriculo & intestinis nectunt, sed paulatinâ inhalatione partim per ordinaria vasa lactea, partim etiâ, & quidem quoad portionem maximam, per numerosissima vascula bibula venosæ originis ad sanguinem, & reliquos humores circulantes transferuntur, eosdemque, quum intimiorem cum illis, ceu maximam partem aquosis, miscelam subire nequeant, insigni celeritate, sub halitûs siccissimi formâ, & fulminæ propemodùm materiæ instar, transeunt: solida nervoso-musculo-membranacea elastica (1) leni, quem

(1) Vasa arteriosa, quæ transeuntium medicamentorum subtilium ac mobilium actionem præcipuè, ob conicam suam figuram, sustinere coguntur, ex quatuor tunicis contexta sunt; quarum prima & extrema vasculo-cellulosa, secunda tendinea, tertia musculo-fibrosa, & quarta denique sive intima nervea dicitur. Binæ posteriores hoc loco maximè considerationem merentur: Corpuscula enim seu moleculæ pharmacorum sub transitu suo, præsertim per vascula hujus censis minima; mediante pressione, vel puncturâ, vel ar-



imprimunt ardore, ad vegetiores contractiones irritant, sphærulas cruoris, aliorumque liquidorum moleculas secum blandè in motum rapiunt velociorem, crassa & viscida, citrà impetum majorem, dissolvunt, & sic, meatuum capillarium ac pororum cutis obstructionibus referatis, meandi ac remeandi libertatem humoribus reddunt, adeòque largiorem quoque expirationem periphericam, quâ ipsa tandè e corpore rursùs excluduntur, provocant: Unde rationem quoque satis patescere opinor, cur camphora, in substantiâ exhibita, nullum ordinariò caloris, nullum notabile pulsûs augmentum, sed sensibile potiùs refrigerium, sanis æquè, atque ægrotis corporibus, afferat.

## §. XII.

Ex generali operandi modo non tantùm vires speciales facilè deduci, sed morbi pariter, quibus camphora efficacius medetur, determinari poterunt. Ad

dore, vel actione aliâ, valdè sensibilem tunicam nerveam ad majorem tensionem ac constrictionem, vegetioremque motum oscillatorium impellunt, adeoque efficiunt, ut simul quoque arctissimè connexa musculosa in fortiores contractiones ruat, & fluida majori vi atque celeritate protrudat.

posteriores nimirum primò redeunt *febres exanthematicæ* cujuscunque generis, pestilenciales, nempe, petechiales, purpuratæ, variolosæ &c., quæ ordinariò, præsertim si gravioribus stipatæ accedunt symptomatibus, copiosæ, crassæ, viscidæ, acri, plus minusve corruptæ ac putridæ, materiæ, per universam humorum, præsertim cruoris, massam disseminatæ, & plerisque tubulis capillaribus impactæ, originem debent, quam sola persæpè natura, ob crassitiem & tenacitatem, aut pertinacem canaliculorum minorum obstructionem, tempestivè ad habitum cutaneum transferre atque expellere nequit. In hisce igitur morbis multum omninò auxilii à camphoræ usu expectandum est, dum concretum hoc, tenerrimè resolutum, & præviâ inhalatione distributum, canales ac poros obstructos reserat, materiam peccantem resolvit, adeòque necessariam exanthematum expulsionem adjuvat, ac citò promoveret. Quibus tamen adjiciendum est, camphoram in febribus memoratis minoris deprehendi efficaciam, & interdum nullum planè locum invenire, quandò gravior nimirum iracundia præcessit, & largiùs proindè biliosa materia humoribus mixta reperitur. Non protinùs quoque eandem porrigere licet, si ægri ple-

thorici sint, sed venæsectio prius administranda, & crûoris copia paululùm minuenda erit, ut molculæ ejusdem mobilissimæ citiùs postea atque liberiùs meatus majores minoresve transire possint. Non adeò proficius denique usus illius primis statim morbi diebus deprehenditur, sed demùm circa diem tertium aut quartum, quo natura materiam præparatam, cujus resolutio aliis interea medicamentis promovenda est, excludere & ad habitum cutaneum transferre intendit, illam ipsam exhibere decet.

### §. XIII.

Efficaciam, nisi majorem, certissimè tamen parem, camphora monstrat in *purâ chronica scorbuticâ*, quæ absque febre accedit, vel leviozem duntaxat, catarrhali benignæ simillimam, adducit comitem, & singularem humorum dyscrasiam falso-urinoso-mucidam, putridinis caractere magis minùsve signatam, causam agnoscit præcipuam. Maculæ, quæ erumpunt, & pectus, dorsum, collum, & maximè musculosas artuum partes occupant, laræ sunt, grossum nonnunquam magnitudine æquantes, ac valdè pruriginosæ, præsertim, quandò serum ac remittere incipiunt. Facile iterùm recedunt, & materia, rursùs ad interiora reducta,

& postea hinc inde subsistens, multiplici corpus torturâ afficit, & omnis generis symptomata, quæ crebrò primarios, gravesque morbos æmulantur, provocat, quorum pleraque tamen, immò singula, denuò remittere consueverunt, quamprimùm maculæ, pustulæ, aut tubercula sponte iterùm prodeunt, aut congruis medicamentis expelluntur. Quæ expulsio autem cum medico persæpe multùm fa- cessat negotii, heroicis opus est remediis; quorum sanè præcipuum camphora esse videtur, si, præmissis tamen ad primas vias repurgandas blandis laxantibus, nitro, æquè, ac in febribus exanthematicis acutis, jungitur. Hoc enim blandâ, quam præstat, resolutione, viam transi- turis camphoræ moleculis liberiores pa- rare, & violentiores partium collisiones, quibus aliàs æstus quidam præternatura- lis aut justò tamen auctior facilè succedit, præcavere ac prohibere valet.

§. XIV.

Præter febres exanthematicas & pur- puram chronicam scorbuticam, in cen- sum ægritudinum, quibus camphora, modicè ac tempestivè usurpata, egregiam affert medelam, etiam *affectus inflamma- torii, convulsivi & veneri* veniunt. In tu- moribus scilicet inflammatoriis, qui vel

merè sanguinei sunt, vel sanguineo-serosi, & nunc ideò à solo cruore, in minoribus arteriis subsistente ac firmiter impacto, nunc à sanguine, in vascula serosa, seu canaliculos arteriosos secundi generis vi propulso, ibidemque cum lymphâ acriori ac viscidiori mixto, producuntur, minutissimæ ac mobilissimæ camphoræ resolutæ molecule massam inhaerentem & obstruentem blandè dissolvunt, dissolutione hac canaliculos obstructos referant, humoribus transitum liberiores reddunt, & sic ipsam inflammationem tollunt. Sin subinde quoque impacta materia fixius hæreat, adeò, ut planè ad citulum reduci nequeat, camphora suppurationem, tunc temporis necessariam, promoveret, & hac etià ratione desideratum fert auxilium. Proficua inprimis camphora reperitur, & vires monstrat eminentiores in refractariis inflammationibus venereis, aliisque contumacibus, ad gangrænam & sphacelosas corruptiones ptoclivibus, internè non minùs, quam externè usurpata; quoniam humores, in prioribus affectibus copiosâ atque tenaci pituitâ acri & corruptâ remixtos, in posterioribus autem cruorem, omnibus, vel tamen plerisque partis gangrænosæ vasculis firmiter impactum, potentissimè dissolvit, adeoque

§. XV.

In erysipelaceis inflammationibus multi camphoræ usum internum, quem alioquin in vulgaribus sanguineis lubentissimè admittunt, planè damnandum esse opinantur: Attamen in hisce pariter, me sentiente, penitùs improbari ac dissuaderi nequit, dummodò practicus ad specificam inflammationis causam materialem debitè respiciat. Nam quotiès fervida materia biliosa, post prægræssam iracundiam fortiolem, largiùs ad sanguinem delata, eidemque intimiùs mixta est, & inflammatoriæ cruoris stasi stimulo suo occasionem præbet, camphoræ usus non adeò tutus videtur; sin sanguinis verò spissitudo, vel levior etiàm canaliculorum crispatura & constrictio, ab aliis causis provocata, eam producant, non video, qualem noxam camphora inferre possit, eamque potiùs potenter ac salutariter materiam subsistentem discussuram esse, credo. Quid citius enim in vasa arteriosa secundi generis, quæ in hujusmodi inflammationibus obstructionem patiuntur, penetrare potest, quàm camphora, in tenerrimas moleculas resoluta? Quid potentiùs etiàm, quàm camphora, partium cohesionem præter-

naturalem in fluidis stagnantibus tollere, & resolutionem eorundem atque discussionem halituosam, quâ harum inflammationum curatio ex parte nititur, procurare ac promovere valet? præsertim, quandò venæsectio, plethorâ aut congestionē præsentē, priùs administrata fuit, & diluentia temperata subjunguntur & interponuntur.

## §. XVI.

Ratio denique, cur camphora, internè adhibita, in spasmodicis quoque, doloribus spasmodicis, & affectibus convulsivis heroicum nonnunquàm remedium existat, ex contemplatione originis ac genii eorum facillimè rerum medicarum gnaris patebit. Frequentissimè nimirum convulsiones, nec minùs spasmi mitiores, & dolores spasmodici materiæ cuidam heterogenæ, in tubulis sanguiferis aut lymphaticis subsistenti, ac magis minùsve impactæ, nunc copiosæ ac viscidæ, adedòque ob molem prementi ac distendenti, nunc parciori acri, continuò vellicanti, natales debent: Hinc aliter omnino fieri nequit, quin solida nervoso-musculo-membranacea, plus minùsve irritata, in contractiones solito fortiores, stimulis tamen, intuitu vehementiæ, proportionatas, ruant, & hisce mediantibus,

materialiam inhærentem, subsistentem, infixam, aut saltè stagnantem, denuò excutere atque propellere, adeoque circuli libertatem restituere nitantur. Necessario igitur ac salutari huic negotio promovendo cum camphora, ceu pharmacum resolvens, discutiens & aperitivum excellentissimum, existat aptissima, in propatulo est, cur, tollens causam turbarum, ipsas etià turbas, spasmos nempe atque convulsiones tollat, & naturæ validas in hoc passu manus auxilatrices porrigat. Resolutâ quippe, & ad circulum redeunte materiâ, crassâ, copiosâ, impurâ, subsistente, obstruente, ac premente, excussis etià particulis acutis, rigidis, vellicantibus, reſeratis meatibus, restitutâ circuli libertate, & recrementis hinc inde per organa excretoria, præsertim per cribrum cutaneum, ejectis, violenta solidorum contractio illicò cessat, & dolores atque convulsiones corpus afficere desinunt.

§. XVII.

Hactenus recensita, etiamsi veritate nitantur, sine limitatione tamen neutiquàm accipienda sunt: Occurrunt quippe casus huius commatis, in quibus cum usu camphoræ interno cautiùs mercandum, quin penitus ab eodem abstinendum,



dumerit. Subinde videlicet, & satis quoque frequenter, allegati affectus spasmodico-dolorifici & convulsivi plethoræ eminentiori, congestioni aut orgasticæ commotioni cruoris, scoriis biliosis rarefactis largiùs referti, originem debent, quibus præsentibus causis camphora non adeò proficua, immò interdùm planè noxia, deprehenditur, dùm sanguinis ebullitionem atque fervorem, nec non congestiones, commovendo, & biliosas imprimis moleculas ulteriùs expandendo, magis augere, quàm minuere videtur. Supra igitur memorata præcipuè de affectibus dolorificis, spasmodicis, atque convulsivis valent, ex visceri cruoris aut lymphæ mucidæ & acris stagnatione, stasi, & pertinaci ad- & inhæsiōe primariò resultantibus; quæ humorum vitia camphora validâ resolutione ac promptâ discussionē, ob insignem, quâ pollet, particularum subtilitatem ac mobilitatem, tollere valet.

## §. XVIII.

Quamvis camphora in hætenùs recensitis ægritudinum speciebus præcipuè locum sibi vindicet, ac vires exserat eminentiores, nullo tamen modo dubitandum est, quin ea in incipientibus pariter tumoribus cachecticis, œdematosis, at-

que plerisque tumoribus partium , præsertim glandulosarum , frigidis , egregiè profutura sit. Quum illa enim sanguinem crassum ac viscidum resolvat , lympham mucidam attenuet , solida lenissimè stimulet , sudorem pellat , & canalium minimorum obstructions referet, unusquisque protinùs rationem videt , cur solidorum vegetas contractions , cum humorum puritate , & liberiori ac vividiori circulo , restituere , adeòque morbis memoratis mederi queat ; præsertim , si purgantia & laxantia præmittantur , & ipsi quoque camphoræ alia appropriata , v. g. salia media &c. , maximè autem nitrum depuratum , ceu optimum , ordinarium , ac penè universale camphoræ additamentum , jungantur. Nitrum enim blandâ resolutione mobilissimis ac volatilibus camphoræ moleculis , per minutissima vascula transituris , viam quasi pandit , ut citiùs , ac citrà sensibiliorem impetum , canaliculos penetrare , & fluida contenta spissiora promptiùs disjungere atque discutere possint.

§. XIX.

In affectibus spasmodicis atque convulsivis , stricturâ imprimis atque siccitate fibrarum insigniori præsentè , præter nitrum, per sæpe etià sperma ceti, oleum

amygdalarum dulcium recentissimè expressum, & similia cum illâ miscentur, ut debita relaxatio eo citiùs contingat, ac iusta filamentorum flexilitas certiùs reducat: Tàm universalialia tamen, quàm nitrum, hæc neutiquàm æstimanda sunt, nec tantâ etiàm bonitate gaudent, quoniam promptam camphoræ resolutionem halituosam viscidis suis particulis quodammodò impediunt, & volatiliū molecularum transitum per canaliculos magis retardant, quàm promovent. Quod reliqua additamenta attinet, illa varii sunt generis, & pro differenti atque specificâ morborum formali non minùs, quàm materiali causâ nunc ex absorbentium antacidorum, nunc salforum incidentium, nunc discutientium balsamicorum &c. classe desumuntur.

## § XX.

Nonnunquàm etiàm, præsertim in purpurâ chronicâ scorbuticâ, aliisque affectibus chronicis camphoræ exhibitioni laxantia & purgantia, uti antea pridem dictum, præmittere decet, ut primæ viæ à crassioribus quicquiliis, quæ paulatinâ suâ translatione ad sanguinem novum causæ materiali fomitem suggerunt, & camphoræ quoque actionem remorantur, priùs repurgentur: Immo, unicum dun-

taxat laxans atque purgans in morbis chronicis rarissimè sufficit, sed hujusmodi pharmacorum exhibitionem reiterare, & camphoræ usui interponere conducit, ne nova impuritarum in primâ culminâ collectio, quæ in morbis chronicis plerisque, ob labefactatum ventriculi robur, facilimè contingit, subsequatur. Multùm præterea inter est, ut camphora debitâ formâ & justâ dosi exhibeatur: Optimam nimirum, quantum mihi experiri licuit, operationem exercet, quandò sub pulveris formâ, & quidè in morbis acutis & exanthematicis dosi minori, quæ duo vel tria grana non facilè excedere debet, in chronicis autèm, præsertim valdè frigidis atque pituitosis paulò majori, nimirum à granis duobus ad grana tria, quatuor, quinque, exhibetur: Subinde tamèn pilulis, electuariis atque bolis commodè pariter addi poterit, etiamsi sub tali formâ paulò tardiolem & languidiorem operationem exerceat. Nonnulli etiàm contusam potiunculis aquosis miscent; verùm, cum moleculæ ejus quæ consortium respuant, & maximâ ex parte ad superficiem assurgant, hoc modo non adeò aptè propinatur. Externè sacculos discutientes, unguenta, emplastra, & epithemata sicca ingreditur.

## CAPUT XXVIII.

*De Myrrha.*

## §. I.

**M**YRRHA GENUINA, à DIOSCORIDE *Σμύρρα* vocata, substantia resinoso-gummea, diversæ magnitudinis glebis constans, quæ contactu pingues, nonnihil pellucidæ, fragiles, in salivâ sub masticatione quoad maximam partem solubiles, extrinsecus colore rubro-fusco, vel fusco-rubescente aut flavescente, intrinsecus tamen miculis plerumque aut striis albicantibus semicircularibus, vel figuræ saltém irregularis, distincto, odore balsamico, multis tamen adverso, & sapore subacri, balsamico, amaro, paululum nauseoso, præditæ inveniuntur.

## §. II.

Optimam atque pinguis~~simam~~ mirrhæ genuinæ portionem, quæ sponte, absque præviâ scilicet corticis incisione, ex arbore fluit, & in puriores atque pellucidas guttas aut glebularum condensata reperitur, veteres rei medicæ scriptores *Stacten* sive *stillatitiam*, alteram verò, quæ inciso prius cortice promanabat, & pal-

meis tegetibus excepta, vel citrà expressionem, vel ejus ope, addito oleo, in massas, glebular, aut pastillos à collectoribus redigebatur, *Plasten* sive *fictitiam* vocabant. Prior cæteroquin, *Staete* nimirum *genuia* à *spuriâ*, quæ ex *plasta* sive *fictitia* per expressionem fiebat, & pinguiſſima quasi ac purior myrrhæ destillatio erat, probè distinguenda, parcioris semper proventus fuit; hinc nostrâ etiam ætate parùm nota, immò probabile est, eandem olim pariter ad gentes remotiores non adeò copiose fuisse delatam, sed incolas & populos vicinos illam maximâ ex parte propriis duntaxat usibus impendisse.

### §. III.

Præter allegatas binas species genericas *Dioscorides* multas adhuc alias recenset, quarum denominationes partim, à patriæ, soli natalis, qualitatibus terræ, ætatis, atque culturæ arborum &c., partim ab indolis ac bonitatis diversitate desumptæ videntur: » Vocatur, scribit,  
 » (a) in myrrhæ genere quædam *pedisif-*  
 » *mos* i. e. campestris, pinguis, & quæ  
 » expressè *staeten* dat: --- Quædam ve-  
 » rò *gabirea*, omnium pinguiſſima, pin-  
 » gui & feraci solo proveniens, quæ co-  
 » pioſam *staeten* etiâ reddit. Primum

(a) In Operib. p. m. 83.

» bonitatis honorem habet *Troglodytica* ;  
 » à regione , in quâ nascitur , sic appel-  
 » lata. Viret hæc modicè , translucida est ,  
 » & mordaci in gustu erosione sentitur.  
 » Colligitur myrrha etiam *colore candido* ,  
 » numeraturque post Troglodyticam in  
 » myrrhæ censu & honore , bdellii modo  
 » cum tractatur lentescens , odore leni-  
 » ter viroso , apricis locis nascens. Est  
 » prætereà , quæ *caucalis* appellatur , eo-  
 » rum modo quæ exoleverunt arescens ,  
 » colore nigro , & velut ab igne torrida :  
 » Omnium pessima , quæ *ergasima* dicitur ,  
 » squalore suo fragilis , nullo pingui sa-  
 » pore acri , gummi viribus & aspectu re-  
 » ferens. Improbatur etiàm quæ *mineæ*  
 » appellatur. &c.

## §. IV.

Myrrha , quæ nostrâ ætate à pharma-  
 copoeis & seplasiariis venditur , rarò so-  
 litaria & perfectè pura occurrit , sed igno-  
 bilibus plerumque , aut planè peregrinis  
 frustulis ac glebis , naturâ prorsum ac vi-  
 ribus à myrrhâ genuinâ distinctis , remix-  
 ta deprehenditur. Nam inter veræ myr-  
 ræ glebularum ut plurimum reperiuntur pri-  
 mò frustula , splendentia , dura , pallidè  
 flavescentis , aut succinei coloris , quæ  
 gummi Arabicum magis minusve formâ  
 æternâ æmulantur , & odore æquè , atque

sapore destituta sunt. Deinde etiã, & quidẽ magnã nonnunquã copiã, obviã sunt glebæ, in magnas & elegantes guttas persæpe concretæ, genuinæ nihilominus myrrhæ frustulis longè duriores, compactiores atque tenaciores, adeoque fractu difficiles: Minorem præterea pinguitudinem possident, & colore, instar picis, rubro-fusco, aut fusco-rubescente obscuriori, odore magis nauseoso, & tam ingratã amaritiæ præditæ inveniuntur, ut absque vomendi conatu diù in ore detineri ac circumvolvi nequeant, etiamsi, ob valdè resinofam earum indolem, parùm à liquore salivali solvatur. Multùm igitur interest, ut myrrha genuina seligatur, & à frustulis, massulisque spuriiis probè repurgetur, quoniã veram & spuriam respectu naturæ ac virium medicarum maximum omnino discrimen intercedit. Nam prior longè gratior, longè temperatior est posteriori, & longè præstantiores etiã effectus in corpore humano edit. Pridem hoc cognovit prælaudatus DIOSCORIDES, & myrrham proinde *recentem, fragilem, non ponderosam, undique sibi concolorem, & qua confracta candidas intus, humanorum unguium figurâ, per medium transeuntes divisiones ostendat, quæ minutis glebis sit, & cum acrimoniâ amarâ & odoratâ, eligere,*



*ponderosam* contrà, *picis colore donatam* ;  
ceu usibus medicis ineptam , rejicere ju-  
bet. (a)

## §. V.

Colligitur hoc concretum resinoso-  
gummeum in *Ægypto* , *Arabia* , & *Æthio-  
pia* , maximè autèm in postremæ regionis  
provincia quadam , quæ sub *Ægypto* sita  
in mare rubrum ac sinum Arabicum pro-  
tensa est , & à veteribus *Troglodytica* ap-  
pellata fuit ; ubi ex trunco arboris spinosæ  
humilioris , cujus completam descri-  
ptionem Botanici nobis nondùm dede-  
runt , vel spontè , vel , quod fieri solet  
frequentius , inciso priùs cortice , exstil-  
lat. DIOSCORIDES myrrhiferam hanc  
arborem spinæ *Ægyptiacæ* similem esse ,  
& lacrymam , post corticis incisuram sen-  
sìm promanantem , palmeis tegetibus ex-  
cipi , vel nonnumquàm etiàm in arboris  
trunco concrefcere & indurari refert (b).  
PAULUS HERMANNUS spinosam hanc  
plantam arboream , quæ , teste PLINIO ,  
rarò quinque ulnarum altitudinem exce-  
dit , ab incolis *Bola* vocari , testatur (c) :  
SAMUEL DALE illam bacciferis ar-  
boribus annumerat (d) , & POMETUS

(a) Luc. c. (b) L. c.

(c) In Cynof. mat. med. p. 279.

(d) In Pharmacol. p. 434.

eandem foliis, ulmi foliis simillimis, donatam esse, tradit (a) ; ast horum nullus uberiorem communicavit descriptionem ut ideò circa formam ejus, & crescendi modum, certi quidquam hac vice tradere haud liceat, cum mihi & medicorum plerisque illam propriis oculis lustrare nunquàm contigerit.

§. VI.

Constat hoc concretum ex *partibus spirituofo-oleosis essentialibus, gummosis, resinosis, & paucis recrementitiis*. Nam myrrhæ puræ, electæ, & in pulverem comminutæ, libra una sub destillatione humidâ ex vesicâ, testante B. FRID. HOFFMANNO, (b) aquam transmittit albicantem, sat suavi myrrhæ odore præditam, & cum eâ simul oleum essentielle æthereum, quod, in multos globulos divisum, partim aquæ innatat, partim fundum petit. Oleum hoc, vitro per aliquot dies in quiete relicto, separatum, circiter drachmas duas, vel subinde etiam, receptâ nimirum myrrhâ optimæ notæ, ac ritè pariter adornatâ destillatione, tres prope modum drachmas pondere æquat. Myrrhæ cæteroquin odorem spargit, nec in-

(a) *In der Beschreib. der Spechereyen und materialien* p. 381.

(b) *In Obs. physico-chym. select.* p. 20.

gratum quoque saporem linguæ imprimi-  
Quando etiam portio aliqua myrrhæ in-  
tegræ, optimæ pariter indolis, cum aquâ  
simplici blandæ digestioni aliquandiu  
committitur, maximam partem solvitur,  
& infusum præbet saporis & odoris for-  
titer myrrhati, coloris quidè ante &  
post filtrationem obscure flavescentis,  
nonnihil tamen in calore non minùs,  
quàm frigore turbidum; unde conjicere  
licet, particulas quasdam oleosas, & for-  
tassis etiam resinosas teneriores, ita gum-  
mosis intertextas esse, ut simul ab aquâ,  
quanquam ruditer saltè, dissolvantur,  
& per filtri chartacei poros abripiantur.  
Infusum hoc, ad justam extracti consisten-  
tiam evaporando redactum, myrrham  
integram odore & sapore refert, & fla-  
vo-subfusco colore tinctum deprehendi-  
tur. Ex uncia myrrhæ unâ drachmas se-  
ptem & grana tria impetravi. Residuum  
siccatum, & ulteriori cum spiritu vini  
digestioni subiectum, adhuc scrupulos  
duos & grana quinque substantiæ resino-  
sæ suppeditavit, ut idè undecim dunta-  
xat, vel duodecim grana materiæ recre-  
mentitiæ superessent. Portio merè resi-  
nosa obscurioris erat coloris, & præter  
ingratiorè amaritiem, tantâ pollebat  
tenacitate, ut dentibus atque palato sub  
volutatione in ore pertinaciter adhæres-  
ceret,

ceret, ac parùm saltèm in salivâ diffueret.

### §. VII.

Memorato explorandi modo postea respectu ordinis inverso, & primùm spiritu vini rectificatissimo æquali myrrhæ electæ ac genuinæ quantitati affuso, tinctura resultavit coloris ex flavo-rubicundi, saporis valdè amari, odoris balsamici, atque specifici myrrhati, quæ, peractâ evaporatione, extracti duriusculi unciam dimidiam relinquebat. Hoc interim, uti ex quantitate patet, non merè resinofum, sed gummeo-resinofum erat, valdè nihilominus tenax, & colore rubro-fusco donatum. Quod reliquum erat, aquâ simplici maximam partem solvebatur, ita, ut hac pariter vice vix duodecim grana relinquerentur. Unde constare arbitror, unam myrrhæ genuinæ unciam circiter ex drachmis septem substantiæ gummosæ, paucis tamen particulis resinoso-oleosis tenerrimis remixtæ, scrupulis duobus & granis aliquot resinosæ crassioris, oleo æthereo pariter imprægnatæ, & duodecim, vel etiàm pluribus aut paucioribus, granis impuritatum indissolubilium compositam esse. Major enim, quam obtinui, extracti resinosi primi quantitas ab actione phlegmatis, quod in spiritu vini,

methodo vulgari rectificato , adhuc notabili ut plurimum copiâ hæret , & principii gummosi partem solvit , deducenda erit. Negare cæteroquin nolo , indicatam principiorum quantitatem relativam pro differenti myrrhæ bonitate valdè nonnunquam variare posse. Quò melior enim myrrha existit , eò majorem substantiæ gummosæ portionem continet , quò deterior ex adverso , eò copiosiori etiam resinâ instructa reperitur.

### §. VIII.

Demonstrata myrrhæ genuinæ principia neque indole eadem , neque pari virtute pollent , sed aliud alio , intuitu operationis ac virium medicarum , deprehenditur præstantius. Substantia nimirum gummosa , essentiali & aromatico oleo æthereo modicè imbuta , quæ maximam myrrhæ genuinæ partem constituit , reliquis principiis , seorsim consideratis , excellentior existit , quoniam temperationi naturâ gaudet , & perfectè ac satis promptè à salivâ & liquore gastrico solvitur , ut ideò facillimè deinde ex primâ culinâ ad sanguinem & lympham filtrationis beneficio transferri possit. Hinc illa quoque operationem suam in toto exercet corpore , & ob blandam atque balsamicam suam amaritiem , impuritates putridas atque

corruptas quascunque, sive illæ in primis viis stabulentur, sive per humorum circulantium massam inveniantur disseminatæ, sive alio hæreant loco, emendat ac destruit (a), & viscidam bilem,

(a) Propter egregiam indolem balsamicam, ac valdè potentem virtutem antiputredinosam, myrrha, priscis æquè, ac recentioribus temporibus, magni semper æstimata fuit. Antiquissimi Ægypti incolæ, qui præ gentibus reliquis defunctorum suorum corporibus diuturnitatem conciliare, eademque contra corruptionem putredinosam, brevi aliàs supervenientem, defendere, atque per longam annorum seriem immunia præstare nitebantur, balsamicum hoc concretum cadaverum pollinecturæ, ceu præstantiorem pro magnum ac divitum conditurâ materiâ, frequentissimè adhibebant, quòd HERODOTUS, ubetiùs de variis Ægyptiorum balsamandi modis agens, testatur: » Ante omnia, inquit *Hist. Lib.*  
» 2. p. 190. incurvo ferro cerebrum per nares  
» educunt, ut quamcunque partem educentes, ita  
» locum ejus medicamentis explentes. Dehinc  
» acutissimo lapide Æthiopico circa ilia conscin-  
» dunt, atque illac omnem alvum potrahunt;  
» quam ubi repurgarunt, ac vino phœniceo ex-  
» plèverunt, rursus aromatibus contusis refar-  
» ciunt; rùm omenta complentes contusâ myr-  
» rhâ purâ, & casîâ, & cæteris (excepto thure)  
» aromatibus, iterùm consuunt. &c. Nullum quo-  
que dubium est, quin virtus medica antiputredinosa & traumatica, quæ *Mumia* veræ, antiquæ, & præstantiori Ægyptiacæ à medicis, quibus horridum hoc medicamentum civitate pharmaceuticâ donare placuit, adscribitur, potissimam par-

quæ inertia suâ variis affectibus chronicis ansam præbet, ad naturalem indolem saponaceam, ac justam amaritiam & fluiditatem reducit.

### §. IX.

Magnam quidè hæ vires laudem merentur, majori nihilominus encomio digna est excellentissima virtus *roborans*, cui blanda *commovens* atque *discutiens* juncta reperitur: Blanda, inquàm; nullas enim singulares expansiones humorum orgasticas, etiàm apud subjecta calidioris, biliosi atque cholericici temperamenti, dummodò ritè, tempestivè, ac modicè in usum vocetur, producit, sed nonnihil saltè circulum auget, atque vegetiorem reddit, & hac ratione quisquiliæ, corpori inimicæ, per poros cutis ac vias urinarias, citrà impetum, & justò fortiorè exagitationem, expellit. Aliter longè in hoc passu comparatum esse deprehendimus cum substantiâ resinosa solitaria, vel gummosæ tamen in myrrhâ igno-

tem à myrrhâ pendeat. tametsi minimè negem, crocum pariter, aloen, cassiam, cinnamomum, opobalsamum, resinam cedrinam & similia aromatica atque balsamica, è quibus veteres materiem, ad divitum corpora post obitum condenda necessariam, plerumque componere solebant, ad augendas vires memoratas multùm conferre.

biliori aut spuria largiùs mixtâ. Hæc ipsa nimirum, assumpta in substantia, h. c., citra præviam solutionem in spiritu quodam inflammabili, à naturalibus oris atque ventriculi menstribus falso-aqueis nunquam perfectè dissolvitur, sed meatuum parietibus quoad portionem crassiorem hinc inde adhæret tenacius, quoad subtiliorem vero partem quodammodo soluta, & ad sanguinem delata, hunc & humores reliquos, ob indolem suam longè calidiorem, fortiùs exagitat, commover, & expandit. Et hoc quoque causa est, cur multi medicorum, naturam myrrhæ genuinæ ac spurix discrepantem ignorantes, promiscuè myrrham quamcunque inter medicamenta valdè calida retulerint, & etiamnùm referant.

§. X.

Quòd oleum denique essentielle atque æthereum attinet, illud, per se consideratum, paulò calidioris quidè naturæprehenditur; veruntamen, cum non adè largâ quantitate in myrrhâ adsit, & hinc inde saltem partibus resinoso-gummeis parcissimè hæreat interspersum, vehementes quoque effectus ab eo in corpore neutiquàm metuendi sunt. Hisce accedit, quòd oleum hoc, etiam post distillationem seorsim spectatum, indole



tàm igneâ , quàm pleraque olea aroma-  
 rica & balsamica reliqua , minimè pol-  
 leat , sed satis moderatam operationem ,  
 si ad aliquot saltem guttulas unâ vice ex-  
 hibetur , exerceat. B. FRID. HOFFMAN-  
 NUS illud magnis extollit laudibus , &  
 usum ejus in variis morbis eximium esse  
 testatur : » Tàm delicati , *scribit (a)* , hoc  
 » oleum saporis atque odoris est , ut sin-  
 » gulari modo reficere , & vires recreare  
 » videatur. Cum saccharo comminuto si  
 » aliquot guttulæ commiscentur , elæo-  
 » sacharum balsamicum & pectorale con-  
 » ficitur , quod per se , vel cum infuso  
 » veronicæ aut Coffee sumptum , in chro-  
 » nicis pectoris , & in tussi inveteratâ ,  
 » asthmate humido , eximiam & magnam  
 » meretur laudem. Neque mediocrem ab  
 » eo efficaciam promittimus , si ad arcen-  
 » dum putridum aerem , ubi cælum nu-  
 » bilum est , & epidemico morbo urbs  
 » conflictatur , manè cum jusculo , vel  
 » infuso succoladæ , aut Coffee unam vel  
 » alteram guttulam in usum adhibea-  
 » mus. &c.

## §. XI.

Inde igitur , & ex prædictorum reli-  
 quis liquidò constare opinor , substantiam  
 myrrhæ gummosam mitissimæ naturæ ef-

(a) L. c. p. 20.

Te, resinam autem, & nonnihil quoque oleum, calidiori indole gaudere, quæ valdè, præsertim apud resinam intenditur, quandò myrrha cum spiritu vini dephlegmatissimo, qui, intactâ gummosâ, oleoso-resinosam substantiam solvit, eisdemque unione suâ vires longè impetuosiores conciliat, in tincturam redigitur. Consentientem in hoc passu habeo B. STAHLIUM, qui idem de myrrhâ æque, ac similibus resinosis & gummeo-resinosis aliis testatur, quandò inquit (a): » Nota-  
» bile illud phænomenon medicum est,  
» quod resinæ hæc sub essentiarum formâ,  
» id est in spiritu vini adhuc valdè tenui-  
» ter expansæ, communiter decuplò plus  
» efficiant, quam sub tenaci illâ pristinâ  
» propriâ aut extractiformi consistentiâ,  
» v. g. myrrha rubra per os assumpta, vel  
» ad drachmæ pondus, menses simplici-  
» ter pellit; huic drachmæ, si super-  
» fundatur spiritûs vini uncia una, tin-  
» ctus auferatur, (ubi citra expressio-  
» nem drachmæ sex vel septem erunt),  
» hujus sic dictæ essentia drachma dimi-  
» dia vel scrupuli duo tantundem effi-  
» cient, quantum drachma una myrrhæ  
» in substantiâ &c. Quare non perinde  
» erit, an practicus myrrham sub hac vel

(a) In Fundamenti Chymiaë dogmaticæ & experim. p. 115.

illâ formâ ægrotanti promiscuè exhibere velit, sed talem semper eligere tenetur, sub aquâ, pro subjectorum & ægritudinum diversitate, mitiorem, vel fortio-rem, adeoque congruum semper, & adequatum, effectum edere possit.

## §. XII.

Præter virtutes generaliores, *roboran-tem* videlicet, *antiputredinosam*, ac *leniter commoventem*, myrrha genuina egregias quæque vires *stomachales*, *carminativas*, *uterinas*, *bezoardicas*, *traumaticas*, & *pecto-rales* possidet. Stomachales & carminati-væ tam excellentes reperiuntur, ut nul-lum pharmacum mihi notum esse inge-nuè fatear, quod myrrhæ palmam in hac parte præripiat. Labefactatum nempe to-num ventriculi & intestinorum efficacis-simè reducit, & fibris tunicarum flacci-dis robur naturale reddit, adeoque vi-vidiorem harum partium contractionem, ad alimenta debitè resolvenda, & in lau-dabilem chymum ac chylum converten-da, nec minùs ad cruditates attenuan-das, promovendas, tandemque, unà cum flatibus accumulatis atque retentis; per alvum expellendas summè necessariam, denuò suscitatur, immò, collectas impuri-tates viscidas ac semiputridas abstergit ac destruit, bilis inertiam corrigit, & sic

omnes liquores, digestionis & chylicationis negotio inservientes, variis ac crebro præsentibus temperiei atque mixtionis vitiis liberat: Unde etiam in propatulo esse opinor, cur myrrha genuina, præsertim manducationis ope assumpta, ordinariò vires exserat præstantissimas in dyspepsiâ, aepesiâ, dysforexiâ, anorexiâ, aliisque appetitûs & digestionis depravationibus, maximè iis, quæ post morbos relinquuntur, aut homines senilis ætatis, vel curis, studiis profundioribus &c. valdè debilitatos, corripunt, nec minùs in vomitu pituitoso, affectibus flatulentis, diarrhoeâ mucosâ chronicâ, lienterîâ, cœliacâ, cachexiâ icteritiâ, febribus intermittentibus, præsertim rebelli quartanâ, similibusque primæ culinæ morbis, qui tunicarum flacciditati, bili mucidæ, & collectis cruditatibus pituitosis ac semputridis præcipuos natales debent.

### §. XIII.

Virtute roborante stomachali non multò inferior deprehenditur virtus *uterina* & *emmenagoga*, major tamen cautio circa usum ejus in passione hystericâ, sterilitate, fluore albo, suppressione lochiorum, & carameniorum defectu aut obstructione adhibendâ, ac probè ante exhibitio-

nem materialis æque ac formalis causæ evolvenda erit. In memoratis enim morbis tantummodò conducit, quando humorum viscositati & solidorum flacciditati, quorum radix persæpe in ventriculi imbecillitate ac pravâ digestionem quærenda est, præcipuam originem debent: Sin spasma autem, à sanguine abundante, bilioso, aut alia materia acri calidiori largius imprægnato, producti, formalem constituunt causam, usus ejusdem non adeò proficius reperitur, nisi plethora prius venæsectione imminuta, & acrimonia, imprimis calida biliosa, congruorum temperantium usu emendata fuerit. Similis circumscriptio necessaria est, quoties myrrha, tanquam bezoardicum, in febribus usurpanda est. In ardentibus enim, biliosis, & inflammatoriis nullum prorsus locum invenit, nec satis tutò pariter febre synochâ simplici laborantibus exhibetur, quoniam hæc semper abundantiam cruoris causam agnoscit præcipuam, illæ autem materiæ cujusdam fervidioris præsentiam supponunt, aut ingentem tamen æstum cum magnâ partium solidarum siccitate atque strictione comitem adducunt. Quod putridas autem atque malignas febres, pestilenciales, petechiales, purpuratas, & variolosas, itemque catarrhales, coryza imprimis, tussi hu-

mida, aut glandularum salivalium tumore stipatas, attinet, in illis per sæpè opem ferre consuevit egregiam, quoniam partes putridas destruit, pituitoso-viscidas attenuat, & exanthematum expulsionem validè adjuvat. Non porrigenda tamen erit tinctura ejus spirituosa, quæ nimium exagitans est, atque calida, sed saltem aquosa, aut aquoso-vinosa, quæ, moderatâ dosi, oblata, satis blandam operationem exercet, & impuritatum exitum, citra notabile æstûs incrementum, promovet.

§. XIV.

Virtutes hætenus adductæ jam satis quidem myrrham genuinam nobilitant, longè majora nihilominus encomia vires *vulnerarie & pectorales* eidem conciliant. Quis concretum enim novit medicum, myrrhæ genuinæ virtute traumaticâ, purificante, consolidante in vulneribus atque ulceribus, tam internis, quàm externis, immò, in ipso sphacelo, & ossium carie, æquiparandum? Quis pharmacum simplex nominare audet, myrrhæ veræ in tussi inveteratâ, aliisque pectoris affectibus chronicis, à partium solidarum, maximè autem ventriculi & pulmonum, debilitate, eamque protinus subsequente materiæ mucidæ conti-

nuâ genesi , & largissimo in pectore decubitu oriundis , præferendum ? Ego sanè novi nullum , & myrrham genuinam , nisi omnibus , certissimè tamen plerisque , hætenùs cognitis , anteponendam esse , arbitror. Non solum quippe ventriculum , nec solos pulmones confortat mirificè , sed reliquis etiàm visceribus , succorum alibilium præparationi , sanguinisque ac lymphæ circulo depurationi inservientibus , robur conveniens reddit , sanguinemque præterea , & cæteros humores purificat , blandè attenuat , & imminentem fluidorum non minùs , quàm solidorum corruptionem avertit , vel jam præsentem , febre lentâ tamen aut hæcticâ nondùm stipatam , efficacissimè corrigit.

## §. XV.

Virtuti vulnerariæ & pectorali tandèm *anthelmintica* quoque subjungi meretur , quæ satis pariter insignis existit , & multiplici nititur fundamento : Ob balsamicam nempe indolem & amaritiem myrrha genuina non tantùm ipsos lumbricos , aliosque vermes , in canale intestinorum hospitantes , enecat , sed viscido-putridam quoque saburrâ , quæ vermibus nidum præbet ac pabulum , destruit , inertiam bilis , quæ debitè constituta præcipuum æstimanda est vermium antido-

um, corrigit, eidemque decentem amaritiam, ventriculo autem naturale robur restituendo, efficit, ut dedita iterum alimentorum resolutio, debitaque chyli laudabilis præparatio contingat, adeoque impedit, quominus novæ cruditates colligantur.

## §. XVI.

Optimè hoc concretum operatur, si in substantiâ adhibetur, præsertim, quando, diutius paulò in ore detentum, & penitus à saliva confluenta creberrimæ volutationis ope dissolutum, sensim ad ventriculum descendit. Saliva enim, cum menstruum falso-aqueum temperatissimum, oleoso-gummosam substantiam, paucis atque tenerrimis miculis resinosis mixtam, solvit, portionem verò resinosa crassiorem, & terream inertem relinquit intactam, quæ postea igitur, si post manducationem temporariam pauxillum superstes sit, pro lubitu ejici poterit. Sub hac igitur formâ & assumendi modo omnibus, qui usu ejus indigent, semper commendanda esset myrrha, nisi ingens amarities nonnullis nimium crearet fastidium: Quare ad illud avertendum aut minuendum cum saccharo misceri, aut cum hoc & appropriatis aliis stomachalibus, pectoralibus &c., v. g.



croco, semine fantonico, rhabarbaro, aniso stellato &c. in morsulos, vel etiam cum syrupis in electuarium, cum aqua quadam destillata, aut vino bonæ notæ, terrâ foliatâ tartari modicè imprægnatis, in tincturam, vel cum extractis e succis inspissatis in pillulas aut bolos redigi potest, dum sub allegatâ formâ variâ blandam semper operationem exercet. Quod tincturam verò merè spirituosam ac concentratam attinet, illa, ob causas suprà pridem (§. XI.) indicatas, longè calidior reperitur, & in certis solummodò casibus, ubi exagitantia fortiora requiruntur, locum invenit. Dosis cæteroquin exactam, sive per se assumatur, sive cum aliis mixta, generalius vix determinare licet, sed unicè medici rationalis iudicio relinquitur, an in hoc vel illo casu individuali major, an verò minor quantitas præscribenda sit.



## CAPUT XXIX.

*De Gummi Ammoniaco, Galbano, & Bdellio.*

## §. I.

**G**UMMI AMMONIACUM, five HAMMONIACUM, est concretum resinoso-gummeum, colore foris flavescente, intus albicante, odore ingrato balsamico, sapore resinoso-subacri & amaricante nauseoso, præditum. Advehitur à mercatoribus ex *Ægypto*, & in *Affricæ* desertis, maximè autem in tractu *Lybiæ Cyrenaico*, & circa delubrum *Hammonis*, ex incisâ quadam plantâ ferulaceâ, cujus completam descriptionem Botanici hæctenus nondum dederunt, exstillare, ac sensim in glebular puriores, & impuriores, magnitudinis diversæ, condensari dicitur.

## §. II.

Ex partibus resinosis ac gummeis, quibus persæpe tamen, præsertim in glebis ignobilioribus semina, anethinis non dissimilia, arenæ granula, aliaque recrementa mixta inveniuntur, constat. Portio gummosa resinosam quantitatem superat, virtute tamen posteriori paulò inferior.

est. Solutio aquosa prima turbida est, coloris albidī, ad subluteum nonnihil vergentis, saporis amaricantis, odoris debilis virosi. Extractum inspissatum colore sordidè subluteo-fusco tinctum est, odore destituitur, & debilem duntaxat saporem resinoso-amaricantem obtinet. Ex uncia dimidiâ gummi purissimi drachmas tres & grana viginti tria impetravi. Infusum spirituosum primum pellucidum est, & colore flavo-rubescēte, sapore ingrato subacri atque amaricante, & fortiori, quàm aquosum, odore gaudet. Extractum cum infuso convenit, præterquàm, quòd color saturatior, ex luteo nempe & rubescēte subfuscus, odor verò ac sapor paulò debilior sit. Uncia dimidia circiter drachmas tres dedit. Neque hoc, neque præcedens extractum perfectè purum est, sed, ob arctissimæ substantiæ utriusque miscelam, in solutionem aquosam, quod maximè ex turbidâ ejus constitutione patet, partes quædam resinosæ, & in resinosam multæ molecule gummosæ secedunt.

## §. III.

Ob lenissimam virtutem *laxantem*, validamque *abstergentem*, *attenuantem* & *aperitivam*, concretum hoc specificè laudatur in obstructione hepatis, lienis, me-

Venterii, uteri, renum & vesicæ, nec minus in cachexiâ icteritiâ, febribus intermittentibus, hydrope, nephritide sabuloso-pituitosâ, tussi, asthmate, aliisque mucidis pectoris affectibus, guttâ serenâ, fluore albo, gonorrhoeâ virulentâ, & ulceribus partium internarum. Datur in infuso, & sub formâ pillulari, à granis aliquot ad scrupulum unum, & subindè etiâ in emulsionem cum aquâ simplici aut quadam destillatâ redigitur. Externè egregium, usitatissimumque emplastrorum emollientium, resolventium, & suppurantium ingrediens constituit, immò emolliendis clavis pedum, aliisque excrescentiis & tumoribus induratis per se, non sine efficacîâ insigni, applicatur.

§. IV.

**GALBANUM** *Mutterharb*, est concretum gummeo-resinosum, paululum splendens, tenax, & ceræ instar ductile, colore nunc albido aut rufo-flavescente, nunc fusco, aut ferrugineo-nigricante, sapore resinoso-amaricante atque subacri, odore grato balsamico. Planta, quæ sauciata hunc succum fundit, in *India*, *Syriâ*, *Arabiâ*, in *Africa* promontorio *Bonæ Spei* crescit, & à **TOURNEFORTIO** *Oreoselinum Africanum galbaniferum frutescens folio antisi*, à **C. BAUHINO** *Ferula galba*

*nifera*, & ab aliis *Ferula fruticosa semper virens Syriaca* vocatur. Optimum censetur galbanum ex albido aut rufo flavescent, in lachrymas seu grumos puriores, ac paululum splendentes concretum; rejiciendum verò sordidum, quisquilis variis refertum, & fusco obscuriori aut nigricante colore prædium.

## §. V.

*Partes gummosas & resinosas, essentiali oleo æthereo prægnantes*, in mixtione fovet, ita tamen, ut resinosa copiosius, quam gummea, adsint. Oleum essentiali, cujus circiter drachmae sex in unâ galbani librâ hærent, destillatione humidâ expellitur, & miscelâ suâ utramque substantiam fixam præcipuè activam efficit: Hinc, quò recentius hoc concretum est, eo majoribus etiâ viribus instructum reperitur, & vice versâ. Notatu quoque dignum est, galbanum per se, igne aperto leniori, ex retortâ destillatum, in principio singulare quoddam oleum cœruleum aut violaceum, æthereo essentiali adhuc satis naturâ analogum, reddere, eidemque tandem, igne nimirum aucto, copiosum empyreumaticum, ex violentâ substantiæ fixæ gummeo-resinosæ destructione resultans, succedere; Laudatum oleum cœruleum magnarum virium est,

colorem tamen non adeò diu retinet, sed intrà aliquot dies, præsertim si vitrum solummodò obiter clausum fuerit, purpureum evadit. Solutio aquosa prima, quæ turbida deprehenditur, colore pallidè flavescente, & grato odore balsamico, similique sapore gaudet. Extractum inspissatum, cujus pondus, assumpta uncia galbani dimidia, duos circiter scrupulos æquat, flavo-subfuscum est, odoris debilis, saporis resinosi. Tinctura spirituosà prima sese colore saturatè aureo commendat, & acri, gratè balsamico, & subamaricante sapore pollet, balsamico autèm odore infuso aquoso, quod pulres parres oleosas, quibus major fragrantia unicè tribuenda, continere videtur, nonnihil cedit. Massa, post evaporationem relicta, subfusci coloris est, parùm ampliùs olet, & debilem duntaxat saporem resinoso-balsamicum, acredine prorsùs spoliatum, linguæ imprimit. Uncia galbani dimidia mihi fermè drachmas tres hujus extracti resinosi suppeditavit.

§. VI.

Selectioribus *uterinis*, *anthystericis* & *antepilepticis* remediis hoc concretum annumeratur, & frequentissimè, ob laudatas vires generales, in suppressione mensesum, fluore albo, partu difficili, justo,

parciori lochiorum fluxu, malo hysterico, colicâ convulsivâ, epilepsiâ, aliisque convulsionibus, nec minùs, ob moderatam virtutem roborantem, & attenuantem, in obstructione viscerum, tussi, asthma, coryzâ, cæterisque affectibus catarrhalibus, sub formâ pilulari, à granis aliquot ad scrupulum unum, exhibetur. Externè balsama & emplastra traumatica, suppurantia, resolventia, nervina, antispasmodica, & anodyna ingreditur, quæ duris tumoribus, partibus inflammatis, paralyticis, vulneratis, exulceratis, rigidis, itemque abdomini in colicâ, passione hystericâ, obstructione hepatis, lienis, mesenterii &c. applicantur. Additur etiâ suffimigiis uterinis, in prolapsu vaginæ & uteri, fluore albo, dolore hysterico atque sterilitate, multùmque præterea, sub formâ emplastri applicatum, ad abigendos clavos pedum valet.

## §. VII.

**BDELLIUM OFF.** est concretum gummeo-resinosum, contactu pingue, myrrhæ genuinæ instar, quodammodò fragile, coloris albedo-subfusi, vel fusco-rubentis, odoris grati balsamici, saporis subacris & amaricantis. Arbor, quæ hanc lachrymam fœneratur, nondùm sa-

is nota est, in *Arabia*, tamen, *India*, *Media* &c. crescere, & lactescens atque spinosa esse dicitur. Nonnulli hanc & myrrhiferam uniûs ejusdemque generis esse, & utramque specie duntaxat differre opinantur; quam sententiam, cum, experienciâ destitutus, certiorē substituere nequeam, tutoribus suis relinquo.

### §. VIII.

Ex æqualibus partibus *gummosis* ac *resinosis* constat, præcipua tamen virtus posterioribus ingenta est. Infusum aquosum primum, quod turbidum, & coloris lutosi aut ex albido subfusci existit, linguæ nauseosum saporem amarum, naribusque odorem debilem, ingratè balsamicum, imprimit, & post plenariam evaporationem massam relinquit, coloris pallidi, ad lutosum aut ferrugineum vergentis, saporis amaricantis & aromatici, odoris debilis balsamici. Pendet ex uncia bdellii unâ circiter drachmas tres, & grana aliquot. Solutio spirituosâ prima coloris aurantii est, saporis resinoso-balsamico-amaricantis, & fortioris ac gratioris, quàm aquosa, odoris. Extractum inspissatum flavo-rubescens eodem, quo infusum, odore, ast paulò debiliori, gaudet, & forti sapore resinoso, debili balsamico,



subacri, & amaricante donatum reperitur. Ex unciâ unâ circiter drachmas tres impetravi.

## §. IX.

Militat inter *roborantia* & *attenuantia*; atque specificè in morbis pituitosis pectoris, uteri, renum, & vesicæ, adeoque in tussi, asthmate, fluore albo, suppressione mensium, sterilitate, epilepsiâ hystericâ, calculo, nephritide pituitosâ, ulcere renum & vesicæ prodesse consuevit. Præscribitur sub formâ pilulari, à granis aliquot ad scrupulum unum. Externè, ob validam virtutem resolventem, discutientem, & traumaticam, frequentius in usum vocatur, & emplastris non minùs, quàm unguentis, tumoribus duris, glandulis induratis, scrophulis, apostematibus, vulneribus, distortis aut alio modo læsis tendinibus, herniis &c. applicandis, additur. Interdùm etiâ suffimigiis uterinis, ad fœtum mortuum expellendum, aliaque uteri vitia curanda, miscetur.



## CAPUT XXX.

*De Sagapeno & asa Fœtida.*

## §. I.

**G**UMMI SAGAPENUM sive SERAPINUM OFF. est lachryma concreta resinoso-gummea, coloris fusci, vel ex rufo flavescens, saporis acris & amaricantis, odoris, si prunis injicitur, instar porri aut allii, gravis atque virosi: Affertur ex *Ægypto*, & in *Persia*, *Indiâ orientali* &c. ex inciso quodam frutice *ferulaceo*, nondum tamen Botanicis satis noto, exstillare dicitur. Optimum judicatur pellucidum, ac pallidè flavescens, quod asam fœtidam & nonnihil quoque galbanum redolet.

## §. II.

Partes *gummosæ* majori quidè cōpiâ, quàm *resinosæ*, adsunt, virtute tamen hisce longè inferiores reperiuntur. Solutio aquosa prima turbida est, & odore debili balsamico, similique sapore, subamaricante paululùm remixto, pollet. Extractum inspissatum, cujus circiter drachmas duas, totidemque scrupulos ex dimidiâ sagapeni unciâ impetravi, colorem

pallidum , ad flavedinem vergentem ; odorem debilem , & saporem blandè balsamicum , subacrem , & subamaricantem obtinet. Solutio spirituosâ prima , licet coloris saltèm pallidè flavescentis sit , & odoris ferè nulliùs , satis acrem tamen , mordacem , & amarum saporem obtinet. Extractum inspissatum specificum adhuc sagapeni odorem spirat , & majori amaritiei , minori contra acredine , quàm tinctura , instructum deprehenditur. Unciâ dimidia drachmam unam & grana triginta sex dedit. Utrique principio fixo parùm olei essentialis ætherei inhæret , quod vires medicas haud parùm intendit.

## §. III.

Validè irritando , abstergendo , atque discutiendo operatur , & jure igitur inter efficacissima *attenuantia* , *resolventia* , & *aperitiva* referri meretur. Conducit specificè in refractariis obstructionibus viscerum , hepatis nempe , lienis , mesenterii , renum & uteri , adeòque in hydrope , obstructione mensium , fluore albo , calculo , epilepsiâ hystericâ , &c. , nec minùs in hemicraniâ rebeli , asthmate pituitoso , aliisque affectibus pituitosis. Abstergit prætereà mucum primæ culinæ , nec rarò proindè in torminibus ventris , ceterisque ventriculi & intestinorum morbis ,

bis, ex cruditatum viscidarum colluvie resultantibus, cum fructu exhibetur. Cum aliis, huic vel illi morbo appropriatis, ordinariò in formam pillularem redigitur, & à granis quatuor ad scrupulum dimidium præscribitur. Gravidæ ab interno ejus usu abstinere debent, quoniàm fœtum & sanguinem fortissimè pellit, ac facillè proinde abortum provocat. Externè inter suffimigia uterina, & emplastra resolventia ac maturantia, quorum activitatem valdè auget, recipitur.

§. IV.

ASA sive ASSA FOETIDA OFF. *Stinctender Usandt, oder Zeufels-Dreht*, est concretum resinoso-gummeum, mediocris tenacitatis, coloris ex albido flavescentis aut rufescentis, vel subfusci, immò interdum nigricantis, odoris ingrati, ad allium, vel porrum accedentis, saporis acris, amaricantis, ac nauseosi. Planta, quam Botanici plerumque *Silphium*, itemque *Laserpitium veterum* appellant, ad umbelliferas pertinet, & levistico affinis est. Radix, quæ sola postquam sauciata fuit, succum hunc gummeo-resinosum fundit, pastinacæ radicem formâ æmulatur, crassitie autem longè superat, & foris prætereà nigricante colore est. Certa ejus ætas postulatur: Quadrien-

nio enim minor, teste KÆMPFERO (a); parum lactescit; nec unquam secatur; quò autem vetustior & major est, eo majorem succi lactei, seu lachrymæ copiam impertitur. » Succis, uti vix laudatus » Auctor porro refert, ex utriculis radicis » recens emanans, candidissimus, liquidus, & pinguis est, flori lactis dulcis ex » actè simillimus, adeòque omnis exfors » lentoris; ad aeris verò solisve contactum, » colorem subfuscum induit, & coalescens lentorem quoque. Fætor virtutis » index, quò major est, eò meliorem » Asam testatur. At ille in recenti lachry- » mâ vehementissimus est, cum eo, quem » concreta & antiquior redolet, qualem » Europa recipit, nullo modo comparandus. Una drachma recens effusa, » majorem spargit fætores, quàm centum libræ vetustioris, quam siccam vendant aromatarii nostrates. &c.

## §. V.

Non crescit hæc planta, uti multi tamen scriptores tradunt, in Syriâ, Mediâ, Lybiâ, & regione Cyrenaicâ, sed sola *Persia* ejus patria est; duoque saltè locorum tractus, secundum KÆMPFERUM, (b) hodie eam alunt, videlicet 1) campi

(a) In Amœnit. Exot. Fasc. III. p. 542.

(b) L. c. p. 539. sequ.

montesque circa *Heraat*, emporium provin-  
 cia *Chorasaan*, & 2) jugum mon-  
 tium in provinciâ *Laar*, quod à flumine  
*Cuur* usque ad urbem *Congo* secundum  
 Persici Sinûs tractum extenditur, duo-  
 bus, alibi tribus pluribusve parasangis  
 à littore. --- Crescit promiscuè in tes-  
 quis & crepidinibus, ubicumque avul-  
 sa semina (pastinacæ nostratis semini-  
 bus haud dissimilia), ventus protule-  
 rit; uberius verò & sæpe ex pedali in-  
 tervallo in locis, qui quodammodo  
 premuntur in planitiem, quippe semi-  
 ni retinendo, & ob meliorem fundi  
 conditionem fovendo, aptioribus &c.

## §. VI.

Ex partibus terrestribus, aliisque recre-  
 mentitiis, oleosis, gummosis ac resinosis con-  
 flata reperitur. Oleum essentiale, licet  
 exiguâ mole inhæreat, reliquis partibus  
 fragrantiam & præcipuam activitatem  
 conciliat; hinc quò vetustior asa, eò de-  
 bilior. Oleo, respectu virtutis, portio  
 resinosa, quæ majori acrimoniâ pollet &  
 amaritie, succedit, licet mole minori;  
 quàm gummosa substantia, adsit. Infu-  
 sum aquosum primum colore pallidè fla-  
 vo, ac simul turbidum est, fortemque  
 allii odorem spirat, & valdè nauseosum  
 saporem balsamicum obtinet. Sub eva-

poratione copiosas particulas oleoso-spirituosas constanter eructat, quare postea etiam inspissatum extractum, quod coloris sordidè lutei est, ad fuscum nonnihil vergentis, parùm ampliùs olet, & debilem duntaxat ac nauseosum saporem amaricantem linguæ imprimit. Solutio spirituosâ prima, quæ flava, & post refrigerationem nonnihil turbida est, porum redolet, & ingrati cepacei, ac simul acris saporis sensum in gustûs organo excitat. Tinctura hæc sub evaporatione constanter quoque asæ odorem specificum spirat, eundemque etiam massa inspissata retinet, quæ cæteroquin colore flavo-fusco est &, præter proprium asæ saporem nauseosum, etiam resinoso-amaricantem possidet. Uncia asæ foetidæ dimidia saltèm scrupulos quatuor & grana aliquot extracti resinosi dedit, & inde igitur satis constat, quod maxima ejus pars gummosa sit.

## §. VII.

Potentissimâ virtute *discutiente*, nec contemnendâ pariter *abstergente* & *antispasmodicâ* gaudet, adeòque specificè etiam colicæ flatulentæ, passioni hystericae, à causâ frigidâ oriundæ, sterilitati, suppressioni mensium, hydropi humido & tympanitico, asthmatis pituitoso, obstru-

tionis hepatis, lienis, ac mesenterii, epilepsiae, aliisque convulsionibus mederi creditur. Pellit praeterea foetum & secundinas, vermes necat, appetitum venereum excitat, &, variolas quoque atque morbillos, providè tamen ac modicè usurpata, expellit. Indis, praesertim Benjanis, creber, uti KÆMPFERUS testatur (a) asae foetidæ usus est, etiàm in cibis pro condimento. » Hoc, addit, re-  
 » ferenti *Garcia* ægrè credidit *Cl. Renc-*  
 » *dæus*; nam: *si hoc*, ait, *fabula non est*,  
 » *ex duabus alterum conjecto: aut asam foeti-*  
 » *dam in Indiâ non foetere, aut Indos æneum*  
 » *habere guttur.* *Mat. Med. Lib. I. S. VIII.*  
 » c. 8. Degustavi hoc succo imbuta cru-  
 » stula, quæ mihi non adeò sapiebant te-  
 » nerrime, ac putaveram. Perfici medi-  
 » ci, paulo ante scribit, ob delicatum na-  
 » tionis genium, ab usu ferè abstinent;  
 » rusticis saltem Larensis in colicis tor-  
 » minibus & hydrope, praesertim in tym-  
 » panitide curandâ usus innotuit ex con-  
 » filio Benjanorum. Retulit mihi civis  
 » Disgunensis, se hoc morbo tumidum,  
 » omni mane per sex hebdomades devo-  
 » rasse asae bolum seu pitulam majuscu-  
 » lam, donec convalesceret: ex eo subin-  
 » de sibi flatu sursum & deorsum seces-  
 » sisse, adeò foetentes, ut ab hominum

(a) L. c. p. 544.



» consortio toto tempore jussus sit exulare. &c. Datur in formâ pillulari, à granis aliquot ad scrupulum unum, immò integram drachmam, & commodè pariter, in essentiâ, quæ in Officinis prostat, propinatur. Externè inter suffimigia uterina, & emplastra antispasmodica, discutientia, antihysterica, carminativa, & roborantia recipitur. Non desunt quoque inter medicos, qui illi singularem virtutem antimagicam tribuant; quam superstitiosis tamen commentis annumerare nullus dubito.

---

## CAPUT XXXI.

*De Ladano, Caranna & Gummi bedere.*

### §. I.

**L**ADANUM OFF. est gummi-resina, recens mollior, tenax, intra digitos lentescens, ac picis instar ductilis, inveterata autem dura, levis, friabilis, & fractu nihilominus difficilis, coloris grisei, vel nigri, vel ex rufo nigricantis, saporis amari, odoris, si accenditur, fragrantis. Rarò, vel nunquam, hoc concretum perfectè purum reperitur, sed ordinariò subtili arenâ & pulvere terreo largissimè permixtum est. Optima spe-

cies in foliis certi fruticis, qui à T O U R N E F O R T I O *Cistus ladanifera Cretica flore purpureo* dicitur, & in Syria, Candia, sive Creta, Lusitania, Hispania, aliisque regionibus calidis crescit colligitur. Sponte ex tubulis horum foliorum exsudat, ac sensim postea in massam tenacem condensatur. Deterioris conditionis illud censetur, quod, mediante foliorum decoctione in aqua, separatum, & oleoso igitur principio maximam partem spoliatum fuit.

§. II.

Ex pluribus *partibus resinosis*, quam *gummosis*, *oleo aethereo* paululum imprægnatis, constat, multasque præterea *quisquilias arenoso-terreas* continet, quas ventus massæ, post exsudationem adhuc semiliquida, intulit. Portio magis resinosa, in spiritu vini solubilis, in uncia una plerumque drachmas quinque vel sex, & portio gummosa, in aqua solubilis, circiter drachmam unam pondere æquat; quod reliquum est, recrementum merè terreum & arenosum sistit. Solutio aquosa prima turbida est, coloris pallidè lutosi, saporis debilis amaricantis, odoris, ferme instar herbæ Nicotianæ, nonnihil ingrati. Extractum inspissatum saturatori quidè colore, pallidè nimirum ac sordidè

fusco gaudet, respectu saporis & odoris autem longè adhuc debilius deprehenditur. Tinctura spirituosa prima colorem aureum, saporem, ex acriusculo, leniter balsamico & amaricante mixtum, & odorem balsamicum, parùm tamen gratum, obtinet. Massà, post evaporationem relicta, colore flavo-fusco est, odorem nauseosum, instar tabaci, spirat, & debilem atque ingratè balsamicum saporem possidet, tenacissimèque linguæ ac faucibus sub degustatione adhærescit. Docent descripta examina; 1) ladanum, ob ignobiles debilesque vires, commodè exulare posse, & 2) activitatis intuitu primò portionem spirituoso-oleosam, deinde resinosa, tandemque gummosam collocandam esse.

## §. III.

Rarò hoc concretum internè adhibetur, licet tinctura spirituosa, à guttis 20. ad 40. propinata, aliquam virtutem confortantem, nervinam atque cephalicam exerere valeat, sed externum plerumque usum invenit, & inter emplastra roborantia, massas pro candelis odoratis, & tingendi quoque fine inter balsama nervina & cephalica externa recipitur.

## §. IV.

CARANNA OFF. est massa indurata gummeo-resinosa, tenax, si adhuc recens, & picis instar ductilis, inveterata autem dura, friabilis, coloris griseo-fusci, aut flavo-ferruginei, odoris, dum accenditur, fragrantis ac satis grati, saporis viscoso-resinosi, & debilis balsamico-amaricantis. Arbor, quæ sauciata hanc lachrymam fundit, in *Novâ Hispaniâ* præcipuè crescit, & apud Botanicos *arbor Caragna*, itemque *Arbor insania*, *Caragna nuncupata*, apud incolas *Quahuilt.* &c. audit.

## §. V.

Conflata reperitur ex partibus *gummeis, resinosis & oleosis essentialibus*. Oleum essenziale æthereum, quod colore flavo, odore grato aromatico, & sapore acri atque amaro pollet, fixis principiis gummeo-resinosis unicè propemodum, ( licet non adeò magnâ quantitate inhæreat ), odorem, saporem ac vires conciliat. Solutio aquosa aurei coloris est, odoris resinoso-balsamici, saporis amari, ac lenitèr, quam ingratè, balsamici. Cum infuso ipsum extractum convenit, præterquam, quòd flavo subfuscum colorem obtineat. Pendet ex integrâ carannæ uncia circiter

M v.

drachmas tres. Tinctura spirituosâ primâ colore saturatè aureo , odore grato ac forti resinoso-balsamico , & sapore acri , amaricante , & balsamico pollet , ita tamen , ut amarities prædominium obtineat. Inspissatione ejus in arenâ calidâ maximam partem peractâ , extracto resinoso parùm olei essentialis aromatici , acri & satis amaro sapore præditi , supernatabat , eodemque ablato , massa tenax , flavo- & subfusco-albicans relinquebatur , quæ naribus adhuc gratum quidè ac debilem odorem balsamicum , linguæ autèm nullum singularem , ac merè duntaxat resinofum saporem imprimebat. Linguæ , palato & dentibus tenacissimè adhærescit , & ex unciâ unâ fermè drachmas sex pender : Unde manifestum est , substantiam resinofam longè majori copiâ , quàm gummosam , carannæ mixtionem ingredi , & saporem nihilominus , odorem atque virtutem medicam præcipuè , uti antea dictum , à mixto oleo essentiali dependere.

## §. VI.

Multa hæc gummi-resinâ cum galbano & racamahacâ communia habet , rarissimè nihilominus internè exhibetur , sed emplastra duntaxat traumatica , nervina , antispasmodica , & discutien-

tia, in vulneribus nervorum ac tendinum, debilitate articulationum, tumoribus & catarrhis frigidis, spasmo ventriculi, lienteria, vomitu, dolore dentium &c. proficua, ingreditur, & suffumigiis quoque uterinis & roborantibus nonnunquam additur. Si usus internus in morbis rheumaticis, catarrhalibus, spasmodicis, & convulsivis placet, sub formâ pillularis, à granis aliquot ad scrupulum semissem, exhiberi poterit.

## §. VII.

GUMMI HEDERÆ OFF. est massa dura, compacta, magis resinosa, quam gummosa indolis, coloris extus obscure rubiginosi, aut fusco-nigricantis, intus verò ex flavo ac rubro fusci splendentis, saporis resinoso-terrestri & subadstringentis, odoris, si accenditur, balsamici. Origo ejus nondum perfecte innotuit; vulgò tamen ex *Hedera arborea* truncis ac ramis in *India* &c. promanare traditur.

## §. VIII.

Plures, quòd dictum fuit, partes resinosas, quàm gummosas in mixtione fovet, quibus multæ quidè m moleculæ recrementitiæ terrestres, nihil verò olei substantialis ætherei, mixta reperiuntur. Solutio aquosa prima colore dilute aureo

est, odore debili balsamico. Massa inspissata ex unciâ gummi unâ vix drachmam unam pondere æquat, & colorem flavo-fuscum, odorem ferè nullum, & debilem ac nauseosum saporem balsamicum obtinet. Solutio spirituose prima, cujus color rubicundus est, fortiozem, quàm aquosa, odorem resinoso-balsamicum spirat, & saporem subacrem atque non-nihil amaricantem linguæ imprimit. Evaporata massam relinquit rubro-fuscam, ac paululùm nigricantem, quæ, intuitu odoris & saporis, cum tincturâ convenit, præterquàm, quòd uterque debilior existat. Ex unciâ gummi unâ circiter drachmas quinque impetravi.

## §. IX.

Viribus non adeò singularibus pollet, & commodè igitur ex Officinis pharmaceuticis exulare posset. Numeratur inter *subadstringentia*, & emplastris stypticis atque traumaticis additur. Nonnulli istud inter ejusdem quoque virtutis pilulas recipiunt; ast parùm auxilii ab usu ejus interno expectandum est.



## CAPUT XXXII.

De Gummi anime, Juniperi, &amp; Elemi.

## §. I.

**G**UMMI ANIME OFF., sive GUMMICANCAMUM C. B., est concretum merè resinofum, ex albidò flavescens, facilè friabile, & hinc inde non nihil pellucidum, odoris balsamici suavissimi, saporis nulliùs singularis. Dividitur in *Oriente* & *Occidentale*: Hoc ex *Virginia*, *Novâ Hispaniâ*, & *Brasiliâ* affertur, ibidemque ex incisâ arbore quadam siliquosâ, *Jetaiba* dicta, exstillare traditur; illud verò, orientale nimirum, quod occidentali pellucidius atque candidius reperitur, vel quandoque etiàm loco coloris albicantis rufescentem obtinet, in *Æthiopiâ* ex arbore, occidentali animiferæ analogâ, effluit, rariùsque, quàm præcedens, ad nos defertur.

## §. II.

Resinosa hæc massa in spiritu vini rectificatissimo tota, paucis duntaxat recrementis terreis relictis, solvitur, menstrua aquosa autèm parùm extrahere valent. Flava solutio spiritiosa blandum odorem balsamicum emittit, & linguæ



saporem , ex acri , amaricante , & balsamico mixtum , imprimit : Infusum aquosum verò saltè pallidè flavescens est , & licet quidè specificum simplicis odorem spiret , præter paucas tamen particulas oleoso-spirituosas , sub digestionè separatas , nullam substantiam crassiorem continet. Oleum substantiale æthereum parcissimè inhæret , adeoque nihil inde , nisi magna quantitas unâ vice humidæ destillationi subjiciatur , elicatur.

## §. III.

GUMMI ELEMI OFF. *Vethiopisches Delbaumharb* , æquè , ac præcedens , perperam gummi vocatur : Mera quippe massa tenax , pinguis , ac resinosa est , consistentiâ , si recentior , molliori , si vetustior , sicciori , odore gratissimo , sapore resinoso-balsamico , & lenissimè amaricante , colore modò ex albo virescente , modò ex albo flavescente. HERMANNUS resinosum hoc concretum ex *arборе quadam pruniferâ* in Indiâ promanare opinatur , alii verò *Oleam Æthiopicam* istud fundere , referunt. Sententia posteriorum certior est , eidemque proinde subscribere nullus dubito. Nobiliori huic gummi elemi , quod in glebas cylindraceas coactum affertur , & rariùs paulò in nostris Officinis obvium est , species ana-

loga substituitur, quam mercatores ex *Brasiliâ & Nova Hispaniâ* advehunt, quæque ex arbore, nondum satis descriptâ, prodit. Ingnobilior hæc species *Elemi vulgare Americanum* dicitur.

## §. IV.

Cum partibus *resinosis*, quæ apud vulgare Gummi Elemi, in Officinis nostris plerumque venale, maximam ponderis partem conficiunt, etiâ *oleosa* quædam, & paucissimæ *gummosa* mixtæ inveniuntur. Referentæ quippe NEUMANNO (a), ex integrâ librâ olei essentialis uncia una destillando elici, & duæ circiter drachmæ, totidemque scrupuli substantiæ gummeæ separari possunt. Activitas præcipuè in oleo latet, idemque infusis, & extractis aquosis ac spirituosissimis odorem, & saporem unicè propemodum largiri videtur. Tinctura spirituosâ, dilutè aurea, gratum spirat odorem, & acrem atque balsamicum saporem, amaricante non nihil remixtum, possidet. Flava massa inspissata longè debilior est, & pristinum quidè odorem, debilemque saporem balsamicum, nullam verò amaritiam atque acridinem retinet, & quicquid insolubile relinquitur, pulticulam formâ externâ æmulatur. Infusum aquosum nul-

(a) L. c. p. 842.

lo fermè colore tinctum apparet, & tenuissimæ saltèm flavedinis vestigia monstrat, odore nihilominùs gummi satis pro-  
dit; & balsamicum quoque atque amaricantem saporem obtinet. Evaporatione inspissatum parùm extracti satis inertis relinquit: Unde manifestum est, odorem & saporem, quo infusum gaudet, ab oleo, sub evaporatione abeunte, dependere.

## §. V.

Bina hæc corpora resinosa, quæ valdè, quoad naturam & usum, conveniunt, internè, ob insolubilitatem suam in ventriculo, rarò vel nunquàm exhibentur, sed externis solummodò usibus destinantur, & inter suffimigia, massas odoratas, unguenta, balsama, & emplâstra, *confortantis, nervina, cephalica anticatar-  
rhalis* atque *traumatica* virtutis, recipiuntur. Interdùm quoque speciebus pro suffimigiis *uterinis*, in sterilitate, fluore albo, & chronicâ mensium suppressione proficuis, miscentur.

## §. VI.

Ab exotico Gummi Anime respectu indolis SANDARACHA ARABUM sive GUMMI JUNIPERI parùm differt. Colligitur ex trunco *Juniperi vulgaris fruticosæ* C. B., & ordinariò in guttas aut glebular, modò

rotundas, modò oblongas, splendidas, pallidè flavescentes, saporis resinosi, odoris grati balsamici, concretum reperitur. In ventriculo nunquàm penitùs solvitur, sed parùm duntaxat substantiæ oleosæ à liquore gastrico extrahitur; quare externi solummodò usus est, & inter *roborantia*, *antiputredinosa*, & *traumatica* remedia collocatur.

---

### CAPUT XXXIII.

*De Olibano, Mastiche, & Gummi Tacamahaca.*

#### §. I.

**O**LIBANUM sive THUS OFFICINARUM, *Beybrauch*, est corpus gummeo-resinosum, in lachrymas majores & minores, fragiles, pellucidas, pallidè flavas, saporis resinoso-balsamici, odoris fragrantis, concretum. Duplex venditur species, quarum altera *Thus masculinum*, sive *Olibanum purum*, optimum, in granis, altera *Thus fœmininum*, sive *Olibanum vulgare*, impurius, nuncupatur. Affertur ex *Ægypto* & *Arabia felici*; in quâ postremâ regione, ut & in *Æthiopiâ* copiosè quotannis colligitur. Planta, quæ sauciata istud sceneratur, nondùm satis nota est, ad arbo-

rum tamen classem pertinere, scriptores plerique testantur.

## §. II.

Ex æqualibus fermè partibus *resinosis* ac *gummeis*, *oleo æthereo* parcissimè imprægnatis, componitur, substantia tamen resinosa Majori, quam gummea, virtute pollet. Solutio aquosa turbida est, lactescens, ad pallidam flavedinem aliquantisper inclinans, odore simplicis specifico, sapore amaricante & balsamico. Idem odor & sapor etiàm in inspissato extracto flavo deprehenditur, præterquàm, quòd amarities major existat. Tinctura spirituosà flavescens pellucida, odorem spirat balsamicum, & satis acrem saporem, balsamico & amaricante mixtum, obtinet. Sub evaporatione hæc ipsa partes oleoso-spirituosas odoríferas maximam partem amittit; hinc ad decentem quoque spissitudinem redacta, instar ceræ, renax est, & nullo ampliùs sapore & odore gaudet. Unde clarè patet, laudatas particulas oleoso-spirituosas, quibus utraque substantia fixa, durante mixtione naturali, parciùs imprægnata est, unicam fermè, vel tamen præcipuam, activitatis & odoris fragrantis causam constituere. Externum solummodò, usum hæc *gummi-resina* in medicinâ invenit, &

*de Balsamicis & Aromaticis.* 283  
usitatissimum imprimis suffimigium præbet.

§. III.

MASTICHE sive MASTIX OFF.  
est mera resina, arida, dura, fragilis,  
in granula, seu lachrymas minores, pal-  
lide flavescentes, pellucas, debilis fa-  
poris resinoso-balsamici, odoris, dùm  
accenduntur, fragrantis, concreta. Pro-  
manat ex trunco & ramis arboris *Lentisci*  
*vulgaris* c. B., & optima species ex in-  
sulâ *Chio*, ignobilior ex *Italiâ*, *Siciliâ*,  
*Lusitania* &c. affertur. In insulâ *Chio*, ubi  
maxima hujus resinæ collectio est, inco-  
læ arbores laudatas quotannis trinâ vice,  
mense nimirum Martio, medio Augusti,  
& Septembri, cœlo sereno existente, in-  
cidunt, ut naturalis balsamus mastichi-  
nus, in oblonga postmodum grana ac gle-  
bularum indurescens, largius effluat. Grana  
puriora & plus minusve transparentia in  
Officinis sub nomine *Mastichis electa* ven-  
duntur.

§. IV.

Aqua resinæ huic sub digestionē, nisi  
nisi paucissimas partes oleoso-spirituosas,  
quæ eidem debilem conciliant odorem  
balsamicum, eripere valet, spiritus vini  
rectificatissimus autem illam penitus,

paucis saltē relictis partibus terreis, solvit, & colorem inde dilutē aureum, odorem gratum & saporem acrem, amari- cantem atque balsamicum nanciscitur.

## §. V.

Sæpiùs hoc medicamentum, cujus plenaria resolutio in ventriculo nunquā speranda est, externo, quā interno, usui impenditur. Internè vires *roborantes* & *subadstringentes* exercet, & à præticis contrà ventriculi imbecillitatem, diarrhœas, dysenteriam, diabetem, fluorem album, & gonorrhœam præcipuè commendatur. Dosis ejus in pulvere ad grana tria vel quatuor, in infuso vinoso ad scrupulum dimidium, immò integrum, ascendit. Externè pulveres ad-et inspergendos, suffimigia, pulveres dentifricios, decocta vinosa, unguenta, emplastra &c. ingreditur, &, sub hac vel illâ formâ adhibitum, laxitati uvulæ, scorbuto oris, procidentia ani, uteri, atque vaginæ, nec minùs herniis, & articulorum debilitati egregiè medetur.

## §. VI.

GUMMI TACAMAHACA sive TACKA-MAHACA OFF. non gummi est, licet ita vulgò nuncupetur, sed resina arida, retorrída, friabilis, in majores utpluri-

mum glebas concreta, odoris, dum accenditur fragrantis, saporis debilis resinoso-balsamici, & quodammodò subdulcis, coloris variegati, alibi nempe albicantis, alibi flavescentis, alibi fusci aut rufi. Magis flava magisque pellucida recentior, purior, atque præstantior est, magis rufa autem, vel fusca impuriore & vetustior, adeoque etià ignobilior, judicatur. Arbor, quæ resinosam hanc lachrymam, tum sponte, tum præviâ corticis incisione, stillat, populo formâ atque proceritate similis est, & in *Novâ Hispaniâ, Mexico, & nonnullis quoque insulis Indiæ orientalis* adolescit.

§. VII.

In spiritum vini rectificatissimum sub blandâ digestionem tota transit, si partes terreas, aliasque quisquiliis, quæ interdum sat copiosè mixtæ cernuntur exceperis; aqua autem paucas duntaxat particulas oleosas extrahit, & inde debilem odorem, fortemque, quanquàm valdè ingratum, saporem acquirit. Solutio spirituosâ saturatè aureo colore est, odore blande balsamico, & sapore subacri atque resinoso.

§. VIII.

Virtute roborante, nervinâ, atque cepha-



*lica* pollet, nunquàm tamen internè exhibetur, sed inter suffimigia solummodo, quæ affectibus arthriticis, œdematosis, catarrhalibus & rheumaticis nonnunquàm egregiè medentur, nec minùs inter cerata & emplastra, capiti, temporibus, abdomini, articulationibus, aliisque partibus contrà cephalalgiam, hemi-craniam, vertiginem, epilepsiam, ventriculi imbecillitatem, profluvia alvina, flacciditatem ligamentorum &c. imponenda, recipitur.

---

## CAPUT XXXIV.

*De Asa dulci & Styrace.*

### §. I.

**A**SA sive ASA DULCIS, ASA ODORATA, GUMMI BENZOE OFF. *Benhæ, Bohtriechender Usandt*, est resina, arida, fragilis, splendens, flavo-fusca, aut subfusco-rufescens, moleculis albicantibus plus minùsve distincta, saporis resinoso-balsamici atque subdulcis, odoris, si accenditur, fragrantissimi. In officinis duplex species, non naturâ quidèm & origine, sed puritate saltèm discrepans, venditur, altera nempe *ignobilior subfusco-rufescens* aut *rufo-nigricans*, nullis planè, vel satè paucissimis ac valdè exiguis moleculis can-

*acidis instructa*, altera præstantior ex frustulis candidis maximam partem coagmentate, quæ *Benzoe Amygdaloides* appellatur. Arbor, quæ suavem hanc resinam largitur; & ad lauri genus pertinere dicitur, in Insulâ *Sumatra*; aliisque *Indiæ orientalis* locis, immò in *Virginiâ*, *Americæ* regione, crescit. Referente HERM. NICOLAO GRIMMIO (a), formæ egregiæ est, mediocri altitudine ac viri plerumque crassitie. Quandò ad quintum, vel sextum ætatis suæ annum pervenit, incolæ eam circa ramorum principium, secundum longitudinem, nonnihil tamen obliquè, ad lignum usque, incidunt; quo facto, præstantissimâ hæc lachryma indè effluit, & à sole postmodum atque aëre coagulatur, ac condensatur. Recentissimè collecta, albo colore est; viscosa, glutinosa, & pellucida, temporis verò tractu flavedinem contrahit, & justo diutiùs quoque in arbore relicta, vento flante, arenulas, aliasque quisquillas, quæ ipsam impuriorem reddunt, recipit. Quantitas, quam incolæ ex integrâ ejusmodi arbore impetrant, nunquam ultrà tres libras pondere ascendit.

§. II.

*Particulis oleosis & salinis acidis essentia-*

(a) In Misc. A. N. C. G. Dec. II. Ann. 2. Obs. 151.

*libus* hæc resina imprægnata est, quæ conjunctim sub blandâ sublimatione expulsa, unione suâ *flores*, teneritudine, candore, formâ, atque splendore flosculos nivales mirificè æmulantes, seu rectiùs, candidissimum, acre, odoratissimum, *sal volatile oleosum* formant. Quandò hi flores destillationis ope eliciuntur, impuriore sunt, & libra una duas circitèr uncias largitur: Oleum, quod floribus succedit, partim essentialiale, partim empyreumaticum est, &, adhibitâ vix memoratâ asæ dulcis quantitate, novem drachmas plerumque pondere æquat (a). Prorsus destructâ mixtione naturali, multum quoque acidi expellitur. Aqua calida nullum singularem ingressum habet, & aliquas solummodo particulas salino-oleosas separat, indeque satis fortem benzoës odorem specificum, & debilem quoque saporem consequitur; spiritus vini rectificatissimus autem penitus eam, remanentibus duntaxat partibus recrementitiis, solvit, & in tincturam flavo-rubicundam, sapore subacri, subdulci, & temperatè balsamico præditam, redigit.

## §. III.

*Virtute stimulante, incidente, resolvente,*

(æ) Conf. Neuma n. Prælect. Chymico-pharm.  
p. 581.

*abstergente,*

*Astergente*, adeòque etià *diuretica* & *pectorali*, medicamentum hoc, præsertim in tincturam spirituosam redactum, sese magnoperè commendat, & specificè imprimis affectibus pulmonum ac renum pituitosis, cachexiæ vulgari & icteritiæ, morbis venereis, tumoribus frigidis glandularum, & febribus intermittentibus quotidianis atque quartanis medetur. Internè ordinariò tinctura laudata, à guttis 20. ad 30. & ultrà, exhibetur, infusa vinosa autèm rarissimè ipsa resina ingreditur. Quòd flores quoque attinet, illi multis compositionibus dosi minori addi possunt. Pro usu externo inter massas odoratas, bacillos, aliaque suffimigiorum genera, nec minùs inter unguenta, balsama, & emplastra nervina recipitur, immò tinctura inter selectiora ac tutiora cosmetica locum sibi vindicat, &, aquæ cuiusdam destillatæ infusa, eidem non gratum solummodo odorem, sed lacteum quoque colorem conciliat.

## §. IV.

STORAX sive STYRAX OFF. in *Solidam* & *Liquidam* dividitur. Solida iterùm duplicis generis est altera nempe in *Granis*, altera *Vulgaris* seu *Ordinaria*. Illa, quæ etià *Styrax rubra* dicitur, nitidior, compactior, atque odoratior est,

& indolem longè præstantiorem, quàm vulgaris, obtinet, hodie tamen in Officinis nostris pharmaceuticis, ob proveniunt rariorem, non amplius prostat; hæc autem copiosè affertur, & corpus sistit, maximam partem resinofum, molliusculum, pingue, in grumos majores & minores coactum, coloris flavo-rufescentis, odoris grati ac quasi mellei, saporis moderate balsamici & subamaricantis. Arbor, quæ utramque styracem solidam largitur, malo cotoneæ non dissimilis est, & à Botanicis *Styrax folio mali cotonei* appellatur. Crescit in *Syriâ* & *Persia*, immò in *Americâ*, & nonnullis *Europeæ meridionalis* tractibus obvia est, nullam tamen posterioribus hisce regionibus resinam fœneratur, sed illa duntaxat ex *Syriâ*, aliisque *Asiæ* locis ad nos transmittitur. Olim calamis seu Cannæ fistulis inclusa advehebatur, hinc *Styracis Calamita* nomen adepta est. *Styrax* in granis ex arbore incisâ sponte profluit, adeoque vera lachryma indurata est, ad vulgarem verò formandam sine dubio certa hominum artificia simul requiruntur. *Styrax liquida* substantiam resinofam, terebinthinâ paulò spissiore, flavo-ferrugineam, odore fragranti, sapore acri & oleoso-aromatico donatam, exhibet, & sic censentibus plerisque, rectius ad composita &

producta, artis, quàm naturæ, pertinet.

§. V.

Styrax solida vulgaris, quæ hoc loco præcipuum tractationis objectum constituit, ex partibus *resinosis*, *gummeis*, & *spirituoso oleosis* constat. Oleum, ex integrâ librâ prolectum, teste NEUMANNO, (a) quatuor circiter scrupulos pendet, & tam singularis naturæ est, ut simul cum aquâ, sub crassiori consistentiâ oleosâ transire recuset, & tùm demum transcendere incipiat, quandò aqua penitus abstracta est; hinc leve etiàm empyreuma contrahit. Destillatione continuatâ, & resinæ mixtione tandèm destructâ, primò liquor acidus, deinde oleum spissiusculum, butyraceæ consistentiæ, quod aquâ lotam flores quosdam, benzoinis analogos, supeditat, succedunt. Prior, adhibitâ nempe librâ styracis integrâ, ultra unciam unam, postèrius ad duas ferme uncias pondere ascendit. Portio gummea quartam circiter massæ partem explet; quod superest, resinosæ indolis deprehenditur. Infusum aquosum, saturatè aureum, ipsam gummi-resinam satis redolet, & saporem amarum, balsamicum, nauseosum obtinet. In extracto inspissato color saturatior, nimirùm flavo-fuscus, ama-

(a) L. c. p. 876.

rities verò debilior est. Tinctura spiritiosa prima colore flavo-rubefcente sese commendat, & licet quidè infuso aquoso odoris fragrantia cedat, acri tamen, amaricante, & aromatico sapore pollet, & evaporata massam suppeditat, iisdem proprietatibus instructam, præterquam, quòd tinctura, intuitu saporis, remissior sit.

### §. VI.

Internè roborandi fine rariùs exhibetur, externè autè inter varia suffimigiorum genera, & emplastra recipitur. Conducit maximè in morbis, à nervorum, ac membranarum debilitate oriundis, nec contemnendam proinde opem in epilepsiâ, paralyfi, coryzâ diuturnâ, tussi inveteratâ, prolapsu uteri & vaginæ, sterilitate, &c. præstat. Si usus internus placet, pillulis, & speciebus pro infuso vinolo misceri poterit.

## C A P U T XXXV.

### *De Gummi Laccâ.*

#### §. I.

**L** A C C A, neque gummi est, licet ita nuncupetur, neque perfecta resina, sed potiùs singularis quædam substantia

resinoso-ceracea, coloris rufi, aut fuscorubentis, saporis resinosi, odoris, si accenditur, fragrantissimi. Partim vegetabilis, partim animalis prosapiæ est, ita tamen, ut copiosior materia fixa ceracea plantarum, subtilior verò materia tingens animalium progenies sit. Nam in *Bengala*, regno *Siamensi*, insula *Madagascar*, aliisque *Indiæ orientalis* locis certæ formicæ alatæ, rubræ, grandiores, substantiam hanc resinoso-ceraceam ex plantis colligunt, & arborum ramis apponunt, certasque inde, easque parvas & oblongas, cellulas, quæ favorum cellulis non dissimiles sunt, & insectis hisce post aliquam indurationem sine dubio domicilia præbent, formant; quemadmodum hoc posterius lacca in ramulis, quæ diffracta numerosas ejusmodi cellulas monstrat, satis comprobare videtur. Massæ huic resinoso-ceracæ, quæ in principio pallida est, tincturam postea rubicundissimæ *chrysalides*, à formicis oriundæ, & in cellulis relictæ, communicant, dum singularem nempe succum rubrum emittunt, qui caloris solaris ope totam massam, vel maximam tamen ejus partem, sensim penetrat. Alii mortuas demùm chrysalides rubedinem massæ resinoso-ceracæ conciliare, arbitrantur; verùm, prior opinio propiùs, quàm posterior, ad verita-



tem accedere videtur, quoniam chrysalides ordinariò non moriuntur, sed tandem, exuviis sive involucris depositis, iterum in formicas alatas transformantur. Lacca, quæ in tractibus montanis colligitur, melior atque rubicundior est, quàm illa, quæ in locis planis & maritimis occurrit, quoniam formicæ alatæ montanæ ex præstantioribus floribus victum, & struendi domicilii materiem petunt. Arbor, cujus ramis infecta memorata massam hanc præcipuè agglutinare solent, *Jujuba medica*, itemque *Ber indica* fructu *jujubino*, vel simpliciter *Ber* aut *Bar* vocatur. Non credendum interim est, formicas alatas unicè in hujus arboris ramis parva sua alvearia struere, sed subindè paritèr, quanquàm rariùs, collectam materiam in alias arbores deferunt, immò, baculis ligneis, in terram defixis, interdum apponunt.

## §. II.

Triplex reperitur species, *Lacca* nimirum in *Ramulis*, *Granis*, & *Tabulis*. Lacca in ramulis sive baculis, quòd ex præcedentibus facile patet, sola primordialis ac propriè nativa æstimanda est, & inde demum ab incolis lacca in granis & tabulis conficitur: Laccam nempe, à ramis separatam, contundunt grossiusculè, &

postquam parum tincturæ, quam pannis colorandis impendunt, inde extraxerunt, residuum siccant, ac postea pro lacca in granis vendunt. Ad parandam vero tertiam speciem, blandum ignem adhibent, & debite colliquefactam ac percolatam marmori infundunt, ut diffuat, & post refrigerationem in tabulas plus minusve pellucidas indurescat. Interdum, quam rarissimè, etiam *Lacca in guttis* occurrit, quæ, referente P. TACHARTO, (a) ita paratur: Infundunt primò laccam vulgarem, à ramulis avulsam, & in mortario contusam, aquâ fervente ac toriès hanc infusionem repetunt, donec omnis tinctura extracta sit. Deinde tincturam collectam caloris solaris ope nonnihil inspissant, inspissatam in linteum immittunt, & igni admovent; sic, accedente leni compressione, guttulæ pellucidæ, quæ induratae laccam constituunt optimam, transeunt.

### §. III.

*Lacca primordialis*, h. e., in ramulis five baculis, in spiritu vini rectificatissimo solvitur quidè, lentè tamen ac difficillimè, & solutio prætereà filtrum ægerrimè penetrat; in aqueis verò men-

(a) V. Hist. de l'Acad. Royal. des Sciences ann. 1710.

struis nulla propemodum, vel saltè par-  
cissima, solutio contingit. NEUMANNUS  
ex integrâ librâ uncias quindecim extra-  
cti spirituiosi, & novem solummodò drach-  
mas extracti aquosi obtinuit (a). Lacca  
in tabulis, quam ipse examini subjeci,  
spiritu vini promptiùs solvitur, solutio  
nihilominùs valdè turbida est, & paulò  
difficiliùs quoque per chartam bibulam  
trajicitur. Post filtrationem, aliquam for-  
titur pellucidatem, & color, antea sub-  
fuscus, in elegantiorè flavo-rubicun-  
dum mutatur, ita tamen, ut paululùm  
adhuc ad fuscum inclinet. In filtro nil,  
nisi partes quædam impuræ nigricantes,  
remanet. Sapor tincturæ filtratæ amarus  
atque acris est, odore autè magis spi-  
ritum vini, quam laccam, prodit. Aqua  
simplex, licet satis diuturna adhibeatur  
digestio, nullam solutionem præstat, sed  
limpida permanet, insipida, ac fermè  
inodora. Evaporatione ejus peractâ, ni-  
hil relictum cernitur, nisi paucissima ma-  
teria gryseo-albicans, quæ fundum qui-  
dè & latera vitri crustâ tenerrimâ ob-  
ducit, nullum tamen absterfa ac degu-  
stata saporem, nullumque odorem ob-  
tinet.

## §. IV.

Rarissimè hoc concretum, si tinctu-

(a) L. c. p. 861.

ram ejus, quæ vires *roborantes*, & *subadstringentes* exerere creditur, exceperis, internè exhibetur, sed externè saltèm, *confortandi* scopo, inter massas odoratas, aliaque suffumigiorum genera, nec minùs inter pulveres dentifricios, & electuaria, quæ contrà vacillationem dentium, & putredinosam gingivæ laxitatem præscribuntur, recipitur. Tinctura quoque, cum spiritu salis ammoniaci vinoso inde parata, in scorbuto oris egregiè prodest.

---

## CAPUT XXXVI.

*De Pice, tam sicca navali, quam liquida.*

§. I.

**P**IX SICCA, vulgo *Pix navalis*, *Poix navale Schiffspech* dicta, est substantia oleoso-gummeo-resinosa, nigricans, splendens, odoris balsamici, saporis resinoso-amaricantis; PIX LIQUIDA autèm, *Poix liquide*, *Theer*, habitu externo magis balsama nativa æmulatur, & corpus liquidum spissiusculum, empyreumaticum, gummeo-resinoso-oleosum, fortiori, quàm præcedens, odore, & majori pariter amaritie præditum, constituit.

## §. II.

Rectius utraque picis species ad producta artis, quam naturæ, refertur: Nunquam enim pix solida & liquida, sub eâ formâ, quâ prostant, in arboribus occurrunt, sed eodem fermè tempore, eâdemque operatione, eliquatione nimirum, & destillatione per descensum, è radicibus, & schidiis sive segmentis trunci arborum pini atque abietis, resinâ largius instructis, parantur. Quando in principio lignæ strui, furno peculiari inclusæ, ignis blandus admoventur, oleum liquidius & phlegma destillant, & in loco furni excavato infimo colliguntur: Aucto, postea caloris gradu, oleum spissius empyreumaticum, sive pix liquida, & pix ordinaria, quæ post refrigerationem facile separari possunt, sequuntur. Phlegma, destillationis initio expulsum, particulis renerrimis oleosis, & salinis acidulis valdè turgidum est, nec usum proinde locum inter medicamenta sudorifera & antiputredinosa meretur; oleum liquidius verò, post rectificationem in vesicâ, pro *oleo pini* venditur; hinc temperativè etiam, antequàm pix liquida accedat, removeretur.

## §. III.

Maxima picis, tam solidæ, quam liquidæ, quantitas ex *Norvvergiâ*, *Sueciâ*, *Russiâ*, & *Poloniâ* ad alias gentes transvehitur, quoniam regiones memoratæ sylvis valdè abundant, & uberrimus in illis pinorum atque abietum proventus est. Multum quoque in *Germania* nostrâ, præsertim in *Thuringiâ* & *Hercyniâ sylvis*, eliquatur, & postrema species pici *Norwegicæ*, quæ vulgò optima creditur, bonitate parum vel nihil cedit.

## §. IV.

Pix solidâ, quòd pridem ex præmissâ definitione patet, ex partibus *resinosis*, *gummeis*, & *oleosis*, quibus *terrestres*, & *salina acidula* addi poterunt, componitur. Portio resinosa maxima est: Huic gummosa & oleosa succedit. B. NEUMANNUS ex unciiis duabus unciam unam cum scrupulo semisse extracti primi spirituosi, & unciam dimidiam olei, ab extracto separati, impetravit. Cum ordinem inverteret, ex æquali picis quantitate duæ drachmæ cum duodecim granis extracti aquosi primi, & unciam unâ ac drachmæ duæ extracti spirituosi secundi collectæ fuerunt; quod reliquum erat, ex partibus terreis insolubilibus constabat.

(a) Oleum memoratum indole suâ olea essentialia ætherea quodammodo æmulatur, nec cum oleo itaque, quod sub violentâ demum destillatione sicca, adeoque naturali mixtione penitus destructa, cum empyreumatico quodam liquore salino-sulphureo-aquoso prodit, confundi debet. In priori enim leviora saltè adustionis vestigia notantur, posterius autem valdè empyreumaticum est. Indicata principia constitutiva etià in pice liquidâ, sub longè aliâ tamen proportionè,prehenduntur. Resinosæ nempe ac gummosæ partes minori, salino-acidulæ & oleosæ autem multò majori quantitate adsunt, ita, ut pix liquida jure *oleum empyreumaticum*, particulis resinosis, gummeis, & spirituosis, ac valdè activis salinis acidulis remixtum, nuncupanda sit.

## §. V.

Ufus picis solidæ navalis magis mechanicus, quàm medicus est: Rarissimè enim vel nunquàm. ob insignem tenacitatem suam, à medicis circumspectis internè præscribitur, sed externè solummodò, emplastra *discutientia*, *maturantia*, & *conglutinantia*, nec minùs sic dictos *dropacismos*, quorum effectus in alopeciâ imprimis, & paralyfi membrorum notissimus.

(a) Lib. cit. p. 990.

est, ingreditur. Cum pice liquidâ nostro ævo aliter in hoc passu comparatum est, postquam usus ejus internus primùm in Angliâ, posteaque ubivis fermè locorum celebratus fuit (a). Præparatur inde infusum aquosum quod vulgo *Aquam picis liquidæ, Eau de gaudron, Theer-Basser* vocant, & quidem sequenti modo: Recipitur libra una picis liquidæ, eidemque in vase apto quatuorlibræ aquæ puræ frigidæ affunduntur, ac probè cum eadem, per quinque circiter aut sex horæ minuta, mediante continuâ cum cochleari aut baculo ligneo agitatione, miscentur: Quo facto, vas tegitur operculo, & per tres dies ac noctes relinquitur in quiete, ut pix liquida ad fundum secedere possit. Peractâ sufficienti extractione, ac præcipitatione, aqua supernatans, citra ullam vasis motitationem, despumatur, blandè decantatur, & in vitris mundis, debitè obturatis, ad usum reponitur. Quando major

(a) In variis Americæ tractibus usus aquæ picis liquidæ internus, teste D. GEORGIO BERKELEY, pridem invaluit. Inde illum auctor laudatus, qui integrum de eo tractatum conscripsit, in Hiberniam transtulit, unde postmodum, & quidem ante quinque demum, vel sex annos, ad Anglos & reliquas gentes Europæas pervenit; quemadmodum plura de hisce, & singularibus imprimis aquæ memoratæ viribus in allegato libro videnda sunt.



quantitas, unâ vice, & in eodem vase præparatur, diuturnior quoque, & materiæ quantitati proportionata, agitatio requiritur, ita, ut, assumptis v. g. libris duabus picis liquidæ, & libris octo aquæ simplicis, decem vel duodecim horæ minuta miscelæ impendenda sint.

## §. VI.

Modicè hac ratione aqua simplex particulis *oleoso-spirituosis balsamicis, salinis acidulis, & tenerioribus quibusdam resinoso-gummeis* imprægnatur. Partes oleoso-spirituosæ, & resinoso-gummeæ non tantum ex odore, sapore, & colore flavescente, aut flavo-rubente, patent, sed destillatione pariter manifestæ redduntur. Transit enim in receptaculum, blando tamen igne adhibito, aqua gratioris, quàm infusum, odoris & saporis balsamici, & in fundo materia levis, rara, nigricans, resinoso-gummea, relinquitur, quæ, uti *Excellentiss. Dn. Prof. QUELLMALX* observavit (a), superflusæ aquæ fontanæ saporem amarum communicat, & syrupo violarum colorem viridem inducit. Viridis hic color testatur quidè de falis alcalici præsentia, non credendum tamen est, hoc dudum adfuisse in infuso, sed

(a) Vid. *George Berkeley Nachricht von Thee-Basser* p. 79.

summè potiùs probabile est, istud sub finem destillationis, cum materia sicca evaderet, interveniente partium metamorphosi, ac novâ compositione, genitum fuisse. In infuso enim nullæ partes alcalicæ, sed potiùs acidulæ sese manifestant: Sapor nempe acidulus est, & in syrupo violarum, addito hoc infuso, confestim color rubicundus nascitur, immò, oleum tartari per deliquium, modicâ quantitate eidem instillatum, lenem effervescentiam excitat.

§. VII.

*Dominus* BERKELEY, & complures alii multas ac planè eximias vires medicas, *diaphoreticas* nempe, *diureticas*, *purificantes*, *antiputredinosas*, *traumaticas*, *attenuantes*, *aperitivas*, *roborantes*, *stomachales*, *pectorales*, *uterinas*, *antiscorbuticas* &c. huic infuso tribuunt, idemque proinde affectibus scabiosis, cachecticis, catarrhalibus, rheumaticis, arthriticis, & antiscorbuticis, nec minùs gonorrhoeæ virulentæ, aliisque symptomatibus venereis, itèmque hydropi, dólóri nephritico & colico, passioni hypochondriacæ atque hysteriæ, fluori albo, pleuritidi, peripneumonix, asthmatis, obstructioni viscerum, exulcerationi renum, intestinorum, pulmonum &c., imbecillitati ven-

triculi, febribus intermittentibus, atque continuis malignis, numerosisque morbis aliis egregiè mederi, & specificè inprimis ad malignitatem variolarum, ac reliquorum exanthematum, tùm præservandam, tùm subigendam, valere, testantur. Alii contrariam tueri sustinent sententiam, nec adeò singularem illi virtutem adscribendam esse, existimant. Quod me attinet, viam mediam hoc loco tutissimam judico. Certo namque certius est, infusum hoc activis principiis, tam fixis resinoso-gummeis, quàm volatilibus oleoso-spirituosis balsamicis, & salino-acidulis, turgidum esse, & quoscunque igitur motus naturales, blandè agitando, leniterque stimulando, in fluidis ac solidis intendere, humores, tùm commovendo, tùm diluendo, attenuare, partes putridas destruere, fervorem bilis refrænare, & se-& excretiones augere, adeòque succis depurandis, obstructionibus tollendis, morbisque ideò multis ac variis profligandis existere aptissimum, præsertim, cum indolem satis temperatam obtineat, quoniam particulæ fixæ resinoso-gummeæ, & volatiles oleoso-inflammabiles calidiores largâ aquæ copiâ & refrigerantis salis aciduli miscelâ sufficienter contemperantur..

## §. VIII.

Medicamentum hoc quocunque anni tempore in usum vocari, idemque, promorborum discrepantiâ, nunc diutiùs protrahi, nunc arctioribus temporis limitibus includi potest. Hauritur vel frigidum, vel tepidum, prout scilicet ægrotautes illud meliùs perferunt. Quantitas quotidiana pro subjectorum, & ventriculi inprimis diversitate variat, generalius tamen apud adultos à librâ dimidiâ ad integram, immò duas interdùm libras ascendit, &, in duas, tres, quatuor, portiones primarias divisa, mane & vespere, vel mane, vespere, & primâ, secundâ, aut tertiâ horâ post prandium, non uno tamen haustu, sed successivè, assumitur. Apud multa subjecta in principio, præsertim tempore matutino, nauseam & ventriculi dolorem provocat; quæ incommoda sensim tamen, vel sponte, vel imminutâ infusi quantitate, vel sumpto priùs jentaculo, cessant.

## §. IX.

Author antea laudatus externum quoque usum in ulceribus refractariis, putridis, malignis, si sæpiusculè nimirum eodem eluantur, saluberrimum pronuntiat, immò, magnum ab illo, sub bal-

nei tamen formâ adhibito, auxilium in affectibus scabiosis, paralyticis, rheumaticis, & spasmodico-convulsivis partium externarum expectat. Lavamentum ex unâ parte picis liquidæ, & partibus duabus aquæ ebullientis præparatur, &, diuturniori agitatione cum baculo ligneo fortius redditum, post decursum sex vel octo horarum decantatur; ad præparationem balnei autem, quod debilius esse debet, alia picis & aquæ proportio requiritur, & uni picis liquidæ parti quinque ad minimum aquæ ferventis partes superfundendæ sunt.

---

## CAPUT XXXVII.

*De Therenbinthina, Balsamo peruviano, Balsamo de copaiva, aliisque hujus commatis Balsamis.*

### §. I.

**T**EREBINTHINA, *Terbentin, Terbenthine*, est balsamus nativus, seu liquior spissiusculus, viscosus, pellucidus, resinoso-oleosus, colore subflavo, ad cæruleum aut viridiusculum nonnihil vergente, vel pallidè saltèm flavescente tinctus, & sapore acri, amaro, resinoso, odore autem forti ac gravi balsamico donatus. Vulgò tres species à scriptoribus

recensentur : Prima species ex trunco inciso *Arboris Terebinthi vulgaris* in *insulis Cypro* atque *Chio*, nec minùs in *Hispaniâ*, & quibusdam *Galliæ provinciis* promanat, alera species eodem modo in *Norvegiâ*, *Russiâ*, *Helvetiâ*, *Italiâ*, *Galliâ* &c. è *Laricibus*, & tertia denique è *Pino sativâ* colligitur. Nonnulli hiſce quartam adhuc speciem jungunt, eamque ex trunco ſauciato *Arboris Terebinthi conis ſurſum ſpectantibus* effluere referunt. Terebinthina Chia ac Cypria, quæ optima exiſtit, & colorem ſubviridi albicantem obtinet, hodie in officiis noſtris rariffimè proſtat, ſed, quæ venditur, plerumque laricea eſt, aut alia ſpecies ignobilior, liquida pini & abietis lachryma haud rarò permixta. Olim ſola terebinthina Chia & Cypria appellata fuit *terebinthina Veneta*, noſtrâ verò ætate ordinario lariceam ità nuncupant.

## §. II.

Ad naturalem terebinthinæ lariceæ, ceu hodie uſitatiffimæ, mixtionem partes aqueæ, ſalino-acidulæ, reſinoſæ, & oleoſæ concurrunt. Facile hæc elementa deſtillatione humida & ſicca proferuntur in aprium : Quandò ſufficienti aquæ ſimplicis quantitate è veſicâ deſtillatur, ſucceſſivè oleum eſſentiale æthereum, mobiliffi-

munum, limpidum, fragrantissimum, quod vulgò, quanquam minus rectè, *spiritum terebinthina* vocant, cum valdè spirituoſa & acídula aqua in receptaculum tranſit, in veſicæ autèm fundo maſſa inſpiſſata, flavâ, reſinoſa, ſeu ſic dicta *terebinthina coctâ*, relinquitur. Si, loco deſtillationis humidæ, blanda deſtillatio ſicca, in retortâ vitreâ adornatur, cum liquore acido ſpirituoſo, primò oleum tenue, limpidum, penetrabile, deinde, igne paululùm aucto, flavescens, præcedente craſſius, tandemque, majori nempe adhibito caloris gradu, rubrum, lentescens, ac valdè craſſum expellitur, & in retortæ fundo maſſa rubra remanet, quæ frigeſacta dura atque friabilis eſt, & macriorem *Colophonii* ſpeciem ſiſtit. Olei quantitas pro deſtillationis diſcrepantiâ variat. Si terebinthina enim liquida per ſe in balneo mariæ deſtillatur, libra una, obſervante NEUMANNO (a), uncias duas cum ſemiſſe reddit, & ex reſiduo, cum aquâ poſteâ deſtillato, adhuc integra uncia elicitur: Sin ſtatim verò in veſicâ humidæ deſtillationi ſubjicitur, binæ ſaltèm uncie & drachmæ tres colliguntur; manifeſto documento, numeroſiſſimas olei moleculas in aquæ poris relinqui. Largiſſima itaque collectio ſub deſtillatione ſiccâ ex retor-

(a) L. c. p. 1067.

râ, arenæ imposita, accidit: Primo nempe uncia duæ olei essentialis, deinde uncia duæ, totidemque drachmæ olei flavi, & ultimo tandem uncia duæ & drachmæ quatuor vel quinque olei crassi, tenacis, adeoque conjunctim septem circiter uncia prodeunt. Monendum tamen, activum liquorem aqueo-salino-acidulum ab initio usque ad finem destillationis simul cum oleo exstillare, & notabilem proinde in terebinthinâ liquidâ totiûs ponderis partem constituere.

### §. III.

Refertur terebinthina liquida ad *traumatica* & *validiora diuretica*, rariùs tamen, & sub formâ duntaxat emulsionis, vel ovi vitello admixta, contrà tussim inveteratam, asthna pituitosum, nephritidem mucido-sabulosam, gonorrhœam virulentam, & florem album internè præscribitur. Externè pleraque emplastra resolventia, discutientia, maturantia, consolidantia, nervina &c., immò unguenta nonnulla ingreditur. Usus olei essentialis ætherei, aquæ spirituosæ oleoso-acidulæ, & terebinthinæ coctæ latius patet, eorundemque igitur exhibitio interna paulò frequentior est. *Oleum essentielle æthereum* summâ penetrabilitate gaudet, adeoque unâ vice paucæ saltèm ejusdem gut-



tulæ ad urinam , quam violaceo odore imbuït , pellendam , sudorem movendum , nucum tenacem pectoris attenuandum , & ulcera partium internarum consolidanda in congruo vehiculo propinantur. Externè , tepidè affricum , tumores duros , frigidos , œdematosos discutit , & in tendinum atque nervorum læsionibus , si per se , aut cum balsamo Peruviano mixtum , applicetur , egregium ac planè specificum remedium præbet. *Aqua* , tenerrimis atque mobilissimis particulis oleosis , & salinis acidulis turgida , infuso picis liquidæ analoga est , paulò majorem tamen activitatem possidet , & diureticâ imprimis , sudoriferâ , stomachali , antiputredinosâ , antiscorbuticâ , virtute illud superat. *Terebinthina cocta* , propter subtilissimi olei essentialis jacturam , viribus remissioribus donata reperitur , & , tanquàm abstergens , resolvens , aperitivum , diureticum atque traumaticum remedium , pilulis , quæ contrà varios morbos chronicos , à refractariâ viscerum obstructione , partiumque internarum exulceratione , vel ingenti etiàm humorum , præsertim lymphæ , spissitudine atque muciditate præcipuè oriundos , præscribuntur , eâ quantitate additur , ut in unâ dosi non facile ultra scrupuli dimidii pondus ascendat.

Idem de *Colophonio* dicendum erit, quod ex vulgari terebinthinâ coctâ nascitur, quando coctio diutius protrahitur, & massæ antea flavæ color rubro-subfuscus cum macritudine majori inducitur. Externè tum terebinthina cocta vulgaris, tum colophonium, loco terebinthinæ liquidæ, persertim si circumstantiæ moderatam solummodò operationem postulant, inter emplastra emollientia, resolventia, antispasmodica, & vulneraria recipitur, & pulverisatum quoque colophonium variarum partium vulneribus inspergitur. (a).

(a) BOERHAVIUS in *Chemia* Tom. II. p. m 131. *sequ.* diversa terebinthinæ olea, induratumque residuum majoribus adhuc encomiis ornat; quare ea pariter, quæ loco cit. proposuit, huc transferre consultum duco: » Olea, » *scribit*, primò egredientia, levia, limpida, tota inflammabilia, volatilia, valdè penetrantia, » amara, usum habent ingentem in Chirurgicis: » nam membranis, nervis, tendinibus, laceratis, punctis, sectis, semisectionibus, calidè infusa » incomparabilia anodyna, antispasmodica, consolida- » lictia sunt. Arteriis, venisque, in magnam » hæmorrhagiam læsis, promptissimum, securissimum, stipticum, præstant, eo imprimis » landandum, quòd simul nervis prospiciat, si- » stat putredinem, consolidetque. Oportet tum » valdè calidum applicare, splenis appressis ad » locum detinere. Videatur Autor Anglus, qui » de hac re scripsit tractatum integrum Jacobus

## §. IV.

BALSAMUS PERUVIANUS in *Album* & *Nigrum* dividitur: *Albus*, qui rarissimè ad nos defertur, in *regno Peruvia-*

« Yonge, titulo Currus triumphalis è Te'ebin-  
 « tho, Londini 1679. in octavo. Antiseptica mi-  
 « rabilis virtus ejusdem est: nam animalium quo-  
 « rumcunque corpora, vel partes, immersa huic  
 « liquido aliquandiù, dein exempta, parùm in  
 « aere suspensa, iterùm, iterùmque, inuncta hoc  
 « oleo, tandèm crustam induunt, sub quâ conser-  
 « vari queunt quam diutissimè, atque ab omni  
 « putrefactione præservari. Quæ autèm in oleo  
 « hoc immersa detinentur in lagenis incorrupta  
 « constant penitus. Id unum incommodi habet,  
 « quod sensim opacum evadat, spissumque. Tu-  
 « mores frigidos, lentos, mucosos, calidum hoc  
 « oleum affricturn sæpe discutit; partes deffen-  
 « dit contrà frigus; laxat easdem, emollitque.  
 « Interno usu quoque aperit, calefacit, sudores,  
 « urinam, movet, hanc odore violaceo penetra-  
 « bili inficit: unde in febrium intermittentium  
 « paroxysmo frigido solamen affert, ut & spina  
 « dorsi, eo inuncta, ante accessum frigoris, tan-  
 « tùm boni præstat, ut in ipsis Quartanis hoc  
 « modo usurpatum, remedio sit. Cavendum ta-  
 « men, nam nimîâ potum copiâ, caput petit, æ-  
 « stum ibi, & dolorem excitat, tùm vi immani  
 « urgens Diabeten, fluxum liquoris prostatatum,  
 « & seminis inducit, moderato hinc usu solet sti-  
 « mulare in Venerem. Hinc evenit, ut & nomen  
 « acceperit in curandâ Gonorrhocâ virulentâ,  
 « usu sæpe funesto: quum soleant largiore usu  
 « genitalia incendere, adcoque exacerbare id ma-

no & Mexicano spontè ex incisis certis arboribus, *Cabureiba* dictis, profluit, & fluiditate, fragantiâ, atque virtute ma-

lum. --- Olea, quæ spissiora prodeunt in hac destillatione, sunt magis balsamica, consolidantia, dolorem nervorum sopientia, minus penetrantia, plus emollientia; hinc in hominibus calidioribus, in inflammationes propterea, loco prioris balsami tenuis in usus stipticos adhibentur; cæteris paria priori oleo. Ulcerum verò crassum, tenaxque, pulcherrimum est consolidans, fere sine suppuratione agens sanando, viribus anodynis præstantissimum. --- Terebinthinæ purissimum residuum quod superest à destillatione per aquam factâ, aut post educationem primi olei & spiritûs, ex eadem, in frigore durum, friabile, pellucidum rubrum. Huic lenissimè liquefacto, si immittitur insectum aliquod, atque iterum educitur prudenter, circumquaque crustulam circumappositam pellucidam Succini instar, per quam inclusum conspici queat asservatum diu, & intactum, pulchro satis spectaculo; modò nitor polituræ non deturpetur: quod nisi facile fit, propter summam teneritudinem hujus resinosa crustæ. Quando autem Colophonia sumitur, post secundam destillationem residua, hæc durior erit, & rubicundior, quæ in tenuem pollinem quàm facillimè conteri se patitur, in quo odor, saporve multus non obrinet. Hic ille nobilis pulvis est, qui ossibus denudatis, periosteis, tendinibus, musculis læsis per ambustiones, corrosiones, contusionem, puncturam, lacerationem, semiscissionem, admodum utilis est. Qui fluxui seroso articulari pulcherrimum dat remedium;

jori præditus est ; niger verò , seu potiùs rubro-nigricans , cujus in Officinis pharmaceuticis sufficientem ubique copiam habemus , ab incolis coctionis beneficio cum aquâ simplici ex foliis & ramis concisis extrahitur , posteaque , ad aquæ superficiem emergens , apto quodam instrumento aufertur. Colorem rubro-nigricantem à vulgari foliorum , corticis atque ligni extracto mutuatur , quod sub coctione quoad aliquam partem miscetur : Et inde etiàm , ut & à spiritûs notabili-jacturâ spissioris consistentiæ ratio petenda erit. Odorem cæteroquin satè fortem ac gratum balsamicum , & acrem , amarum , atque resinofum saporem obtinet.

## §. V.

Species posterior , quæ , deficiente priori , apud nos medicis usibus ordinariò impenditur , ex partibus *oleosis essentialibus æthereis* , & *fixis resinosis* constat. Oleum æthereum , cujus unica circiter uncia , teste HOFFMANNO (a) , ex integrâ balsami librâ sub blandâ destillatione humidâ prodit , rubrum est , atque fragran-

» quin & cicatrici obducendæ optimum habetur.  
 » Compefcit etiam fungosas ulcerum excrescentias simili modo applicatum. &c.

(a) In Obs. physico-chym. p. 71.

tissimum, magnam tamen ad sui solutionem spiritûs vini quantitatem postulat. Residua massa resinosa, ablato oleo, debilior quidè evadit, virtute nihilominus & fragrantia non destituitur, adeoque activis medicamentis traumaticis, atque nervinis adhuc jure meritoque accensenda est. Partibus oleosis & resinosis acidulum quoque sal essentialè, longè minori tamèn quantitate, quàm in terebinthinâ, implicitum hæret; quare non adeò singularis quoque ejusdem ratio hoc loco habenda erit.

§. VI.

Ob valdè temperatam indolem balsamus Peruanus non terebinthinæ solùm, sed plerisque etiam reliquis liquoribus nativis balsamicis præferri meretur. Eminentem omninò locum inter *nervina*, *stomachalia*, *pectoralia*, *antiputredinosa*, *traumatica*, ac blanda pariter *diuretica* occupat, multùmque idè contrà insultus epilepticos, imbecillitatem ventriculi, phthisin, asthma pituitosum, affectus scabiosos, exulcerationem intestinorum, renun atque vesicæ, gonorrhoeam virulentam, dysenteriam, cœliacam, lenteriam &c. valet. Internè à guttis aliquot ad scrupulum semi, & ultrà, cum syrupo quodam, aut vitello ovorum, aut jusculo,

vel etiam sub forma elæosachari & tincturæ exhibetur. Frequentissimè prætereà pilulis, bolis, & electuariis dosi refractâ additur. Externè in ulceribus atque vulneribus cujuscunque generis, maximè autèm in puncturis nervorum ac tendinum, nec minùs in capitis vulneribus, imbecillitate articulationum, & convulsivis atque paralyticis affectibus auxilium planè egregium præstat. Vario modo, nunc per se, nunc melli rosarum, aliisque linimentis, unguentis, & emplastris mixtus, nunc in spiritu vini solutus, applicatur.

## §. VII.

BALSAMUS COPAIIVUS, sive BALSAMUS DE COPAIVA vel COPAIBA præcedente Peruviano calidior est, longè que vilior, & liquorem sistit subflavum, viscosum, tenacem, resinoso-oleosum, odore fragrante, sapore ariusculo, amaricante, aromatico, præditum. Affertur ex *Brasiliâ*, ubi ex-vulneratâ quâdam arbore stillet, quam Botanici *Arborem balsami veram*, itèmque *Arborem Brasiliensem fructu monospermo*, incolæ vero *Copaif*, *Copahu*, *Copaiba* vocant. Occurrit duplex hujus balsami species, altera nimirum *limpidior, albicans*, vel *pallidè saltèm flavescens, odoratissima*, altera *spissioris consis-*

§. VIII.

Ad terebinthinam, consistentiâ non minùs, quàm indole, propiùs, quàm Peruvianus, accedit, & *essentiali oleo æthereo* adeò abundat, ut ex librâ unâ plerumque quinque, immò sex uncix humidâ destillatione elici queant. Oleum hoc, quod forti, nec ingrato odore aromatico, & penetrante sapore acri, amaricante pollet, in principio limpidum est, temporis verò successu pallidè flavescentem colorem induit. (a) Portio resinosa, in ve-

(a) B. FRID. HOFFMANNUS multas huic oleo, easque eximias, virtutes tribuit: » Mis-  
» cuimus, *scribit in Obs. sæpe allegatis p. 22.*, id  
» cum duplâ portione axungix humanæ, quod  
» linimentum partibus, paralyti tactis, & tono,  
» sensu, & motu destitutis, eximium attulit ro-  
» bur. Neque minùs partibus ex podagrigo dolo-  
» re inbecillioribus redditis, & ad motum mi-  
» nùs idoneis egregia & commodam opem af-  
» fert. Præterea ex eo balsama vulneraria & pe-  
» ctoralia ad usum internum confici possunt egre-  
» gia, si v. g. id ipsum cum oleo hypericonis  
» benè præparato, cum spermate ceti, oleo vi-  
» tellorum ovorum misceatur, adjectis aliquot  
» guttulis olei ligni sassafras, macis, sceniculi  
» veri, sique cum emulsione, vel lacte asinino,  
» vel caprino balsamum sumitur. Hoc balsamum  
» in pulmonum apostematibus, in ulceratione  
» renum, vesicæ atque prostaticarum, si cum adhi-



ficâ remanens, admodum tenax est, viribus tamen ita adhuc instructa reperitur, ut inter résinas activas locum mereatur, & cum insigni inprimis fructu emplastris nervinis, resolventibus, atque traumaticis addi possit.

### §. IX.

Maximam quidem partem, quoad vires & usum, tam internum, quam externum, balsamus hic cum Peruviano convenit, ob olei tamen copiam paulò calidiorem naturam, uti supra pridem monui, possidet, adeoque in quibusdam etiam casibus cautius usurpandus erit. Virtute diureticâ balsamum peruvianum

ab tâ prudentiâ usurpetur, evidens auxilium & fructum non contemendum inde per e tu-  
ros non dubito. Hoc o'eam balsamicum prom-  
ptè per alcohol vini solvitur, s' d' hujus partes  
quatuor ad unam partem olei, ut commodior  
fiat solutio, requiruntur. Si loco sp̃ritû vini  
tinctura tartari vel antimoniî acris adhibeatur,  
& spiritus nitri dulcis admisceatur, medica-  
mentum, quod otenter urinam movet, nasci-  
tur, quod in affectibus rheumaticis, cache-  
ctitis præstantissimæ est efficaciæ Elæosacharum  
ex e paratum planè balsamicum saporis jucun-  
dioris, quod in atoniâ ventriculi, in tussi sto-  
machali & intestinorum nimiâ laxitate & fla-  
tulentâ, in paralyticis quoque affectibus cum  
vino Hispanico vel Hungarico sumptum ma-  
gno præsidio est. &c.

nonnihil superat, & in calculo proinde, nephritide sabulosa, & urinæ suppressione, si pellentia scilicet tuta inveniantur, sæpius quam ille, exhibetur. Majorem quoque efficaciam in gonorrhoea virulenta, aliisque ulceribus venereis monstrat.

§. X.

Balsamis liquidis nativis hætenus descriptis etiã OPOBALSAMUM, BALSAMUS TOLUTANUS, & LIQUIDAMBARUM jungi possunt: Monendum tamen, species hæc rariùs ad nos deferri, & vario præterea mangonio plerumque deturpata esse. *Opobalsamum*, quod etiam *Balsamus de Mecha*, *de Gilead*, itemque *Balsamus Indicus*, *Ægyptiacus*, *Asiaticus*, *Judaicus*, *Jeruchuntinus*, *Memphiticus*, *Arabicus*, *Syriacus* &c. dicitur, in Officinis nostris rarissimè, vel rectiùs, nunquam, reperitur genuinum, sed quod vulgò pro eo venditur, ad artis magis, quàm naturæ, producta pertinet, & plerumque ex balsamo de Copaiva, & grato quodam oleo æthereo componitur. Verum opobalsamum olim in *Syria*, *Arabia felici*, & *variis Ægypti locis* ex incisâ quadam *arbusculâ* promanabat, nostrâ verò ætate unicè fermè ex *arbusculis balsamiferis*, quæ in horto quodam prope *Cairum* studiosè co-

luntur, post vulnerationem profluit, & modica quantitas, quæ ibi quotannis colligitur, ad Imperatorem Turcicum mittitur, & aliquâ etiam ex parte ad manus magnatum pervenit. Genuinum, limpium, albicans, fragrantissimum, acre, aromaticum, ac summâ penetrabilitate donatum esse dicitur. Rami & lignum hujus arbusculæ sub *Xylobalsami*, baccæ autem sub *Carpobalsami* nomine venduntur. *Balsamus Tolutanus* sive de *Tolu* in *Tolutanâ* regni *Peruviani* provinciâ ex fauciâ arbore, pino nostrati minori haud dissimili, exstillat, & ab Hispanis ad alias gentes transvehitur. Colore aureo balsamum de *Copaiva*, odore pomum citreum, consistentiâ atque virtute balsamum de *Peru* æmulatur. *Liquidambarum* sive *Ambra liquida* liquorem resinoso-oleosum exhibet, crassiusculum quidè, terebinthina tamèn tenuiorem, ex flavo rufescentem, acrem, aromaticum, ejusdem fermè, quo *styrax* solida, odoris. Arbor, quæ vulnerata hunc balsamum fundit, in *Americâ* crescit, & *Plataanus Virginiana styracem fundens*, sive *Styrax Mexicana aceris folio* à Botanicis nuncupatur.



## CAPUT XXXVIII.

*De semine Fœniculi, & Anisi, tam vulgaris,  
quam chinensis.*

## §. I.

**D**Uplex FœNICULI SEMEN in  
Officinis postat, alterum *Vulgare  
Germanicum*, alterum *Dulce Florentinum  
sive Romanum. Fenouil*. Illud ignobilius  
est, hoc præstantius, & frequentioris  
proinde usus medici. Fœniculum vulgare  
passim in locis sylvestribus crescit, dulce  
autem apud nos solummodò in hortis co-  
litur. In *Hetxuriâ & territorio Romano* ube-  
rior posterioris proventus est: hinc maxi-  
ma etià ejusdem quantitas inde ad phar-  
macopolia nostra transmittitur. Semina  
hæc oblonga sunt, coloris subviridis,  
striis tamen eminentibus, spadiceo-al-  
bicantibus, aut pallidè flavescentibus di-  
stincti, saporis dulcis ac simul acriusculi,  
odoris grati aromatici. Semina fœniculi  
vulgaris cum præcedentibus quidè con-  
veniunt, paulò tamen longiora ac minùs  
crassa sunt, & dulcedine minori, acre-  
dine ex adverso majori gaudent.

## §. II.

Turgent fœniculi , præsertim Romani semina , *oleo dulci & aromatico* , indeque præcipuam suam virtutem mutuant. Duplicis tamen id ipsum generis esse videtur : Alia enim portio , eaque maxima , fluidior atque spirituosior est , & humidâ itaque destillatione separatur ; altera verò crassior atque viscosior existit , & expressionis aut extractionis beneficio in apicum deducitur. Oleum destillatum æthereum in calore satis fluidum est , & colorem flavescensem , odorem fragrantem , dulcissimumque ac simul acrem aromaticum saporem obtinet ; in frigore verò coagulatur , & albedinem induit , ita , ut magis butyrum , aut aliam quandam pinguedinem , quàm oleum , referat. Materia oleosa , viscosior , sub infusione spirituosâ simul extracta , blandâ institutâ evaporatione , sensim à massâ resinosâ secedit , adedque quoad maximam partem seorsim colligi potest. Post oleum , intuitu virtutis , principium resinosum collocandum est , in gummoso autem parùm vel nihil activitatis latet : Nam flavescens infusum spirituosum primùm satis fortem fœniculi odorem spirat , & acrem aromaticum saporem , dulci mixtum , possidet. Perseverant etiã hæ dotes in flavo-fuscâ

masâ inspissatâ, & odor solummodò, propter partium oleosarum ablationem, debilior evadit. Infusum verò aquosum primum debilem quidem fœniculi odorem, ast ingratiorem, eructat, & in sapore parùm saltèm dulcedinis, nihil autèm acridinis sese manifestat. Extractum vix melioris conditionis est, &, licet quidèm semen fœniculi paululùm adhuc redoleat, nullum tamen saporem possidet singularem, sed eodem rob sambuci quodammodò æmulatur. Ex uncia seminis unâ tres fermè drachmas extracti spirituosi, & paulò majorem extracti aquosi primi quantitatem impetravi.

### §. III.

Commovendo, discutiendo, ac leniter quoque ob dulcedinem demulcendo hæc semina operantur, adeoque *stomachali*, *cœminativâ*, *peſtorali* & *anticatarrhali* virtute sese magnoperè commendant, immò inter *antinephritica* & *galactophora* medicamenta collocari merentur. Frequentissimè igitur sub formâ infusi vinosi, aut decocti in torminibus ventris, affectibus frigidis flatulentis, vertigine stomachali, inflatione ventriculi post pastum, coryzâ, raucedine, tussi, asthma, tumoribus glandularum, nephritide pituitosofabulosâ, stranguriâ &c. præscribuntur.

Decoctum aquosum ob notabilem partium spirituoso-oleosarum jacturam, infuso vinoso longè debilius est, ordinariò nihilominùs eligitur, quando semen hoc, ad uberiores lactis proventus apud nutrices procurandum, in usum vocatur; in reliquis verò casibus infusum vinosum semper præstantius existit. Prostat etiam semen saccharo obductum. Externè vapor decocti in visûs imbecillitate conducit, & ipsa semina recentia contusa, partibus suggillatis, & mammarum tumoribus imposita, multùm ad sanguinem extravasatum, & lac coagulatum discutiendum ac resolvendum valent.

## §. I V.

Cum fœniculi seminibus SEMINA ANISI VULGARIS, *Anis*, tam *minora*, quàm *majuscula*, quoad principia constitutiva, naturam, vires, & usum valdè conveniunt; adeoque multa de iis dicere haud attinet. Parva sunt, subrotunda, in acumen desinentia, striata, colore subviridi, aut subviridi-spadiceo, odore grato atque fragrante balsamico, sapore subdulci & aromatico. In *Turingiâ* & *territorio Bambergensi* Anisum copiosè in agris feritur, indeque magna quotannis seminis quantitas aliorsum evehitur: Crescit tamen in multis quoque regionibus aliis,

& illa inprimis species, quæ ex insulâ *Melitâ* affertur, optima judicatur. Virtus hujus seminis unicè ab *oleo essentiali æthereo*, & *substantiâ fixâ resinosa* dependet, in parte *gummeâ* enim, etiamsi in uncia unâ drachmas duas ac totidè firmè scrupulos pondere attingat, nulla activitas notatu digna deprehenditur. Oleum essentialiale æthereum largiùs quidè inhaeret, non adeò copiosè tamen post humidam destillationem colligitur, quoniam difficiliùs separatur, multumque, ad superficiem, ob eandem fere cum aquâ gravitatem specificam, assurgere renuens, in aquæ poris remanet. In calore perfectè liquidum est, atque subflavum, in frigore autè, æquè ac *fœniculi* oleum, in massam, pinguem, albissimam, coagulatur. Præter oleum æthereum parùm quoque *olei crassioris*, expressione duntaxat separabilis, adest, ita tamen, ut hoc magis in patte seu substantiâ seminis interiori, illud autem in cortice hospitetur. Inspissata substantia fixa resinosa, cujus circiter drachmam unam & grana viginti octo ex integrâ seminis uncia impetravi, nigricans est, odoris balsamici specifici, & saporis dulcis atque aromatici, cui lenissima tamen amarities admixta sentitur. De viribus nihil addam, quoniam semen anisi, uti antea pridè monui,



fœniculi semini haud dissimile est, & commodè in ejus locum surrogari potest. Præscribitur in infuso vinoso & aquoso theiformi, rariùs in decocto, & subinde etiàm masticatoriis & pulveribus pepticis grossioribus sive sic dictis *Trageis*, miscetur. In Officinis quoque *Semen conditum* prostat.

## §. V.

SEMEN ANISI STELLATI, sive SEMEN BADIAN, *Stern-Unib*, ex *Indiâ orientali*, & *Russiâ* ad nos defertur. Planta, cujus genus tamen & specifici characteres nondum satis innotuerunt, *Anisum stellatum*, itemque *Anisum peregrinum*, *Indicum*, *Chinense*, *Exoticum insularum Philippinarum* &c. vocatur, & in *Chinâ* imprimis, *Tartariâ orientali*, & *Insulis Philippinis* crescere traditur. Ad usum medicum magis capsulæ feminales, quàm nuclei inclusi sive ipsa semina, expetuntur, quoniàm longè majorem præ hisce activitatem possident. Capsulæ hæ, quæ ordinariò ex sex, septem, vel octo radiis, ad unum centrum coeuntibus, constant, duræ atque foris rugosæ sunt, coloris rubiginosi, odoris grati fragrantis, saporis subdulcis & aromatici. In radiis memoratis semina oblonga, depressa, lævia, splendentia, flavo-subfusca latent, quæ substantiam

molliorem sive pulpam albicantem, pinguem, sapore dulci atque subacri aromatico præditam, includunt.

§. VI.

Magna respectu principiorum similitudo anisum vulgare & Chinense intercedit, & partes *oleoso-resinosæ* in posteriori paulò calidiori duntaxat indole esse videntur. Semina plus olei ætherei sub humidâ destillatione reddunt, quàm capsulæ feminales, & hæ ex adverso acriorem substantiam resinofam continent. Adest quoque in utrisque copiosum principium fixum *gummosum*, quod valdè tamen debile reperitur, adeòque parùm, vel nihil, ad virium augmentum confert. Nam rubro-fuscum extractum aquosum, cujus dimidiam fermè unciam ex integrâ unciâ capsularum impetravi, debilem saltèm odorem, debilemque saporem aromaticum possidet; extractum spirituosum verò, licet vix drachmas duas pondere attingat, longè majorem energiam odore non minùs, quam sapore suo prodit.

§. VII.

Circa vires nil singulare dicendum restat, quum simplex hoc, si majorem operationis vigorem exceperis, perfectè in hoc passu cum semine fœniculi & anisi

vulgaris conveniat. Præscribitur in pube, à granis aliquot ad scrupulum semi, nec rarò pariter, dosi tamen largiori, infusis vinosis, & aquosis theiformibus additur. Locum quoque inter masticatoria moderata ruetur, multùmque ad fœtorem oris corrigendum, nec minùs, si imprægnata nimirùm saliva ad ventriculum defluat, ad digestionem promovendam, flatusque discutiendos valet.

---

## CAPUT XXXIX.

*De Semine Coriandri & Nigellæ romanæ.*

### §. I.

**S**EMINA CORIANDRI OFF., sive CORIANDRI MAJORIS C. B. sunt rotunda, striata, subfusca, aut subfusco-albicantia, saporis & odoris aromatici. Planta apud nos in hortis colitur, alibi autem, v. g. in *Alsatiâ*, in arvis seritur, immo in *Italiâ* hinc inde spontè provenit. Quando hæc semina adhuc recentia sunt, odorem gravem, cerebro & nervis quodammodò nocivum, spirant, hinc exsiccata solum, halitu viroso impetuosiori sensim orbata, usui medico interno impenduntur.

§. II.

Continent *partes oleosas, resinosas ac gummeas*: Oleum essentialè æthereum parciùs inhæret, nec adeò larga quoque substantiæ gummeo-resinosæ collectio sub extractione observatur. Extracta & inspissata portio gummosa rob sambuci odore & sapore æmulatur, ac parùm activa existit, in substantiâ resinosâ autèm, æthereo tamèn oleo adhuc prægnante, multùm virtutis latet. Nam flavescent infusum spirituosum gratum seminis odorem specificum emittit, & acrem aromaticum saporem possidet. Massa inspissata balsamicum quidèm odorem retinet, respectu saporis autèm, qui saltèm subacris est, debilior deprehenditur; manifesto documento, oleum essentialè præcipuam odoris, saporis, & activitatis causam materiale constituisse.

§. III.

Refertur hoc semen inter medicamenta *stomachalia, carminativa, & cephalica*, nec rarò proinde contrà ventriculi imbecillitatem, affectus flatulentos, vertiginem stomachalem, incipientem cataractam, coryzam diuturnam, & memoriæ debilitatem præscribitur. Plerumque assumitur conditum, vel infusis vinosis &

pulveribus grossioribus, qui Trageæ vocantur, rarissimè autèm decoctis, additur. Externè epithematum discutientium, ac roborantium ingredientia auget.

## §. IV.

SEMINA NIGELLÆ ROMANÆ ODORÆ LOB., sive *Nigellæ flore minore simplici candido* c. B. *Xæmischer Schvarzh-Kummel*, angulosa sunt, nigra, saporis subacris aromatici, odoris fragrantis. Planta alibi solummodò in hortis, alibi etiàm in arvis feritur.

## §. V.

Scater hoc semen *principiis fixis*, tantè *resinosis*, quàm *gummeis*, & modicam partem *olei essentialis* quantitatem in mixtione fovet. Oleum partim mobile æthereum est, partim crassius unguinosum: Hoc expressione, aut extractione cum spiritu vini, illud destillatione humidâ separatur; virium tamèn ratio præcipuè ad oleum æthereum, & ex parte quoque ad fixam substantiam resinofam, quæ amaricans & subadstringensprehenditur, redit; portio gummea autèm, ob inertiam suam, vix annotationem meretur, licet notabili quantitate inhæreat, ac pondere suo ultrà drachmas duas in unâ seminis uncia ascendat.

## §. VI.

Tribuuntur huic simplici vires *discutientes*, *roborantes*, *anodyna*, *anticatarrhales cephalicæ*, *anthelmintica*, *carminativa*, *uterina* & *specificæ galactophora*, adeòque, sub pulveris, aut infusi vinosi formâ, nonnunquàm contrà vertiginem, coryzam rebellem, cephalalgiam rheumatico-catharrhalem, febres quartanas, colicam hysterica, fluorem album &c., nec minùs ad sanguinem congruatum dissolvendum, fluxum menstruum & lochialem promovendum, uberiolemque lactis proventum procurandum, exhibetur. Externè in gravedine, coryzâ, hemicraniâ, vertigine, susurru aurium, obauditione aliisque capitis affectibus, præsertim catarrhalibus, multùm prodest, quandò inter epithemata sicca, cucuphas, pulveres errhinos, & suffumigia recipitur. Fumus quoque, per infundibulum admissus, vermiculis, in dentibus cariosis hospitantibus, inimicus est, eosque necat, vel tamen è nido suo exturbat.



## CAPUT XL.

*De semine Cinae rutae & tanacetii.*

## §. I.

**S**EMEN CINÆ corpuscula seu granula exhibet parva, oblonga, ex squamosis quasi funiculis, uti HERMANNUS loquitur (a), compacta, colore ex viridi flavescente, odore balsamico, nonnihil tamen ingrato, sapore subacri, amaro, & pariter balsamico prædita. Dicitur etiam *Semen Zinæ, Sinæ, Chinæ, Semen Sanctum, Santonicum, Semen Zedoariae, Semen Lumbricorum vulgare, Semen contra Vermes, Sementina* &c.

## §. II.

Rarissimè, vel nunquàm, perfectè purum ad nos defertur, sed aridis foliolis, paleis, arenulis, aliisque quisquiliis, quin diversarum prorsus plantarum seminibus, plerumque remixtum venditur; quod puritatis vitium subindè quidè mercatorum fraudibus, frequentius tamen singulari colligendi modo, à TAVERNIERO descripto (b),tribuendum.

(a) In Chynof. mat. med. p. 151.

(b) In seinen Reisen P. II. lib. 3. cap. 15.

est. Plantæ enim, quæ parva hæc semina largiuntur, in pratis crescunt, &, cum horum thecæ, & vicina foliola, superveniente maturitate, citò exarescant, adeòque priores semina facilè excidere permittant, incolæ binarum sportellarum ope excutere illa coguntur; hinc aliter fieri nequit, quin arida foliola, frustula capsularum seminalium, aliaque heterogenea, sub percussione dejecta, sportellarum alterâ, quâ semina excussa præcipuè excipere solent, simul colligant.

### §. III.

Circa plantæ memoratæ determinationem, quod nostro ævo, quo frequentes pridem peregrinationes in quoscunque terræ angulos institutæ fuerunt, utique mirandum est, auctores valdè dissentiant. Præter DIOSCORIDEM enim, multi, tùm prisci, tùm recentioris ævi scriptores, hanc plantam *absinthii* speciebus accensent, eamque cùm CASP. BAUHINO plerumque *Absinthium Santonicum Alexandrinum* vocant. CLEYERUS, Dn. de JAGER, & complures alii eandem inter *Abrotani* species referunt, immò nonnulli, uti v. g. ETTMULLERUS (a), semen cinæ modernum neque absinthii, neque abrotani Santonici, sed *tanaceti* semen esse, opi-

(a) In oper. in Comment. Ludov. p. 560.



nantur. Similis dissensio etià circa patriam occurrit. Vix laudatus enim TAVERNIERUS, nec minùs POMÉTUS, LEMERY, &c. herbam santonicam in *Persia*, præsertim *Caramania*, & prope *Russia* limites, nec minùs in regno Tartarico *Boutan* crescere testantur: Alii *Palestinam*, *Ægyptum*, & *Arabiam*, alii *Chinam* & quasdam *India orientalis* provincias patriam illi assignant, & alii denique, quorum relatio tamen neotericorum experientiæ prorsus repugnat, in *Gallia* provincia *Xantonge*, unde etiam hoc semen *Xantonicum* dictum putant, uberrimùm ejus proventum esse, perhibent. (a) Difficile igitur est, sub tanto auctorum dissensu, certi quidquàm determinare, diffiteri tamen nequeo, sententiam eorum mihi reliquis videri probabiliorem, qui herbam Santonicam *abrotani* speciem esse, nec in unâ solùm, sed pluribus regionibus orientalibus, maximè autèm in *Persia*, & *Magna Tartaria* regno *Thibet*, sive *Boutan*, quod in *China* & *India* confinibus jacet, provenire tradunt. Nam, teste allegato *Domino de IAGER*, qui diu in *India* vixit, & plantam Santonicam sæpiùs propriis lustravit oculis, hanc & *abrotanum* maxima, quoad formam ex-

(a) Conf. Valentini Mus. Muscot. p. 132. c. 11.

ternam, similitudo intercedit. (a).

#### §. IV.

Valdè denique diffformes authorum sententiæ circà principia activa reperiuntur: Sæpiùs v. g. allegatus HERMANNUS seminibus hisce *salia fixa* tribuit, *alcalicæ* procul dubio indolis, quoniàm vermium nidum, quem non solum putridum, sed etiam acidum judicat, destruere testatur. NICOLAUS LEMERII contrariam fermè, vel admodum tamen diversam, fovet sententiam, & semina hæc *copioso oleo*, & *sale volatili essentiali* instructa esse tradit. Verumenimverò, laudati scriptores, & reliqui omnes, qui ipsis largiun-

(a) » Ratio, in Epistolâ quadam, ad Dn.  
 » GEORG. EVERHARD. RUMPHIUM missâ, scri-  
 » bit, cur sementinam abrotani, minimè verò  
 » absinthii, speciem esse credam, hujus plantæ  
 » forma externa nititur, quam plus vice simplici  
 » vidi, & hoc pariter me impulisse fateor, ut  
 » vocabulum Arabicum *Sjehh* sive *Seheha*, uti  
 » posuit illud Rauwolffius, per *abrotanum* inter-  
 » pretari maluerim, quam *absinthium Seriphium*,  
 » quoniam notabilis differentia, uti dictum,  
 » circà formam observatur, & mihi in Persiâ  
 » præterea & Golkonda relatum fuit, utramque  
 » absinthii speciem, in pharmacopoliis venalem,  
 » non *Sehehh*, aut *Seheha*, sed *Affintien*, quod  
 » ultimum vocabulum à Græco ἀψίνιον deriva-  
 » tum est, appellari. &c. Vid. Valentini Lib. cit.  
 in Append. Epist. III. p. 14.

tur assensum, à veritatis tramite plus minusve deflectunt, uti hoc spagyrica examina, quæ cum semine hoc suscepi, satis superque confirmant. Primò nempe quatuor uncias humidæ destillationi in cucurbitâ vitreâ humiliori subjeci, at nihil prorsus olei essentialis inde prodiit, licet aqua prolecta forti odore balsamico imbuta esset. Non credibile quoque videtur, oleum æthereum substantiale è longè majori seminis quantitate copiosè proditurum esse. W E D E L I U S enim ex integrâ librâ vix aliquot guttulas obtinuit, & N E U M A N N U S pariter in aquâ destillatâ levissimum duntaxat oleosi principii vestigium deprehendere potuit (a): Unde luculentissimè patet, oleum illud, quod in Officinis quibusdam pro oleo Cinæ venditur, non verum atque essenziale ejus oleum æthereum esse, sed aliud planè, super Cinæ semina solummodò abstractum.

## §. V.

Quum unam deinde ejusdem seminis unciam cum aquâ simplici aliquandiu in blandâ digestionem collocarem, infusum obtinui fusco-rubescens, sapore valdè amaro, ac moderatè simul balsamico, & odore satis forti, ipsius seminis odori si-

(a) Lib. cit. p. 780.

millimo,

millimo, præditum, quod, evaporando ad justam consistentiam redactum, extractum præbuit, coloris fusci, ad nigrum nonnihil inclinantis, odoris debilis, saporis amari atque balsamici. Pendebat circiter drachmas tres, & grana aliquot. Residuum siccatum, superfuso vini spiritu, adhuc scrupulum unum extracti resinosi reddidit. Alia uncia seminis, cum spiritu vini digestionem temporariae primum subjecta, tincturam supeditavit flavo-bruneam, quæ magis vini spiritum, quam semina, redolebat, & sapore balsamico præcedens infusum aquosum superabat, amaro autem paulò inferior erat. Extractum inspissatum fusco-nigricans, cujus pondus ad drachmas duas & semi ascendebat, odorem paululum quidem ingratum, fortio-rem tamen, quam ipsa tinctura, spirabat, & sapore satis quoque amaro, atque balsamico, propius prætereà, quam in extracto aquoso, ad specificum seminis saporem accedente, donatum erat. Ex residuo, iteratæ infusionis ope cum aquâ simplici, adhuc drachmam integram extracti gummosi impetravi. NEUMANNUS, uti in sæpiùs allegatis *Prælectionibus chymico-pharmaceuticis* p. 780. testatur, majorem extracti, tam aquosi, quam spirituosi primi, quantitatem obtinuit; cu-

jus differentiae ratio sine dubio diversae adhibiti feminis puritati, maturitati, ac bonitati adscribenda erit.

## §. VI.

A medicorum plerisque Cinæ semini solæ vires *anthelminticæ* adscribuntur, immò sunt, qui, præeunte THEODORO ZWINGERO (a), medicamentum hoc, absentibus vermibus noxium magis, quàm utile, futurum, quin ipsos vermes, quod ROCHAS credidit (b) procreaturum, existimant. Attamen, priores virtutem hujus feminis cancellis justò arctioribus includunt, & posteriores sententiam tuentur, rationi non minùs, quàm experientiae valdè contrariam: Hæc quippe docuit manifestè atque creberrimè, Cinæ semina non solis anthelminticis, sed egregiis quoque viribus *roborantibus*, *discutientibus*, & *antiputredinosi* instructa esse: Nec ratio quoque, principiorum indole nixa, ullo modo refragatur, sed valdè potiùs experientiam confirmat. Nam volatile principium balsamicum discutiendo æquè, ac confortando operatur, & fixa principia resinoso-gummea, balsamico pariter atque amaro sapore donata, roborandi virtutem non solùm validè augent, sed

(a) Vid. Theat. botan. Lib. III. cap. 103.

(b) Vid. Valentini Mus. Museor. p. 133.

prutridam etiam faburram, sive illa in primâ culinâ, sive alibi stabuletur, destruunt, & imminuentem humorum corruptionem prohibent.

§. VII.

Ex virtutibus hisce generalioribus variae demùm virtutes specialiores deducendæ sunt, *stomachalis* nimirum, *carminativa*, *uterina*, *cephalica*, *nervina*, & *pectoralis*. Dùm blandè enim balsamica & amara hæc semina ventriculi tunicas roborant, & viscidas atque corruptas cruditates, in eodem collectas, corrigunt, appetitum augent, & motum peristalticum, quo digerendi facultas præcipuè nititur, vegetiorem reddunt; &, quum flatuum proventus uberior ordinariò mucidis impuritatibus, & indè continuè nascenti materiæ rudi perspirabili, nec minùs debili vi expultrici, sive debili contractioni, quæ tunicarum flacciditatem frequentem agnoscit causam, tribuendus sit, in clarâ paritèr luce positum esse, reor, cur semina hæc flatus discutiant, ac novam, eamque largiorem, eorum genesin avertant. Pari propemodùm ratione virtutes uterinæ, pectorales, nervinæ, cephalicæ, explicandæ erunt: Nihil quippe nervis, meningibus cerebri, aliisque partibus membranaceis magis

amicum est, nihil quoque vividam earum oscillationem melius excitat, restituit, auget, quàm blanda balsamica, & modicè amara, quæ absque impetu operationem suam exercent, nihil denique vegetum pulmonum motum efficacius conservat, & pitui æ molestum, atque perniciosum decubitum impedit, quàm laudatæ indolis medicamina : Innò, nullum pharmacorum genus uteri statum magis illibatum præstat, & fluxûs menstrui inordinatum successum, aut plenariam suppressionem, quibus plerumque spasmî hysterici superveniunt, melius avertit, quàm temperata ejusmodi discutientia ac roborantia,

## §. VIII.

Antiputredinosæ & stomachali virtuti maximam partem superstruenda est specifica virtus anthelmintica : Maximam, inquàm, partem ; inficias enim ire nequeo, eandem simul quoque à singulari sapore & odore, quo semina hæc ab aliis corporibus balsamicis & amaris sese distinguunt, derivandam esse. Prompta videlicet vermium in canale intestinali exclusio, vegetum eorum incrementum, & stupenda nonnunquàm multiplicatio plures habent causas, quarum præcipuæ tamen ad ventriculi imbecillitatem, sabur-

æ putridæ ac viscidæ accumulationem, & bilis, ceu egregii vermium antidoti, inertiam redeunt. Singulis hisce vitiis semen fantonicum medetur: Specifici quippe veneni instar vermes, qui odorem & saporem ejus perferre nequeunt, enecat, cruditates viscidas ac putridas, quæ nidum & amicum pabulum hostilibus hisce incolis præbent, abstergit ac corrigit, bili inertî pristinam amaritiem naturalem reddit, & ventriculum rursûs atque intestina ita roborat, ut prior debite resolvendis esculentis, posteriora autem impuritatibus, post chyli præparationem relictis, promovendis ac tempestive expellendis sufficiant. Præstat tamen eidem semper laxantia, v. g. rhabarbarum, radicem mechoacannæ albæ, mercurium dulcem, & similia addere, ut vermes occisi, unâ cum saburrâ heterogeneâ & inimicâ, eo citius atque certius excludantur, nec priores forsan, quandò, post necem suam diutius retenti, in fœtidum liquamen putredine resolvuntur, humores corrumpant, adeoque plus, quàm antea, sanitati noceant. Necesse prætereà est, ut huic pharmaco, si vermium causâ exhibendum est, semper dulcia quædam misceantur, quo vermes eò melius ad degustandum antidotum alliciantur, nec, inimicum saporem & odorem confestim



percipientes, ab esu planè abstineant.

§. IX.

Ufus hujus medicamenti specialior latius adhuc extenditur, idemque cum insigni omninò fructu in affectibus flatulentis & spasmodicis, nec minùs in morbis singulis, qui ex atoniâ partium solidarum, & humorum spissitudine nascuntur, adhiberi potest. Præter cardialgiam igitur, colicam, passionem hypochondriacam & hystericam, huc pariter apoplexia pituitosa, debilitas memoriæ, vertigo, variæ otalgia, odontalgia ac cephalalgia species, epilepsia stomachalis & verminosa, tussis pituitosa, asthma frigidum humorale, varia appetitûs atque digestionis vitia, profluvia alvina, diabetes, fluor albus, febres intermittentes, cachexia, vulgaris & icteritia, gonorrhoea benigna &c. referri merentur. Exhibendi formâ variat: Nunc enim saccharo obductum assumitur, nunc pulveribus additur, nunc rotulas, morsulos & electuaria ingreditur, nunc in infuso aut decocto, quæ, pro morbi ac scopi differentiâ, modo cum aquâ aut cerevisiâ, modò cum lacte aut vino paranda erunt, nunc denique sub tincturæ formâ propinatur. Fateri tamen cogor, præ anteriores hoc medicamentum simplex vires edere,

si in substantiâ exhibetur , aut inter ejusmodi compositiones , in quibus nulliûs principii jacturam facit, nec naturalis quoque mixtionis destructionem patitur, justâ quantitate , quæ generatim à granis aliquot ad integram drachmam ascendere potest , recipitur.

§. X.

Ob virium analogiam Cinæ semini SEMINA RUTÆ HORTENSIS LATIFOLIÆ , & TANACETI VULGARIS LUTEI C. B. jungi possunt : Notandum tamen , apud priota virtutem magis in capsulis seminalibus , quæ valdè fragrantés sunt , atque oleosæ, quàm in ipsis seminibus , latitare. Dantur in pulvere & infuso vinoso.

---

C A P U T XLI.

*De semine Apii , Petroselini , & Dauci ,  
tam vulgaris , quam cretici.*

§. I.

SEMINA APII PALUSTRIS C. B. , sive APII OFFICINARUM , *Semenche d'Ache* , parva sunt , striata , coloris subfusco-aut subflavo-spadicei , odoris fragrantissimi , saporis amaricantis & aromatici. Gaudent principiis activis *oleosis , resino-*

*sis & gummeis* ; præcipua tamen virtus oleo ingenita reperitur. Oleum partim crassius & ignobilius *unguinofum* est , partim nobilius *essentiale æthereum*. Illud expressione difficile separatur , & simul cum substantiâ resinosa extrahendum est , hinc pondus quoque exactè determinari nequit : Hoc autèm , destillando ex integrâ seminis librâ prolectum , unam fermè drachmam pendet. Non contemnenda quoque virtute pars resinosa instructa deprehenditur. Nam flavescens infusum spirituosum primum , fortem , eumque specificum , diffundit odorem balsamicum , & acris , amaricantis , aromatici , saporis sensum in gustûs organo excitat. Massa inspissata similis conditionis est , præterquam , quòd amarities atque acredo aromatica major adhuc , quàm in infuso , existat. Aliter de satis inerti portione gummosa sentiendum erit : Hæc enim post infusi aquosi inspissationem acriusculo duntaxat , subamaricante , ac debili balsamico sapore pollet. Ex seminis uncia una scrupulos quatuor & grana duodecim extracti spirituosi primi , & drachmas duas ac totidem fermè scrupulos extracti aquosi primi obtinuit.

## §. II.

Pertinet hoc semen ad sic dicta qua-

tuor semina calida minora, & magnopere inprimis, ob vires suas *discutientes*, *carminativas*, *aperitivas*, & *diureticas*, in obstructione viscerum, calculo, suppressione urinæ, affectibus flatulentis, torminibus ventris, tumore mammarum, à lactis coagulatione oriundo, asthmate pituitoso, hydropo, præsertim ascite, cachexiâ icteritiâ, & plerisque uteri morbis frigidis prædicatur. Plerumque infusis vinosis additur, & interdum quoque in pulvere, à granis aliquot ad scrupulum integrum, præscribitur.

§. III.

Cum Semine Apii palustris SEMEN PETROSELINI OFF., sive APII VERI HORTENSIS MATH. *Semente de Persil*, convenit, paulò remissiores tamen vires obtinet, & dosi igitur largiori in morbis vix memoratis exhiberi potest. Parùm quoque, vel nihil, naturæ nimirum ac virium intuitu, SEMINA DAUCI VULGARIS TOURNEF., sive PASTINACÆ SYLVESTRIS MATH., & SEMINA DAUCI CRETICI sive DAUCI FOLIIS FOENICULI TENUISSIMIS C. B., *Semente de Carotte*, *Bilder-und Cretischer Mæhren-Kummel*, differunt. Hæc ex insulâ Cretâ sive Candiâ Italiâ, aliisque regionibus calidioribus afferuntur, & corpuscula sistunt oblonga, in alterâ tamen

extremitate acutiora, striata, villosa, subluteo-incana, odoris modicè fragrantis, saporis acris aromatici: Illa autèm apud nos passim in locis incultis sylvestribus, ubi planta crescere amat, colliguntur, & præcedentibus paulò minora sunt, compressa, villosa, cinerea, odoris & saporis aromatici debilioris. Principium oleoso-resinosum in Semine Dau- ci Cretici, quod solum examini chemico subjeci, valdè activum est, gummeum verò, ob inertiam suam vix considerationem meretur Extractum quippe spirituosum primum, colore saturatè aureo donatum, ex feminis uncia unâ circiter drachmam unam cum semisse pendet, & odorem quasi melleum spirat, ac sat- is acrem, subamaticantem, aromaticum, saporem linguae imprimit; aquosum ve- rò, brunneo-nigricans, debili sapore suo rob sambuci quodammodò æmulatur, & post aliquam moram levissima saltem ac- cidis vestigia monstrat: Pondere tamen spirituosum superat, & suppositi à æquali feminis quantitate, ultra drachmas tres gravitate suâ ascendit. Eodem modo, quo Apii semina, & in iisdem quoque mor- bis, Dauci utriusque semina in usum vo- cantur, plus tamen, quàm illa, in ne- phritide pituitoso-sabulosâ, stranguriâ, & doloribus post partum præstare credun-  
tur.

## CAPUT XLII.

De Semine Carvi, Cumini, ammeos ,  
Anethi, & Levistici.

## §. I.

**S**EMINA CARVI OFFICINARUM, five CUMINI PRATENSIS C. B. , *Biesen-Kummel*, parva sunt, oblonga, tenuia, striata, paululùm incurva, fusca, saporis & odoris aromatici. Planta spontè in pratis crescit, & hinc inde pariter, præsertim in *Thuringiâ* & *Franconiâ*, in arvis feritur.

## §. II.

Quatuor feminibus calidis majoribus annumerantur, creberrimèque, ob validas ac satis egregias vires *discutientes*, *commoventes*, *roborantes*, *stomachales*, *carminativas*, & *uterinas*, in morbis variis, maximè autè in vitiis digestionis, affectibus flatulentis, torminibus ventris, tympanitide, vertigine stomachali, singultu, obstructione hepatis & lienis, morbis pectoris pituitosis, passione hysterica, fluore albo, doloribus post partum, suppressione lochiorum &c. in usum trahuntur. Dantur per se crudâ aut

condita, vel jusculis, aliisque esculentorum generibus adduntur, vel coquantur cum cerevisiâ, & vino quoque, quæ exhibendi formâ, intuitu effectus, optima est, infunduntur. Externè epithemata partibus sugillatis, & mammis, à lacte coagulato tumefactis, nec minùs abdomini, præsentè passione quadam flatulentâ, diarrhoeâ, dysenterîâ, vel urgentibus etiam torminibus ventris, imponenda, ut & similis virtutis emplastra ingrediuntur.

## §. III.

Memoratarum virium ratio ad *oleum essentielle æthereum*, & ex parte quoque ad *fixam substantiam resinofam* redundat; à parte gummeâ autèm non adeò singularis effectus expectandus erit. Oleum, quod rubri coloris est, fragrantissimum, valdèque calidum existit, & notabili quantitate, si semina matura sunt, sub humidâ destillatione prodit. Tinctura spiritaliosa prima, colore flavo-viridescente tincta, odorem seminis specificum, quam debiliorem, eructat, & aromatico pariter atque specifico sapore simplex satis prodit. Massa inspissata parùm, vel nihil, differt, & majori saltèm acredine aromaticâ prædita sentitur. Infusum aquosum primum, quod coloris rubro-fusci

dilutioris est, fortiori quidè odorè specifico, quàm tinctura spirituoſa, gaudet, ſaporem verò longè debiliorem obtinet, eumque, ut & odorem, ablatis nimirum poſt inſpiſſationem partibus oleoſis æthereis, ita ampliùs amittit, ut ſimplex inde vix, aut ne vix, cognoſci queat. Recepta uncia ſeminis una, pondus extracti primi ſpirituofi circiter ſcrupulos quatuor & grana aliquot, extracti aquoſi autèm drachmam unam & grana viginti ſeptem æqueat.

§. IV.

SEMINA CUMINI ſive CYMINI OFFICINARUM, *Semence de Cumin*, *Sarten-Kummel*, carvi ſeminibus majora ſunt, oblonga, ſubfuſca, ſtriis tamen ſubluteo-albicantibus prædita, odoris & ſaporis aromatici ingrati. Planta, quæ *Cuminum* ſive *Guminum ſativum* L. B. eſt, apud nos in hortis ſeritur, in *Indiâ*, autèm, *Perſiâ*, aliſque regionibus calidioribus ſpontè creſcit. Optima ſeminis ſpecies, quæ præſumque in Officinis noſtris proſtat, ex *Italia* affertur.

§. V.

Æquè, ac præcedentia, ad quatuor ſemina calida majora referuntur, in naturali tamen mixtione ſuâ *principia oleoſa*



*resinoso-gummeo* paulò ingratiore fovent; quemadmodum hoc odor eorum, si non nihil saltem digitis terantur, nec minùs infusi ntriûsqne, maximè autèm aquosi, sapor & odor abundè confirmant. Nauseosi hujus odoris & saporis origo partim in volatili portione oleoso-spirituosâ, partim in fixâ resinosâ quærenda videtur. Extractum enim aquosum, saturatè fuscum, exeuntibus sub evaporatione particulis volatilibus, satis jucundè olet, & saporem debilem, nec ingratum, saporem balsamicum, cui lenissima acredo admixta est, possidet; spirituosum verò, flavo-fuscum, magis ipsiûs seminis odorem specificum spirat, & ingratum quoque, subacrem, amaricantem, aromaticum, saporem linguæ imprimit. Prius, recepta seminis uncia una, drachmastres & grana aliquot, posterius autèm solummodò scrupulos quatuor, & grana octodecim pondere suo attingebat. In extracto aquoso parùm ampliùs virtutis latet, & virium itaque ratio unicè fermè ad principia resinoso-oleosa redit. Quoad virtutes & usum cum seminibus carvi conveniunt, paulò mitiorem tamen operationem, ob parciorem olei ætherici infiltrationem, exercere creduntur.

## §. VI.

SEMEN AMMEOS, five AMIOS, quod hoc pariter loco, propter magnam naturæ analogiam, collocari meretur, duplicis generis est, alterum nempè *Vulgare*, alterum *Creticum*, five *Verum*. Semina *Ammeos Vulgaris*, five *Majoris* parva sunt, striata, cinereo-sublutea, amara, acria, ac modicè fragrantia. Planta, quæ hæc semina fert, apud nos in hortis colitur, in *Italiâ* autem spontè in locis sylvestribus crescit, & *Ammi majus* C. B., *Vulgare* five *commune* DOD., itèmq; *Ammi vulgare majus latioribus foliis, semine minus odorato* I. B. & C. dicitur. Semina *Ammeos veri*, five *Cretici* formâ externâ à præcedentibus parùm quidèd differunt, colore tamen spadiceo, & majori fragrantia, longèque acriori sapore aromatico gaudent. Planta, quæ maximè in *Cretâ*, *Syriâ*, *Ægypto*, & *Æthiopia* provenire traditur, est *Ammi Creticum aromaticum* LOB., *Ammi parvum foliis fœniculi* C. B., *Fœniculum annuum origani odore* TOURNEF., *Cuminum Æthiopicum* DIOSC. & C.

## §. VII.

Semen Ammeos Cretici five Cumini Æthiopici frequentius quàm, ammi vul-

garis, in usum medicum trahitur, quoniam principiis *oleosis essentialibus*, & *resinosis-gummeis* nobilioribus instructum est. Olei ætherei quantitas modica est, fixa verò substantia resinoso-gummea mixtionem satis copiosè ingreditur; Ex uncia enim seminis unâ scrupulos quatuor ac grana duodecim extracti spirituosiprimi, & æqualem fermè quantitatem extracti aquosi primi impetravi. Massa flavo-rubescens, magis resinosa, virtute, uti clarè è sapore ejus valdè acri aromatico cognoscimus, præpollet, gummea fusco-nigricans autèm debilior est, & amaricantem duntaxat, ac modicè acrem aromaticum saporem obtinet. Odor aromaticus, qui præcipuè ab oleo æthereo, ceu principio primario, dependet, sub infusi utriusque evaporatione adeò imminuitur, ut in extractis, ad justam consistentiam reductis, lenissimus saltèm balsamicus, non ampliùs tamen, præsertim in extracto aquoso, specificus, remaneat.

## §. VIII:

Optimè in pulvere, tam subtiliori, quàm grossiusculo, præscribitur, à granis aliquot ad scrupulum unum, nec minùs in infuso vinoso, à scrupulo dimidio ad drachmam semissem, immò integram. *Vires generaliores itidèm discutientes, ca-*

*lesacientes, roborantes, carminativæ, stomachales & uterinae sunt; hinc in præcedentium quoque locum commodè surrogari, & in iisdem morbis, in quibus illa profunt, exhiberi potest. Notandum saltèm, semen ammeos Cretici paulò calidioris naturæ esse, & dosi proinde comparative moderatiori ægris exhiberi.*

§. IX.

DE SEMINIBUS ANETHI HORTENSIS C. B., & LEVISTICI VULGARIS MATH. multa subjungere supervacaneum duco, quoniam, respectu naturæ, virium, atque usûs, à descriptis carvi seminibus parùm distincta sunt: Monuisse saltèm sufficiat, oleum essentiæ æthereum in mixtione paulò parcius, quàm apud semina carvi, hospitari, halitumque seminis anethi, præsertim recentis, de indole narcoticâ nonnihil participare, & contusum igitur, ad somnum conciliandum, infantum temporibus subindè applicari.



## CAPUT XLIII.

*De Baccis Lauri atque Juniperi.*

## §. I.

**B**ACCÆ LAURI oblongæ sunt, rotundæ, sub tenui pelliculâ nigricante nucleum includentes geminum, subfuscum, odoris aromatici, saporis acris, amaricantis, oleosi, ac pariter aromati- ci. Arbor, quæ has baccas fert, est *Laurus vulgaris* C. B., sive *Laurus vulgatio- bac- cifera* LOB. In *Lusitaniâ*, *Hispaniâ*, *Italiâ*, aliisque regionibus calidis maximâ uber- tate, ac passim spontè adolescit, apud nos autem solummodò hortorum incola est, sedulamque culturam postulat.

## §. II.

Præter inutiles partes terreas, & fixum principium gummeo-resinosum, duplex oleum, alterum nempe crassius unguinosum, ex- pressionem separandum, alterum subtile, æthereum, valdè aromaticum, in mixtione naturali sovent. In aromatico hoc oleo essentiali præcipua virtutis ratio latet; hinc, eodem prorsus separato, vires valdè immunitæ sentiuntur. Oleo succedit substantia fixa, & postremo demùm loco.

pars gummea, quæ pura ac solitaria admodum iners reperitur, collocanda est.

§. III.

Militant hæ baccæ inter activa *rob-  
orantia*, *stomachalia*, *carminativa*, *uterina*,  
atque *bezoardica*, & egregiè proindè affe-  
ctibus flatulentis, vitiis appetitûs atque  
digestionis, frigidisque uteri morbis, nec  
minùs paralyfi, catarrhis capitis atque  
pectoris, doloribus post partum, quin  
ipsis febribus malignis, medentur. Dan-  
tur in pulvere ad grana aliquot, vel etiàm  
sub formâ infusi vinosi, à scrupulo dimi-  
dio ad drachmam semî. Varias præte-  
rea compositiones pharmaceuticas ingre-  
diuntur, nec rarò quoque esculentis dif-  
ficilioris resolutionis, condimenti loco,  
adduntur. Si in pulvere exhibentur, do-  
ses moderatæ esse debent, ne viscoso suo  
oleo ventriculo molestiam inferant, &  
nauseam, vel ipsum vomitum excitent.  
Externè inter epithemata, unguenta, &  
emplastra nervina, stomachalia, & car-  
minativa, immò, inter infessus uterinos  
recipiuntur.

§. IV.

BACCÆ JUNIPERI OFF. sunt *Juniperi  
vulgaris fruticosa* C. B., *Bayes de Genièvre*.  
baccæ totundæ, nigricantes, vel rectiùs,

fusco-aut cœruleo nigricantes, quæ sunt renui pelliculâ pulpam fragrantem, acrem, subdulcem, aromaticam includunt, cui tres acini oblongi triangulares ingeniti hærent. Crescunt hi frutices arborescentes sive arbores fruticosæ in *plerisque regionibus septentrionalibus*; & in *Germania* quoque nostrâ hinc inde, maximè autem in *Vogtlandia*, satîs uberem earum proveniunt observare licet. Baccæ altero demùm anno ad justam maturitatem perveniunt, hinc quovis tempore in fruticibus hisce tùm fructus maturi cœruleo-nigricantes, tùm virides immaturi conspiciuntur.

## §. V.

Sapor, odor, ac tota virtus unicè in pulpâ latent, quæ sola ex gratis & activis *principiis resinosis, gummeis, & oleosis* composita est: Notandum tamèn, fragrantiam & acrimoniam aromaticam præcipuè ad substantiam resinoso-oleosam, saporis verò dulcedinem unicè ad partem gummeam redundare. Oleum, quod vesiculis exiguis, per pulpam dispersis, inclusum est, & temporis successu in resinam siccam induratur, destillatione humidâ elicitur, & aquâ specificè levius, flavum, fragrantissimumque deprehenditur. Libra baccarum una, si perfectam maturitatem adeptæ fuerint, circiter drachma stes reddit. Tinctura spirituosâ

prima coloris aurei est, odoris grati balsamici, soporis subacris, subamaricantis, & aromatici. Post evaporationem relinquit massam duplicis generis, alteram nimirum flavam, semiliquidam, dulcem, oleosam, alteram tenacem, resinofam, dentibus atque palato valdè adhærentem, subfusco-viridescentem, saporis resinosi atque nonnihil aromatici. Undè liquiddò constare arbitror, quòd oleum essenziale in baccis hisce partim mobilius æthereum, partim crassius, magisque viscosum existat. Uncia baccarum una mihi massæ utriusque, conjunctim lance examinatæ, unciam dimidiam & aliquot grana suppeditavit. Infusum aquosum primum, si baccæ integræ recipiuntur, pellucidum est, pallidè rubrum, odoris balsamici, saporis balsamico-subdulcis, paululum tamèn nauseosi, & in recessu subamaricantis: Sin baccæ verò dissectæ adhibentur, solutio, etiàm filtrata, post digestionem turbida ac sordidè sublutea deprehenditur, & majori, quàm præcedens infusum, fragrantia, atque gratiori pariter dulcedine aromaticâ pollet. In extractis inspissatis levissima hæc differentia vix ampliùs animadvertitur, & massa utraque rob sambuci odore æmulatur, gratumque saporem subdulcem, aromatico nonnihil remixtum, linguæ



imprimit. Non differt quoque quantitas, dum prior æquè, ac posterior, recepta baccarum uncia una, tres fermè drachmas pondere attingit.

## §. VI.

Inter efficacissima ac planè eximia medicamenta *stomachalia*, *carminativa*, *pectoralia*, *diuretica*, *uterina*, *antiscorbutica*, & *bezoardica* vilissimi hi fructus sibi locum vindicant, multùmque auxilii, quum operationem suam blandè discutiendo, abstergendo, demulcendo, ac roborando absolvant, ab usu eorum in ventriculi imbecillitate, lienteria, coeliacâ, affectibus flatulentis, hydropè humido, & tympanitico, dysuria, nephritide pituitoso-fabulosa, obstructione mensium, tussi, asthmate, raucedine, aliisque morbis catarrhalibus, nec minùs in scabie vulgari & scorbuticâ, peste, cæterisque febribus malignis expectandum est, si, pro ægritudinum diversitate, modò per se commendantur, modò sub formâ infusi, cum vino aut aquâ fervente parandi, exhibeantur. Usùm quoque egregium atque amplissimum sic dictum Rob in praxi obtinet (a), & frequentissimè

(a) » Rob ipsum, FRIED. HOFFMANNUS  
» in *O's. physico-rhym.* p. 12. scribit, medici-  
» nam præbet ad roborandum imbecillem ven-

imprimis bolis & electuariis stomachalibus, pectoralibus, & diureticis additur. Externè ipsæ baccæ epithemata sicca discutientia, carminativa, ac roborantia, nec minùs suffumigia, ac balnea uterina &c. ingrediuntur, & multùm prætereà, si cum vino coquantur, idemque tepidum aliquamdiù in ore detineatur, in odontalgia rheumatico-catarrhalì atque scorbuticâ prodesse solent.

---

## C A P U T XLIV.

*De Nuce Moschata & Mace.*

§. I.

**N**UX MOSCHATA, sive MYRISTICA ;  
*Noix Muscade*, vel *Oblonga* est, vel  
*Rotunda* : Illa, quæ etiàm *mas* vocatur ,

» triculum, ad tonum restituendum dejectum  
» intestinale in alvi fluxibus, ad præservatio-  
» nem à calculo, ab hydrope, præstantissimam.  
» Commodè solvitur in vino Hispanico, vel alio  
» dulci & potente, & cochleatim offertur post  
» cibum sumptum, vel ante lecti introitum. Hoc  
» medicamentum juvat senes, quibus vesicæ vi-  
» tia, & in urinæ emissionem difficultates, nec  
» non imbecillitates ventriculi & intestinorum  
» valdè familiares sunt, & nostrâ opinione hoc  
» Rob supergreditur vires olei destillati, quo-  
» niàm illud magis temperatum, hoc verò ca-  
» lidum est.

arboris sylvestris progenies est, & rarò, vel nunquàm, cum odore atque sapore penitus fermè destituta sit, ad externos transmittitur; hæc autèm, quæ vulgò *fœmina* audit, nucleum compactum, pinguem, in superficie nonnihil rugosum, odore grato, sapore oleoso-aromatico, & colore foris cinereo-ferrugineo, intùs pallidè flavescente, venulis spadiceis, distincto, donatum, sistit, & ubique apud pharmacopoeos & aromatarios vernalis prostat. Arbores, quæ nucem hanc proferunt, in *Insulâ Banda Indiæ orientalis* nascuntur, & folia, mali Persicæ foliis haud dissimilia, breviora tamen, latiora, & magis subrotunda, nec minùs florem rosaceum, valdè odoratum, habent, cui nux succedit, triplici integumento, *pulposo* videlicet, *filamentoso*, & *duriori corticoso*, sive *lapideo*, cincta. Integumentum primum pulposum in principio, æquè, ac apud nuces juglandium nostrarum, viride est, deinde autèm, maturitate superveniente, hinc inde maculas flavo pupureas sortitur, ac sensim dehiscit; quo factò, secundum integumentum, sive cortex filamentosus, aut potiùs ramoso-reticulatus, pinguis, oleosus, purpureus, odoratissimus, qui *Macis* est, in conspectum prodit. Hic putamini tertio duriori, quod nucem ipsam proxime ambit,

bit, solummodò laxè adhæret, ac facilè proindè detrahitur. In principio, uti vix dictum fuit, macis purpurei coloris est, postea autèm, quandò nimirùm aeri libero exponitur, & blando calore siccat, flavum induit. Noces maturæ, remoto duplici hoc integumento, tandemque diffractò putamine duriori, eximuntur, &, postquam per horas aliquot in saturatâ aquâ calcis vivæ maceratæ, atque obiter iterùm aquâ purâ ablutæ fuerunt, siccantur, ut diutiùs à corruptione immunes persistant. In Indiâ persæpè pariter integri fructus, virides tamen, ac paulò juniòres, saccharo condiuntur, quoniam ita præparati diutissimè perdurant, & saporis non minùs atque odoris suavitate, quàm egregiâ etiàm virtute analepticâ, stomachali, & aphrodisiacâ sese commendant.

## §. II.

Ad formandam nucis myristicæ mixtionem partes *terreæ*, *gummeæ*, *resinosæ*, & *oleosæ* concurrunt. Partes terreæ, quæ dimidiam fermè ponderis partem constituunt, per se inertes sunt, sub unione verò cum reliquis principiis ad augendam virtutem subadstrictoriam aliquid conferunt. In substantiâ fixâ gummeâ solitariâ parùm quoque activitatis depre-

henditur, & inspissatum igitur extractum aquosum, quod, assumptâ unâ nucum unciâ, circiter drachmas duas & scrupulum unum pendet, debilissimum saltèm odorem spirat, & adeò debili quoque sapore balsamico-subamaricante pollet, ut simplex inde vix amplius cognosci queat. In extracto spirituofo primo, resinoso magis, quàm gummeo, majorem quidèm virtutem delitescere, odor fortis specificus, & sapor amaricans, aromaticus atque subadstringens testantur, præcipua nihilominùs, odoris, saporis, ac virium ratio ad oleum essentialè redit, quod duplicis generis est, alterum nempe *crassius, unguinosum*, alterum *subtilius, fragrantius, æthereum*. Hoc destillatione humidâ elicitur, & in integrâ nucum librâ circiter unciam dimidiam vel drachmas quinque pondere æquat; illud verò exprimitur, & tantâ copiâ adest, ut plerumque quatuor, quinque, immò sex, unciæ colligantur. Quando hoc posterius aquâ tepidâ aliquamdiù lavatur, & residuum postea spiritu vini rectificatissimo extrahitur, portio liquidior, flava, pinguis, odorata, penitus separatur, nihilque remanet, nisi massa solidior, insipida, inodora, sebum aut ceram albam colore ac consistentiâ æmulans, nec in aquâ amplius, nec spiritu vini solubilis,

quæ parandis balsamis spissiusculis externis creberrimè excipientis loco inservit, & ideò etià *mater balsamorum* vocatur. Silentio quoque prætermittere nequeo, olei ætherei destillati moleculas diversæ subtilitatis, & diversæ pariter gravitatis specificæ esse, idemque eapropter aquæ partim innatare, partim in eâdem fundum petere.

§. III.

M A C I S ab ipsâ nuce myristicâ, intuitu principiorum, vix discrepat, præterquam, quòd *oleum essentiale æthereum*, nec minùs *fixa substantia resinosa* mixtionem paulò majori quantitate ingrediantur, & hæc in uncia unâ circiter ad drachmas duas & grana sedecim, illud verò in librâ integrâ ad drachmas quinque, inmodò sex, pondere ascendat. Notandum tamen, partem resinosam nunquam perfectè puram obtineri, sed multis particulis oleoso-unguinosis, sub extractione cum spiritu vini simul solutis, nec evaporatione prorsùs auferendis, remixtam esse. In *parte gummosâ* nil singulare querendum est, eademque, seorsim considerata, tota fermè iners deprehenditur, ac valdè debili saltèm sapore balsamico-subamaricante, non ampliùs tamen specifico, gaudet.

## §. IV.

Eminent bina hæc simplicia inter medicamenta aromatica, & frequentem usum, ob vires suas *roborantes, stomachales, carminativas, cephalicas, cardiacas, & uterinas*, in multis morbis, ex humorum viscositate, partiumque solidarum flacciditate oriundis, maximè autèm in appetitûs atque digestionis vitiis, affectibus frigidis flatulentis, vomitu, lenteria, cœliacâ, aliisque profluviiis alvinis, torminibus ventris, nec minùs in palpitatione cordis, syncope, debilitate memoriæ, paralyfi, vertigine, atque cephalalgia stomachali, suppressione mensium, fluore albo, prolapsu uteri atque vaginæ, sterilitate, torpore venereo &c. inveniunt. Macis paulò calidiorem indolem possidet, ac confortando inprimis, commovendo, & discutiendo operationem suam exercet, nux myristica verò, quæ temperatior existit, præter discussionem, commotionem &c., blandam quoque adstrictionem præstat. Adduntur condimenti loco esculentis, vel manducantur, vel vino infunduntur. Nux moschata interdum quoque, nunc sibi relicta, nunc antea paululùm tosta, inter pulveres recipitur. Dosis in genere à granis aliquot ad drachmam semissem ascendit. Externè

ad ingredientia emplastrorum, nervinæ, cephalicæ, stomachalis, atque carminativæ virtutis, pertinent, & subinde etiam decocta vulneraria vinosa atque unguenta ingrediuntur. Olei destillati & expressi usus, qui latè quoque patet, in libris pharmaceuticis videndus est.

---

## CAPUT XLV.

*De Pipere, Cubebis, & Amomo.*

### §. I.

**I**N Officinis nostris pharmaceuticis triplex PIPERIS species prostat, *Piper* videlicet *rotundum nigrum*, sive *Melanopiper*, *Piper rotundum album*, sive *Leucopiper*, & *Piper longum*, sive *Macropiper*. PIPER NIGRUM grana sistit rotunda, rugosa, nigricantia, pisi vulgaris magnitudine, odore fragrante, & sapore valde acri ac fervido aromatico prædita. Planta, quæ in plerisque Indiæ orientalis locis, maximè autèm in *Malabariâ*, *insulisque Sumatrâ, Javâ, Sundâ* &c. crescit, sarmentosa est, volubilis, hederæ arboreæ instar, arbores, aliasque plantas, immò perticas, in terram defixas, scandens. Folia ejus ampla, valdè nervosa, ovata, antèriùs tamen cuspidata, &



flores, in spicam dispositi laxiorem, monopetali, campaniformes esse dicuntur. Grana brevibus insident petiolis, & aggregatione suâ, fermè instar fructuum grossulariæ non spinosæ, racemos, arctiores tamen, ex triginta, quadraginta, quinquaginta, imo pluribus granis compositos, formant. In principio virides sunt, & æquali superficiei, deinde rubræ evadunt, tandemque, ad perfectam nempe maturitatem perductæ, decerptæ, ac soli per aliquot dies expositæ, nigrescunt, & rugositatem aliquam contrahunt.

## §. II.

Grana PIPERIS ALBI à præcedentibus figurâ orbiculari, magnitudine, odore, & sapore parùm vel nihil differunt, non rugosa tamen sunt, sed lævia, compactiora, gryseo albicantia. Circà originem eorum scriptores dissentiunt: Alii enim piper album à nigro solâ maturitate discrepare opinantur: alii ex pipere nigro arte produci, nihilque aliud esse contendunt, nisi piper nigrum, macerationis temporariæ & agitationis beneficio in aquâ dulci aut falsâ marinâ decoratum, & alii denique istud à diversâ quidè plantâ, non genere tamen, sed specie saltem aliquantulùm à priori distinctâ, provenire statuunt. (a)

Pro meo iudicio sententia postrema rationi & experientia magis, quam reliqua, consentanea est, eidemque proinde subscribere nullus dubito.

(a) » Quidam, *Excell.* HEISTERUS in *Dis-*  
 » *sert. de Pipere* p. 10. scribit, ope muria corti-  
 » cem inde ( à pipere scilicet nigro ) separari,  
 » atque sic album ex nigro præparari perhibent,  
 » sed sine ratione. Verum GARCIA ( in *Hist.*  
 » *aromat. Lib. I. p. 22.* ), & STAPELIUS con-  
 » trarium sustinet, docetque ( *Comment. in*  
 » *Theophrast. p. 1180.* ), hæc duo piperis ge-  
 » nera omnino à diversis provenire plantis, quæ  
 » verò tam parùm differrent, ut vitis baccis al-  
 » bis & nigris, quæ ante fructus maturos vix  
 » distingui possent, refertque STAPELIUS,  
 » se à nautis, & navigantibus, qui ex Indiâ  
 » orientali redierunt, utriusque hujus piperis ra-  
 » mulos & racemos integros accepisse, baccis  
 » maturis onustos, qui illos secum ex Indiâ illâ  
 » attulerant, ubi non solum ex illis intellexit,  
 » horum ramulorum plantas, unde eos decerpse-  
 » runt, revera diversas esse, & alteras piper ni-  
 » grum, alteras album, sine omni prægressâ præ-  
 » paratione & sine omne arte proferre, se ipsum  
 » quoque quòd distinctæ sint plantæ, ex ipsis il-  
 » lis ramulis satis perspicuè cognoscere potuisse,  
 » scribitque insuper, se ex illis peregrinantibus  
 » intellexisse, baccas utriusque hujus plantæ  
 » principio, & quandò nondùm maturæ sunt, vi-  
 » rides esse, postea verò illas rubrum, & post-  
 » quàm siccæ fiunt, nigrum, has autem album co-  
 » lorem induere, forte sicuti in ribesibus videmus,  
 » baccas eorum immaturas omnes virides esse,  
 » postea autem quando maturescunt, vel album,

## §. III.

PIPER LONGUM formâ planè singulari gaudet, fructumque exhibet siccum, durum, teretem, cylindraceum, unciam aut sesquiunciam circiter longum, coryli, aut rectiùs, betulæ julum figurâ suâ quodammodò æmulantem, ex numerosis granulis minoribus, papaveris aut sinapi semina magnitudine æquantibus, & vermiculato plexu dispositis, compactum, coloris grysei, odoris aromatici, saporis acerrimi, urentis. Planta præcedenti, quæ piper nigrum profert, crescendi modo ac foliis paritèr simillima esse traditur, & folia paulò majori duntaxat teneritudine, dilutiori viriditate, pluribusque nervis donata dicuntur. Cre-

» vel rubrum, vel etiam nigrum colorem indue-  
 » re, pro diverso illarum plantarum sive fruti-  
 » cum genio, quæ specie differunt, vel ut aliis  
 » magis placet, tantùm uniùs speciei varietatis  
 » sunt. Ita ut hæc duo pipera quidè ad unum re-  
 » verà genus pertineant, quia sibi invicem & fo-  
 » liis, & modo crescendi, & baccis, excepto  
 » colore, similes sint, adeòque non nisi specie,  
 » sicuti ribesia diversi coloris fructibus tantùm à  
 » se invicem differant: Rariores verò esse plan-  
 » tas piperis albi in Indiâ, quàm nigri, ità ut  
 » in Malavar illud non nisi Magnatum mensis,  
 » teste Garcia, inferatur, qui hoc etiàm nigro,  
 » aliter quàm Dioscorides fecit, multùm præ-  
 » fert, libro citato pag. mihi 89. &c.

scere quidè in insulâ Javâ , aliisque India orientalis locis , in solâ tamen Bengalâ uberior ejus proventus observatur.

§. IV.

Quoad naturam , principia activa , & vires medicas descriptæ tres piperis species conveniunt , ac sola tantùm acredo fervida in pipere longo paulò major , quam in utroque rotundo , existit. Principia activa partim oleosa , partim gummeo-resinosa sunt. Oleum essentialè æthereum , quod aquæ constanter innatat , & pallidè aureo colore donatum cernitur , piper odore quidè & sapore prodit , immò solam odoris specifici rationem continet , non acerrimum tamen , uti *Excell. HEISTERUS* in *Dissertatione allegatâ* (a) retulit , sed adeò potiùs temperatum est , ut guttula degustata lenem duntaxat , ac gratam acrimoniam aromaticam , citrà ullum molesti ardoris aut mordacis puncturæ sensum , linguæ , cæterisque oris partibus imprimat. Quid è quodd , aqua destillata , etiamsi piper valdè redoleat , multasque separatione peractâ , moleculas oleosas retineat , acedine prorsùs destituta , ac penè insipida deprehenditur. B. NEUMANNUS ex integrâ piperis nigri librâ sub destillatione

(a) P. 31.

humidâ olei drachmas tres cum semisse prodire perhibet (a) : Attamen, assensum illi in hoc passu præbere nequeo. Vix laudatus HEISTERUS enim ex librâ unâ vix drachmam impetravit, & ego pariter quatuor solummodò scrupulos ex æquali quantitate elicere potui : Credo tamen, in mixtione piperis plus olei hospitari, quoniâ sub destillatione & separatione multum receptaculo & vitro hypocleptico adhæret, multumque etiâ, uti antea dictum, in aquâ remanet.

## §. V.

Non residet quoque fervida piperis acredo in parre ejus gummeâ, sed unicè in substantiâ resinolâ quærendâ est. Nam portio gummea, (priùs tamen extractâ resinolâ), iteratâ aquæ simplicis infusione separata, odore, sapore, & virtute penitus fermè caret, immò ipsa infusa & extracta aquosa prima, licet aliquam substantiæ resinosæ partem, intimiùs gummosæ implicitam, simul contineant, debilem duntaxat saporem acrem, debilemque odorem aromaticum possident : Infusa contrâ & extracta spirituosâ linguam, palatum, fauces, ac labia tantoperè urunt ac pungunt, ut inflammatio ferè metuenda sit. Ardor quoque satis diu per-

(a) L. c. p. 985.

durat, & magna salivæ viscidæ copia elicitur. Notandum tamen, piper longum in hoc passu piper nigrum rotundum, & hoc iterum album nonnihil superare. Quantitates substantiæ resinosæ ac gummeæ in triplici specie parum differunt, & uncia una plerumque drachmam unam & grana aliquot extracti primi spirituosi, & dimidiam ferme unciam extracti aquosi primi largitur.

§. VI.

Ad calidissima ac potentissima medicamenta aromatica, quæ vehementer partes solidas urendo ac pungendo, validèque humores attenuando operantur, piper referri meretur, adeoque magnam sub usu interno circumspeditionem postulat. Conducit saltèm subjectis frigidis phlegmaticis, nocet verò siccis, cholericis, plethoricis, & in iis itaque morbis solummodò locum invenit, qui ex humidâ partium solidarum flacciditate, & frigidâ, mucidâ, crassâ, humorum dyscrasiâ maximè nascuntur. Specificè inprimis convenit in vitiis digestionis, ex collectâ copiosâ saburrâ pituitosâ oriundis, nec minùs in refractariâ febre quartanâ, cachexiâ, œdemate membrorum, catarrhis rebellibus, fluore albo diuturno &c., multumque etiam in principio hy-

dropis humidi prodesse creditur. Piper rotundum nigrum frequentissimè, album rariùs, longum verò nunquàm apud nos cibis condimenti loco additur. In medicinâ verò usus longi & rotundi utriusque æquè frequens est. Datur in infuso vinoso, rariùs in pulvere, & si in substantiâ illud assumere placet, integra rotundi grana, & longum grossiusculè saltèm contusum, deglutire præstat. Subtilis enim piperis pulvis ventriculi rugis altiùs immergitur, & facilè, dum pertinaciter adhærescit, eminenti ardore suo inflammationem, aliaque prava pathemata, præsertim apud subjecta sicciora ac sensibilia, producere valet. Dosis semper moderata esse, & à paucis granis ad dimidium solummodò scrupulum ascendere debet. Externè cataplasmata & emplastra rubefacientia, nec minùs pulveres & decocta, in paralyâ linguæ, laxitate uvulæ, intumescenciâ glandularum salivarium, odontalgia frigidâ catarrhali &c. adhibendâ, ingreditur.

#### §. VII.

Præter notiores hæc piperis species, in Officinis quibusdam adhuc alia, quæ PIPER ODORATUM JAMAICENSE, itemque *Amomum spurium*, *Piper Tavasii*, *Piper Chiapa* &c. dicitur, prostat. Arbor,

quæ hunc fructum profert, ac simul quoque cassiam caryophyllatam largitur (a), est *Myrtus arborea aromatica foliis laurinis*, in variis *Indiæ occidentalis* locis, maximè autèm in *insulâ Jamaicâ*, adolescens. Baccæ maturæ nigræ sunt, splendentes, in parte superiori parvâ coronâ instructæ, juniperi baccis adhuc majores; immaturæ autèm, quas incolæ ordinariò decerpere, atque aliorsum transmittere consueverunt, minores paulò viridesque reperiuntur, & sub exsiccatione demùm ad solem, primò flavum, tandemque fusco-nigricantem colorem acquirunt. Sub cortice pulpam subviridem, quæ binos acinos continet, includunt, & odore denique atque sapore suo caryophylla aromatica, immò nucem moschatam quoque, cinnamomum, piper ordinarium, & baccas juniperi aliquantulum æmulantur.

#### §. VIII.

In Angliâ piper Jamaicense magni æstimatur, & frequentissimè, propter indolem temperatiorem, majoremque saporis atque odoris gratiam, piperis vulgaris loco, ad cibos condiendos adhibetur, tutiorisque prætereà usûs medicum esse creditur. Principia ejus activa magis.

(a) Conf. Cap. de Cassiâ caryophyll. p. 186.



cum principiis caryophyllorum, quàm piperis ordinarii conveniunt, acredo tamèn, quæ in parte fixâ resinofâ præcipuè latet, longè moderatior deprehenditur: Quod essentialè autèm oleum æthereum attinet, cujus dimidia circiter drachma ex integrâ librâ sub destillatione humidâ prodit, illud, intuitu odoris, saporis & gravitatis specificæ, genينو oleo caryopyllorum valdè analogum est. Ad bina hæc principia vires unicè redeunt. In parte fixâ gummeâ enim, quæ pura, & penitùs à moleculis resinoso-oleosis liberata, admodùm inertem saporem possidet, nulla virtus singularis quærenda est, licet in unciâ unâ duas ferme drachmas pondere suo æquet, & resinofam ideò, cujus unica circiter drachma adest, quantitate superet.

## §. IX.

A pipere ordinario **CUBEBAE OFF.**, five *Cubeba vulgares* C. B., *Cubeben*, *Haupt-Kerner*, formâ & indole non adeò quoque discrepant: Baccæ enim rotundæ sunt, magnitudine piperis granis nunc æquales, nunc paulò majores, rugosæ, caudatæ, seu tenui pediculo instructæ, coloris fusci, vel albicantis, vel fusco-aut gryseo-nigricantis, odoris fragrantis, saporis aromatici ac valde acris. Cortex

scaber exterior nucleum rotundum, lævem, compactiorem, foris fusco-rufescentem, intùs albicantem, includit, & acrior propemodùm, quam ipse nucleus, deprehenditur. Nonnulli, quòd addere placet, cubebas etiàm *Piper caudatum* vocant.

§. X.

Afferuntur ex *Indiâ orientali*, & copiosius inprimis in *regno Pegu*, *insulisque Ceylon & Java* provenire dicuntur. Planta, quam HERMANNUS itidèm ad *frutices convolvulaceos* refert, specie saltèm non genere, à plantâ pipiferâ distincta est: *Hederæ* quoque instar, arbores scandit, & æquè pariter, ac vulgaris pipifera, fructus racemosos fert.

§. XI.

Valdè activa *principia oleoso-resinosa* in mixtione foveant: Activa, inquam, oleoso-resinosa; gummea quippe substantia, licet largiori quantitate, quàm resinosa; inhæreat, æquè, ac in præcedentibus simplicibus, admodùm iners reperitur, & debilem suum odorem, debilemque saporem subacrem atque amaricantem paucis quibusdam particulis oleosis, post evaporationem infusi aquosi primi in extracto relictis, partim etiam mixtis miculis

nonnullis resinosis debet. Oleum essentialē æthereum, quod parcâ saltē quantitate sub humidâ destillatione elicitur, aquâ specificē gravius, suaveolens, & indole temperatâ piperis oleo non dissimile existit. Hoc igitur præcipuam fragrantia, substantia fixa resinosa autē præcipuam acedinis rationem in se continet. Nam infusa, & extracta spirituosas ipsas cubebas specifico sapore acris, aromatico, & amaricante perfectē produnt, immò extractum mixtum, post olei destillationem in vesicâ aut cucurbitâ residuum, pristinam cubearum acedinem linguæ imprimit, & fragrantē saltē odore aliquantulum orbatum deprehenditur. Uncia cubearum una plerumque drachmas duas cum semisse extracti primi spirituosi, & drachmas tres extracti aquosi primi largitur.

## §. XII.

Mucum, aliosque humores viscidos cubebæ potentissimè dissolvunt, ac vegetam in solidis oscillationem, moderatiorem tamen, quàm piper vulgare, excitant; hinc inter *pectoralia* quoque, *anticatarrhalia* & *stomachalia* medicamenta eminent, & magnam inprimis efficaciam in tumore glandularum salivalium, laxitate uvulæ, paralyfi linguæ, raucedine

refractariâ , tussi , dyspnoeâ , asthmate , catarrho suffocativo , à tenaci pituitâ , partiumque solidarum flacciditate oriundis, nec minùs in cephalalgâ & hemicraniâ rheumatico-catarrhali , susurru aurium , affectibus soporosis , rebelli febre quartanâ , cruditatibus ventriculi pituitosis , vertigine stomachali , cachexiâ , hydrope ascite recentiori , &c. monstrant. Plerumque per se manducantur , vel vino infunduntur , vel grossioribus pulveribus , immò herbæ Nicotianæ , infumum vertendæ , modicâ quantitate miscentur. In substantiâ à granis aliquot ad scrupulum semi , in infuso vinoso autem à scrupulo uno ad drachmam integram exhiberi possunt.

---

## C A P U T XLVI.

### *De Caryophyllis & Antophyllis.*

#### §. I.

**C**ARYOPHYLLI sive CARYOPHYLLA AROMATICA OFF., *Clous de Gerofle, Burh-Nægelein, Burh-Nelcten*, neque immaturi Arboris caryophylliferæ fructus sunt, utri plerique hætenus crediderunt, neque initia fructuum, sed potiùs calices florum, exsiccati, oblongi; angulosi, nonnihil rugosi, formâ clavum obtusum

quodammodò referentes , in alterâ , eaque superiori extremitate , quatuor apiculis sive cuspidulis , stellatim decussatis , globulumque insidentem sive capitulum intermedium circumquaque fulcientibus , instructi , coloris extrinsecùs fusci , sub-fusci , aut rubiginosi , intùs subluteo-rufescentis , odoris fragrantissimi , saporis grati , acris , aromatici , ac satis urentis.

## §. II.

Globulus memoratus futuri floris rudimentum est , aut rectiùs oculus floris , è quatuor complicatus pelliculis , quæ sese , quamprimùm calices , antea subvirides , rubescere incipiunt , sensim pandunt , floremque involutum in conspectum prodire permittunt. Valdè hi flores suaveolentes sunt , & ex quatuor petalis , primò candidis , postea virescentibus , multisque prætereâ staminulis albis , pistillum tenue & acutum , ex quadrato umbilico sive alveolo prominentem , ubique cingentibus , componuntur. Incipiente prædictâ coloris mutatione , floribusque nondùm evolutis , caryophylli decerpuntur , & in sole postea exsiccantur , donec consuetum colorem fuscum aut rubiginosum acquisiverint.

## §. III.

Quandò diutiùs in arbore relinquuntur, ut efflorescere, sensimque ad fructûs maturi perfectionem pervenire possint, quadruplo fermè majores, crassioresque evadunt, & eodem ferè modo, quo calices rosarum sylvestrium, in baccas oblongè-rotundas, in parte superiori aliquantulum umbilicatas, sub cortice crassiori rubiginoso nucleum, durum, oblongum, solidum prorsus ac simplicem, vel subinde etiàm bifidum, includentes, sive in sic dictos *ANTHOPHYLLOS*, *Mutter-Nelken*, transformantur. Ex arbore hi ipsi, ceu fructus perfecti atque maturi, partim spontè decidunt, partim flagellis &c. decutiuntur, & eodem quidè, quo caryophylli, odore & sapore, longè tamèn debiliori, gaudent. Superstes prætereà virtus, quod addendum duco, præcipuè in cortice residet, in nucleo autèm parùm ampliùs saporis & odoris sentitur.

## §. IV.

Arbor, quam *C. BAUHINUS* *Caryophyllum aromaticum fructo oblongo* vocat, folia habet, laurinis non dissimilia, angustiora tamen, & plerumque ad pyri altitudinem excrecere, vel quocunque

tamen lauro celsior esse dicitur. Quondam in singulis propemodum insulis *Moluccis* uberrimus harum arborum proven-  
tus erat; nostrâ verò ætate, postquam Batavi illas in locis plerisque extirpare, funditusque delere allaborarunt, sola *Amboina* easdem copiosè alit.

## §. V.

Caryophylli aromatici adhuc integri, h. e., recentiores, & præstantiori principio suo activo à fraudulentis nondum orbatî (*a*), *oleo essentiali* valdè scatent, & satis copiosâ pariter *substantiâ fixâ gummeo-resinosâ* instructi sunt. Acredo urens neque in solo ac puro oleo essentiali,

(*a*) In Bataviâ destillatores fraudulentî, caryophyllos destillationi integros subjiciunt, oleo prolecto, denuò siccant, & recentibus, ad lucrum augendum, miscent, uti hoc ipse testatur *BOERHAAVIUS*, quandò in *Chemia* T. II. p. m. 100. » scribit: » Ipsa verò corpora à destil-  
» latione hac residua pristinam formam colorem-  
» que ità referunt, ut incautus quisque semisic-  
» catos pro integris, verisque haberet Caryo-  
» phyllis. Quin etiâ, si sinceris, oleoque suo  
» adhuc integro prægnantibus permiscetur, im-  
» buuntur iterùm odore, sapore ipsoque oleo  
» inde attracto, ut quidè à genuinis postea  
» discerni nequeant. Quà ratione etiam adulte-  
» rari solent ab Aromatopolis nonnullis, qui tur-  
» pe inde lucrum petunt. Conf. *HOFEM.* in  
» *Obs. physico-chym.* p. 14.

neque in solâ ac purâ substantiâ fixâ resinosa residet, sed ab utriusque miscelâ dependet, itâ tamen, ut pars resinosa, quæ, per se considerata, acrior, quàm purum oleum est, plus ad producendum saporem urentem conferat. Oleum æthereum, præmissâ caryophyllorum maceratione temporariâ in aquâ falsâ, ex vesicâ humiliori, substrato igne moderatiori, proportionato tamen, destillatum, satis tenue est, albicans, aquâ specificè gravius, ( si modicam portionem exceperis, quæ aquæ in principio innatat ), odoratissimum, & acredine aromaticâ quidem, adeo fervente tamen, quâ vulgare Hollandicum (a), vel justò fortiori etiam igne expulsum, pollet, neutiquàm lonatum. Color albus, si aer sæpius in vitrum admittitur, successivè in flavesc-

(a) Oleum caryophyllorum; quod ex Hollandiâ affertur, & in Officinis præcipuè vendibile prostat, nunquàm purum est, sed semper oleo quodam expresso, quin ipso caryophyllorum extracto resinoso plus minùsve remixtum, hinc ordinario etiâ genuino spissius est, nec totum in spiritu vini solubile, fusco-rubicundum præterea, & urente atque acerrimo sapore præditum. De hoc igitur solummodò valent, quæ vix allegatus BOERHAAVIUS l. c. de summâ hujus olei acredine urente proposuit, neutiquàm verò de genuino, quod Hollandico, uti expertus testari possum, longè remissius existit,



centem , tandemque flavo-rufescentem degenerat , & fluiditas quoque aliquantulum minuitur. Libra una , si caryophylli bonæ notæ fuerint , plerumque uncias duas , totidemque drachmas , immo majorem adhuc , quantitatem reddit , si destillatio , aqua abstracta rursus superfusa , semel vel bis repetatur. » Ultimò. B. » HOFFMANNUS inquit (a) , illud attendi meretur , quod si omne ex caryophyllis oleum prolicere velimus , opus sit reiterare bis destillationem , superfundendo denuò aquam , à quâ oleum separatum fuit. Ita in destillatione secundâ sæpiùs adhuc unciam & semunciam , in tertiâ dimidium uncix acquirimus. Ubi notandum , quod oleum prodiens in ultimâ destillatione crassius & ponderosius sit eo , quod primâ destillatio concedit.

## §. VI.

Post oleum essentielle fixa quoque principia , præsertim potentius resinofum , aliquam considerationem merentur. Infusum spirituosum primum odorem caryophyllorum specificum , debiliorem tamen , quàm ipsi caryophylli , diffundit , & colore subfusco-rubicundo , sapore acri , urente , aromatico est. Evaporando in-

(a) In Obs. Physico-chym. select. p. 15.

spissatum extractum relinquit rubro-fuscum, odoratum, & valdè acri, urente, aromatico, & in recessu nonnihil adstringente sapore donatum. Quando aqua simplex aliquoties ab eo abstrahitur destillando, adeoque oleum adhuc inhærens prorsùs hac ratione aufertur, odorem & acridinem suam penitùs fermè amittit, ac valdè debile redditur; manifesto documento, oleum fragrantiaë unicam causam esse, fervidamque acridinem, quod antea pridem dictum, ab olei, & resinosa substantiaë miscelâ dependere. Infusum aquosum rubro-fuscum fortiùs quidè, quàm spirituosum, caryophyllos redolet, longè debiliori tamen sapore, eoque subacri saltèm, ac paululùm aromatico, gaudet. Massa inspissata parùm, vel nihil, differt, præterquàm, quòd coloris fusconigricantis sit, & debiliorem adhuc acridinem obtineat. Ex uncia unâ tres fermè drachmas extracti spirituosi primi, ac paulò majorem quantitatem extracti primi aquosi obtinui.

§. VII.

Caryophylli aromatici, qui jure inter aromata calidissima collocari merentur, forti vellicatione, & singulari quodam ardore, quem tunicis ac fibris nervosomusculoso-membranaceis imprimunt;

solida quævis ad fortiores, celerioresque contractiones impellunt, humores commovent, calorem, partes cruoris oleoso-inflammabiles expandendo, intendunt, pituitam attenuant, & *exsiccante* igitur, *roborante*, ac *stomachali* virtute sese inprimis commendant. Magnam tamen sub usu interno circumspeditionem postulant, & in iis duntaxat morbis, qui lentorem lymphæ, abundantiam feri præternaturalem, flacciditatem partium solidarum, viscidasque primæ culinæ cruditates causas agnoscunt præcipuas, tutò exhibentur. Præscribuntur in infuso vinoso, à scrupulo dimidio ad integrum, & variis quoque compositionibus pharmaceuticis, maximè autem sic dictis speciebus, miscentur, nec infimum denique locum inter ciborum condimenta occupant. Tinctura spirituosa calida indole ipsos caryophyllos superat, & multò cautiùs adhuc, etiam in refractariis morbis chronicis, cachexiâ v. g., œdemate membrorum, febre quartanâ, cruditatibus ventriculi pituitosis &c., quàm ipsi caryophylli, propinanda est. Externè caryophylli, grossiusculè pulverisati, cucuphas, pulveres cephalicos, capillis inspergendos, sacculos nervinos, nec minùs unguenta & emplastra, quorum pharmacorum alia imbecillitati capitis, hemicranix diuturnæ, catarrhis

catarrhis rebellibus &c. , alia tumoribus œdematosis, affectibus paralyticis &c. medelam afferunt , persæpè ingrediuntur, & laudata quoque tinctura magnam in spha-celo & carie ossium efficaciam monstrat , si cum aliis appropriatis decenti quantitate miscetur.

§. VIII.

ANTHOPHYLLI, quòd ex debili protinùs odore & sapore cognoscere licet, caryophyllis longè remissiores sunt, iisdemque proinde in morbis, qui mitiora ad sui curationem postulant, substituantur. Nonnulli, fructus hosce in affectibus uteri specificè prodesse, perhibent, attamen, specificæ hujus virtutis nullam singularem rationem invenio. Hodie rariùs in usum vocantur, & pro meo quoque judicio prorsùs, citrà ullum ægrorum detrimentum, ex Officinis pharmaceuticis exulare possent.

§. IX.

DE CARYOPHYLLO REGIO sive SPICATO, cujus non pauci in scriptis suis mentionem fecerunt, multa recensere supersedeo, quoniam nusquàm ampliùs apud pharmacopolas nostrates reperitur, & hodie quoque in ipsâ Indiâ orientali, ob parcissimum arborum proventum, carus

non minus quàm rarus est. Odoris & saporis aromatici gratiâ vulgarem superare, quoad formam verò cum eodem convenire dicitur, sphærulâ floriferâ exceptâ, quâ destituitur.

---

## CAPUT XLVII.

### *De Granis Cardamomi & Paradisi.*

#### §. I.

**A** Plerisque Materiæ medicæ scriptoribus tres quidè, immò quatuor, CARDAMOMI species, nimirum *Cardamomum majus*, *medium* sive rotundum, *minus*, & *minimum* numerantur; verùm, nostrâ ætate solum *Cardamomum minus*, sive *simpliciter dictum* c. b., ceu præstantius & odoratius, in usum venit. Hoc siliquas sistit membranaceas, triquetras, pallidè subluteas, in tria loculamenta distinctas, quibus semina seu granula, rugosa, angulosa, fusco-nigricantia, aut flavo-rubentia, odoris grati, saporis acris, aromatici, & paululùm camphorati, includuntur. Planta, quæ fructus hosce siliquosos fert, & in regionibus Indiæ orientalis *Cananor*, *Calecut*, atque *insulâ Ceylon* præcipuè crescere dicitur, caulem habet arundinaceum, geniculatum, ad trium

pedum altitudinem plerumque assurgentem. Radix justo tempore spicam emittit, cui flores subflavo-albicantes innascuntur, quibus tandè siliquæ laudatæ succedunt. Grana hæc, siliquis suis adhuc inclusa, præstantiora sunt, & obscurioris coloris, exempta verò & exsiccata intra breve tempus multum virtutis amittunt, & colorem rufo-aut subluteo-albicantem fortiuntur.

§. II.

Constant ex partibus *oleosis essentialibus, resinosis, gummeis, & multis terrestribus.* Virtus partim in oleo essentiali, partim in substantiâ fixâ resinosâ quærenda est. Oleum mediocri quantitate adest, & libra granorum una, teste NEUMANNO, (a) quinque vel sex drachmas reddit. Tinctura spirituosâ prima, quæ flavescens est, ipsius cardamomi odorem spirat, gratumque saporem aromaticum possidet. Evaporata massam suppeditat pallidè subfuscam, cardamomi grana fortiùs, quàm tinctura, redolentem, saporis in principio moderatè aromatici, postea autè valdè acris, atque diù urentis. Uncia una mihi drachmam unam & aliquot grana dedit. In extracto aquoso primo nihil fermè activitatis latet, idemque,

(a) L. c. p. 668.

licet majus pondus habeat, odore & sapore aromatico specifico penitus destituitur.

## §. III.

Inter ciborum condimenta non minus, quàm medicamenta cephalica, stomachalia, carminativa, & cardiaca calidiora non infimum locum sibi vindicant, & in vomitu imprimis pituitoso, imbecillitate ventriculi, affectibus frigidis flatulentis, vertigine stomachali, lipothymia, palpitatione cordis, ab utero præcipuè atque ventriculo consensualiter oriundâ, cachexia &c. vires notabiliores exerunt. Recipiuntur inter masticatoria, trageas, & varias compositiones pharmaceuticas, nec ratò quoque, ad drachmam semissem vel integrum, vino infunduntur.

## §. IV.

Cardamomi speciebus multi scriptores etiàm GRANA PARADISI, ob aliquam formæ externæ similitudinem, accensent, eaque *Cardamomum maximum* vocant; alii ex adverso, qui magis ad saporem respiciunt, illa inter piperis species collocanda esse, existimant. Pro meo judicio horum æquè, atque illorum sententia quodammodò admitti poterit,

quum utraque aliquo fundamento nitatur. Quicquid interea sit, *Grana Paradisi* sunt semina angulosa, cardamomi vix descripti granis majora, coloris fusci, aut subfusco-rufescentis, odoris aromatici, saporis, piperis ferè instar, acerrimi ac valdè urentis. Afferuntur ex *Indiâ orientali*, & *Africâ*, planta tamen, à quibusdam *Malaguetta* nuncupata, nondùm satis nota est, & capsulæ seminales solummodò, quibus grana hæc includuntur, magnæ, globosæ, tumidæ, ac rubicundæ esse traduntur.

§. V.

A pipere, intuitu naturæ, principiorum, atque virium, parùm recedunt, ac paulò saltèm temperatiora sunt. Activitas non solùm ad *oleum* & *principium fixum resinosum*, sed ad *gummeam* quoque *substantiam* redundat. Nam extractum aquosum primum, obscurè ac sordidè fuscum, albis maculis passim in superficie distinctum, satis acrem ac fervidum saporem possidet, licet infuso & extracto spirituosissimo primo in hoc passu non æquiparandum sit; quippe quæ urentem atque acerrimum saporem gustûs organo imprimunt. Ex unciâ unâ circiter drachmam unam & grana aliquot extracti aquosi, & drachmam unam, scrupulumque se-



mi extracti spiricuosi primi impetra-  
vi. Notandum tamen, me extractioni  
non grana contusa, sed integra adhi-  
buisse.

§. VI.

Militant magis inter condimenta cibo-  
rum, quàm medicamenta, piperi nihil-  
ominùs in casu quocunque substitui, &  
eodem quoque modo in usum trahi pos-  
sunt. Nonnulli, semina hæc inter grana  
piperis & cardamomi respectu virtutis,  
medium quasi locum, & hisce potentio-  
ra, illis remissiora esse, non sine ratione  
credunt.

CAPUT XLVIII.

*De Castoreo.*

§. I.

**C**ASTOREUM sive CASTORIUM,  
adhuc integrum, h. e., nondùm in  
frusta dissectum, duos folliculos glan-  
dulofo-membranaceos denotat, oblongè  
rotundos, in inguinibus *Castoris* (a), ovi

(a) Castor, qui etiam *Fiber*, itemque *Canis*  
*Ponticus*, Germ. *Bieber*, dicitur, amphibium  
quadrupes est, pilis mollissimis, coloris partim  
fusci, partim grysci, vestitum, ac plenè adul-

gallinacei, immò anserini, magnitudine, naturaliter prognatos, paululùmque post excisionem brevi fumigatione in camino exsiccatos, adeòque nonnihil corrugatos, intùs materiâ pingui oleosâ, melleæ in principio consistentiæ, melleique coloris, hinc inde instructos, valdè graveolentes, coloris flavo-fusci, vel rubro-aut fusco-nigricantis, saporis subacris & amaricantis nauseosi.

§. II.

Folliculi hi, sive bursulæ, quas veteres, & nonnulli pariter neotericorum pro testiculis castorum falsò habuerunt, & germanico proinde idiomate *Biebergeil* appellarunt, apud castores, mares æquè, ac fœminas, reperiuntur, & peculiaris substantiæ corpora sunt, à testiculis planè diversa. Veri enim testes, apud castores mares obvii, & ovum columbinum magnitudine vix æquantes, specifico casto-

tum, suis sex circiter mensium magnitudinem habet. Capite, quod dentibus longis & acutis armatum est; murem Alpinum vel lutram, caudâ vero, quasi squamosâ, & ordinariò pilis denudata, integrum piscem refert. Pedes breves sunt, anterioresque melis vel canis, posteriores verò anseris, vel oloris pedibus non dissimiles deprehenduntur. Conf. B. HILSCHER I *Diff. de Castorii naturâ & genuinâ in praxi medicâ usu* p. 5.

rei odore & sapore penitus destituuntur: Texturam prætereà vasculoso-tubulosam obtinent, & ità intrà abdominis cavitatem locati sunt, ut citrà necem animantis excindi nequeant; memorati folliculi autèm utrinque in inguinibus, alter nimirùm in dextro, alter in sinistro inguine, statim sub cute excrescunt, nec ullo modo cum mentulâ communicant. Præter binos hosce folliculos majores, duo adhuc minores adsunt, qui solâ tamen pinguedine repleti inveniuntur.

## §. III.

Laudata amphibia in ripis fluminum majorum atque lacuum sua exstruunt domicilia, & in *Prussiâ* atque *Poloniâ* circa *Vistulam*, in *Moscoviâ*, *Siberiâ*, & *Tartariâ* circà *Borysthenem*, *Dvinam*, *Tânaim*, *Obium*, *Wolgam*, & *Pontum Euxinum*, in *Galliâ* circà *Rhodanum*, nec minus in *Canadâ*, & *Novâ Angliâ* magno imprimis numero occurrunt, immò, ipsa *Germania* nostra, circà *Rhenum*, & *Albim*, præsertim in *Ducatu Magdeburgico*, multos castores alit. Victum suum magis in terrâ, quam aquâ, quærunt, & arborum fructibus atque corticibus præcipuè delectantur.

## §. IV.

Pro regionum atque climatum diversitate castorei bonitas differt: Optimum censetur *Prussicum* & *Polonicum*, huic *Kussicum* succedit, & infimo demùm loco *Americanum* collocatur. Prussicum genuinum reliquas species penetrante odore & sapore, viribusque medicis magnoperè superat: Genuinum, inquam; castoreum enim ad illas merces pertinet, quæ à fraudulentis, lucri majoris causâ, creberri-  
mè corrumpuntur. Massam scilicet ex gummatibus, gummi ammoniaco v. g. opopanace, sagapeno &c. componunt, eamque pinguibus folliculis castorinis postea insuunt. Mangonium hoc odor & sapor detegunt, qui in castereo genuino longè fortiores, quàm in adulterino,prehenduntur. Subindè etiàm, ad pondus augendum, arenam, globulos plumbeos, & similia corpora ponderosa immittunt, quæ fraudes, nisi folliculi aperiantur, non facilè detegi possunt.

## §. V.

Circa designandas partes castorei constitutivas, præsertim activas, scriptores medici plus minùsve dissentiant: Alii enim eidem cum HERMANNO (a) sal

(a) Cynos. Mar. Med. p. 309.

*volati'e penetrantissimum, pinguedini inclusum, aut cum LEMERIO (a) copiosum ac penetrans oleum, & sal volatile, alii cum ETTMULLERO (b) & VALENTINO (c) sal volatile oleosum, vel etiàm, uti B. HILSCHERUS fecit (d), partes salinas volatiles, sulphur copiosum explicantes, tribuunt. Quòd me attinet, nullas particulas salinas explicitas admitto, sed castoreum, stricte ita dictum, massam nempe fuscam, exsiccatione induratum, adeoque fragilem, folliculis inclusam, & adhærente pinguedine liberatam, solisque membranulis tenerrimis permixtam, ex partibus terreis, resinosis, gummeis sive mucilagineis, & oleoso-inflammabilibus constare, arbitror. Oleum substantiale tam exigua quantitate adest, ut vix, aut ne vix, in substantiâ monstrari queat, nisi magna castorei quantitas unâ vice humidæ destillationi subjiciatur; adeò tamen subtile est, adeoque mobilissimus particulis spirituosissis refertum, ut unica guttula, in halitus resoluta, magnum aeris spatium specifico castorei odore replere valeat. Huic igitur principio odor, & vires, quibus to-*

(a) Lib. sæpius cit. p. 261.

(b) V. Coll. Pharmaceut. in Schroeder. sub voce Castor.

(c) In Mus. Muscor. p. 474.

(d) In Diff. cit. p. 15.

tum castoreum, ejusdemque extracta pol-  
lent, unicè adscribi merentur. Inertes  
partes terreæ dimidium ponderis explent,  
gummæ verò ac resinosa fixæ ità invi-  
cem mixtæ inveniuntur, ut pondera ea-  
rum exactè determinari nequeant. Obser-  
vante enim NEUMANNO (a), una ca-  
storei uncia, sive aquâ primùm, sive spi-  
ritu vini rectificatissimo extrahatur, drach-  
mas duas & scrupulum unum extracti sup-  
peditat, ità tamen, ut spirituosum pri-  
mum unguinosum, & satis quoque, ob  
retentas, implicatasque multas particulas  
oleoso-spirituosas activum, aquosum  
verò fragile, siccus, & saporis non mi-  
nùs, quàm odoris intuitu, longè debi-  
lius reperiatur. Extracta secunda, propter  
inertiam suam, nullâ amplius considera-  
tione digna sunt, immò, ipsa extracta  
prima odore & virtute spoliantur, quandò  
aqua simplex semel vel aliquoties ab illis  
abstrahitur, adeoque partes oleosæ spiri-  
tuosæ, quæ solæ, uti antea dictum, acti-  
vitatis, & fragrantia rationem in se con-  
tinent, penitus separantur.

#### §. VI.

Multi maximis hoc pharmacum laudi-  
bus extollunt, multi prorsus contemnunt:  
Hi illud medicamentum *famosum* quidèm,

(a) L. c. p. 1232.

est nimis fumosum esse, & citrà artis medicæ detrimentum ex Officinis pharmaceuticis exulare posse, credunt (a); illi ex adverso vires planè egregias *sedativas*, *anodynas*, *antispasmodicas*, *nervinas*, *cephalicas*, *carminativas*, *uterinas*, & *anthystericas* eidem adscribunt, adeòque usum ejus in morbis variis, maximè autèm in convulsionibus partium, epilepsiâ, apoplexiâ, affectibus soporosis, paralyfi, vertigine, palpitatione cordis, cardialgiâ, colicâ, passione hypochondriacâ, suffocatione hysteriâ, singultu, & cachexiâ virginum, præstantissimum esse, contendunt. (i) Pro meo judicio utriusque sen-

(a) » Castorium, RIVINUS scribit, sanè  
 » mulierculis, quibus suaveolentia displicent,  
 » negare nolim: si modo medici politiores non  
 » delectentur ejusmodi sordibus. Sit ita, egregiè  
 » fœtere, necare vermes, expellere omnis gene-  
 » ris exanthemata, pollere facultatibus nervi-  
 » nis & uterinis, quid rùm postea? non desunt  
 » alia, etiàm si castoreo carerent officinæ &c.  
 » Vid. *Diss. ejus de Medicamentor. officinal. cen-*  
 » *suâ; cap. II. de nauoosis §. 8.*

(b) » Vis ejus, ETTMULLIERUS loco vix alle-  
 » gato inquit, fundata est in sale admodùm oleo-  
 » so acri & penetrante, & sensus graviter affi-  
 » ciente. Undè imprimis ad affectus nervinos do-  
 » lorosos & capitis multùm valet, ubi sensuum  
 » hebetatio adest, quos fortiter ferit, spiritus  
 » etiàm animales torpidos excitat, indeque in le-  
 » thargo, paralyfi, apoplexiâ, epilepsiâ, & qui-

tentiæ patroni , hi laudando nimium ,  
illi vituperando , justos limites transgre-  
diuntur. Pollet omninò castoreum , pro-  
pter tenerrimum , mobilissimumque prin-  
cipium suum oleosum , & expansivum  
spirituosum , viribus *discutientibus* , *com-*  
*moventibus* , & *anodynis* , ideòque in mor-  
bis memoratis , aliisque , suppositâ tamèn  
frigidâ magis , quam calidâ causâ mate-  
riali , non contemnendum præstare va-  
let auxilium : Quòd in iis autèm promif-  
cuè , h. e. , præsentè causâ quacunque ,  
in usum trahi possit , concedere nequeo ,

» busvis affectibus convulsivis , tam internis ,  
» quàm externis , aphonîâ , vertigine castorium  
» frequentissimi & egregii usûs est , quocunque  
» modo adhibitum , imò est nobilissimum reme-  
» dium carminativum , & flatuum discussivum ,  
» unde in affectibus intestinorum & abdominis  
» torminosis & flatuosis , inflatione stomachi v.  
» g. , colicâ flatulentâ , passionibus hystericis ,  
» suffocatione hypochondriacâ &c. sacra anchora  
» est , sive externè appensum , sive internè pro-  
» pinatum , ac idum in primis viis , præprimis ex  
» pancreate , & quocunque in corpore humano  
» corrigit , motusque convulsivos potenter sistit  
» & compescit. Ulteriùs in aurium tinnitu , asth-  
» mate convulsivo , epileptîâ uterinâ , aliisque  
» morbis uteri , in specie pro usu pellendi fœ-  
» tum & secundinas , cendi menses suppressos ,  
» & cum difficultate ac variis abdominis pathe-  
» matibus fluentes , sistendi mulierum dolores  
» post partum , & promovendis lochiis aperto  
» consilio datur , & cum myrrhâ sociatur. &c.



dùm affectus memorati persæpè à causâ calidâ biliosâ, vel etiâ ab abundantia, orgasmo & congestione sanguinis, similibusque causis, quæ expandentia minimè perferunt, nunc proximè, nunc remote, oriuntur.

## §. VII.

Pro usu interno pulveribus quidè, electuariis, ac pilulis, ad grana aliquot, additur, optimè tamen in essentiâ, à decem ad triginta guttas, exhibetur. Externè inter odoramenta anthysterica locum occupat, nec rarò quoque emplastra & unguenta roborantia, nervina, antepileptica, antispasmodica &c., itèmq; pulveres errhinos atque cephalicos ingreditur.

## §. VIII.

Cum ipso castoreo, quoad principia volatilia, AXUNGIA sive PINGUEDO CASTOREI, quæ in folliculis minoribus sola reperitur, in majoribus verò substantiæ duriori, seu castoreo propriè ita dicto, passim adhærescit, indèque abraditur, liquatur, posteaque seorsim asservatur, convenit. Penetrantem enim castorei odorem & saporem specificum possidet, nec ullo igitur modo dubitandum est, quin simillimis particulis oleoso-spirituosis,

similibusque viribus instructa sit. Internè ob nauseam, quam assumentibus creat, nunquam præscribitur, externè autem frequentissimè unguentis *nervinis*, *anti-paralyticis*, *antispasmodicis*, *antepilepticis*, *anticolicis* &c. miscetur, immò haud rarò per se contrà singultum & colicam flatulentam, convulsivam, hystericam, regioni umbilicali & hypochondriis, vel spinæ etiàm dorsali, præsentè epilepsiâ, inungitur.

---

## CAPUT XLIX.

### *De Moscho & Zibetho.*

#### §. I.

**M**OSCHUS, *Biesam*, *Musc*, est substantia grumosa, sicca, contactu tamen nonnihil pinguis, sanguini exsiccatò & in frustula minima diffractò quodammodò similis, coloris fusco-aut ferrugineo-nigricantis, saporis subacris amaricantis, odoris balsamici fragrantissimi.

#### §. II.

Eximitur è naturali quodam folliculo, rotundo, duro, piloso, qui apud sic dictam *Capreolam* sive *Dorcadem moschi-*

*feram* (a) in abdomine propè inguina ,  
 ovi gallinacei magnitudine , excrescit.  
 Vivunt hæc animalia in regnis *Thibet* ,  
*Pegu* , *Tunquin* , pleribusque *China* & *In-*  
*dia orientalis* tractibus , immò in *Siberia* &  
 & *Tartaria* notabili hinc indè numero  
 obvia sunt. *Moschus orientalis* , præsertim  
 in regno *Thibet* collectus *moschum Rus-*  
*sicum* , ex *Siberiâ* &c. allatum , partium  
 volatilium subtilitate atque copiâ , adeò-  
 que odoris etiâ fragrantia , longè supe-  
 rat , & multò cariori proinde pretio ven-

(a) Animal *mochiferum* neque capris sylvestri-  
 bus , neque dorcadibus perfectè cœcoferi posse ,  
 sed singulare quadrupes esse , tum corpori totius  
 tum partium nonnullarum forma à capris & dor-  
 cadibus distinctum , quidam rerum naturalium  
 scriptores dudùm agnoverunt : » Animal *moschi* ,  
 » *JOH. CYPRIANUS* in *Cont. Hist. Animalium*  
 » *FRANZII* T. I. p. 749. inquit i. e. , pretiosi ac  
 » suavis adorationi illius in *Indiâ* , *Tartariâ* ,  
 » *Sinâ* , *Aldrovandus* capris accenset , alii capreis  
 » annumerant , alii leprosis aut vulpis figurâ de-  
 » cribunt. Qui inter diversas ejus ab authoribus  
 » productas icones eam , quæ exactissima putatur  
 » à *Luca Schrockio* Med. D. & Physico *Augusta-*  
 » *no* , recentissimo , solertissimoque *Moschi* scru-  
 » tatore , intuetur , inter capras non refert , nec  
 » inter capreolos , cum barbâ & cornibus ca-  
 » reat , exsertos etiam dentes , quibus animal *mo-*  
 » *schiferum* instructum , capreolorum , dorca-  
 » dum , cervorumque genus nullum ostendat.  
 » Cruribus & pilis capreolum repræsentat , vul-  
 » tus lupinus est , collum camelinum. &c.

ditur. Fraudulenti præstantiorem moschum orientalem viliori Russico, vel etiã, ad pondus augendum, sanguine exsiccatò, terrâ Japonicâ, stercoribus murium &c. miscent; quæ mangonia, si materiæ peregrinæ modicâ quantitate additæ fuerint, interdum difficillimè cognoscuntur.

§. III.

Scatet singulare hoc concretum *particulis tenerrimis, mobilissimis, fragrantissimisque oleoso-spirituosis*, quæ *fixiori matrici gummeo-resinosa-terrea* plus minùsve involutæ sunt, indeque sensim exhalando secedunt, & aerem circumfusum, aliaque corpora, quibus sese insinuant, specifico moschi odore valdè imbuunt. Subtilitas earum maxima omninò, ac prorsus stupenda est: Unicum quippe moschi granum per aliquot annos absque intermissione fortem diffundit odorem, & integram pulveris cujusdam inodori libram, si intimiùs triturâ misceatur, odore fragrante imprægnare valet. Moleculæ fixæ resinoso-gummæ unam, terreæ inertes alteram fermè totiùs ponderis partem dimidiam constituunt. Priores odoratissimo principio volatili admodum turgidæ, & tantoperè invicem mixtæ inveniuntur, ut aquâ non minùs, quàm spiritu vini

rectificatissimo maximam partem solvi possint : Gummea tamen sive mucilaginea substantia paulò majori quantitate, quàm resinosa, adesse videtur, quoniam moschi drachma una plerumque grana viginti quatuor extracti primi aquosi, & unica solummodò scrupulum extracti spirituosi primi fœneratur (a). De *volatilibus particulis salinis*, quæ oleoso-spirituosis inflammabilibus sociatæ censentur, multa addere nolo, quum natura earum nondùm satis innotuerit : Si paucis tamen, quid sentiam, dicere licet, urinosa easdem indolis esse, arbitror. Credo quoque, præter urinosas, massæ fixiori tenerrimas quasdam *ammoniacales* inhærere, quoniam affuso oleo tartari per deliquium halitûs urinosi vestigia notantur, & tenerrimum præterea sal ammoniacale, nisi omnium, certè tamen plerarumque, partium animalium mixtionem ingreditur.

## §. IV.

*ZIBETHUM* *Giebeth*, *Civette*, est substantia unguinosa, pallidè flavescens, consistentiâ mel aut butyrum æmulans, saporis subacris, odoris balsamici fragrantissimi. Pretiosa hæc pinguedo apud *Animal Zibethicum*, quod nonnulli, propter

(a) Conf. Neumann. L. c. p. 1289.

aliquam formæ similitudinem (a), etiã *Felem* aut *Catum Zibethicum*, *Catum odoriferum* &c. vocant, è sanguine, & quidẽ in certo folliculo glanduloso, apud mares inter anum & penem, apud fœminas inter anum & pudenda, ideòque in perinæo, naturaliter sito, atque in duos loculos diviso, secernitur, indeque, largiùs collecta, vel sponte per ductum excretorium effluit, vel ab ipso animante, quamprimùm in loco molestum sentit pruritum, vi exprimitur, arborumque truncis ac ramis, aliisque corporibus solidis sub folliculi prurientis affricu illinitur, vel certis etiã temporibus, apud capta nimirum, cancellis inclusa, atque nonnihil cicurata hujusmodi animalia, è laudatis loculis, parvi cochlearis ope, eximitur. In locis sylvestribus collectio

(a) Animalia Zibethica in *Indiâ orientali*, *Chinâ*, *Brasiliâ*, aliisque *Asia*, *Africa*, & *Americæ* regionibus sylvarum incolæ sunt, & magis vulpem, quàm felem, corporis formâ referunt. Caput habent longum, dentes nigros & acutos, pedes breves, caudam prolixam ac satis pilosam. Pelle teguntur cinerei coloris, striis tamen ac maculis nigris, præferrim apud fœmel'as, eleganter distinctâ. Animalia admodum fera sunt, & capta igitur, & cancellis inclusa, difficiliùs paulò mansuescunt. Zibethum orientale, quod addere placet, occidentali sive Americano præstantius esse dicitur.

non rædiosa solùm , sed etiàm parcissima est, quoniàm animalia Zibethica , ex antris suis egressa , hinc inde cursitant , arboreisque scandunt , & promanantem itaque , vel expressam materiam unguinosam sparsim , & exiguâ duntaxat quantitate arboribus &c. affricant. In principio, quòd monendum duco , Zibethum colorem albicantem habet , aliquandiù verò asservatum , flavescentem , tandèmque subfuscum induit.

## §. V.

Ex duplici saltèm principio , altero nimirum *spirituoso , mobilissimo , oleoso-inflammabilis naturæ* , altero *crassiori , pingui , unguinoso* , constat , Hoc involucrum quasi , seu receptaculum constituit , illud massæ fragrantiam , & præcipuam activitatem largitur. Portio spirituosa , iteratâ destillatione humidâ , maximam quidèm partem à spissiori substantiâ separatur , & aquam transtillantem fragrantissimo odore imbuit , ob summam tamen teneritudinem ac mobilitatem , in molem conspicuam redigi , adeòque relativum quoque ejus pondus exactè determinari nequit.

## §. VI.

Parùm vel nihil discriminis , intuitu

virium & usûs, moschum & Zibethum intercedit, præterquàm, quòd Zibethum odore suo faciliùs, quàm moschus, nauseam creet. Cruorem, fluidum nerveum, ceterosque humores mirificè expandunt, & forti hac expansione persæpè capitis dolorem, vertiginem, lipothymiam, apud plethorica inprimis subjecta, provocant, immò, solus odor eorum multis, tam masculini, quàm fœminini sexûs, hominibus, maximè autem fœminis hysterici adeò adversatur, ut eundem citrà animi deliquum, summamque anxietatem, diù perferre nequeant: Hinc per se etiàm rarissime, vel nunquàm, à medicis provis præscribuntur, sed aliis tantummodò medicamentis, tam internis, quàm externis, spiritus v. g., aquis spirituosis, speciebus, rotulis, morsulis, balsamis liquidis, & spissiusculis, unguentis, emplastris, massis odoratis, pulveribus cypriis &c., dosi valdè exiguâ adduntur. Notandum tamen, moschum Zibetho in hoc passu præferri, & longè frequentius laudatum medicaminum condimentum odoriferam constituere.

(a) PAULUS HERMANNUS moscho vires analepticas, cardiacas & anthystericas tribuit. Sed, quomodò illæ cum memoratis, frequenti experientiâ satis comprobatis effectibus conciliari possint, non intelligo, faciliùsque fragrantissi-



## CAPUT L.

*De Succino & Ambra.*

## §. I.

**S**UCCINUM OFF. *Birnstein, Ugtstein, Succin, Ambre jaune*, est bitumen minerale, durum, splendens, nunc opacum, plus minusve pellucidum, eminente vi electricâ præditum, coloris vel flavi, aut flavescientis, vel albi, vel flavo-rubicundi, immò interdum, tametsi paulò rariùs, subflavo-viridescentis odoris, si prunis injicitur, aut panno saltèm villoso &c. fortiùs affricantur, grati balsamici. Dicitur etiam *Carabe, Karabe*, itemque *Electrum, Glessum, Ambra citrina, Ambra occidentalis* &c.

## §. II.

In variis quidèm regionibus, *Angliâ* nimirum, *Poloniâ, Hungariâ, Moraviâ, Bohemiâ, Italiâ, Silesiâ, Saxoniâ, Marchiâ Brandenburgicâ*, nec minùs circa mare Balthicum in *Livoniâ, Finnoniâ, Curlandiâ, Holsatiâ, Daniâ, Sueciâ* &c. majora & minora succini frusta persæpè remum hoc concretum insultus hystericos & lypothimias accersere, quam profligare, credo.

perta fuerunt, immò hodiernum in tractibus arenosis subindè reperiuntur, aut fortuitò etiàm inter arandum ac fodiendum è terrâ eruuntur, nullibi tamen in recensitis telluris tractibus tantâ copiâ occurrunt, ut pharmacopoei & artifices necessariam indè quantitatem petere possent, sed sola *Prussia* gentibus plerisque copiam desideratam largitur. Hic enim à piscatoribus è mari Balthico prope littora Sudavica singularibus retibus copiosè extrahitur, partim etiàm, postquàm, borea aut Zephyro flante, à commoti pelagi undis major vel minor portio in littus ejecta fuit, ex arenâ colligitur, partim in *Sambia* locis quibusdam, à mari magis minusve diffitis, è tellure, cujus viscera venæ bituminosæ succiniferæ hinc inde perreptant, effoditur. In stratis sive venis hisce, quæ ex arenâ, vitriolo martiali, aut ejus tamen minerâ, & nigrâ materiâ cespitosa-bituminosâ, petroleo prægnante, lignumque fossile habitu externo atque formâ æmulante, constant, illud quoque succinum, quod in fundo maris reperitur, suos natales habet, & inde saltem ab aquâ marinâ, per subterraneos cuniculos intrante, eluitur: Hinc ratio quoque manifesta est, cur succinum majori duntaxat copiâ propè littora obvium sit, in locis verò maris Balthici,

à promontorio Sudavico, laudatisque venis succiniferis longiùs remotis, rariùs inveniatur.

### §. III.

Ad naturalem succini mixtionem, sive album, sive aureum, flavescentem, flavo-subviridem, aut flavo-rubicundum, sive alium adhuc colorem (a) obtineat, semper *petroleum* & *acidum vitrioli* concurrunt, ità tamen, ut parùm quoque *terre* & *aquæ* in consortium recipiant. Petroleum, cujus color aureus, & interdùm quoque, quanquàm rariùs, albicans, aut flavescent, rubicundus, viridescens &c. existit cum parte terreâ basin præbet, & præcipuam diversi coloris rationem in se continet, acidum vitrioli verò, sub halitùs, aut tenuis liquoris formâ

(a) Quamvis HARTMANNUS, octoginta succini species, colore plus minùsve distinctas, reperiri, in *Historiâ Succini Prussici* referat; certo tamèn certius est, omnes ac singulas de albo, flavo, rubente, & subviridi colore præcipuè participare, & prædictam igitur varietatem à singulari solummodò, ac diversissimâ colorum memoratorum exaltatione & miscelâ dependere. Nam, quòd sic dictum *Succinum nigrum* attinet, illud *Gagata* aut *Asphaltum* species, vel aliud quoddam peculiare bitumen fossile est, nec ullum ideò locum inter succini veri species sibi vindicare potest.

paulatim

paulatim sese insinuans, massam terreo-oleosam in corpus solidum coagulat. In principio, h. e., post primam coagulationem, frusta succini, quod variæ observationes, alibi recensitæ, abundè comprobant, aliquâ adhuc mollitie ac friabilitate gaudent, & in aquâ demùm marinâ, vel sensim quoque in ipsis stratis aut venis cespitoso-bituminosis perfectè indurescunt.

§. IV.

Laudata succini elementa, quoad qualitatem & proportionem, destillatione siccâ faciliè demonstrantur. Quandò succini enim portio in retortam vitream aut terream loricatam, carbonibus immèdiatè imponendam, absque additamento immittitur, & ignis successivè augetur, primò liquor spirituosus aqueo-acidulus cum oleo subtiliori, leviori, volatiliori, clariori, flavescente, deinde oleum rubicundum mediæ consistentiæ, tandèmq; crassius, gravius, fusco-nigricans, prodeunt. Oleo maximam partem expulso, sal siccum, volatile, albicans, pingue, acidulum, ascendit, & collo retortæ, partim etiàm receptaculi parietibus adhærescit, & nihil itaque, nisi pauca materia carbonaria terrestris in retortæ fundo remanet. Oleum subtile, statim in

principio destillationis prolectum, in spiritu vini rectificatissimo solvitur, adeoque indolem magis ætheream, & teneriorem texturam prodit, crassius verò solutionem in eodem, quoad maximam partem, respuit. Secundum accurata B. NEUMANNI examina succini vulgaris libra una duodecim ferme uncias olei, unciam unam cum semisse phlegmatis, unciam unam capitis mortui terrestris, & quatuor circiter drachmas cum dimidiâ salis aciduli suppeditavit (a). Quicquid circa totum pondus deficit, procul dubio ad volatilia principia aqueo-salino-oleosa pertinet, & partim per vasorum commissuras sub halitûs formâ penetravit, partim in vasis, parietibus hinc inde adhærescens, relictum fuit.

## §. V.

Egregias vires *nervinas, cephalicas, cardiacas, & uterinas* bituminosum hoc concretum in corpore humano exerere, & urinam quoque, fœrunt; & secundinas potenter pellere, medicorum plerique hætenus crediderunt. Verum, si de succino, in substantiâ exhibito, sermo est, assensum meum simpliciter largiri nequeo, quoniam in ventriculo, etiamsi in pulverem tenerrimum redactum sit, à

(a) Vid. Lect. ejus de Succino.

liquore gastrico nunquàm perfectè solvitur, sed modicâ saltèm subtilioris ac volatilioris substantiæ oleoso-spirituoso-inflammabilis odoratæ portio extrahitur, partim etiam blando ventriculi calore expellitur, & in halitum tenerrimum mutatur. Pars rudior indissolubilis vasa bibula & lactea subire nequit, & necessariò iterùm cum excrementis alvinis excludi debet, pars resoluta verò atque halitiosa ad sanguinem quidem, tùm filtrando, tùm inhalando, penetrat, ibidemque lenissimam comotionem ac discussionem præstat: An indè autem laudatæ vires nervinæ, cephalicæ, cardiacæ, diureticæ, uterinæ atque pellentes sufficienter deduci queant, judicent sagaciores. Ego sanè rationem sufficientem non invenio, & succinum itaque inter debilia ac parùm activa nervina referendum esse, arbitror. Nolo tamen dicta ad tincturam extendere, quæ mobilibus particulis oleoso-inflammabilibus largiùs imprægnata est, & vegetiorem omninò operationem exercet, præsertim cùm activitas ejus spiritûs vini connubio, ac simul inhærente sale alcalico, quòd plerumque sub extractione additur, haud parùm intendatur. Externè succini integri usus majoris fermè momenti est, dùm usitatissimum, præstantissimumque suffi-

migiorum ingrediens constituit, quæ contra aerem corruptum, dolores partium rheumaticos, catarrhos, tumores partium œdematosos, & frigida uteri vitia in auxilium vocantur.

## §. VI.

Ad bituminum mineralium censum AMBRAM SOLIDAM quoque referre nullus dubito, etiamsi scriptorum aliqui de animali, alii de vegetabili ejus origine tam multa ac varia tradiderint, ut numerosissimæ inde hypotheses enatæ fuerint (a). Pro meo judicio Ambra strictè ita dicta non genere, sed saltèm specie, à succino differt, & corpus sistit opacum, splendore destitutum, leve, siccum quidem ac fragile, contactu tamen nonnihil pingue, ad ignem facile liquefcens, totum ferè inflammabile, in manu calidâ, ceræ instar, mollescens, rarò lævis, sed difformis plerumquè superficiei, odoris suavissimi, saporis nulliùs singularis, coloris vel albi, vel grisei, vel flavescentis, cinereo-nigricantis, fusci, nigri, aut variegati. Ambra grisea, præsertim stria-

(a) Plura de diversis opinionibus, quæ circa originem ac genesin Ambraë successive innotuerunt, in KLOBII *Ambrologiâ*, & adhuc melius in NEUMANNI *Lectione de Ambra* videri possunt.

ta, aut maculis albicantibus, flavescentibus, aut nigricantibus donata, censetur optima, nigra verò & perfectè alba ignobilior existit (a). Subindè rostra avium, spinæ piscium, aliaque heterogenea inhærent, nec rarò quoque frusta majora & minora foris crustâ nigricante obducta sunt.

§. VII.

Affertur ambra præcipuè ex *Indiâ orientali*, ubi in variis oceani locis, maximè autèm juxtà *promontorium Comorinum*, propè *littora Æthiopiæ & Japoniæ*, itèmque circà *insulas Sumatram, Borneo, S. Laurentii, Mauritii, & plerasque Moluccanas*, à piscatoribus, nautis, aliisque ex

(a) » Ambraë, KÆMPFFERUS *Amoenit. exot.*  
 » p. 633. scribit, ex venarum subteranearum  
 » diversitate; multa varietas est, & suis quæque  
 » regionibus propria; adeò, ut ex ejus inspectio-  
 » ne etiàm natale littus, quo recepta sit, à gna-  
 » ris cognosci possit: perindè ut exercitiores  
 » oenopolæ vini degustati provinciam indicant.  
 » Alia enim bitumini crudiori, asphalto, vel  
 » naphthæ atræ exsiccatæ similior est, adeoque ni-  
 » grior, densior, gravior, vel minùs; alia, ex  
 » nobiliorum particularum admixtione, candi-  
 » dior, carior, levior, vel minùs; alia sæpe  
 » fungosa admodùm, ut acutissimus *Scaliger*, Se-  
 » rapionem amplexus, ambra non ineptè pro  
 » fungo maris habuerit, &c.



aquâ marinâ, cui per intervalla, prægressa inprimis forti pelagi agitatione, hinc in frustra minora & majora (a) innatant, extrahitur, vel subindè etiâ in littore, ejusdemque cavernis reperitur. Sensim frustra memorata è fundo maris, postquàm à subterraneâ suâ minerâ, undis inprimis vehementiùs sævientibus, violenter avulsa, & abrepta fuerunt, ad superficiem assurgunt, eorundemque alia in matricè suâ dudùm indurata prodeunt, alia, quòd inhærentia heterogenea, maximè autèm spinæ piscium, & parva avium rostra satis testantur, aliquantulùm adhuc mollia in aquam transferuntur. Orca, animal marinum ex piscium cetaceorum familiâ, ambraë frustra, aquæ innatantia, persæpè deglutire, nec rarò iterùm evomere, aut per alvum reddere dicitur; hinc ambram quoque in folliculo seu cystide quadam ventriculi apud pisces hosce generari, multi, quanquàm absque sufficienti ratione, crediderunt. Ambra cæteroquìn, ab orcâ deglutitâ priùs, ac denuò ejecta, vel etiâ ex pisce occiso exempta, reliquis ambraë ge-

(a) De grandioribus ambraë frustis, quæ aliquot libras, integrum centenarium, quin aliquot subinde centenarios pependerunt, NEUMANNUS *L. c.* multa exempla specia'ia, à variis scriptoribus, fide dignis, suggesta, attulit.

nuinæ speciebus longè ignobilior est, quoniam odorem debiliorem, fœtido peregrino mixtum, spirat, & ratiorem præterea friabilioremque texturam obtinet (a).

§. VII.

Collectores & mercatores fraudulentæ ambra genuinam, præsertim recentem, massæ fatinacæ instar molliusculam, variorum corporum miscelâ persæpè corumpunt, vel spuriam prorsus ex pice, cerâ, resinâ, storace, ladano, benzoe, succino, moscho, ligno aloes, similibusque componunt, & ignaris seorsim pro verâ vendere, vel genuinæ tamen miscere haud erubescunt. Emptor itaque, si fraudes crassiores evitare velit, ad habitum externum, consistentiam, liquecen-

(a) Postremæ notæ, sunt iterùm verba KÆM-  
PFFERI l. c. p. 635., ea censetur ambra, quæ in  
intestinis balænarum invenitur; virtute quippe  
suâ plurimum ibidem imminutâ. *Mokos*, ceti  
genus, trium, & ad summum quatuor oryia-  
rum longitudinis, circâ Japoniam capitur;  
cujus intestina frequentissimè ambra exhi-  
bent: estque latentis nota, si intestinum sol-  
ventibus illicò occurrat grumosa, calcique si-  
milis materia. Frequens est in Japoniâ, quæ in  
balænae extis inventa, vel cum excrementis,  
dum viveret, in mare egesta fuit; unde vulga-  
ri linguâ Japones ambra appellant *Kusura no*  
*fun*, i. e., stercus balænarum. &c.

di promptitudinem, colorem, saporem,  
 & specificum inprimis odorem, quem  
 ambra integra non minùs, quàm prunæ  
 aut metallo candefacto imposita, diffun-  
 dit, probè attendere debet: Suffitus enim  
 adulteria optime detegit, reliqua crite-  
 ria sæpissimè fallunt: » Non est melior,  
 » *sæpe allegatus* KÆMPFFERUS *l. c. p.*  
 » 635, *scribit*, bonitatis & constantior  
 » nota, quam si candenti laminæ ejus  
 » granula aliquot imponantur; quo ipso  
 » suffitûs prodit adulterium, & cineris  
 paucitas bonitatem &c. Conf. etiam *New-*  
*mann. l. c.*

## §. IX.

Monstrante analysi chemicâ, ambra  
 eadem quidem principia, quæ succinum  
 possidet, circâ proportionem tamen dis-  
 criminis quidquàm observatur, oleum-  
 que comparativè majori, terrâ ex adver-  
 so longè minori quantitate mixtionem in-  
 grèditur. HERMANNUS, NICOLAUS  
 GRIMIUS, in Indiâ orientali tunc tem-  
 poris degens, aliquandò unciam unam am-  
 bræ griseæ destillationi siccæ subjecit, in-  
 deque, igne gradatim aucto, primò li-  
 quorem aqueum, deindè liquidum spirituo-  
 sum, & oleum prodiisse, tandemque pau-  
 xillùm salis sicci sublimatum fuisse, testa-  
 tur. Producta hæc perfectè succini dissolu-

ti productis conveniebant, præterquàm, quòd oleum paulò gratiorem odorem diffunderet. Residuum picem habitu externo referebat, & plures sine dubio partes volatiles oleoso-salinas reddidisset, si, adhibito intentiori ignis gradu, destillatio diutiùs protracta fuisset. Ambra enim paucissimas saltèm partes terreas continet, & quoad totam fermè molem in phlegma, oleum, & sal volatile acidulum resolvi potest; quemadmodùm hoc B. NEUMANNUS expertus est (a), cum unicam ambrae gryseæ drachmam simili modo destillaret, & adæquatum in fine ignis gradum adhiberet. Obtinuit enim scrupulos duos cum dimidio olei, grana quinque aquæ, grana duo salis aciduli volatilis, & unicum solummodò granum materiae siccae, pulverulentæ, terrestris. Bina grana, quæ deficiunt, sine dubio invisibili exhalatione consumpta fuerunt. Sal siccum volatile, præsertim in parvâ ambrae mole destillationi impenditur, non semper seorsim in conspectum venit, sed, penitus translatum, phlegmati immergitur, & majorem illi acorem conciliat.

§. X.

Quandò ambra cum aquâ simplici di-

(a) L. c. 1419.

geritur, vel planè coquitur, nonnihil quidè resinæ instar, liquefcere incipit, solutionem verò respuit, & aquam suavi duntaxat odore paululùm imbuit. In spiritu vini rectificatissimo quoque, tam simplici, quàm tartarifato, nunquàm penitus, blandâ solummodò digestionè in auxilium vocatâ, dissolvitur, sed modica saltèm portio, quæ menstruo fragrantiam, debilemque saporem balsamicum communicat, extrahitur: Sin coctio verò sive ebullitio protractior, optimè in cucurbitâ peragenda, accedit, & menstruum prætereà nonnihil simul oleosum adhibetur, tota fermè solvitur, & tincturam valdè activam largitur.

## §. XI.

Liquidò ex prædictis patefcere arbitror, quòd in ventriculo nulla plenaria ambræ, in substantiâ assumptæ, solutio, sed aliqua saltèm, longè tamen copiosior, quàm apud succinum, partium subt liorum extractio contingat, & quòd medica igitur activitas unicè à separatis & extractis hisce particulis tenerioribus expectanda sit. Hæ ipsæ enim ob teneritudinem suam ac mobilitatem facilè ad sanguinem transeunt, eundemque, ut & fluidum perveum blandè agitant, atque expandunt, motumque circularem vegetiorem red-

dunt, & generali hac operatione moderatas quasdam vires *nervinas*, *cephalicas*, *cardiacas*, *analepticas*, *aphrodisiacas*, aliasque, quæ ambrae vulgò adscribuntur, omninò exerere valent. Succino in hoc passu præferri quidèmeretur, cavendum tamen, ne vires ejus ultrà justos activitaris terminos, uti fieri solet sæpissimè, extendantur. Per se internè præscribitur rarissimè, sed aliis solummodò medicamentis compositis, ad augendam magis, aut conciliandam odoris suavitatem, quam virtutem, refractâ dosi additur. Tinctura frequentiore ferè usum invenit, & majorem quoque effectum edit, præsertim si solutis aut extractis particulis largiùs imprægnata sit.





## SECTIO XIII.

DE AMARICANTIBUS ;  
 Austeriusculis , blandè Balsami-  
 cis , acriusculis , terreo-aut mu-  
 cilagineo - subadstringentibus ,  
 aliisque , sapore mixto donatis.



### CAPUT PRIMUM.

*De naturâ , differentiâ atque virtute diverso-  
 rum horum simplicium in genere.*

#### §. I.



IMPLICIA hujus Sectionis ,  
 specialius in sequentibus de-  
 scribenda , odore & maximè  
 sapore plus minùsve ab invi-  
 cem distincta inveniuntur , ac jure igi-  
 tur sub diversis classibus collocanda sunt.  
 Sapor quippe , qui primarium hoc loco  
 differentiæ fundamentum suppeditat , in

aliis *amaricans*, aut *amarus*, in aliis *austerus*, vel *austeriusculus*, in aliis *blandè balsamicus*, in aliis *terreo*-aut *mucilagineo-subadstringens* est, rarissimè tamen purus ac solitarius, sed alio aliisve v. g. *amarus* aut *amaricans subdulci*, *austeriusculo*, *subacri*, *salso*, aut *balsamico*, *austerus* & *austeriusculus amaricante*, *amaro*, *balsamico*, *acriusculo*, *subdulci* &c. mixtus. Nonnulla eorum, immò pleraque, ad amara quidè, austera, & balsamica, in præcedentibus dudùm pertractata, referri potuissent: Verùm, quum odor balsamicus in horum aliis longè remissior, in aliis fugacissimus existat, & sapor amarus quoque atque austereus in plerisque, quæ illum possident, multò debilior sit, se jungere illa, & in hac Sectione seorsim describere, consultius duxi.

## §. II.

Principia fixa, *resinosa*, *gummea*, aut *mucilaginea*, quibus *insipida* & *inodora subadstringentia* prædita sunt, plerumque valdè terrea & inertia reperiuntur; hinc gustûs quoque & olfactûs organis non adèò singularem saporem & odorem post separationem imprimere, multo minùs eminentem in corpore humano mutationem producere valent. *Austeriuscula* & *Amaricantia*, quoad partes activas, cum auste-



ris & amaris fortioribus conveniunt; quare repetere hoc loco, quæ alibi sufficienter de iis dicta fuerunt, supervacaneum iudico. Sufficiat adjecisse, hæc, cum saporis sint debilioris, minorem principii primarii quantitatem in mixtionem genere reconditam, vel illud tamen, si sit resinoso-gummeum, si gummeo-resinosum, longè remissioris indolis existere. Eadem propemodùm de *Austriusculis amaricantibus*, *amaro-austeris*, tum inodoris, tum simul odoratis balsamicis, nec minùs de *acriusculis* ac *blandè balsamicis* dicenda erunt. Inodora enim sola principia fixa gummeo-resinosa, resinoso-gummea, vel resinoso-gummeo-terrea, specificè tamen distincta, foveant; odorata autem, licet parùm vel nihil olei substantialis, recepta etiam notabili quantitate, sub destillatione humidâ reddant, tenerimum tamen, mobilissimum, fugacissimumque principium balsamicum cum aquâ transmittunt, & decoctum, in cucurbitâ aut vesicâ relictum, fixis partibus tam gummosæ, quàm resinosæ indolis, adeò imprægnant, ut similis conditionis extracta inde blandâ evaporatione parari queant. Nonnulla quoque inter ea occurrunt, quæ *sale quodam falso modice instructa* sunt.

§. III.

Inspida terreo-resinosa & terreo-resinoso-gummea lenissimè saltem, austeriuscula, purè talia paulò fortiùs partes corporis solidas constringunt, & aliquantulum proinde, majori nimirum vel minori adstrictione mediante, flacciditatem eorum corrigunt, adeòque roborant paululum, vim contractilem, ipsamque contractionem, absque humorum exagitatione, augment, leniterque urinam pellunt: Hinc jure inter blanda traumatica, diuretica, lithontriptica, & tonica referuntur, & in variis itaque morbis, qui mitiora roborantia & adstringentia postulant, non sine fructu adhibentur. Eximiam quoque opem subinde in ulceribus, & vulneribus consolidandis, sanguine congrumato, epilepsiâ, & diabete ferunt.

§. IV.

Ab hisce plus minusve, respectu videlicet virium medicarum, austeriusculo-amaricantia, tum inodora, tum simul odorata balsamica, distincta inveniuntur. Propter amaritiam enim atque volatilis principii miscelam simul blandè abstergunt, discutiunt, lenissimam diaphoresin atque diuresin movent, tutius ac

certius roborant, & plus igitur ad humores purificandos, quàm merè austeriuscula, valent; præsertim, cum virtus adstrictoria in plerisque valdè moderata sit, & in recessu demùm sese nonnihil manifestet.

## §. V.

Vires non contemnendas in genere exerere creduntur in coryzâ, febri catarrhali, affectibus pectoris, tussi v. g., asthmate, phthisi incipiente, raucedine, nec minùs in sanguinis ac lymphæ impuritate, variisque inde propullulantibus affectibus scabiosis, rheumaticis, arthriticis, catarrhalibus, obstructionibus viscerum chronicis, suppressione consuatarum se-& excretionum, doloribus variarum partium, calculo, dysuriâ, ischuriâ, cephalalgîâ, febribus continuis, præsertim malignis, & sic porrò. Nonnulla quoque eorum, licet sanguini purificando parùm cæteroquin inferviant, egregiè ac planè specificè, uti v. g. cortex Peruvianus, febres intermittentes, præsertim refractarias quartanas, fugant, immò, quædam, temperata nempe balsamica, quæ, ob principii austeriusculi absentiam, nullum planè adstrictionis effectum edunt, potentiùs paulò humores, interveniente blandâ diaphoresi atque diuresi, hetero-

*de Amaricantibus, austeriusculis &c.* 425  
geneis quisquiliis liberant, & auxilium  
ideò in scabiosis inprimis, venereis, simili-  
busque affectibus ferunt; quemadmo-  
dum de singulis hisce in statim subsequen-  
te tractatione specialissimâ plura videnda  
sunt.

---

## CAPUT II.

*De Radicibus Paeoniae & nymphae.*

### §. I.

**R**ADIX PAEONIAE MARIS FOLIO NIGRI-  
CANTE SPLENDIDO C.B. *Racine de Pi-  
voine mâle* tuberosa ac crassa est, foris sub-  
fusca, intus pallida, versus peripheriam ta-  
men venulis rufescentibus passim distincta  
saporis post exsiccationem mucilagineo-  
terrei, lenissimèque in recessu adstringen-  
tis, odoris nullius. Recentissimè effossa sa-  
porem debilem subdulcem, lenissimâ ac re-  
dine mixtum, & parum quoque odoris ob-  
tinet. Planta apud nos solummodò in hor-  
tis colitur, & radices ordinario tempore  
vernali, antequàm germina protrudant,  
effodiuntur.

### §. II.

Præter rudiores partes terreas, & so-  
lubilia principia fixa terreo-resinoso-gummea,

nihil ampliùs singulare in radice exsiccatâ demonstrari potest, nullamque ideò rationem solidam invenio, cur multi medicorum simplici huic *vaporosum* paritèr *principium activum* adscripserint, indeque virtutes varias derivare ausi fuerint. Vi-res sanè, quas exerit, unicè à laudatis principiis fixis, maximè autem à resinoso, dependent, etiamsi in hisce etiàm non adeò magna activitas, quod examina probant, delitescat. Nam infusum aquosum primum, obscurè fuscum, odore fermè destituitur, & inertì saltèm sapore nauseoso pollet. Extractum inspissatum, cujus drachmas duas & aliquot grana ex uncia radici impetravi, deterioris fermè conditionis est, nec ullum odorem, ac saporem, notatu dignum, olfactûs, gustûsque organis imprimit. Tinctura spiritiosa prima colorem pallidè flavescensem obtinet, odore solum vini spiritum prodit, & sapore subacri gaudet; quæ acredo tamen magis à menstruo, quàm soluta substantia resinosa, derivanda est, quòd clarius postea ex flavo extracto inspissato cognoscere licet: Hoc quippe non ampliùs acrem, sed debilem amaricantem, & satis adstringentem saporem austeriusculum possidet, debilemque odorem balsamicum spirat. Uncia radicis mihi binas fermè drachmas reddidit.

§. III.

Modicè hæc radix partes corporis solidas roborat, & adstringit, adeoque locum omninò inter *blanda nervina, antepileptica, antispasmodica, & lenissimè styptica*, aperitivis incidentibus, abstergentibus, ac discutientibus in vasorum ac viscerum obstructionibus, hæmorrhagiis exorbitantibus, variisque profluviiis serosis, diabete v. g., vomitu, diarrhoeis, gonorrhoeâ benignâ &c. rafractâ dosi addenda, tueri potest. Probabile præterea est, subtilem terram farinaceam, si in pulvere nempè propinatur, præternaturale ventriculi acidum nonnihil extinguere, & hac quòque ratione aliquid ad curationem epilepsiæ infantilis, ex acriori primæ culinæ acido sæpissimè oriundæ, conferre. Optimè in pulvere, à granis aliquot ad scrupulum integrum, nec minùs in infuso vinoso, à scrupulo uno ad drachmam unam, exhibetur; infusa ejus aquosa autèm, & sic dicta *facula*, quæ in Officinis prostat, nulliùs ferè usûs sunt.

§. IV.

RADIX NYMPHÆÆ, tam LUTÆ, quàm ALBÆ, MAJORIS C. B. *Seeblumen-vurbel*, *Racine de Neuphar* crassa est, fungosa, levis, foris partim flavescens, partim subfusca,

intus pallida, odoris nullius, saporis terreus subadstringentis & in recessu quoque lenissimè amaricantis. Planta in lacubus, piscinis, & fluviis, rivulisque lentè decurrentibus, crescit, ac flores magnos roseos, vel luteos, vel candidos, profert: Radicem descriptam tamen sæpiùs Nymphaea flore albo, quàm luteo, pharmacopoeis largitur, licet utramque, intuitu naturæ ac virium medicarum, nulla differentia intercedat.

## §. V.

De *volatili sale alcalino*, quod porosæ & laxæ hujus radice substantiæ inhære, PAULUS HERMANNUS retulit, (a) multa dicere supersedeo, quum imaginarium hoc loco principium sit, nec unquam in hac radice demonstrari queat. Probandi quidè sine præcipitationem allegat, quam radix pulverisata in acidis solutionibus præstare consuevit; verùm, fallaciam hic circa causam committi, certo certius est. Non salinæ enim particulæ alcalinæ, sed terreæ, quas solvens acidum promptè adgreditur, molecularum, antea solutarum, secessum, atque descensum efficiunt. Suffragatur mihi B. STAHLIUS, quando de simili similium plantarum subadstringentium

(b) L. c. p. 86.

*de Americanis, austeriusculis &c.* 42?  
&c. effectum ita scribit: » In plantis trau-  
« maticis adstringentibus, plantagine,  
» symphyto, & consolidis &c. sal alcali-  
» num subtile agnoscunt autores, quia  
» talia decocta solutiones metallorum,  
» cum acidis factas, in specie mercurium  
» sublimatum, aqua calida in liquorem  
» redactum, præcipitant. Suo interim lo-  
» co relinquendum, an non potius sub-  
» tilissima terrea adstringentium similium  
» portio hoc peragat, nihil contribuyente  
» salinâ eorundem, nisi ut terram sibi  
» antea combinatam potentiori acido pas-  
» sivè relinquat. &c. (a)

#### §. VI.

Partibus terrestribus rudioribus ac prorsus inertibus *solubilis quædam substantia resinoso-gummea*, quæ *subtiliores moleculas terreas* in arctius consortium recipit, mixta reperitur; portio merè gummea tamen parùm activa existit, & sola igitur resinosa præcipuam virtutis rationem in se continet. Nam flavum infusum aquosum primum vappidum est ac nauseosum, nullumque singularem saporem & odorem possidet. Materia quoque, sub digestionem magis minùsve soluta, nunquam tota per chartam bibulam transit, sed,

(a) V. Fundament. Chemiæ dogmatico-experim., p. 68.



æquè, ac apud infusum aquosum radicis paeoniae, præter rudiores partes terreas, crassa mucilago albicans in filtro remanet. Solutio filtrata & inspissata massam relinquit flavo-fuscam, quæ, unâ radicis uncia extractioni adhibitâ, binas fermè drachmas pendet, & valdè debilem solummodò saporem subsalsum & subamaricantem linguæ imprimit. Tinctura spirituosâ prima dilutè aurei coloris est, odoris nullius singularis, debilisque saporis subacris. Evaporata extractum fœneratur flavo-subfuscum, quod odorem debilem emittit, & saporem subsalso-amarum, & subadstringentem obtinet. Paululùm itaque hoc ipsùm à simili radicis paeoniae extracto differt: In hoc quippe amarities, illo verò sapor austerus & vis adstrictoria prædominantur.

## §. VII.

Blandè hoc simplex *abstergit, roborat, & adstringit*, adeòque in iisdem affectibus, in quibus paeoniae radix commendata fuit, modicum auxilium spondet, si nimirùm in infuso vinoso, à drachmâ unâ ad unciam dimidiam, præscribitur. Nonnulli antacidâ quoque atque temperante virtute hanc radicem præditam esse, & nimias vigilias specificè compescere, perhibent: Verùm, pro meo iudicio, vi-

*de Amaricantibus, austeriusculis &c.* 43  
res memoratæ imaginariæ sunt, nec solidum in demonstratis principiis activis fundamentum inveniunt.

---

### C A P U T III.

*De Radicibus rubiæ tinctorum & anchusæ.*

#### §. I.

**R**ADIX RUBIÆ TINCTORUM sive TINCTORIÆ SATIVÆ C. B., *Farberroth-Burhel*, *Racine de Garance*, oblonga est, tenuis, intùs & extùs fusco-rubicunda, saporis terreo-subadstringentis, odoris nulliùs. Planta, ob frequentem radicis usum apud tinctores, in regionibus variis, maximè autèm in *Silesia* & *Belgio*, studiosè in agris colitur. Radix recens, præter terreo-adstringentem saporem, debilem quoque subdulcem & subamaricantem possidet, qui ampliùs tamen in exsiccata, & aliquamdiù asservata vix, aut ne vix, sentitur.

#### §. II.

Volatilibus principiis penitùs destituitur, & fixa duntaxat terreo-resinoso-gummea in mixtione fovet. Activitas ad utramque quidèm substantiam fixam, magis tamen ad terreo-resinosam, quàm gum-

mosam, redit. Infusum aquosum primum rubro-nigricantis coloris est, & nullo sapore singulari, nulloque, nisi debili saltem nauseoso, odore pollet. Sub evaporatione odor paulò fortior evadit, & nauseosus in blandè balsamicum mutatur. Inspissata massa subrubro-nigricans debilem odorem balsamicum non ampliùs emittit, saporem tamen terreo-salsum, subadstringente nonnihil remixtum, obtinet. Tinctura spirituosà prima saturatâ & elegantissimâ rubedine sese commendat, & evaporata extractum relinquit coloris flavo-& rubro-subfusci, odoris nulliùs singularis, saporis subadstringentis, & lenissimè simul amaricantis. Ex uncia unâ radicis duas circiter drachmas extracti primi aquosi, & quatuor scrupulos, totidemque grana extracti primi spirituosi impetravi.

## §. III.

Vulgò hæc radix quinque radicibus aperientibus minoribus annumeratur, viresque eidem potentes in sanguine congrumato, vulneribus, oppilatione renum, viscerumque obstructionibus tribuuntur. Verùm, si, dicere licet, quid ipse sentiam, scriptores de viribus memoratis hyperbolicè locutos esse, pronuncio: Concedo quidè, rubiæ radicem

*de Amaricantibus, austeriusculis &c.* 435  
cem aliquâ virtute *aperitivâ, traumaticâ,*  
& *diuretica* instructam, esse, eandem ta-  
men, uti crediderunt, potentem existe-  
re, analysi chemicâ aliter edoctus, nego.  
Tota certe hujus radicis actio ad debi-  
lem quandam abstersionem & adstrictio-  
nem redundat, indeque auctior solido-  
rum contractio, cum subsequente blan-  
dâ humorum resolutione, vegetiori cir-  
cuitu, & paulò largiori lotii in renibus  
se-& excretionem, unicè derivanda est. Da-  
tur in decocto aquoso, & adhuc melius  
in infuso vinoso, à drachmâ unâ ad un-  
ciam dimidiam, immò integram, nec  
rarò quoque, tametsi minùs aptè, pulve-  
ribus additur. Externè decocta & un-  
guenta, vulnerariæ & adstringentis vir-  
tutis, ingreditur.

#### §. IV.

RADIX ANCHUSÆ OFF. vulgò *Alcana* di-  
cta; oblonga est, crassa, lignosa, intùs alba,  
foris fusco-rubescens, odoris nullius, sa-  
poris terreo-subadstringentis. Planta,  
quam CASP. BAUHINUS *Anchusam flori-*  
*bus puniceis*, JOH. BAUHINUS *Anchusam*  
*Monspeliacam*, & TOURNEFORTIUS *An-*  
*chusam vulgatiorem*, itemque *Buglossum ra-*  
*dice rubrâ*, *Rothe Ochsen-Gunge*, *Anchuse*,  
vocant in *Italiâ*, *Galliâ*, *Silesiâ* &c. cre-  
scit, optima tamen radicis species ex Ita-  
liâ affertur.

## §. V.

Interior substantia lignosa planè iners deprehenditur, solusque cortex tingendi facultatem, & vires medicas obtinet; hinc ordinariò etiàm detrahitur, & seorsim in usum vocatur. Gaudet *principiis fixis*, tàm *resinosis*, quàm *gummeis*, quæ, confirmante extractione, ejusdem fermè virtutis sunt. Extractum aquosum primum, cujus tres fermè drachmas ex corticis unciâ impetravi, coloris rubro-fusci est, saporis in principio subdulcis, deindè acriusculi & subadstringentis, odoris nulliùs singularis. Extractum spirituosum primum, cujus pondus, receptâ vix memoratâ corticis quantitate, circitèr ad scrupulos quatuor & aliquot grana ascendebat, rancidum unguentum quodammodò redolet, & saporem subdulcem, amaricante atque austeriusculo remixtum, coloremque rufo-subfuscum possidet. Tinctura spirituosa adhuc liquida, quod addere placet, saturatâ & elegantissimâ rubedine oculis blanditur, quæ postea tamen in extracto valdè minuitur.

## §. VI.

Respectu virium medicarum cum radice rubiæ tinctorum maximam partem convenit, suamque operationem *blandè*

*de Amaricantibus, austeriusculis &c.* 435  
*adstringendo, abstergendo, imò aliquantu-*  
*lùm demulcendo, absolvit, & cum majori*  
*fortassis emolumento, quàm illa, in sup-*  
*pressionē urinæ, obstructionibus visce-*  
*rum chronicis ex partium solidarum ato-*  
*niâ maximè promanantibus, nec minùs*  
*in hæmorrhagiis exorbitantibus, & variis*  
*profluviis serosis, quotiès nempè subad-*  
*stringentia tutò admittuntur, in usum*  
*vocari potest. Internè in decocto aquoso,*  
*& infuso vinoso, à drachmâ unâ ad un-*  
*ciam dimidiam & ultrà, exhibetur. Ex-*  
*ternè unguentis, quæ contrà sanguinem*  
*congruatum, contusiones, casum ab al-*  
*to, &c. commendantur, persæpe addi-*  
*tur.*

---

## C A P U T IV.

*De Contrayerva & Radice Caryophyllatæ.*

### §. I.

**C** O N T R A Y E R V A O F F., quam alii  
etiam *Radicem yervam*, i. e., contrà  
venena, *Radicem bezoardicam*, *alexiphar-*  
*macam*, *Cyperum longum odorum Peruanum*  
&c. *Pervanische Sisst-Burhel*, vocant, ra-  
dix oblonga est, tenuis, nodoso-fibrosa,  
foris subflavo-aut subfusco-rubescens, in-  
tùs albicans, odoris debilis aromatici,

T ij

saporis subadstringentis, & acriusculi. Planta in quibusdam *regni Peruani* tractibus præcipuè crescit, ac vulgò, quum Granadillæ sive Flori passionis affinis existat, *Clematitis passionalis folio bifido* dicitur.

## §. II.

Principium volatile balsamicum in radice exsiccata & diutiùs asservata nullâ consideratione dignum est, sed activitatis ratio unicè ad substantiam *gummeo-resinosam* redit, ita tamen, ut resinosa longè iterùm gummosæ præferenda sit. Fuscum enim infusum aquosum primum odorem nauseosum spirat, & debilem solummodò saporem amaricantem, lenissimâ ac vix sensibili acredine mixtum, possidet. In fusco-nigricante extracto inspissato amarities, quòd utique mirandum, vix ampliùs animadvertitur, pungens verò acredo fortior existit. Tinctura spirituosâ prima solum vini spiritum odore prodit, & amaricante, ac satis acri pungente sapore, quo radicem pimpinellæ aut pyrethri quodammodò æmulari, pollet. Ardens ac morsicans hæc acrimonia in massâ inspissatâ potentior evadit, eademque in hoc passu extractum aquosum notabiliter superat.

§. III.

*Blandè abstergendo, leniterque irritando* operationem suam exercet, & specificè inprimis à scriptoribus medicis in febribus malignis, pestilentialibus, purpuratis, petechialibus, variolosis, morbillofis &c. ad exanthemata expellenda commendatur: An verò etià, uti vulgò creditur, contrà palpitationem cordis, dolores pleuriticos, melancholiam, febres intermittentes, dysenteriam, vermes intestinorum, philtia, & varia venena multùm valeat, justè dubitò. Recipitur inter pulveres & tincturas alexipharmacæ virtutis, & per se quoque in infuso vinoso, ad unam alteramve drachmam, præscribi potest.

§. IV.

RADIX CARYOPHYLLATÆ OFFICINARUM sive VULGARIS C. B. *Benedicten-oder Nägelein-Burhel, Racine de Benoîte, ou Galiotte*, minimi plerùmque digiti crassitie est, multasque fibras tenues emittit, quibus major fermè virtus, quàm trunco sive capiti, ingenita reperitur. Colorem foris fusco-nigricantem, intùs rubescentem possidet, & manducata linguæ saporem terreo-austerum adstringentem, naribus verò, præsertim in tractibus cali-



dioribus nata, aut contusa, odorem gratum caryophyllæum imprimit. Planta passim spontè crescit, & loca imprimis humida atque umbrosa amat.

## §. V.

Nonnulli, hanc radicem & contrayervam, maximam quoad principia similitudinem intercedere, arbitrantur; sed falsum hoc esse, analysis chemica docet. Hæc enim, præter subtile quoddam principium spirituosum, fixam substantiam resinoso gummeam, terreo-austeram ac fatiadstringentem, contrayerva autem subacrem ac leniter amaricantem continet. Infusum aquosum primum, (loquor nunc de solâ radice caryophyllatæ), coloris flavo-& rubro-subfusci est, odoris grati caryophyllæi, saporis balsamico-austriusculi. Similis conditionis etiâ extractum inspissatum existit, præterquàm, quòd odor debilior, quàm in infuso, sapor austerus verò fortior deprehendatur. Tinctura spirituosa prima colore saturatè aureo, & sapore pariter balsamico-austriusculo pollet, odore autem magis spiritum vini, quàm radicem, prodit. Massa inspissata, quæ subfuscum colorem obtinet, sapore austero, ac simul leniter balsamico, lenissimèque amaricante, gaudet, & odorem caryophyllæum, quem

*de Amaricantibus, austeriusculis &c.* 439  
spiritus vini in tincturâ quasi occultaverat, fortiùs iterum spirat. Substantia gummea resinofam quantitate superat, & in uncia radice una circiter ad scrupulos quatuor vel quinque pondere ascendit.

§. VI.

Parcissimum principium spirituoso-balsamicum sub operatione in corpore non adeò singularem considerationem meretur, sed ratio virium præcipua ad fixas partes terreo-resinoso-gummeas, quæ solida satis validè adstringunt, & mediante hac constrictione roborant, referenda est. Specialiùs igitur hæc radix in morbis singulis, qui proximè & unicarum, membranarum &c. flacciditate nascuntur, prodesse consuevit, multùmque etià ad ulcera ac vulnera consolidanda, profluvia serosa cohibenda, & hæmorrhagias sistendas valet: An verò, quòd multi tamen credunt, in arthriticis pariter ac convulsivis affectibus, nec minùs in febribus malignis singulare auxilium ferat, experienciâ nondum satis probatum esse arbitror. Internè in infuso vinoso, aut, quod perindè videtur, in decocto aquoso, ad unam alteramve drachmam, præscribitur. Externè decoctis traumaticis ac stypticis additur, vel pulverisata, depurandi & consolidandi scopo, ulceribus cacoethicis inspergitur. T iiij

## CAPUT V.

*De Radicibus Bardanæ, Taraxaci & Tussilaginis.*

## §. I.

**R**ADIX BARDANÆ MAJORIS OFF., five *Lappæ majoris* C. B., *grosse Kletten-Burhel*, *Racine de Bardane*, oblonga est, crassa, foris nigricans, intus alba, saporis subdulcis, modicè amaricantis, & lenissimè simul adstringentis, odoris nulliùs. Planta hinc inde circà vias, se-pimenta, ædificia &c. copiosè provenit, & in solo sicciori ac macriori læta inprimis incrementa capit.

## §. II.

Principiis actïvis merè fixis, pluribus tamen *gummeis*, quàm *resinosis*, gaudet. Una quippe uncia mihi quinque fermè scrupulos extracti primi aquosi, & quinquaginta circiter grana extracti primi spirituosì suppeditavit. Extractum subluteofuscum aquosum, odorem debilem balsamicum, ferè instar panis melliti, spirat, saporem subsalsum, subdulci & subadstringente nonnihil mixtum, possidet. Tinctura spirituosa prima, colore dilutè

*de Amaricantibus, austeriusculis &c.* 441  
aureo est, odore nauseoso, sapore ingra-  
to subacri. Massa inspissata flavo-subfus-  
ca, quoad odorem cum tincturâ conve-  
nit, & sapore subsalfo, leniter amari-  
cante, atque subadstringente pollet.

### §. III.

Vires medicæ, quòd examina docent,  
ad utrumque principium redeunt, & *le-  
niter resolventes, abstergentes, roborantes,*  
ac *diuretica* sunt. Specialiorem igitur  
usum, sub decocti nimirum aquosi aut  
infusi vinosi formâ, ad unam alteramve  
drachmam, immò unciam, præscripta,  
in singulis morbis invenit, qui mitiora  
remedia postulant, & specificè inprimis  
in arthriticis, rheumaticis, nephriticis,  
scabiosis, scorbuticis, & venereis affe-  
ctibus commendatur, sanguinemque con-  
grumatum prætereà dissolvere dicitur.  
Plerique sudoriferam quoque virtutem  
illi tribuunt, de quâ tamèn paulò aliter  
sentio, eamque non adeò singularem esse  
existimo. Commodè radici sarsaparillæ  
substitui potest, quoniàm eadem præstat,  
immò majorem, quàm illa, in humori-  
bus depurandis effectum edit.

### §. IV.

RADIX TARAXACI OFF., five  
*Dentis Leonis latiore folio* C. B. *Racine de*  
T v

*Pissenlit*, *Dent de Lion*, oblonga est, ramosa, digiti minimi crassitie, foris subfusca, intus pallida, saporis amaricantis, leniterque adstringentis, odoris nullius singularis. Planta ubivis obvia est, & æquè, ac radix recens, succo lacteo turget.

## §. V.

Naturâ, principiis activis, & virtute à præcedente parùm differt. Substantia gummea enim, aquâ simplici primùm extracta, ac denuò inspissata, massam fusco-nigricantem exhibet, odore debili balsamico, quasi melleo, & sapore in principio subdulci, postea satis amaricante, præditam. Flavo-subfuscum extractum spirituosum primum cum aquoso maximam partem convenit, præterquàm, quòd sapor subdulci & amaricanti lenissimè adstringens adhuc sociatus sentiatur. Pondus extracti aquosi primi ad binas fermè drachmas resinosi sive spirituosi autem ad unam circiter drachmam, ascendit, si radix scilicet bonæ notæ est, & integra ejus uncia utrique extractioni adhibetur.

## §. VI.

Militat inter *blanda aperitiva*, *diuretica*, & *purificantia*, quæ operationem suam leniter abstergendo, leniterque adstringendo ac roborando absolvunt: Quare

protinùs quoque constat, quòd ab usu  
ejus interno in obstructionibus viscerum,  
ictero, calculo, nephritide sabuloso-pi-  
tuitosâ, asthmate, tussi mucidâ, scorbu-  
to, cæterisque affectibus chronicis, sub  
bardanæ descriptione pridem recensitis,  
auxilium non contemnendum expectan-  
dum sit. Datur æquè, ac præcedens, in  
infuso & decocto.

§. VII.

Descriptis Bardanæ & Taraxaci radici-  
bus RADICEM TUSSILAGINIS, VULGARIS  
C. B. *Husslattich-Burhel*, *Racine de Tussi-  
lage*, ou *Pas d'Ane*, quæ tenuis est, longa,  
pallida, odoris nulliùs, saporis mucila-  
gineo-subadstringentis ac debilis balsa-  
mici, jungere nullus dubito: Tanta enim  
sub exploratione principiorum chemicâ  
inter hanc & taraxaci radicem, intuitu  
odoris, saporis ac virium, similitudo depre-  
henditur, ut practico alteram in alteriùs  
locum tutò, ac citra ullam deliberatio-  
nem, surrogare liceat. Scio quidèm, me-  
dicorum plerosque radici tussilaginis ma-  
jorem virtutem demulcentem, adeòque  
majorem quoque atque specificam vir-  
tutem in morbis pectoris, tussi v. g. phthi-  
si &c., adscribere; at scio etiàm, speci-  
ficam hanc prærogativam nulliùs momen-  
ti esse, & taraxaci radicem in memora-

ris, aliisque pectoris affectibus idem præstare auxilium. Frequentius in decocto, cum aquâ, lacte, cerevisiâ, aut vino parando, quàm in infuso, præscribitur, & dosis quoque ultrâ unciam ascendere potest.

---

## CAPUT VI.

*De Radice Vincetoxici & pareira brava.*

### §. I.

**R**ADIX VINCETOXICI OFF., *Schurvalbenfraut-Burhel*, *Racine de Dompve-venin*, ex communi capitulo multas fibras tenues, sive radículas minores emittit, quæ intus candido, foris pallidè flavescente, aut subfusco colore gaudent, & saporem subdulcem, acriusculo & amaricante mixtum, debilemque prætereà ac nauseosum odorem balsamicum possident. Planta in locis sylvestris crescit, & à CASP. BAUHINO *Asclepias* sive *Vincetoxicum* multis floribus albicantibus, & ab aliis quibusdam *Hirundinaria* appellatur.

### §. II.

Partes oleoso-spirituosæ balsamicæ valdè exiguâ quantitate mixtionem ingrediuntur, fixæ resinoso-gummeæ autem copiosius

inhærent, & præcipuas huic radici vires largiuntur. Ex unciâ radicis unâ duas ferme drachmas extracti aquosi primi, & drachmam circiter unam extracti spirituosi primi impetravi. Infusum aquosum pallidè flavescens, nonnihil turbidum est, & odorem nauseosum, similemque saporem subdulcem, acriusculo paululum remixtum, obtinet. Sub evaporatione satis fortem, eumque in principio nauseosum, postea verò gratum balsamicum, odorem emittit, & plenè tandem planèque inspissatum, massam suppeditat fuscâ, odore debili quidè, ast, panis melliti instar, satis grato, & sapore balsamico-subdulci, lenissimèque in recessu amaricante, præditam. Tinctura spirituosâ dilutè aurea naribus debilem odorem nauseosum, linguæ autè balsamico-subacrem saporem imprimit, & evaporata extractum relinquit flavo-rufescens, odoris debilis & nonnihil ingrati, saporis balsamico-subdulcis, & in recessu acriusculo-amaricantis. Docent hæc examina, utramque substantiam fixam activam quidè existere, resinosam tamèn gummeæ nonnihil præferendam esse. Particulæ volatiles oleoso-spirituosæ humidæ destillationis beneficio facilè separatur, in molem tamen conspicuam congregari nequeunt; hinc easdem quoque ex aquæ



destillatæ fragrantia magis suspicari ,  
quàm demonstrare licet.

### §. III.

Inter blanda *stimulantia* , *resolventia* ,  
*diaphoretica* , *diuretica* , *antiçatarrhalia* , &  
*bezoardica* hæc radix jure collocatur , &  
singularem inprimis efficaciam in tumo-  
ribus glandularum , scrophulis , affecti-  
bus mucidis , hydrope , obstructione vi-  
scerum , nephritide sabuloso-pituitosâ ,  
cachexiâ , & chronicâ mensium suppres-  
sione monstrat. Datur internè , à drach-  
mâ unâ ad unciam semî , in decocto aquo-  
so & vinoso , nec rarò etiàm pulveribus  
additur. Externè lavamenta vulneraria ,  
& gargarismata , contrâ anginam spu-  
riam , paralyfin linguæ , & glandularum  
salivalium tumores adhibenda , ingre-  
ditur.

### §. IV.

PAR E I R A B R A V A in Officinis no-  
stris radicem denotat magnam , crassam ,  
lignosam , foris ferrugineo-nigricantem ,  
intùs partim pallidè flavescentem , par-  
tim subfusco-luteam , saporis dulcamari ,  
odoris nulliùs. Pareira brava vox Lusita-  
nica est , & *vitem sylvestrem* significat :  
Planta enim , cujus character Europæis  
nondùm satis innotuit , passim in regno

*de Amaricantibus, austeriusculis &c.* 447  
*Mexicano & Brasiliâ* crescit, ac, vitis in-  
flar, scandens atque volubilis esse dici-  
tur. Incolis *Caapeba* audit.

§. V.

Nulla possidet principia activa volati-  
lia, sed vires ejus unicè à *fixâ substantiâ*  
*resinoso-gummeâ* deducendæ sunt. Infusum  
aquosum primum colore dilutè aurantio  
est, & saporem quidè amaricantem,  
nullum verò odorem singularem obtinet.  
Post inspissationem odore penitùs desti-  
tuitur, & saporì amaricanti debilis quæ-  
dam dulcedo admixta sentitur. Tinctura  
spirituosa prima, saturatè fusca, solum  
menstruum redolet, & saporem, ex acri,  
amaricante, & subdulci mixtum, gustûs  
organo imprimit. Evaporatione peractâ,  
sapor in inspissatâ massâ fusco-nigricante  
aliquantulum mutatus, & sub degusta-  
tionis initio subadstringens & amaricans,  
postea verò subdulcis deprehenditur. Sa-  
tis interea ex descriptis examinibus con-  
stat, quòd virtus quædam principio utri-  
que, major tamen resinoso, quàm gum-  
meo, ingenita sit.

§. VI.

In principio de eximiâ ac valdè poten-  
ti hujus radice virtute *diureticâ & lithon-*  
*tripticâ* multus ubique sermo fuit; verum,

cum medici circumspecti postea observarent, vires elogio longè inferiores esse, rariùsque, vel nunquam, effectum voto ac spei perfectè respondere, fama sensim iterum decrevit. Nostrâ ætate medici rationales blandas duntaxat vires *abstergentes*, *aperitivas*, ac *diureticas* huic simplici tribuunt, idemque ideò in cachexiâ icteritiâ, hydrope, suppressione urinæ, nephritide pituitoso-sabulosâ, & affectibus scorbuticis, rheumaticis atque arthriticis aliquid auxilii omninò præstare posse, credunt. Plerumque sub formâ pulveris, à drachmâ dimidiâ ad integram, in vehiculo vinoso exhibetur, vel vino etiâ, aut aquâ fervente, receptâ tamen quantitate majori, infunditur.

---

## CAPUT VII.

### *De Radicibus China & Sarsaparilla.*

#### §. I.

**R**ADIX CHINA seu rectius CHINÆ OFF., *Pothen-oder Schwveih-Burhel*, *Racine de Squinne ou d'Esquinne*, crassa est, tuberosa, inæqualis, texturæ lignoso-farinaceæ, coloris intùs pallidè rubescentis, foris rufi, vel fusci, aut ferrugineo-nigricantis, saporis terrei inertis,

de *Amaricantibus, austeriusculis &c.* 449  
odoris nulliûs. Affertur ex *Indiâ orientali*  
& *occidentali*, & ideò etiâ in *Orientelem*,  
quæ melior judicatur, & *Occidentalem*,  
quæ ignobilior existit, dividitur. Planta,  
ex orientali progerminans, in *Malabariâ*,  
*Chinâ*, *Cuncan*, *Japoniâ* &c. crescit, &  
à KÆMPFERO. (a) *Smilax minus spinosa*

(a) Placet ipsissimis verbis hoc loco subjun-  
gere, quæ Auctor Allegatus in *Amoenitatibus*  
*suis exoticis, Fasc. V. p. 781. sequ.* de hac plantâ  
» retulit: SANKIRA vulgò QUAGUARA. *Smilax*  
» minus spinosa, fructu rubicundo, radice vir-  
» tuosâ, Chinæ dicta. In incultis locis inter Fe-  
» lices vepres perennis luxuriat; Radice gau-  
» dens magnâ, durâ, nodosâ, inæquali, paucis  
» longisque fibris capillata, extûs rufâ, vel ni-  
» gricante, intus albidâ, saporis vappidi. Me-  
» dicis Radix Chinæ dicta, satis illa ex virtute  
» notâ ac celebratâ. Scandit unum vel alterum  
» cubitum sine adminiculo; dumetis verò pro-  
» pinquis nixa altiùs emititur, Sarmentis ligno-  
» sis, culmum hordeaceum crassis, obscurè circâ  
» humum spadiceis ex biunciali intervallo geni-  
» culatis, articulis alternè, & ad seriem reflexis,  
» interdum geminâ spinâ adversâ, brevi & re-  
» duncâ interceptis. Ex gen culis singulis valva  
» emergit duplicata, membranacea, semunciam  
» longa, pennam lata anserinam, dura, striata,  
» duos extendens capreolos, virgineis similes,  
» quibus contacta quævis firmiter comprehendit.  
» Ex valvis singula oriuntur folia, ex aliis simul  
» florum corymbi, tum novelli interdum sarculi.  
» Folium perbrevis vel pene nullo instructum pe-  
» diculo, ex acuto brevi principio in orbiculum  
» truncialis diametri expanditur, in mucronem

*sa*, fructu rubicundo, radice virtuosa, *China dicta*, appellatur: Occidentalis in *Novâ Hispania*, & *Regno Peruano* præcipuè gignitur, ejusdemque planta Botanicis recentioribus *Smilax aspera* audit fructu nigro, radice nodosa, magna, levi, farinacea, *China dicta*. Facile hæc radix, sive ex orientali, sive occidentali Indiâ allata fuerit, cariota redditur; quare fraudulentis quo-

curtum repandum desinens. Tenue est, membranaceum, utraq; facie diluto virore nitens, ante mucronem ingenti valvâ undulans, marginibus integro, aliquando inæquali, alterutro latere protuberante. Venis donatur quinque ramosis, ex basi folii in mucronem, mediâ directè, cæteris arcuatim, protendentibus. Pediculo tenuissimo unciali, rubente vel luteo centesimè insident *Flosculi* plus minus decem, in umbellæ formam congesti, nudi, in herbido luteo, hexapetali, petalis angustis, in gyrum repandis, ad seminis *Coriandri* ambitum radiantibus, per lucidas, staminibus senis, apicibus in luteum albicantibus: stylo turbini medio insistente, capitulo casto. *Fructus*, invalescente pediculo, florem excipiunt, cerasis figurâ, magnitudine, rubedine, ac nitore similes, rariùs turbinati, aere magis, quàm carne turgidi; Carne constant paucâ siccâ, farinosâ, incarnatâ, saporis acerbi, *Mespilorum æmuli*; in quâ *Semina* involuta latent quaterna, quina, vel sena, lenticulæ magnitudinis; figuræ lunaris, in orbem instar *Malvæ* seminum conglobata, per siccitatem ex badio nigricantia, intus candida, durissima, substantiæ corneæ.

*de Amaricantibus, austeriusculis &c.* 457  
que homines in Hollandiâ lacunas, sensim, natas, massa quâdam, ex tragacanthâ, bolo &c. compositâ, replent, coloremque nativum aliâ mixturâ tingente restitunt: quod mangonium tamen hominibus ægrotantibus interdum valdè nocivum evadere potest, quoniam, NEUMANNO suspicante (a), massæ memoratæ, ad pondus augendum, nonnunquam lithargyrium miscetur.

## §. II.

In naturali hujus radicis mixtione nullæ partes spirituosæ, nullumque sal explicitum, quod HERMANNUS tamen adesse credidit (b), sed *fixa solummodò ac valdè iners substantia resinoso-gummea, copiosa terre teneriori ac quasi farinacea im-*

(a) L. c. p. 776.

(b) » Sarsaparillæ, inquit in *Cynos. Mat. Med.*  
» p. m. 41., & Chinæ effectus probat sal blan-  
» dum, quod in farinacea sarsaparillæ substan-  
» tia, & in substantia chinæ nonnihil resinosi  
» latet, & in utriusque radicis decocto manifeste  
» se prodit. Hoc cum tenuissimarum partium, &  
» sanguini nostro naturali valde analogum sit,  
» salia seu spiritus non tantum exaltat, sed &  
» acida quævis, pertinacissima etiam, remotissi-  
» mis partibus inhærentia, à quibus lues vene-  
» rea, arthritis, scorbutus, atrophia, phthisis,  
» aliique morbi oriuntur, infringit, & cum blan-  
» da vi anodyna per diaphoresin expellit. &c.

mersa, demonstrari potest. Substantiam fixam, præsertim gummosam, jure inertem voco, quoniam, analysi chemicâ confirmante, in infuso & extracto utroque nullus odor ac sapor singularis reperitur. Infusum aquosum v. g., licet rubro colore tinctum sit, nauseosum saltèm & vix sensibilem balsamicum odorem spirat, vappidumque saporem, istar aquæ simplicis tepidæ, possidet. Inspissatum extractum fulco-rubicundum deterioris fermè conditionis est, & odore non minùs, quàm sapore destituitur. Tinctura spiritiosa prima, quæ aureo colore gaudet, itidem insipida penitus, atque inodora est, & evaporata flavo-rubescentem massam relinquit, in quâ levia saltèm odoris & saporis balsamici nauseosi vestigia notantur. Uncia radice una circiter scrupulos quinque extracti spirituosi primi, totidemque drachmas extracti aquosi primi reddit.

## §. III.

Ingreditur hæc radix notissima decocta & essentiam lignorum, sanguinemque ac lympham, propter imaginariam quandam virtutem diaphorericam & diureticam, egregiè depurare, adeòque in lue venereâ, affectibus scabiosis, scorbuto, aliisque morbis, ex humorum impuritate

*de Amaricantibus, Austeriusculis &c.* 453  
nascentibus, specificè prodesse, vulgò  
creditur: Verùm, pro meâ sententiâ, ra-  
tione non minùs, quàm experienciâ suf-  
fulta, nulliùs fermè usùs est, & rectiùs  
inertibus, quàm activis, medicamentis  
simplicibus annumeratur. Effectus quip-  
pe, à parcissimo principio volatili bal-  
samico exspectandus, adeò exiguus exi-  
stet, ut hunc & vulgaria virtutis elogia  
nulla planè proportio intercedat.

#### §. IV.

RADIX SARSAPARILLÆ sive SASSAPA-  
RILLÆ OFF., *Racine de Sassepareille*, quæ  
Chinæ radici sub usu medico plerumque  
jungitur, longa est, sarmentosa, rugo-  
sa, fractu tenax, calami crassitie, colore  
foris vel flavescente, vel subfusco, vel  
luteo aut fusco-rubescente, intùs candi-  
do, odore & sapore nullo, nisi debili  
farinaceo. Planta, in *Brasiliâ, Novâ His-  
paniâ, regno Peruviano, Virginiâ*, ac plu-  
ribus *Americæ* locis adolescere consuevit,  
nec ampliùs à Botanicis recentioribus ad  
*Smilacis Peruanae* species refertur, sed à  
P L U K E N E T O *Christophoriana Virginia-  
na Zarzeradicibus surculosis & fungosis, Sar-  
saparilla nostratibus dicta*, nuncupatur. Eli-  
genda est radix recentior, fractu diffi-  
lis, ac foris subfusca, rejicienda verò  
pulverulenta, cariosa, fragilis, coloris



fusci obscurioris , aut nigricantis.

§. V.

Principiis parùm quoque activis hæc radix donata est , paulò potentiora tamen , quàm præcedens , continet , & *resinosa* inprimis *substantia* illi debiles vires medicas , quas subindè monstrat , largiri videtur. Nam obscurè rubrum extractum spirituosum primum , ex rubellâ tincturâ evaporando paratum , odore pruna cocta æmulatur , & amaricantem , balsamicum nauseosum , atque subacrem saporem linguae imprimit. Sapor subacris in recessu demùm sese manifestat , & fauces atque palatum aliquamdiù afficit ; amaricans remissior est , & balsamicus denique deprehenditur lenissimus. In infuso & extracto aquoso primo nihil fermè virtutis latet , & utrumque sapore notabili destituitur , odoremque solummodò nauseosum spirat. Uncia radice una mihi binas circiter drachmas extracti aquosi , & totidèm fermè scrupulos extracti spirituosi suppeditavit.

§. VI.

Lenissimè duntaxat abstergendo ac stimulando operatur , & fortem itaque sudorem pellere nequit. Mirandum igitur , quòd medici hæctenùs parùm activam

*de Amaricantibus, Austeriusculis &c.* 455  
hanc radicem inter præstantiora diaphoretica & purificantia collocaverint, eisdemque specificas ac planè eximias vires in lue venereâ, scabie, cæterisque affectibus, ex lymphæ atque cruoris vitio oriundis, adscripserint. Radicibus bardanæ, taraxaci, similibusque, nisi postponi, certè tamen non præferri meretur, & commodè proinde cum Chinæ radice ex officinis exulare posset, præsertim, cum multæ radices indigenæ, utrique virtute pares, immò superiores, longèque minori pretio comparandæ, substitui queant. Eodem modo, quo Chinæ radix, internè adhibetur.

---

## CAPUT VIII.

*De Rad. Apii Palustris & Petroselin.*

### §. I.

**R**ADIX APII PALUSTRIS C. B., *Bassier*<sup>ed</sup>  
*Eppich-Burhel*, *Racine d'Ache* capite donata est oblongo, pollicaris plerumque crassitie, quòd multas, longas, ac rectas fibras, sive radículas tenuiores emittit. Colore, truncus æquè, ac fibræ, foris subluteo-albicante, intùs candido, odore balsamico, & sapore subdulci acriusculo gaudent. Planta loca umbrosa, humida,

palustris, amat, & mense Julio florem rosaceum umbellatum profert. Passim etiam in hortis colitur, & hujus radix multis tutior videtur, quoniam cum specie quadam venenata, uti nonnunquam cum sylvestri evenisse traditur, confundi nequit.

## §. II.

Oleo essentiali caret, & fixam solummodò substantiam resinoso-gummeam, particulis spirituosis odoratis modicè impregnata, in mixtione fovet. Portio gummosa unciâ radice ultra drachmas tres pondere ascendit, resinosa autem circiter drachmam unam & aliquot grana pendet. Infusum aquosum, quod colore pallidè flavescens, odore nauseoso, & sapore subdulci gaudet, post evaporationem massam relinquit luteo-subfuscam, debili odore balsamico, & dulci sapore donatam. Tinctura spiritiosa prima flavescens, ac parùm odorata, saporem subacrem, valdè debili balsamico mixtum, obtinet, & inspissata extractum largitur itidem flavescens, odoris balsamici, saporis subdulcis ac leniter quoque balsamici, non amplius tamen, sicuti antea in tincturâ, acriusculi. Patet inde, virtutem hujus radice in utriusque substantiâ fixâ delitescere, & aliquid pariter volatile principium  
acriusculo-

*de Amaricantibus, austeriusculis &c.* 457  
æcriusculo-balsamicum, quod maximam  
tamen partem sub evaporatione in auras  
dispergitur, conferre.

### § III.

A medicis circumspèctis internè hæc  
radix nunquàm, nisi debitè priùs exsic-  
cata, in usum vocatur, quoniàm tener-  
rimum principium exhalabile cerebro ac  
nervis quodammodò inimicum creditur.  
Actionem suam blandè abstergendo, de-  
mulcendo, lenissimèque discutiendo  
exercet, ac dudùm proinde inter *pectora-*  
*lia*, moderatissimaque *aperitiva*, *diureti-*  
*ca*, & *uterina* locum adepta est. Pertinet  
ad quinque radices aperientes, & in hy-  
drope inprimis, obstructione hepatis,  
lienis ac mesenterii, nec minùs in urinæ  
suppressione, & tumore mammarum, sub-  
inde post infantum ablactionem nascent-  
te, specialius prodesse, gravidis autèm  
& epilepticis nocere dicitur; quod po-  
stremum tamen magis de radice recenti,  
quàm exsiccatâ, intelligendum erit. In-  
ternè sub formâ decocti aquosi, aut in-  
fusi vinosi, à drachmâ dimidiâ ad drach-  
mas duas, exhibetur; externè verò, præ-  
fertim recens ac grossiusculè contusa aut  
conquassata, inter cataplasmata & epi-  
themata, mammis induratis, vel lacte  
nimium turgidis, itemque scroto, præ-

sente hydrocele, imponenda, recipitur.

§. IV.

Ab apiî radice notissimâ PETROSELI<sup>NI</sup>  
VULGARIS RADIX parùm differt, & in  
ejus itaque locum in casu quocunque,  
tàm internè, quàm externè, surrogari po-  
test: Nostrâ tamen ætate magis inter es-  
culenta ac condimenta ciborum, quàm  
medicamenta, propriè talia, militat.

---

C A P U T IX.

*De Veronica, & Betonica.*

§. I.

**V**ERONICA OFF., sive *Veronica*  
*Vulgatior folio rotundiore* I. B., *Ehren-*  
*preih*, *Veronique*, hinc inde in sylvis &  
vepretis crescit, solumque inprimis sic-  
cum, arenosum, atque petrosum amat.  
Folia, quæ sola ad usum medicum expe-  
tuntur, pruni foliis non dissimilia sunt,  
longè tamèn minora, villosa paululùm,  
in margine incisa, saporis amaricantis &  
subadstringentis, odoris, præsertim con-  
trita, debilis balsamici.

§. II.

Quandò cum aquâ simplici ex cucur-

*de Amaricantibus, austeriuscu'is &c.* 459  
bitâ, substrato igne moderato, destillantur, nullam quidè oleum substantiale reddunt, aquam transtillantem tamen *mobilissimo*, atque *tenerrimo principio spirituofo balsamico* imbuunt, & residuo quoque decocto vires, easque majores, largiuntur. Virtus medica enim non à solo eorum principio volatili odorato, sed simul etiâ à *substantiâ fixâ*, tam *gummeâ*, quàm *resinosâ*, derivanda est; quemadmodùm hoc ex ulteriori analysi chemicâ luculentissimè constat. Infusum quippe aquosum primum, cujus sapor amaricans, odor debilis balsamicus est, post blandam evaporationem extractum relinquit fusco-nigricans, odore balsamico, & sapore amaricante, acriusculo, lenissimequè adstringente præditum. Tinctura spirituofo prima colore gaudet subflavo-viridi, ad nigrum inclinante, odore herbæ specifico balsamico, sapore subacri, cui balsamicus tamen atque amaricans mixtus sentitur. Massa inspissata à tincturâ vix differt, præterquàm, quòd color fusco-nigricans, odor verò debiliior existat. Sub evaporatione constanter halitum suaveolentem emitit; hinc non mirandum, quòd odor in extracto imminutus deprehendatur. Amarities, quòd addere juvat, magis in parte resinosa latet, & hæc posterior in genere quoque paulò potentior, quàm

prior reperitur. Quantitas utriusque extracti fermè æqualis est, & aquosum æquè, ac spirituosum ultrà drachmas tres pondere ascendit.

§. III.

Cum foliis Veronicæ FOLIA BETONICÆ VULGARIS PURPUREÆ I. B., quæ itidem in locis sylvestribus spontè provenit, nisi formâ ac magnitudine, odore tamen, sapore, principiis, ac viribus, valdè conveniunt. Nam tinctura spirituosa prima colore saturatè viridi est, &, præter blandum atque specificum herbæ contritæ odorem balsamicum, subacrem ac leniter quoque balsamicum saporem possidet. Ab initio usque ad finem evaporationis, æquè ac apud veronicæ infusa, odor gratus prodit, & nigricans massa inspissata subacri & balsamico sapore pollet. Infusum aquosum primum saporem balsamico-amaricantem obtinet, lenemque, nec ingratum, odorem spirat. Extractum, quod evaporatione peractâ relinquitur, ejusdem fermè cum infuso coloris est, odoris leniter balsamici, & saporis subsalsi, balsamico-amaricantis, ac paululum in recessu adstringentis. Hoc ex uncia foliorum unâ circiter drachmas duas, illud verò, spirituosum nempè, nondum scrupulos quatuor pondere attingit.

§. I V.

Vulgaria hæc medicamina simplicia , sub formâ nempe decocti, vel infusi aquosi, aut vinosi assumpta , non tantum blande abstergunt , discutunt , & attenuant , sed lenissimè quoque adstringunt ac roborant , adeoque multum ad obstructions viscerum referandas , diuresin ac diaphoresin movendam , & humores purificandos valent. Veronica, quæ virtute paulò superior est , vulgò magis *aperitiva* , *diuretica* & *pectoralis* , betonica verò *nervina* magis atque *cephalica* creditur ; hinc illa quoque frequentius contrà obstructionem hepatis , lienis , uteri , ac mesenterii , nec minùs contrà calculum , suppressionem urinæ , hydropem , raucedinem , tussim , asthma , pthisin imminentem &c. , hæc autem frequentius contrà gravedinem , coryzam , cephalalgiam , vertiginem , palpitationem cordis , similesque morbos in usum trahitur. Pro meo iudicio specifica hæc prærogativa nulliùs plane , vel non adeò magni tamen momenti est , nec singularem ideò practicos errorem commissuros existimo , si plantam utramque in affectibus memoratis , aliisque promiscuè adhibeant. Externè inter decocta abstergentia ac purificantia vulneraria locum inveniunt.



## CAPUT X.

*De Hedera terrestri.*

## §. I.

**H**EDERA TERRESTRIS VULGARIS C. B., à TOURNEFORTIO *Calamintha humilior folio rotundiore*, germ. *Tundermunn*, *Lierre Terrestre* dicta, in locis hor-  
torum ac camporum umbrosis, maximè  
autem circà sepimenta, spontè luxuriat,  
& alibi humi serpit, alibi corpora vici-  
na scandit. Folia, quæ præcipuè in usum  
medicum trahuntur, rotunda sunt, in  
margine dentata, villosa paululùm, odo-  
ris satis fortis atque ingrati balsamici,  
saporis subacris, & amaricantis.

## §. II.

Principia valdè activa, & præstantiora  
omninò, quàm vulgò creditur, in natu-  
rali mixtione fovent: Adsunt nempe *par-  
tes fixæ* tam *gummeæ*, quàm *resinosæ*, nec  
minùs *volatiles* seu *spirituosæ inflammabilis  
prosapie*. Hæ, quòd faciliè ex paulatinâ  
odoris imminutione cognoscere licet, sub  
exsiccatione maximam partem in auras  
abeunt, & postea itaque præcipua activi-  
tatis ratio in substantiâ fixâ, præsertim:

*de Amaricantibus, austeriusculis &c.* 463  
gummosâ, quærenda est; quemadmodum  
hoc instituta examina chemica abundè  
docent. Sub humidâ quippè destillatione  
aqua in receptaculum expellitur, ingrato  
quidèmodore balsamico, nullâ singulari  
tamen virtute prædita; in infusis verò,  
& inde paratis extractis longè majores ac  
planè eximicæ vires deprehenduntur:  
Infusum videlicet aquosum primum, cu-  
jus color fuscus, odor ingrato balsamicus  
& herbæ specificus est, amaritie mode-  
ratâ, & subtili ac penetrante acredine  
pollet. Acredo hæc fauces, linguam, at-  
que palatum peculiari prorsus modo affi-  
cit, & vividam fibrarum oscillationem  
excitare videtur. Massa inspissata, cujus  
drachmas tres, & grana quinque ex inte-  
grâ foliorum unciâ obtinui, fusco-nigri-  
cans est, &, præter debilem odorem  
balsamicum, saporem primò subdulcem  
& amaricantem, postea adeo acrem pos-  
sidet, ut piper in hoc passu vel potius  
pimpinellæ radicem nonnihil æmulari vi-  
deatur. Tinctura spirituosa prima colore  
saturatè viridi sese commendat, & sa-  
pore balsamico-subacri, odore herbæ spe-  
cifico gaudet. Evaporata longe minorem,  
quam infusum aquosum, extracti quan-  
tatem largitur, idemque remissioribus  
quoque viribus instructum est, & colore  
flavo, odore debili specifico, & sapore

balsamico - amaricante pollet.

## §. III.

Valdè stimulando , abstergendo , & attenuando , leniterque discutiendo , ac roborando hæc folia in corpore operantur , & eminentem ideò locum inter *aperitiva* , *pectoralia* , *diuretica* , & *lithontriptica* merentur. Usus specialis ad multos sanè morbos extendi potest , & in rancidine inprimis , tussî pituitosâ , astmate humorali , catarrho suffocativo , obstructione viscerum imi ventris , hydropè humido incipiente , nephritide pituitoso-sabulosâ , dysuriâ , affectibus arthriticis , suppressione fluxûs menstrui , sanguine congrumato &c. planè eximius existit. An verò etiâ , quod multi tradunt , contra vermes intestinorum , & dysenteriam , nec minùs , ob blandam inprimis virtutem diaphoreticam , contrà pestem , aliasque febres malignas multùm valeat , nec affirmare simpliciter , nec negare audeo. Præscribuntur in decocto aut infuso aquoso & vinoso , à drachmâ unâ ad duas , tres , immò unciam dimidiam ; decocta tamen infusis semper præstantiora sunt , quoniâ principia fixa , quibus vires , uti antea dictum , præcipuè in acceptis ferendæ sunt , sub ebullitione melius extrahantur. Externè decocta trau-

*de Amaricantibus, Ansteriusculis &c.* 465  
matica & cataplasmata, quæ contrà ulcera cancrofa, aliaque, gangrænâ, hernias, tumores fcrophulosos, dolores arthriticos, rheumaticos &c. adhibentur, perfæpè ingrediuntur.

---

## C A P U T X I.

*De herba Chamædryos & Chamæpityos.*

### §. I.

**C**AMÆDRYS VERA ET NOBILIS OFF.,  
five *Chamædryos minor repens* C. B.  
*Edel-Samanderlein, Germardrée, petit Chêne*, hinc inde in locis incultis & faxosis nascitur. Folia, quæ partibus reliquis virtute præpollent, & præcipuè igitur in usum medicum cedunt, parva sunt, oblonga, instar foliorum quercus (a) dentata, saporis balsamico-amari, ac parùm in recessu adstringentis, odoris, præsertim contrita, grati balsamici.

(a) Memorata foliorum quercus & chamædryos similitudo græcæ hujus plantæ denominationi occasionem dedit. Vocabulum *Chamædryos* enim ex vocibus *χαμαι*, *humile* & *δρῖς*, *quercus*, componitur, & *humilem* quasi *quercum* denotat; hinc à quibusdam quoque *Quercula minor* vocatur.

## §. II.

*Principium volatile, odoratum, balsamicum* debile est, & exiguâ saltè quantitate in mixtione hospitatur; hinc paulatim quoque in foliis exsiccatis blandâ exhalatione consumitur, & magis itaque sub virium determinatione ad *substantiam fixam resinofam ac gummeam*, quàm laudatas partes spirituosas, respiciendum est. Portio gummea, confirmante analysi chemicâ, resinofam virtute nonnihil superat. Quòd copiam verò attinet, illa fermè æqualis esse videtur, quoniàm extracta idem pondus obtinent, & aquosum, æquè, ac spirituosum primum, binas plerumque drachmas & aliquot grana perdet. Infusum aquosum primum coloris flavo-fusci est, odoris debilis balsamici, saporis amari. Massa inspissata vix differt, præterquàm, quòd color saturatior, & sapor balsamico-amarus fortior, paululùmque in recessu adstringensprehendantur. Tinctura spirituosa prima colore saturatè viridi (a), odore herbæ

(a) Folia virida plerarumque plantarum, quod exanima chemica *veronica*, *betonica*, *rorismarini*, *ruta*, *salvia*, *melissa*, *mentha*, *thymi*, *abrotani* &c., in antecedentibus passim descripta, confirmant, non aquoso, sed spirituofo duntaxat menstruo viridem colorem communicant;

*de Amaricantibus, Austeriusculis &c.* 467  
specifico, & sapore balsamico-amari-  
cante gaudet. In extracto inspissato fla-  
vo-nigricante odor debilior, quàm in  
tincturâ, amarities verò paulò fortior  
existit.

§. III.

Ad medicamenta *resolventia*, *abstergen-*  
*tia*, *aperitiva*, *roborantia*, *anthelmintica*,  
*diaphoretica*, *diuretica*, & *sanguinis purifi-*  
*cantia* pertinent, multùmque inprimis au-  
xilii in affectibus scabiosis, cachecticis,  
rheumaticis, arthriticis, & catarrhalibus,  
nec minùs in febribus intermittentibus,  
morbis pectoris pituitosis, hydrope ascite,  
ictero, suppressione urinæ, atque  
menstrui, fluore albo, scorbuto, & san-  
guine congrumato præstant. Præscribun-  
tur, æquè, ac veronica & betonica, in  
decocto & infuso aquoso atque vinoso,  
dosi tamen paulò minori, quoniam illis  
longè potentiora reperiuntur, & faciliùs  
præterea, ob eminentiorem suam ama-  
ritiem, assumentibus nauseosam creant.

hinc concludere licet, quòd viriditas eorum, nisi  
unice, præcipue tamen, à parte oleoso-resinosa  
pendeat. Aliquam hæc observatio consideratio-  
nem meretur, & circa explicandam inprimis pe-  
rennem plantarum quarundam, abietum v. g.,  
pinorum, buxi &c. viriditatem plus lucis scene-  
rabitur.

Nonnulli folia pulverisata cum melle aut syrupo quodam miscent, & majorem in asthmate, tussi, cæterisque pectoris morbis effectum à dulcamaro hoc electuario expectant. Externè decoctum eorum in ulceribus, præsertim cacoethicis, valdè laudatur, & pulvis quoque, inter emplastra receptus, aliquid ad hernias sanandas conferre dicitur.

## §. IV.

CHAMÆPYTIS OFF., sive *Chamæpitys Vulgaris odorata flore luteo* I. B., alias etiam *Iva arthetica*, *arthritica*, *moschata*, *Ivette* &c., germ. *Erd-Kiefer*, *Schlag-Krautlein* nuncupata, passim, præsertim in *Austria* & *Hungaria*, spontè in locis campestribus sabulosis, atque montanis provenit, partim etiam in hortis seritur. Folia, de quibus hoc loco maximè sermo est, angusta sunt, oblonga, villosa paululum, & albescentia, odoris, instar piceæ, resinoso-balsamici satis penetrantis, saporis amari. Vocabulum *Chamæpitys* à vocibus *καμὰι humi*, & *πίς* vs, *picea*, *pinus*, originem duxit, quoniam folia piceam, uti dictum, redolent.

## §. V.

Naturâ, principiis, ac viribus folia *chamædryos* valdè æmulantur, plus ta-

*de Americanis, Austeriusculis &c.* 469  
men *substantiæ spirituosæ* possident. *Portio*  
*gummosa*, aquâ simplici primùm extracta  
& inspissata, colore flavo-fusco, ad ni-  
grum vergente gaudet, & præter debi-  
lem odorem, saporem balsamico-ama-  
rum, in recessu nonnihil adstringentem,  
obtinet. In infuso nondum evaporato  
odor balsamicus specificus paulò fortior,  
sapor verò remissior deprehenditur, ni-  
hilque austeri amaritiei mixtum sentitur.  
Tinctura spirituosa prima saturatè viridis  
est, plantamque magis, quàm infusum  
aquosum, redolet, & subacrem atque  
balsamico-amaricantem saporem linguæ  
imprimit. In massâ inspissatâ color viri-  
dis in flavo-nigricantem quodammodò  
degenerat, & sapor balsamico-amarus  
non acriusculo ampliùs, sed subdulci ali-  
quantulùm mixtus deprehenditur. Unciæ  
foliorum una circiter scrupulos quinque,  
vel drachmas duas extracti, tam aquosi,  
quàm spirituosi primi, suppeditat.

#### §. VI.

Chamæpitys in iisdem morbis, in qui-  
bus chamædris utilis judicatur, locum in-  
venit, & altera igitur alterius defectum  
commodè supplere potest. Nonnulli qui-  
dè chamæpityos folia in morbis capitis  
atque nervorum, adèdque in apoplexiâ,  
epilepsiâ, vertigine, paralyfi &c. majus



auxilium ferre arbitrantur : Verùm, nullam omninò putatitiæ hujus prærogativæ rationem video. Simillima enim adsunt principia activa, simillimus observatur operandi modus, adeoque pares quoque virtutes adesse debent. Perinde videtur, an internè sub formâ decocti & infusi aquosi aut vinosi præscribantur, quoniàm substantia fixa gummea virtute parùm resinosa cedit, & utraque viribus egregiis pollet. Applicari etiàm hoc loco possunt, quæ suprà §. 3. de ulteriori chamædryos usu interno & externo dicta fuerunt.

---

## C A P U T XII.

*De Thea Orientali & Teucris vero.*

### §. I.

**T**HEA VERA OFF. sive *Thea Orientalis* apud nos folia denotat fruticis ejusdam orientalis, Sinensibus *Theh*, Japonibus *Tsjja*, itemque *Tsjja* dicti, exsiccata, vel potius leniter tosta, plus minusve convoluta, suaveolentia, austeriusculo-amaricantia, colore vel viridi, aut subviridi, vel fusco-nigricante prædita.

### §. II.

Propter indicatam coloris diversitatem

Thea in genere in *Viridem*, & *Fuscam*, aut rectius *Fusco-nigricantem* dividitur. Thea fusca, vulgò *Thée-Buu*, *Thé-Buh*, *Thée-Bouy* nuncupata, eandem cum thea viridi originem habet, & differentia illa, quæ apud varias Theæ viridis ac fuscæ species venales, circa habitum foliorum externum, colorem, odorem, saporem &c., animadvertitur, partim à discrepante cæli clementiâ; solique natalis bonitate atque culturâ, partim à differentiâ foliorum recentium ætate, teneritudine, magnitudine, & collectionis tempore (a),

(a) » Collectio, referente KÆMPFFERO in  
» *Amœnit. exot.* p. 613., non eodem tempore pe-  
» ragitur, nec unâ absolvitur vice, sed utpluri-  
» mum diversis. Qui tertium colligunt, illi auspi-  
» cium tentant circa finem mensis *Songuats*, qui  
» Japonum primus est, exordians cum novilu-  
» nio illo, quod æquinoctio verno est propius,  
» sive id in Februarii exitum, sive Martii initium  
» inciderit. At hic mensis folia pauca tantum sup-  
» peditat, eaque perquam tenella, & nondum  
» integrè explicata duorum & trium dierum; quæ  
» verò nobilissima sunt omnium, & ob pretio-  
» sam raritatem palatiis Principum ac divitibus,  
» dicenda unde *Thea Casarea*, nec non *flos theæ*:  
» appellari suevit. (Forum petala nemo colligit,  
» aut loco foliorum usurpat, quod falsò persuasi  
» sunt nostrates; errorem, credo, genuisse floris-  
» nomen clausibile, vel induxisse ignorantiam  
» viatorum. - - Secunda collectio (quæ prima  
» est aliis), mense secundo instituitur, i. e.,

partim etiam à multiplici hominum artificio derivanda est; quemadmodum plura de hisce in B. NEUMANNI *Lectiōe de Thea* videnda sunt.

## §. III.

Frutex memoratus, qui triennis factus, ordinariò primam, septennis verò ultimam foliorum lectiōem patitur, in *China* & *Japonia*, vel unicè, vel præcipuè tamen, adolescit, ibidemque ab incolis maximâ curâ transplantatur, ac colitur. Sensim, tardo tamen incremento, viri altitudinem consequitur, &, sic describente vix allegato KÆMPFFERO (a),

» circa Martii finem, vel Aprilis initium; hæc  
 » folia jam integrè explicata, unà, si placet, cum  
 » semi-explicatis decerpuntur, ante præparatio-  
 » tionem, secundum bonitatem & magnitudinem,  
 » in classes seligenda. Ex his, quæ nondum ex-  
 » plicata sunt, bonitatem prædictorum quodam-  
 » modò assequuntur, unde eodem nomine ve-  
 » niunt, à cæteris, ob præstantiam separanda.  
 » *Postrema* atque omnium uberrima collectio  
 » (aliis altera) fit mense Japonum tertio; quo  
 » explicata folia multitudine luxuriant. Sunt, qui  
 » neglectis prioribus, unicâ hujus mensis colle-  
 » ctione omnem *Theæ* claudunt, absolvuntque  
 » messëm, cum sedulâ disjunctiōe foliorum in  
 » diversas *Itzibar*, *niban*, & *sanban*, seu primæ,  
 » secundæ & tertiæ bonitatis classes; quarum ul-  
 » tima exhibet folia bimestria & rigidiora, pro  
 » usu plebejorum. &c.

(a) L. c. p. 605.

*Frutex* est folio *Cerasi*, flore *Rosæ sylvestris*, fructu unicocco, bicocco, & ut plurimum tricocco. *Radicem* habet inconditè brachiatam, lignosam, superficie nigricante; *Caudicem* ab imo ramosum, brachiis, furculisque plurimis, inordinatè extensis. *Cortice* regitur infirmo, exsucco, tenui, coloris badii, in caudice canescentis, in cimis tantulùm herbei. *Lignum* ei duriusculum & fibratum est; *medulla* exigua firmiter adnata. *Folia* pediculis carnosissimis nixa, furculos perenni, nisi decerpas, vigore inordinatè occupant singula, foliis *Cerasi hortensis* fructu acido, substantiâ, figurâ, colore, & magnitudine, paria; ut recens nata, qualia pro interno usu carpuntur, magis fortasse folia *Evonymi* vulg. gran. rubr., excepto colore, referant. *Flores* autumnò singuli geminivè ex foliorum axillis prodeunt, *Rosæ sylvestris* facie, in diametrum pollicarem & ampliùs (vix integrè) expansi, remissè fragrantés, albi, hexapetali, petalis rotundis, concavis; *Pediculis* insistent semiuncialibus, ex tenui principio crassioribus, qui in squamas incerto numero (quinas & senas ut plurimùm) parvulas, orbiculatas; caliculi vicem præstantes, desinunt. *Fructus* florem numerosus excipit monococcus, bicoccus, & ut plurimùm, ad instar seminis *Ricini*,

tricoccus, concretus ex tribus globosis capitulis, pruni sylvestris magnitudine, ad centrum communis pediculi coeuntibus, & pulvinatâ depressione (quâ diffringi possunt) distinctis. Constat idem ex pericarpio & nukulâ singulis capitulis striete inclusâ. *Pericarpium* herbei coloris est, per maturitatem nigricans, superficie opacâ, substantiâ pingui membranaceâ & quodammodò lignosâ, summâ facie per siccitatem (post annuam in plantâ moram) dehiscente, ut per singulas fissuras promineat nucula. *Nucula* ferè globosa est, tantùm aliquâ sui parte, ex accubitu compressâ; *corticulâ* tegitur tenui, duriusculâ, micante, spadiceâ & Castanæ nucis simillimâ; quâ detractâ *nucleus* prodit, externâ superficie rufens, substantiam obtinens nucis avellanæ solidam & oleosam, sapore primùm vapido & subdulci, mox seminis *Cheiri* instar amaro & valdè tetrico; sed qui salivam acriter provocat, & ad fauces dilapsus nauseoso sensu, citò tamen disparente, gustantium guttura offendit. &c. (a)

(a) Qui uberiores hujus plantæ, partiumque singularum descriptionem desiderat, in eodem allegati Authoris Fasciculo III. §. 3. inveniet.

Folia recentia, etiamsi sensibili odore destituuntur, *tenerrimum* tamen *principium narcoticum* possident, eodemque, interne usurpata, spiritus animales turbant, mentem inebriant, cerebrum offendunt, & tremulum nervorum motum inducunt. Quare, ut nocivâ ac quasi virulentâ hac qualitate nonnihil priventur, & melius quoque asservari queant ac transportari, ab incolis eodem die, quo ab arbusculâ decerpta fuerunt, in amplâ, planâ, quadratâ aut rotundâ sartagine ferreâ certi cujusdam furni, quem, ut & totam præparandi methodum, KÆMPFFERUS l. c. p. 617. prolixè pariter descripsit, modestæ atque methodicæ tostioni subjiciuntur, eâque durante constanter manu utrâque huc atque illuc versantur, ut æqualiter torreantur. Sufficienti tostione absolutâ; rutabili lignei ope eximuntur, ac protinùs, dùm adhuc fervent, in storem effusa, strenuè ab aliis, palmâ utrâque, non quidèmmotu primoscuo, sed uniformi, volvuntur, ut eodem tenore contorqueantur, ac crispa evadant. Post præparationem hanc, quæ toties reiteratur, donec folia debite exsiccata sint, censurâ instituitur, & folia crassiora, inconditè volutata, ac nimis adusta à melioris notæ reliquis separantur, atque

seorsim reconduntur : Non statim tamen usui serviunt , sed per decem , duodecim , immo plures menses , asservantur , ut principii narcotici reliquiæ paulatinâ atque spontaneâ exhalatione auferantur.

## §. V.

Thea , descripta modò præparata , & ex Chinâ inprimis à mercatoribus ad nos translata , *tenerimum* , ac *gratè balsamicum principium oleoso-inflamabile* , è foliorum nec minùs , infusi , & aquæ destillatæ odore satis cognoscendum , *fixam* quoque *substantiam activam terreo-resinoso-gummeam* possidet. Pars gummea majori quantitate mixtionem ingreditur , & tam arctè cum resinosâ combinata est , ut hæc æquè , atque illa primâ vice maximam partem tam aquâ simplici , quàm spiritu vini extrahi queat. NEUMANNUS ex uncia unâ Theæ viridis unciam dimidiam ac scrupulos duos *extracti aquosi primi* , & unicum solummodò scrupulum *extracti resinosi secundi* , posteaque , cum aliam unciam , ordine inverso , exploraret , drachmas tres cum femisse *extracti spirituosi primi* , & scrupulos quatuor *extracti aquosi secundi* impetravit. Apud extracta Theæ fuscæ ( Theebouy ) , tùm intuitu quantitatis , tùm qualitatis , levissimam duntaxat differentiam invenit , primumque extractum spirituo-

sum gratus, secundum ingratus, quam apud theam viridem, esse, & principium prætereà gummosum paulò largiùs, resinofum vero parciùs in mixtione hospitari, observavit (a). Valdè memorata examinibus, quæ ipse suscepit, respondent, circa colorem tamen monendum duco, quod ille apud infusum spirituosum Theæ fuscae non semper, uti Auctor laudatus retulit, viridis, sed plerumque flavofuscus sit. Portio resinosa potentior est gummosâ, & longè majori quoque stypticitate prædita reperitur: Nam extractum aquosum primum, adeòque magis gummeum, colorem ex flavo & rubello subfuscum obtinet, & saporem duntaxat austerum mediocriter adstringentem linguae imprimit: Extractum verò spirituosum primum, cujus color pro Theæ diversitate vel fusco-vel subviridi-nigricans est, sapore in principio balsamico-amaricante, deindè admodum austero ac sty-

(a) Decocti usus apud rusticos & cives pauperiores, qui potulentum hoc toto hauriunt die, solummodò receptus est; ditiores verò infuso, quod duplici modo præparant, utuntur. Nunc scilicet folia integra simpliciter aqua fervente, uti apud nos moris est, infundunt, tinctamque hauriunt solam; nunc verò folia, molæ manualis ope in pulverem redacta, certa quantitate in vascula, calida aqua simplici repleta, immittunt, & una cum aqua sorbillant.



ptico pollet. Odor specificus balsamicus; qui in infusis, præsertim aquoso, satis fortis est, in extractis inspissatis valdè minuitur, ita ut in spirituofo parùm solummodò, in aquoso nihil fermè sentiatur.

## §. VI.

Apud Chinæ & Japoniæ incolas infusum & decoctum horum foliorum aquosum non tantùm quotidianum, communissimum, acceptissimumque potulentum constituit, sed medicaminis quoque vices sæpissimè gerit. Mentem quippe, præsertim ex foliis paratum, quæ anni unius ætatem habent, exhilarare, viscerum obstructions tollere, sanguinem purificare, materiam tartaream eluere, adeòque multis morbis mederi, pluresque, calculosæ imprimis & arthriticæ indolis, avertere, credunt. Idem Europæi quamplurimi sentiunt, & in principio, cum iisdem infusum hoc innotesceret, parùm abfuit, quin præcones nonnulli, mercede forsan conducti, istud universale morborum, tùm curandorum, tùm præservandorum, remedium deprædicarent. Nostrâ ætate fama hinc inde nonnihil iterùm decrevit, postquàm medici prudentiores cognoverunt, ac demonstrarunt, quòd laudes vulgares verâ virtutesupe-

riores existant, quòdque vires, quas infusum exferit, n̄ agis à copiosâ aquâ calidâ, quàm ipsa thea, derivandæ sint. Sententiæ huic & ego subscribere nullus dubito: Certo enim certius est, aquam calidam, hac occasione largiùs haustam, dissolvendo, solvendo, eluendo, temperando, aperiendo, humectando, plus omninò efficere, quàm extractas theæ moleculas, quæ mediante tenerrimo suo principio balsamico lenissimè saltem discutiant, mediante terreo-resinoso-gummeo austero-amaricante autem fibras ad- & constringunt. Ex adstrictione memorata, quæ in infuso tamen, ob exiguam theæ injectæ copiam, non adèò valida est, virtus diuretica, quam, post adstrictoriam ac leniter discutientem, primariam judico, præcipuè fluit, & inde pariter, non exclusa tamen blandâ discussione, quam tenerrimum principium balsamicum præstat, nervinam, cephalicam, cardiacam, pectoralem &c. deducere licebit. Iterùm nihilominùs iterumque moneo, sub virium plerarumque explicatione magis ad copiosum vehiculum ac menstruum aquosum, quàm ipsa thea principia activa, quæ in vulgari infuso, uti pridem dictum, parcissimè adsunt, respiciendum esse.

## §. VII.

Quemadmodum moderatus infusi laudati usus non tantum hominibus sanis prodest, sed in febribus quoque, inflammationibus, affectibus rheumaticis, arthriticis, nephriticis, pectoris pituitosis, aliisque catarrhalibus, nec minus in scorbuto, obstructione viscerum, dolore capitis, & morbis compluribus, ex crassitie & impuritate humorum primario oriundis, valde nonnumquam utilis deprehenditur; sic abusus quoque haud parum ad sanitatem labefactandam conferre valet. Nocendi facultas ad menstruum æquæ, ac ipsam theam redundat: Aqua tepida enim, theæ principiis parcissimè saltem, uti apud nos moris est, imprægnata, tunicas ventriculi & intestinorum valde flaccidas, immò reliquarum partium compagem laxiorem reddit, si justò largiori quantitate, ac justo frequentius assumitur. Nascuntur inde appetitûs dejectio, prava esculentorum digestio, & viscerum atque vasorum atonia, quibus facilè postmodum variæ ægritudines chronicæ succedunt. Vitium memoratum emendari quidem potest, quandò theæ folia ad certam aquæ quantitate majori copiâ recipiuntur; verum contraria hoc modo qualitas nociva infuso conciliatur: Nimiùm  
nempè

*de Amaricantibus, Austeriusculis &c.* 48  
nempè constringit, & apud subiecta sensibilia anxietatem præcordialem, & tremorem ventriculi, apud alia, spasms primæ culinæ obnoxia, cardialgiā, colicā, vel ad minimum alvi segnitiam, aut plenariam prorsus obstructionem provocat. Asthmatici quoque, phthifici, alii-que pectoris morbi chronico laborantes tam insigne auxilium, quàm vulgo credunt, à potulento hoc minimè expectare debent, quoniam quotidiano, copioso, & diuturno ejus usu tonus pulmonum magis magisque deicitur, & humorum itaque stagnationes cum vasorum obstructione & mucidæ impuritatis decubitu majora in dies incrementa capiunt.

#### §. VIII.

Pretiosiori Theæ orientali medicorum multi varias pridem plantas indigenas substituere allaborarunt, circa designandam tamen speciem optimam valdè dissentiunt, & alii hanc, alii illam ejus loco melius adhiberi posse opinantur. Nolo singula hæc succedanea, quæ COHAUSEN in *Tractatu*, cui titulus *Neo-Thea*, maximam partem descripsit, hac vice adducere, sed pauca duntaxat de TEUCRIO VERO, quod in *Actis Medicorum Berolinensium* (a) reliquis omnibus præ-

(a) Vol. II. p. 125. sequ.

fertur , subjungam. Amat hæc planta , sylvestris , quæ etiã *Chamædrys fœmina* , *Chamædrys assurgens* , *Botanicis aliàs Teucrium dicta* , itemque *Veronica spicata* , *chamædrys folio* , *frutescens & erecta* nuncupatur , elatiora ac sicciora montium loca , & ultrà semicubitalem altitudinem plerumque excrescit. Folia recentia , & Julio inprimis mense , unâ cum flosculis , monopetalis , coeruleis , in spicam collectis , decerpta , ac blandè in loco umbroso exsiccata , aquam ferventem , sub infusione moderatâ , colore subviridi , suavi odore balsamico & longè gratiori sapore , quàm *Veronica vulgaris* & *Betonica* , imbuunt. Valde igitur in hoc passu Theam orientalem æmulantur , analogâ autèm virtute fere superant. » In diffusâ » virium explicatione , B. G O H L I U S l. » c. p. 134. scribit , nihil ( *teucrium verum* » *scilicet* ) cedit herbæ The. Sanis æquè ac ægrotis sine ullâ contrarietatis efficacîâ » accommodari potest. Imò observavi , » quòd illis subjectis , quibus infusum » herbæ exoticæ The fuit grave & contrarium , quibus vertigines excitavit , » nostræ plantulæ extractio , maximè accommodabilis & salutaris fuerit. Magis » & potentiùs Diaphoretica & Diuretica » est , quam ipsa The. Cardialgias non » movet , sed præsentès discutit , & sol-

vit. Quod si totum hominem à capite  
usque ad calcem variis morbis per sin-  
gula capita infestatum percurrere velle-  
mus, nullus erit morbus, qui non ferat  
usum infusi nostræ plantulæ. Non con-  
tendo panacæam hic subesse, saltèm  
contendo nullum hic subesse, in de cæ-  
tero percurandis ex arte morbis, offen-  
diculum. Febribus cujusunque generis  
fert suppetias. Arthriticis affectibus, &  
rheumatismis videtur magis specificè  
dicata esse. Scorbuticas sanguinis in-  
quinationes, præprimis feri & lymphæ  
recrementa eluit sua diuretico-diapho-  
reticâ virtute. Visceribus læsis & sup-  
puratione tactis æquè & meliùs, ac Ve-  
ronica, balsamico-vulnerariâ occurrit  
efficaciâ. --- Noïo diffusior esse in me-  
morandâ hujus herbulæ insigni & con-  
spicuâ medicandi varios morbos effica-  
ciâ. Id saltèm intactum relinquere non  
possum, quòd securitate usûs antecel-  
lat exoticam herbam The. Non enim  
indiget repositione annuâ, aut præviâ  
tostione, quâ perdat inimicam quali-  
tatem, cerebrum & nervos impetendi,  
uti The, sed quò recentior ad usum  
vocatur, eò gratior est planta & eò sa-  
lubrior. &c.

## CAPUT XIII.

## De Artemisia.

## §. I.

**A**RTEMISIA OFF., sive *Vulgaris*  
I. B. *Veyfuh*, *Armoise*, in *rubram* &  
*albam* dividitur: Hæc caulem pallidum  
aux ex viridi albicantem, illa spadiceum  
habet, & prior itaque à C. BAUHINO  
*Artemisia vulgaris major*, caule ex viridi al-  
bicante, posterior *Artemisia vulgaris major*,  
caule & floribus purpurascens appellatur.  
Utraque species in hortis feritur, & pas-  
sim quoque sponte crescit. Folia exsicca-  
ta debilem odorem, debilemque sapo-  
rem balsamicum possident, qui in sum-  
mitatibus florifero seminiferis tamen  
paulò fortior deprehenditur.

## §. II.

Medicorum plerique huic plantæ vires  
planè eximias tribuunt, eamque, cum  
aquâ aut vino coctam, in ictero, hydro-  
pe, obstructione viscerum, nephritide  
sabulosâ, ischuriâ, dysuriâ, torminibus  
ventris, vulneribus venenatis, aut sclo-  
peto inflictis &c. magnoperè prodesse,  
& sanguinem prætereà menstruum, atque

*de Amaricantibus, Austeriusculis &c.* 485  
lochialem, nec minùs fœtum ac secundas validè pellerè, tantùmque in cunctis uteri morbis valere, perhibent, ut matrum & omnium passionum muliebrium exoptata obltetrix meritò nuncupanda esset.

### §. III.

Elogia hæc, & reliqua, quæ adducere supersedeo, magna quidè sunt, valdè nihilominùs dubito, artemisiæ folia virtutibus memoratis reverà instructa esse. Sub examine chemico enim nullum principium, cui tanta energia adscribi posset, in illis reperire potui: *Tenerrimæ* videlicet atque *volatiles particule balsamicæ* paucissimæ sunt, ac valdè debiles, & *fixa* pariter *substantia gummeo-resinosa* tam iners deprehenditur, ut parùm inde activitatis expectandum sit. Extractum enim aquosum primum sapore penitùs fermè destituitur, & spirituosum primum lenissimum duntaxat ac vix perceptibilem acriusculo-balsamicum obtinet. Credo itaque, artemisiæ foliis torpidam solummodò virtutem *discutientem* & *abstergentem* competere, adeòque usum eorum in morbis antea recensitis non adeò magni momenti esse. Non movent me contraria scriptorum testimonia, quum sic dictam experientiam, quam allegant, sub præ-



judiciorum vigore haud rarò fallacissimam esse, plus vice simplici cognoverim.

#### §. IV.

In *Chinâ* & *Japoniâ* ex artemisiæ vulgaris latifoliæ, adhuc novellæ, foliis, diu exsiccatis & obsoletis, sic dicta *Moxa*, sive usitatissima ibidem cauterii actualis materia præparatur, quâ incolæ morbos penè omnes, maximè autèm dolores arthriticos, non curari solùm, sed etiàm præservari posse, credunt. Moxa hæc, referente *KÆMPFFERO* (a), lanugo sive stupa mollicula est, coloris cinerei, concipiendo igni aptissima, eoquẽ illato moderatè gliscens, scintilla minùs conspicua, ardore temperato, progressu lento, donec in favillam tota redacta sit. Rescinditur herba multo mane, rore adhuc madens, & ad faciem domûs occidentalem libero aere suspenditur, usque dùm sufficienter exsiccata sit, deinde in summo pavimento diù servatur, quoniàm eo nobilior atque tenerior lanugo ex illâ speranda est, quo magis obsoleverit; unde non desunt, qui herbam ad decennium usque reservandam curant. Præparatio moxæ nullo artificio absolvitur: Tunduntur nempe folia primùm pistillo

(a) In *Amoenit. exot.* p. 592. sequ.

*de Amaricantibus, Austeriusculis &c.* 487  
ad mollitiem rudioris stupæ; deinde utrâ-  
que manu agitantur & fricantur assiduè,  
ut priori contusione jam attritis decedant  
duriores fibræ, & recrementa membra-  
nacea: quibus excussis, desiderata illa  
insignis teneritatis homogenea & purissi-  
ma lanugo remanet. Quandò amplius  
pectinis ope carminatur, elegantior adhuc  
atque tenerior redditur, ita, ut inscius  
eam ex artemisiâ confectam esse vix cre-  
deret. (a)

§. V.

Ex lanugine memoratâ parvi coni di-  
gitis formantur, qui cuti, salivâ antea  
paululùm hamectatæ, imponuntur, &  
bacilli sive virgulæ cujusdam ardentis ope  
in summitate accenduntur. Ignis, fastigio  
illatus, turundam brevi morâ depascit,  
usque ad cutem, ibidemque non vesi-  
cam, sed spadiceam ac fuscâ maculam,  
producit. Post inustionem stigmati ple-  
rùmque, ad suppurationem promoven-  
dam, allium contusum, & desuper ejus-  
dem pellicula exterior madefacta impo-  
nitur, die sequenti autem, vesica, cir-  
cumcirca forsan nata, forfice aperitur,  
& escharæ, alii loco, folium plantaginis,  
leniter tostum, asperiori suo latere, tan-

(a) Vid. Miscell. A. N. C. G. Dec. II. ann.  
4. obs. 1.

dèmq̃ latere molli , vel etià folium  
brassicæ &c. applicatur, ut primùm escha-  
ra spontè separetur , posteaque ulceris  
consolidatio acceleretur.

### §. VI.

*Moxiburium* hoc pro morborum diver-  
sitate modo in hac modo in illâ parte,  
frequentius tamèn in dorso , utrinque  
prope spinam ad lumbos usque , ubivis  
tamen studiosè vitatis arteriis , venis , &  
locis valdè tendinosis , peragitur. Dolor ,  
quem ignis , cutem attingens , excitat ,  
non adèò molestus esse dicitur , nisi ustio  
intrâ breve tempus iteratâ vice in eodem  
loco instituantur , aut grandiores etià  
coni imponantur : » Centies vidi , *Au-*  
» » *ctor allegatus p. 594. scribit* , ipsos pue-  
» » ros ustionem promiscuo corporis loco  
» » admisisse , citra ullum doloris gestum.  
» Urunt enim indiscriminatim infantes  
» & senes , divites & plebejos , mares &  
» fœminas ; parcunt tantùm gravidis il-  
» lis , quæ ustioni non admodùm assuetæ  
» sunt. Ustio autèm artemisialis vel ad  
» morborum præservationem , vel ad cu-  
» rationem instituitur ; ad præservatio-  
» nem præprimis eam commendatam vo-  
» lunt Medici , & sanos potiùs quàm æ-  
» grotos ustulandos jubent sicut enim ,  
» ajunt , materiam medicam morbi præ-

de *Amaricautibus*, *Austeriusculis* &c. 489  
 » sentis, ita futuri pharmacum esse cau-  
 » terium. Qui igitur in extimo oriente  
 » suæ valetitudini prospiciunt, ii uri se  
 » singulis curant semestribus. Ea consue-  
 » tudo adeò religiose viget, ut etiam ho-  
 » minibus æviterno carcere damnatis pro-  
 » dire permissum sit, ad moxiburii fruen-  
 » di beneficium. Præservativa ustio tu-  
 » rundis in eodem loco absolvitur par-  
 » vulis, & paucioribus, curativa verò  
 » plures requirit, easque grandiculas, si  
 » vapores ex profundo latice evocandi  
 » sunt. &c. Plura de hisce ac reliquis,  
 ad Moxæ præparationem, applicationem  
 &c. spectantibus, non tantum apud *hunc*  
*scriptorem*, sed hinc inde pariter in *Miscell.*  
*A. N. C. G.*, nec minùs in *BLANC-*  
*KARDTI & Dn. TEMPEL Tract. de*  
*Moxa* videri possunt.

---

## CAPUT XIV.

De Floribus Liliorum convallium, tilia, &  
*Paralyseos.*

### §. I.

**L**ILIUM CONVALLIUM, *Muguet*, à recen-  
 tiorum quibusdam, præeunte LIN-  
 NÆO, etiàm *Convallaria* dictum, magis  
 frigidarum, quàm calidarum regionum

incola est ; hinc in *Germaniâ* nostrâ , ceterisque regionibus , ad septentrionem plus minusve vergentibus, uberrimus hinc inde ejus proventus est. Amat valles, sylvas cæduas , aliaque loca humidiuscula & umbrosa , aprica autem & sicciora refugit. Flores, qui præ reliquis plantæ partibus ad usum medicum expetuntur, plerumque albi, rarius purpurascetes sunt : Odorem, præsertim in paulò majorem fasciculum collecti, diffundunt fragrantissimum suavissimumque balsamicum, & nonnihil expansivum ; hinc sæpiùs quoque & majori copiâ naribus admoti caput aliquantulum turbant, & facile, apud plethorica inprimis & cholericæ subjecta, cephalalgiam leviozem producant : Memoratus tamen odor fugacissimus est, & post aliquam florum exsiccationem, vel saltèmarcescentiam valdè imminuitur, tandèmq; prorsùs evanescit. Sapor admodum amarus est, ità ut flores hi multa in hoc passu cum aloe communia habeant. Quandò exsiccati in pulverem rediguntur, idemque naribus attrahitur, vividam titillationem, cui fortis sternutatio, immò apud homines plethoricos haud rarò narium hæmorrhagia succedit, excitare consuevit.

Præter *tenerrimum* *fugacissimumque* *principium*, *oleoso-spirituosum*, *odoratum*, *balsamicum*, in floribus hisce etiam *subtile salinum acidulum*, & *valdè activa substantia fixa*, tam *resinosa* quàm *gummea*, demonstrari possunt.  
(a) *Principium balsamicum*, quod odor *fatis* prodit, cum aquâ simplici & spiritu vini alembicum sub blandâ destillatione transcendit, & gratâ fragrantîâ vehiculum utrumque imbuat oleum substantiale æthereum verò, cujus valdè exigua quantitas in mixtione hospitatur, nunquàm sub consistentiâ ac formâ crassiori oleosâ

(a) *Sal essentielle vitriolico-ammoniacale*, cum multo oleo acri & spisso conjunctum, quod GEORGEY floribus hisce tribuit, reperire non potui, nec unquàm alios istud reperturos credo. Pluribus sanè simplicibus singularia ejusmodi principia, quæ sicci ac violenti ignis producta, vel æpiùs imaginaria prorsum appellare audeo, adscripsit. Quis enim in avenâ v. g. *sal ammoniacale*, multo oleo involutum, in fabis *sal urinosum volatile* in fumariâ *sal essentielle ammoniacale cum aliquâ salis mirabilis Glauberi portione*, & multo sulphure conjunctum in herbâ & radice cichoriâ *sal essentielle salsum vitriolico-ammoniacale*, multo sulphure involutum, in artemisiâ *sal ammoniacale essentielle cum multo sulphure crasso*, & multâ terrâ conjunctis, in radice ari *sal essentielle simile salî ammoniato*, spiritu nutri saturato, cum oleo crasso & succo viscido & mucaginoso remixtum, in radice ellebæri albi *salem alcalicum &c.* invenit, ac solidè demonstrabit?

in conspectum venit, nisi unâ vice ingens  
 florum copiâ humidæ destillationi subji-  
 ciatur. Subtile sal essentiale acidulum dif-  
 ficillimè à partibus reliquis separatur,  
 quoniam fixæ substantiæ gummeo-resi-  
 nosæ valdè implicitum, altiùsque immer-  
 sum est; præsentia tamen ejus manifesta  
 redditur, quandò flores seorsim aquâ sim-  
 plici, & spiritu vini per aliquot horas in-  
 funduntur ac digeruntur, posteaque so-  
 lutionibus filtratis liquor alcalicus, v. g.  
 solutio salis tartari, aut cinerum clavel-  
 latorum, justâ quantitate instillatur. Ex  
 utraque enim solutione sensim parva gra-  
 nula salina ad fundum dejiciuntur, quæ  
 nitroso-salsum saporem linguæ imprim-  
 unt, & formam quoque crystallinam  
 acquirunt, si decantato liquore superna-  
 tante sedimentum leniter siccatur, sicca-  
 tum in aquâ simplici denuò solvitur, &  
 solutio, præmissâ filtratione, blandè eva-  
 porando ad aliquam, non omnimodam  
 tamen, siccitatem redigitur. Instillatis li-  
 quoribus acidis, similis salis medii gene-  
 sis nequam expectanda est, nullaque  
 præcipitatio accidit, sed infusum aquo-  
 sum pristinam pelluciditatem retinet, &  
 spirituosum, ob phlegmatis cum acido  
 accessum, nonnihil saltèm turbatur (a).

(a) Plura de hisce in C. SCHULTZII *Diff. de Lilio  
 Conwallino* §. 14. 15. 16. 17. 18. 19. videri pos-  
 sunt.

A tenerrimis hisce particulis acidulis, per totam massam resinoso-gummeam dispersis, & oleoso-inflammabili portione magis minùsve contemperatis, titillatio illa, quam pulvis, naribus attractus, provocat, maximam partem derivanda est.

§. III.

Descripta principia subtiliora oleoso-inflammabilia, & acidulo-salina suam quidem merentur laudem, activitate nihilominùs fixis resinosis ac gummeis aliquantulum cedere, arbitror. Probant assertum meum infusa & extracta aquosa ac spirituosâ: Nam fuscum infusum aquosum primum odore blandè ac gratè balsamico pollet, & saporem amarum atque subacrem obtinet. Evaporando inspissatum massam largitur colore fusco, ad nigrum inclinante, odore balsamico, non amplius tamen adeò grato, & sapore amaro planè singulari præditam. In tincturâ spirituosâ primâ, quæ aurei coloris est, idem adest sapor amarus, acredo verò fortior sentitur; in extracto contrâ, quod colorem flavo-subfuscum obtinet, & gratum odorem, instar mellis ac ceræ, spirat, acredo memorata iterùm remissior, amarities autem major percipitur. Non sine ratione itaque suspicari licebit, multas partes salino-acidulas volatiles, quæ



præcipuam acredinis causam constituunt; sub evaporatione in auras abiisse. Utrumque extractum non amaritie solùm, sed etiàm virtute aloen hepaticam æmulatur, & paulò majori quantitate, ad scrupulum nempe, aut drachmam dimidiam, exhibitum, validè abstergit, stimulat, alvumque laxat.

## §. IV.

Vires medicæ, quibus flores liliorum convallium instructi reperiuntur, partim *discutientes*, *nervina* atque *cephalica* sunt, partim *stimulantes*, *abstergentes*, *laxantes*, *aperitiva*, & *diuretica*. Priores à nobili principio oleoso-inflammabili balsamico, posteriores à sale acidulo, & valdè amarâ substantiâ fixâ gummeo-resinosâ dependent. Non perinde itaque est, an promiscuè sub hac vel illâ formâ adhibeantur, sed ità semper præparandi sunt, ut scopo certius satisfieri possit. Quare, si discutendi & confortandi virtus in vertigine, apoplexiâ, affectibus soporosis, epilepsiâ, melancholiâ, debilitate memoriæ, lipothymiâ, paralyfi, palpitatione cordis, ceterisque cerebri & nervorum morbis præcipuè desideratur, aquam destillatam & spiritum, à floribus recentibus semel vel aliquoties abstractum, eligere præstat, quoniam liquores hi tenerrimo prin-

*de Amaricantibus, Austerinsculis &c.* 495  
cipio oleoso-spirituoso balsamico maxime turgidi sunt; sin solida autem in aliis morbis chronicis, asthmate, v. g., passione hypochondriaca, cachexiâ, scorbuto, febre quartanâ &c., sub contractionis languore stimulare paululùm, alvum blandè laxare, impuritates mucidas attenuare & abstergere, vasa obstructa reserare, & diuresin provocare, animus est, decocta eorum & infusa aquosa ac vinosa, nec minùs extracta, pilulis & electuariis addita, vel in congruo etiàm vehiculo soluta, præscribenda erunt. Externè pulveribus errhinis, & ptarmicis frequentissimè miscentur, & vix laudatus spiritus, non sine maximo emolumento, partibus sugillatis, convulsis, aut paralyti tactis, applicatur.

§. V.

FLORES TILIAE FOEMINAE FOLIO MAIORI C. B. quoad volatile principium odoratum balsamicum cum floribus liliorum convallium quodammodò conveniunt, quoad fixa autem elementa magnoperè differunt. Substantia enim, quam aqua simplex sub blandâ digestionem extrahit, satis *crassa mucilaginea* est, & fluida adhuc, præter odorem debilem balsamicum, herbaceo-mucilagineum duntaxat saporem, amaritiei & acridinis

prorsus expertem, post perfectam verò inspissationem herbaceo-mucilagineo-subfalsum possidet. Portio magis *resinosa*, spiritu vini primùm extracta, post evaporationem longè quidem potentior est, parùm nihilofeciùs proprietatibus suis valdè amaro & acri extracto spirituosissimo primo florum lilii convallium respondet, dum satis austero adstringente, & non-nihil saltem amaricante sapore donata deprehenditur.

## §. VI.

Operationem suam flores paulò recentiores, si vino nempe infundantur, partim discutiendo, commovendo, & expandendo, ac roborando, partim incrassando, obrundendo, & subadstringendo in corpore exercent: Sin infusum verò merè aquosum propinetur, vel aqua destillata & spiritus abstractitius exhibeantur, in casu priori solæ propemodùm vires *incrassantes* ac *demulcentes*, in casu posteriori autem *discutientes*, saltèm, *nervina*, *cephalica*, ac *debiles hypnotica* considerationem merentur. De virtutibus specialibus nihil addam, quum ex viribus generalibus, & vario imprimis operandi modo pathologiæ gnaris facilè pateant.

§. VII.

FLORES PRIMULÆ VERIS OFF.  
*five Primulæ odoratæ flore luteo simplici* I. B.  
naturâ & viribus proximè ad tilix flores  
accedunt, præterquàm, quòd fixa eorum  
substantia non adeò mucilaginea, & vo-  
latile quoque principium odoratum de-  
bilis, ac minùs expansivum sit, adeò-  
que hypnoticâ virtute careat. Exhibetur  
plerumque aqua destillata, vel ipsi flores,  
confortandi inprimis sine, in infuso vi-  
noso præscribuntur.

---

CAPUT XV.

*De Floribus Pæoniæ, tunica hortensis, &  
rosarum.*

§. I.

FLORES PÆONIÆ MARIS, *Fleurs de  
Pivoine mâle*, cujus radicem in an-  
tecedentibus pridem descripsi, saturatè  
rubri sunt, splendentes saporis modicè  
austeri adstringentis, odoris grati balsa-  
mici. Quandò exsiccantur, odor ita pau-  
larim minuitur, ut naribus ampliùs per-  
cipi nequeat; quare in exsiccatis quoque  
nulla singularis principii tenerrimi, fuga-  
cissimi, spirituosissimo-inflammabilis ratio haben-

da, sed unicè propemodùm ad *substantiam fixam resinofam* ac *gummeam* respiciendum erit.

### §. II.

Substantia gummea, quòd analysis chemica monstrat, majori quantitate, quàm resinosa, mixtionem ingreditur, & virium quoque intuitu paulò potentior existit. Ex uncia florum unâ circiter drachmas duas & grana aliquot extracti aquosi primi, & quatuor fermè scrupulos extracti spirituosi primi impetravi. Hoc amoenissimo colore rubro oculis blanditur, ac grato, quanquàm debili, odore balsamico, & austero, adstringente, in recessu, sacchari ferè instar, simul dulci sapore gaudet; illud rubro-nigricans est, & naribus gratum odorem, linguæ autèm saporem satis austerum, subdulci paritèr atque amaricante nonnihil mixtum, imprimat. Infusa ab extractis inspissatis nihil differunt, præterquàm, quod color dilutior, & sapor remissior sit.

### §. III.

Locum hi flores inter *adstringentia* & *nervina* sibi vindicant, & in paralyfi imprimis epilepsiâ idiopathicâ, palpitatione cordis, cachexiâ, herniis, ulceribus, vul-

*de Amaricantibus, austeriusculis &c.* 499.  
neribus, hæmorrhagiis, diabete, gonorrhoeâ benignâ, aliisque profluviiis ferofis, si styptica nempe tutò admittuntur, non contemnendi ufus sunt. Recentes, adeòque odorato & quodammodò vapo-roso principio adhuc turgidi, aliquam pa-riter virtutem *anodynam, leniterque discu-lientem*, & majorem, quàm exsiccati, *antiſpaſmodicam* atque *nervinam* exferunt. Pro usu interno præſcribuntur in decocto & infuso aquoso aut vinoſo, à drachmâ unâ ad drachmas duas. Externè decoctis stypticis, roborantibus, & vulnerariis addi poſſunt.

§. IV.

FLORES TUNICÆ RUBRÆ OFF.  
ſive *Caryophylli rubri hortensis, Fleurs d'Oeil-let*, graviori, quàm pæoniæ flores, odo-re pollent, longè remiſſiorem verò ſapo-rem adſtringentem, leniſſimâ amaritie mixtum, poſſident. Principium ſpirituo-ſum odoratum itidè tenerrimum ac fu-gaciſſimum eſt, paulò diutiùs tamen, quàm in præcedentibus, poſt modicam exſiccationem remanet, adeòque propiùs etiàm ad indolem oleoſam accedere vi-detur. Suſpicari itaque licet, majorem ſorum recentium copiam, unâ vice hu-midæ deſtillationi ſubjectam, fortaiſſis paxillùm olei ſubſtantialis reddituram

esse : Dicta tamen solummodò suspicor ; ex integrâ enim librâ ne miculam olei , sed aquam solummodò , aromaticâ frangentiâ donatam , obtinui. Substantia *fixa resinosa ac gummea* , tùm quantitatis , tùm qualitatis intuitu , majoris momenti est : Extractum aquosum enim , quòd ex uncia florum integrâ plerumque drachmas duas & grana aliquot pendet , coloris purpurei est , odoris debilis balsamici , saporis ex falso & amaricante austeri ; spirituosum verò , purpureo pariter colore præditum , saporem balsamico-amaricantem obtinet , & specificum simplicis odorem balsamicum sensibilius paulò , quàm præcedens , spirat ; minori tamen quantitate colligitur , & quatuor circiter scrupulos pondere attingit. Subblandâ infusi utriusque evaporatione constanter odor caryophyllæus percipitur ; unde manifestum est , substantiæ fixæ , cessante etiàm sensibili florum odore , multas particulas volatiles altiùs immerfas , adeòque plus virtutis ab infusis concentratis , quàm ab ipsis massis inspissatis , expectandum esse.

## §. V.

A floribus Tunicæ atque Pæoniæ FLO-  
RES ROSARUM RUBRARUM HORTENSIIUM  
*Fleurs de Roses rouges ou de Roses de Pro-*

*de Amaricantibus, austeriusculis &c.* 501  
vins, parùm recedunt, multò largiori ta-  
men, & magis oleoso principio volatili odo-  
rato instructi reperiuntur. Oleum essen-  
tiale, cujus uncia saltèm dimidia, vel  
etiàm, si flores optimi ac fragrantissimi  
sunt, drachmæ sex ex centum libris de-  
stillando elici possunt, singularis planè  
naturæ est. Post destillationem quippe a-  
quæ sub formâ squamularum seu crustu-  
larum griseo-albicantium innatat, & olei  
fluidi flavescentis habitum postea demùm  
consequitur, quandò squamulæ memo-  
ratæ providè auferuntur, & in vitro col-  
lectæ, blando calore colliquantur: In lo-  
co frigidiusculo tamèn fluiditas hæc non  
adeò diù perdurat, sed oleum intrà bre-  
ve tempus in massam stabilem, albam,  
butyro aut sevo haud dissimilem, coa-  
gulatur; hinc vitrum quoque semper in  
locum calidum transferendum, vel ali-  
quamdiù in manu calidâ detinendum est,  
quotiès oleo pristinam fluiditatem pristi-  
numque colorem subflavum reddere pla-  
cet. Suavissimum cæteroquàm odorem  
diffundit, & unica guttula, calore in va-  
pores resoluta, integrum conclave grato  
rosarum odore replere valet. Substantia  
fixa gummea post inspissationem nigri-  
cans est, splendens, odoris debilis spe-  
cifici, saporis ex falso, amaricante, &  
balsamico austeri. Portio magis resinosa,



spiritu vini rectificatissimo primum extracta, colore flavo-brunneo, ad rubrum inclinante, & fortiori adhuc sapore austero, cui moderata amarities mixta, pollet. Tinctura liquida parum in principio olet, sub evaporatione autem, & ultimo imprimis ejus actu, singularem odorem nauseosum, fermè instar aloes hepaticæ, emittit.

## §. VI.

Circa operandi modum ac vires apud flores tunicæ atque rosarum magna analogia observatur. Leniter nempe discutunt, abstergunt, adstringunt, ac roborant; virtus *abstergens* tamen, & *adstrictoria*, quibus lenissima *cathartica* jungenda erit, multò fortior in rosarum, quàm tunicæ floribus, deprehenditur. De viribus specialibus, variisque morbis quibus specificè medentur, multa addere superfluo, quoniàm in hoc passu pæoniæ floribus valdè respondent. Dantur sæpissimè syrupi eorum atque conservæ, optimè tamen ipsi flores vino, aut aceto infunduntur. Cum rosis rubris ROSÆ ALBÆ maximam partem conveniunt, & paulò fortiori saltèm virtute laxante instructæ dicuntur.

C A P U T XVI.

*De Floribus Calcatrippæ arvensis, Borriginis  
atque Cyani sylvestris.*

§. I.

**F**LORES CALCATRIPPÆ OFF.;  
five *Contisodæ Regalis* C. B., *Rittersporn-*  
*blumen*, *Fleurs de pied d'Alouette* cœrulei  
sunt, saporis amaricantis, odoris, pau-  
lulum inprimis contriti, satis grati bal-  
samici. Planta in arvis inter segetes spon-  
tè crescit, hinc à TOURNEFORTIO etiàm  
*Delphinium segetum* nuncupatur.

§. II.

Principia eorum activa, præsertim *fixa*  
*gummeo-resinosa*, potentiora sunt, quàm  
vulgo creduntur. Confirmant assertum  
examina chemica: Extractum quippe a-  
quosum fulco nigricans odorem suavem,  
instar panis melliti, spirat, & saporem  
mucilagineo-amarum obtinet. Idem  
odor cum sapore balsamico-amaro etiàm  
in violaceo-nigricante extracto spirituo-  
so primo sentitur: Hoc tamen, quòd,  
florum uncia recepta, circiter drachmam  
unam & scrupulos duos pendet, magis  
roborans, illud verò, cujus pondus, sup-

positâ æquali florum quantitate , ultra drachmas tres ascendit , magis abstergens est. Infusa liquida parùm discrepant , notatu nihilominus dignum est , neque aqueum , neque spirituosum menstruum cœruleo colore tingi , sed prius subrubro-fuscum , posterius flavo-viridescens esse.

## §. III.

Vires medicæ , quæ floribus hisce jure tribui possunt , *resolventes* sunt , *abstergentes* , *leniter discutientes* , *roborantes* , & *diuretica* ; hinc effectum quoque non contemnendum ab usu eorum interno , præfertim si cum aquâ aut vino coquantur , aut , quòd præstare arbitror , solummodò infundantur , in obstructione viscerum , cachexiâ icteritiâ , sanguine congrumato , ulceribus , vulneribus , nephritide pituitosâ , & ipso calculo &c. sperare licet. Externè decoctis traumaticis adduntur , & contusi quoque , ac debitè cum melle in emplastrum redacti , multùm ad curandas sugillationes valent.

## §. IV.

FLORES CYANI SEGETUM C. B.  
*Kornblumen* , *Fleurs de Bluet* , *Barbeau au bisoin* , *Casse-Lunette* , eundem , quem *Calcatrippæ flores* , locum natalem habent ,  
 &

& varii, nimirum cœrulei, albi, purpurei &c., coloris sunt; cœrulei tamen plerumque eliguntur, & reliquis speciebus, quamquàm absque solidâ ratione, præstantiores judicantur: Facile enim apud flores hosce coloris mutatio contingit, & in eodem loco, quo anno præterito cœrulei fuerunt, anno sequenti purpurei conspiciuntur, & vice versâ. Odore gaudent valdè debili, & sapor quoque nullam singularem considerationem meretur.

§. V.

Principii volatilis nulla, me sentiente, ratio habenda, sed vires exiguæ, quibus instructi sunt, unicè in substantiâ fixâ gummeo-resinosâ latent. Extractum aquosum primum colorem rubro fuscum, ad nigrum inclinantem, odorem debilem, ingratè balsamicum, & saporem falsum refrigerantem, nitroso analogum, ac simul austeriusculum obtinet. Massa magis resinosa, spiritu vini primùm extracta, & inspissata, odoris purpurei est, odoris debilis quidè, ast satis grati balsamici, saporis in principio subdulcis, postea subfalsi & austeriusculi. Utriusque extracti quantitas longè parcius est, quàm apud calcatrippæ flores, gummosum tamen resinosum pondere superat, & binas

fermè drachmas æquat. Infusa, quòd itidem addere placet, nunquàm amoenissimum colorem cœruleum, sed aquosum ex flavescente & rubello subfuscum, spirituosum verò subrubro-flavescentem, nanciscuntur.

## §. VI.

Præter blandas vires abstergentes, refrigerantes, subadstringentes, & diureticas floribus hisce vix alias notatu dignas adscribere audeo, & justè igitur dubito, an infusum eorum aquosum & vinosum, quòd scriptores passim tamen referunt, contrà icterum, hydropem, calculum, obstructionem mensium, scabiem, sanguinem congruatum, ac morbos similes, qui potentiora omninò remedia ad sui curationem postulant, multùm valeat. Non nego quidèm, remedium hoc aliquid ad profligandas ægitudines memoratas conferre posse, nego tamen, effectum ejus, si solum adhibeatur, consideratione dignum fore. Externè recentes contusi partibus sugillatis imponuntur, & aqua destillata, quæ paucissimis saltem ac vix sensibilibus particulis balsamicis imprægnata est, communissimum collyriorum refrigerantium ingrediens constituit.

§. VII.

Cyani floribus indole atque virtute  
FLORES BORRAGINIS HORTEN-  
SIS, *Fleurs de Bourache*, tam albi, quam  
*cærulei*, quodammodo respondent; quare  
prolixiorē hoc loco eorum descriptio-  
nem subungere, supervacaneum duco.  
Tædet quoque de virtute cardiacâ, quam  
plerique in floribus hisce, præsertim cœ-  
ruleis, planè eximiam judicant, multa  
addere, quoniam imaginaria est, nul-  
lumque in principiis naturalibus, quæ  
saltem subdulcia, ac satis inertia sunt,  
fundamentum invenit. Usurpantur ple-  
rumque conserva & syrupsus, vel ipsi  
flores in infuso, cum vino, aut aceto pa-  
rando, præscribuntur. Aqua destillata, li-  
cet magnam pariter famam adepta sit,  
nulla corpuscula activa continet, & vix,  
aut ne vix, ab aquâ simplici purâ differt.

---

CAPUT XVII.

*De Visco.*

§. I.

**V**ISCUS sive *Viscum*, *Mispel*, oder  
*Mistel*, *Guy*, est singularis planta  
parasitica fruticosa, ac semper virens,

quæ hinc inde , maximè autem in *Moravia* , *Bohemiâ* , *Austriâ* , *Prussiâ* , *Westphaliâ* , *Saxonniâ* , & *Thuringia* , ramis *queruum annosiorum* , nec minùs *tiliarum* , *corylorum* , *malorum* ac *pyrorum sylvestrium* innascitur , suumque alimentum partim ex aere , partim ex arbore , cui quasi insita est , haurit. Rami inferiores sive caudices digiti plerumque crassitie sunt , duri , lignosi , compacti , colore foris gryseofusco , aut gryseo-nigricante , vel fuscorubente , intùs ex albido flavescente. In ramis superioribus ac lateralibus crassities cum texturâ lignosâ magis magisque decrescit , & corticis color in merè flavum , vel alibi etiam in flavo-viridiusculum , aut flavo-ferrugineum dilutiorem mutatur. Folia sunt bina opposita , oblonga , venosa , dura , coloris flavo-subviridis , flores verò , quibus tandem baccae subrotundæ , molles , albæ , aut subflavo-albicantes , materiâ glutinosâ plenæ , planumque ac cordiforme semen includentes , succedunt , monopetali deprehenduntur , pelviformes , quadrifidi , & verrucis , rancquam apicibus pulverem effudentibus , conspersi. Odore & sapore evidenti rammi , ac folia penitùs destituuntur , & ipsæ quoque baccae , è quibus notissimum *Viscum* excoquitur , inertem solummodò saporem mucilaginem obtinent.

§. II.

Propagari hæc planta vulgò creditur ,  
quandò turdi , palumbæ , & aves aliæ ,  
quæ baccarum esu delectantur , semina ,  
pulpâ concocta , per alvum cum excre-  
mentis reddunt , & illa fortuitò in rimas  
corticis arborum memoratarum , amplio-  
res tamen , & semicorruptâ materiâ li-  
gnoso-terreâ , in quâ planta primas agere  
queat radices , plus minùsve repletas ,  
delabuntur. Hic propagandi modus ,  
quem *PLINIUS* dudum descripsit ( *a* ) ,  
existit quidem verissimus , non unicus ta-  
men censeri debet , postquam Botanici &  
alii viri curiosi annotarunt , quòd baccæ  
etiam integræ , in avium ventriculis non-  
dum concoctæ , si ventorum impetu in  
alias arbores transferantur , vel ab ipsis  
hominibus per modum inoculationis in  
corticis fissuras immittantur , novam plan-  
tam generare soleant.

§. III.

Viscus quercinus , frigido inprimis ac  
sicco tempore hyemali , quo maximè vi-  
get , decerptus , ac probè exsiccat , spe-  
ciebus reliquis ordinariò præstantior judi-  
catur : An sufficiens autem differentiæ  
atque prærogativæ fundamentum adsit ,

( *a* ) *Hist. Nat. Lib. XVI. cap. 44. p. m. 339.*



justè dubito. Hoc verò, examinibus edoctus, certius scio, caudices crassiores magis lignosos, & ramos teneriores ac folia discriminis quidquàm intercedere. Referam primò, quid apud ramos crassiores sive caudices visci quercini, quem solum exactiori scrutinio chemico subjeci, observaverim: Infusum aquosum primum colore erat subfusco-rubescente, odore nauseoso, molli, nonnihil quasi balsamico, sapore satis inertis, & specificè ingrato. Blandè inspissatum massam largiebatur paritèr subfusco-rubescentem, quæ debili suo odore pruna, tostione exsiccata, paululùm æmulabatur, & saporem salsum, amaricante & subadstringente lenissimè saltem remixtum, linguæ imprimebat. Tinctura spirituosissima, saturatè flava, solum ferè menstruum redolebat, ac debilem saporem balsamico-austeriusculum possidebat. Sub evaporatione singularem & quasi molliusculum, ut ita loquar, odorem balsamicum emittebat, qui postea quoque in ipso extracto, cum aliquo tamen decremento, perdurabat. Color extracti flavo-rubescens erat, sapor verò satis austerus, simulque, peculiari prorsus modo, nauseosus. Quum, hisce peractis, ramulos teneriores, unà cum foliis, ad similia vocarem examina, sequentia annotare licuit: In-

*de Amaricantibus, Austeriusculis &c.* § I I  
fufum aquofum primum brunneo-rubef-  
cens, & fub effufione folummodò au-  
reum, debili odore naufeofò, & fapore  
amaricante pollebat. Extractum in fiffa-  
rum cum infufò maximam partem conve-  
niebat, præterquàm, quòd color faturatè  
fufcus, fapori amaricanti faliedo quædam  
admixta effet. Tinctura fpirituofa prima,  
eolore fubviridi-flavo, ad fufcum incli-  
nante, donata, fapore & odore folum  
fermè menftruum prodebat, ac perparùm  
duntaxat balsamici fentiabatur; abfolutâ  
autem evaporatione, maffa remanebat  
fubviridi-nigricans, odoris ingratè balsa-  
mici, faporis amari, atque leniffimè in  
recessu adftringentis. Uncia vifci una mi-  
hi drachmas duas & grana octo extracti  
aquofi primi, & drachmam unam ac duos  
fermè fcrupulos extracti fpirituofi primi  
dedit.

§. I V.

Quando folia, & rami, tam craffio-  
res, quàm tenuiores, deftillationi hu-  
midæ committuntur, nullum prorfus olei  
effentialis veftigium cernitur, fed aqua  
profecta naufeofum folummodò odorem  
fpirat: Sin deftillatio autem, citrà aquæ  
additionem, in retortâ, arenæ impofitâ;  
igne tamen moderato adhibito, fenfim-  
que aucto, inftituitur, liquor acidulus,

quem aliqua olei empyreumatici portio sequitur, prodit. Monendum tamen, caudices crassiores majorem, quàm ramos tenuiores ac folia, laudati acidi liquoris quantitatem reddere. Cognoscimus ex hisce & præcedentibus examinibus, viscum quercinum, præter paucissimas atque tenerrimas particulas balsamicas, nullas ampliùs volatiles activas, blando scilicet, humidoque calore expellendas, in naturali mixtione continere, sed agendi juvandique rationem præcipuè ad abstergentia, roborantia, ac plus minusve adstringentia principia fixa gummeo-resinosa, in ramis crassioribus falso-amaricantia atque austera, in tenuioribus verò & foliis falso-austeriusculo-amara, redundare, ita tamen, ut principium resinosum activitate multùm gummeo præpolleat.

## §. V.

Dominus DIETERICUS WESSEL LINDEN viscum ex acido mucilaginoso, partibus terrestribus largiùs remixto, potissimam partem componi statuit, indeque unicè etiàm virtutem ejus derivandam esse, arbitratur (a), immò alio loco (b) oleum

(a) In den Unmerckungen aber des Doct. Job. Colbatch Mistel-Dissertation. p. 152.

(b) p. 261.

*de Amaricantibus, Austeriusculis &c.* 513  
essentiale inter principia constitutiva collocat, idemque, observatâ certâ encheiresi, præmissâ nempe paulò protractiori visci maceratione in aquâ falsâ, sub olei ordinarii formâ ac consistentiâ, exiguâ licet quantitate, elici posse, testatur. Primum assertum simpliciter nego, & de posterioris quoque veritate valdè adhuc dubito. Nam mucilago crassa copiosissimè quidè in baccis adest, in foliis ac ramis autem (intelligo hic mucilaginem propriè talem) demonstrari nequit, & acidæ quoque particulæ, sub destillatione siccâ prodeuntes, blando calore humido, qualis in animantium ventriculo reperitur à fixâ substantiâ gummeo-resinosâ nunquàm penitùs separantur, dum aliùs illi immerse, intimiùsque involutæ hærent, immò, quoad maximam sui quantitatem, ad formandam ipsius resinæ mixtionem concurrunt. Olei essentialis denique præsentia ideò maximè mihi videtur dubia, quod ne minimum olei substantialis vestigium sub destillatione humidâ, quam semel cum duabus visci unciiis suscepi, animadvertere potui.

§. VI.

Antiquissimis pridè temporibus fruticosa hæc planta, ob divinas, uti credebant, ac planè eximias virtutes, à Druid

dis (a), medicis aliisque maximi æstima-  
ta fuit, & fama ejus per multa secula con-  
stanter perduravit, donec recentiori de-  
mum ævo passim elanguescere cœperit.  
Fateor, me ipsum ante aliquot annos vis-  
cum, cum singulas ejus partes ferè insi-  
pidas & inodoras deprehenderem, vix  
ampliùs inter medicamenta activa collo-

(a) » Non est omittenda, PLINIUS *l. c. scribit*,  
» in ea re & Galliarum admiratio. Nihil habent  
» Druidæ (ita suos appellant Magos) visco, &  
» arbore, in quâ gignantur, (si modo sit robur)  
» sacratius. Jam per se eligunt roborum lucos:  
» nec ulla sacra sine eâ fronde conficiunt, ut inde  
» appellati quoque interpretatione Græcâ possint  
» Druidæ videri. Enimverò quicquid adnascatur  
» illis, è cœlo missum putant, signumque esse  
» electæ ab ipso Deo arboris. Est autem id rarum  
» admodum inventu, & repertum magnâ religio-  
» ne petitur: & ante omnia sextâ lunâ, quæ prin-  
» cipia mensium annorumque his facit, & seculi  
» post tricesimum annum, quia jam virium abun-  
» dè habet, nec sit sui dimidia. Omnia sanan-  
» tem appellantes suo vocabulo, sacrificiis epu-  
» lisque ritè sub arbore præparatis, duos admo-  
» vent candidi coloris tauros, quorum cornua  
» tunc primum vinciantur. Sacerdos candida ve-  
» ste cultus arborem scandit. Falce aureâ deme-  
» tit. Candido id excipitur sago. Tum deindè vi-  
» timas immolant, precantes; ut suum donum  
» Deus prospexum faciat his, quibus dederit. Fœ-  
» cunditatem eo potè dari, cuicunque animali  
» sterili arbitrantur, contraque venena omnia  
» esse remèdiorum: Tanta gentium in rebus frivolis  
» plerumque religio est &c.

*de Amaricantibus, austeriusculis &c.* 815  
casse: Verùm, postquam Dominus COL-  
BATCHIUS singularem ejus virtutem an-  
tepilepticam in *Dissertatione allegatâ*, quàm  
laudatus LINDENIUS ex Anglicâ linguâ  
in Germanicam transtulit, novis exem-  
plis practicis corroborare annisus est, iis-  
demque meam attentionem rursus exci-  
tavit, exactiùs naturam illius, ope destil-  
lationis & extractionis, exploravi, & ab  
eo tempore de viribus, quæ ipsi in tor-  
minibus infantum, asthmate convulsivo,  
chorea S. Viti, epilepsiâ, ceterisque con-  
vulsionibus tribuuntur, honorificè iterum  
sentire coactus sum. Recipitur inter pul-  
veres, bolos, & electuaria, ac commodè  
pariter in decocto aquoso, & infuso vi-  
noso propinatur. Infantibus, pro ætatis  
diversitate, à scrupulo uno ad drachmam  
semissem, adultis verò à scrupulo uno ad  
drachmam integram & ultra præscribitur.  
Quo effectus quoque certior sit atque  
præstantior, alia atque alia appropriata,  
asa fœtida v. g. galbanum, radix pæoniæ,  
coccinella, grana chermes &c. eidem ad-  
duntur, & usui præterea plerumque la-  
xantia ac venæsectio, nisi ætas tenella ob-  
stet, ad primas vias crassiori saburrâ re-  
purgandas, sanguinisque abundantiam  
minuendam, præmittuntur.

## CAPUT XVIII.

*De cortice Peruviano.*

## §. I.

**C**ORTEX PERUVIANUS, *Peruvianische Fieber-Rinde, Quinquina, Ecorce du Perou, alias etiam China China, China de China, Kina Kina, Quinquina, Quina Quina, itemque Cortex febrifugus, Antiquarius, Jesuiticus, Cascarilla de Oja, Pulvis (a) de Calentura, & Calenturas, Pulvis Comitissa, Pulvis Cardinalis de Lugo &c. dictus, corticem sistit aridum, mediocris crassitie, foris scabrum, nonnihil canescentem, nec rarò musco hinc inde obductum, intùs, cinnamomi instar, ex flavo & rubello subfuscum, seu ferrugineum, odoris debilis mucido aromatici, saporis amaricac modicè austeri adstringentis.*

## §. II.

Arbor, quæ celebri hoc cortice obdu-

(a) In principio possessores maximo pretio hunc corticem desiderantibus vendebant, & quo naturam ejus & originem eo meliùs celarent, ordinariò in pulverem redigebant; hinc factum est, ut tunc temporis magis pulveris, quàm corticis nomen obtrineretur.

*de Amaricantibus, Austeriusculis &c.* §17  
 citur vulgo *Gannaperis* & *Gannaperide* au-  
 dit, & maximè in *Regno Peruviano* pro-  
 pè *Loxam*, *Provincia Quitensis* oppidum,  
 nascitur. Loca amat montana, nec adeò  
 procera est, sed, in ramulos insigniter  
 divaricata, ad pruni circiter altitudinem  
 excrescit. Caudex mediocris est, & folia,  
 quæ ramos vestiunt, secundùm STEPHANI  
 FRANCISCI GODOFREDI descriptionem,  
 (a) ex *Actis Academia Regiæ Scientiarum*  
*Parisiensis* depromptam, simplicia sunt,  
 opposita, avoto-oblonga, anteriùs cuspi-  
 data, integerrima, petiolata, tres uncias  
 longa, duas lata, sat crassa, costâ per  
 mediam longitudinem excurrente, ex  
 qua nervi laterales ad oras successivè ob-  
 liquant. Extremis ramis è summo arboris  
 prodeuntibus unus vel plures innascun-  
 tur florum fasciculi, figurâ & colore cæ-  
 ruleo-cinereo, antequàm aperiuntur, La-  
 vandulæ floribus nonnihil similem. Com-  
 munis florum pedunculus ex alis folio-  
 rum emergit, & in plures pedunculos mi-  
 nores divaricatur, singuli singulum flo-  
 rem gerentes, perianthio donatum mini-  
 mo, quinquedentato, persistente, & em-  
 bryoni insidente, Corolla monopetala  
 est, regularis, infundibuliformis, Hy-  
 acinthi flori aliquatenùs similis magnitu-  
 dine & figurâ, tubo oblongo (9, circiter

(b) L. c. T. II.



lineas, ) limbo patulo, quinque & aliis  
 quando sexfido, laciniis acutis, margine  
 attentius insipienti leviter ferratis. Co-  
 rolla intus colore est miniato, circa me-  
 dium vividiori, ad oras pallidiori, extus  
 verò rubore squalido cum lanugine al-  
 bicante. Stamina quinque pallide lutea  
 intra corollam recondita stylum circum-  
 dant albidum, filiformem, stigmate sim-  
 plici, viridi & oblongo instructum, em-  
 bryoni insidentem, tubum non exceden-  
 tem. Embryo autem abit in capsulam oli-  
 vaeformem, ab apice ad basim dehiscen-  
 tem in duo loculamenta, septo interme-  
 dio distincta, in quibus semina continen-  
 tur parva, compressa, margine cincta  
 membranaceo pellucido. Capsula vi ela-  
 sticâ rumpi solet, & semina spargere. Val-  
 vae arescendo breviores fiunt, & latio-  
 res. &c.

## §. III.

Pro loci natalis diversitate corticis bo-  
 nitas differt: Optimus judicatur ab arbo-  
 ribus detractus, in declivi ac mediâ mon-  
 tium parte nascentibus, deterior verò,  
 qui ab arboribus, in montium cacumine  
 adolescentibus, deglubitur, & vilissimus  
 denique, quem arbores, in locis humi-  
 lioribus circa radices montium crescen-  
 tes, largiuntur. Intuitu proprietatum sen-

*de Amaricantibus, austeriusculis &c.* § 19  
fibilium verò melioris notæ censetur, qui  
rufescens est, vel rubens, seu colorem  
cinnamomi visui referens, sapore aroma-  
ticè amaro nec ingrato, odore quasi mu-  
cido, dentibus attritus friabilis, non vis-  
cidus & glutinosus, non ligneus, non ef-  
fectus & annosus, non insipidus, nec ad-  
ulteratus quocunque alio cortice, succo  
aloes intincto. (a)

#### §. IV.

Gentiles Americæ Peruvianæ incolæ  
medicamentum hoc, quod diu pridem  
ante CHRISTOPHORI COLUMBI adventum  
contra febres, aliosque morbos adhibue-  
rant frequentissimè, olim ex ingenti er-  
ga Hispanos odio studiosissime celabant;  
hinc prima quoque ejus notitia demum  
circa annum millesimum sexcentesium  
& quadragesimum ad Europæos perve-  
nit, posteaque fama ejus, præsertim anno  
1649. & 1650. magis magisque percre-  
buit. Quomodò autem magnum hoc fe-  
brisfugum primò Hispanis, cæterisque  
postmodum Europæis patæfactum fuerit,  
fusiùs RICHARDUS MORTONUS retulit (b):  
» Nimirum forte fortuito, sic ejus verba  
» sonant, in civitate *Limeri*, quæ est Me-  
» tropolis Regni *Peruviani*, Uxor *Prore-*

(a) Conf. Geoffroy L. c.

(b) In Oper. T. II. p. 68.

gis, qui tum temporis erat Comes de  
Cinchon, Febre tertianâ sævissimâ (qua-  
lis illic loci Epidemia esse solet) cor-  
repta funestè decumbere videbatur. Ru-  
mor (ut semper de magnatibus) per  
urbem divulgatus tandem per finitima  
loca ad *Loxam* usque pervenit. Hispanus,  
illius loci tunc temporis præfectus,  
per literas *Proregem* monebat, in Arca-  
nis sibi esse remedium, cujus auxilio  
Proreginam illicò revalituram sponde-  
bat: Luculentissimè annuens Proregina,  
Corticem præparatum sumpsit. Quid  
fit? Stupentibus omnibus, dicto citiùs  
convaleuit. Hinc fama hujus Arcani, ti-  
tulo *Pulveris Comitissæ* insigniti, ubi-  
que per civitatem *Limensem*, totamque  
Americam, Hispanicæ ditioni subje-  
ctam, brevi, multùm inclaruit. Disce-  
dente autem *Prorege* ex *Indiâ*, ubi in  
Hispaniam reversus est, illicò percre-  
buit ubique rumor de novo hoc febrifu-  
go, quod post experimenta frequentèr  
facta, votis ægrorum semper, & ubi-  
que respondebat. Circà annum salutis  
1649. famam suam in dies magis, ma-  
gisque provexit, non tantùm per *His-*  
*paniam*, verùm etiam *Italiam*, *Roman-*  
usque, conatibus imprimis *Johannis-*  
*Cardinalis de Lugo Soc. Jesu*, & cetero-  
rum *Collegii Jesuitarum. Romæ Patrum*

*de Amaricantibus, Austeriusculis &c.* § 22  
» qui eum gratis religiosis & pauperibus  
» largiebantur. &c.

§. V.

Præter copiosas *partes terreas*, & valdè activam *substantiam fixam gummeo-resinosam*, nullum ampliùs principium, consideratione dignum, analysi chemicâ in cortice Peruviano detegitur. Mucido-aromaticus quidè odor, præsertim triturâ accedente, partium quoque volatilium præsentiam prodit; ast hæ ipsæ paucissimæ, valdè debiles, & nulliùs itaque sub virium explicatione momenti sunt. Oleum essentialè prorsùs deficit: Nam quicquid igne sicco ac violento expellitur, non essentialè, sed empyreumaticum est, & ex destructâ demùm substantiâ fixâ resinosâ, interveniente insigni partium metamorphosi, producit. Libra corticis integra, observante NEUMANNO (a), binas solummodò drachmas hujus olei, & tres circiter uncias liquidi spirituosi aqueo-aciduli fundit. Caput mortuum, si ulterius in vase aperto calcinatur, & aquâ postmodùm elixiviat, vix drachmam unam, immò sæpiùs duos duntaxat scrupulos salis fixi alcalici suppeditat.

(a) L. c. p. 813.

## §. VI.

Substantia fixa resinosa intimè arctissimèque cum substantiâ gummeâ cohæret; hinc neutra extractionis ope perfectè pura obtinetur, sed resinosa semper moleculæ gummosæ, & gummeæ particulæ resinosa mixtæ inveniuntur. Infusum aquosum primum aurantii coloris est, odoris debilis & quodammodo nauseosi, saporis amari & subadstringentis. Post blandam evaporationem extractum largitur flavo-fuscum, odore fermè destitutum, majori autem amaritie, quàm solutio liquida, præditum. Tinctura spirituosâ prima colore subfusco-rubente, sapore austero-amaricante, odore autem nullo evidenti gaudet. Hæc inspissata massa rubrofusca indole maximam quidè partem respondet, linguæ tamen longè fortioris saporem stypticum austerrum, naribusque debilem iterùm odorem nauseoso-balsamicum imprimit. *Clariss. PHILIPP. ADOLPH. BOHMERUS* ex uncia corticis unâ duas fermè drachmas extracti aquosi primi, & drachmam unam extracti spirituosi primi sese impetrasse perhibet (a): Ast tantam extracti utriusque, præsertim gummosi, quantitatem neque *NEUMANNUS* accipit, neque

(a) In Diss. de Cort. Cascarillæ p. 30.

*de Amaricantibus, Austeriusculis &c.* 323  
ipse, licet examina bis susceperim, colligere potui. Ille etenim ex indicatâ corticis quantitate solummodò grana triginta octo cum dimido *extracti spirituosi primi*, grana viginti duo cum dimidio *aquosi secundi*, drachmam dimidiam & grana duo cum semisse *aquosi primi*, & grana viginti duo cum dimidio *spirituosi secundi* obtinuit, ego autem scrupulos duos ac grana duodecim *extracti spirituosi primi*, & grana triginta septem *aquosi primi* impetravi. Notabilis hæc quantitatum discrepantia sine dubio à diversâ corticis bonitate, & adhuc magis à differenti procedendi modo dependet. Nam laudatus BOHMERUS corticem, cum primùm aquâ infunderet, non tantum digestioni, sed etiam ipsi coctioni subjecit, adeoque substantiam gummosam ac resinofam uno actu extraxit, unde minimè mirandum, quòd drachmas duas *extracti aquosi primi* ex unâ corticis uncia acceperit.

#### §. VII.

Discimus ex institutis examinibus, 1) partem resinofam majori quantitate, quàm gummosam, naturalem corticis Peruviani mixtionem ingredi, & hanc magis amari, illam verò magis styptici austeri saporis rationem in se continere, 2) substantiam gummeam præcipuè abstergen-

do ac mitiùs roborando , resinofam autem validius adstringendo in corpore operari , & priori itaque in genere potentiorẽ exiftere , & 3 ) decantatiffimam virtutem corticis febrifugam non ignoto quodam fundamento , uti multi opinantur (a) , fed unicè memoratâ abfterfione , ac validâ inprimis adftrictione niti , immò reliquas quoque ejus vires ex eodem operandi modo explicandas effe.

## §. VIII.

Multos hoc medicamentum patronos;

(a). Cæcos virium specificarum æftimatores mecum hoc loco nequaquàm confenfuros prævideo : Si folà , interrogabunt , virtus Quinquinæ abfterforio adftrictoria , ab amaro-auftero principio derivanda , profligandis rebellibus febribus intermittentibus fufficit , nec specifica prorsùs , nobis quoad operandi modum ignota , fubeffe , cur alia amara fimul auffera fimilem effectum heroicum in febribus edere nequeunt ? Refpondeo : Poffunt omninò alia quoque auftero-amara , & amaro-auffera motus febri'es æquè feliciter , ac cortex Peruvianus , fiftere , dummodò jufto tempore , & majori , uti apud Quinquinam moris eft , quantitate exhibeantur. Pulvis radicis tormentillæ v. g. , cum extracto trifolii fibrini , centaurii minoris , aut alio amaro , obfervata tamen decenti fub mifcelâ proportionẽ , in formam pilularem redactus , parem virtutem febrifugam , quod ipfe aliquotiès , & alii pariter experti funt , certiffimè exferit , nec dubitandum eft , quin plura hujus commatis , defcripto modo in ufum vocata , idem præftitura funt.

*de Amaricantibus, Austeriusculis &c.* § 25  
multosque etiam oſores habet. Hi illud  
plerisque ægrotantibus, febre inprimis  
intermittente laborantibus, plerumque  
plus nocuiſſe, quàm profuiſſe, nec rarò,  
proximè aut remotè, varios morbos, fe-  
bre graviores, tumorem nempe & reſra-  
ctariam obſtructionem hepatis, lienis,  
meſenterii, uteri, &c., hydropem, icte-  
rum, ſpaſmum ventriculi diſiſſimum,  
aſthma, phthiſin, vertiginem, apople-  
xiam, cœcitatem &c. provocaiſſe, perhi-  
bent: Illi ex adverſo idem ſummis extol-  
lunt laudibus, & febres, præſertim ter-  
tianas & quartanas, non tutò ſolùm at-  
que certiffimè fugare, ſed in multis quo-  
que aliis ægri tudinum ſpeciebus, hydro-  
pe v. g., ictero, dyſuriâ, vomitu cruen-  
to, hæmoptyſi, dyſenteriâ, diarrhoeâ,  
imbecillitate ventriculi, paſſione hypo-  
chondriacâ, & hyſtericâ, affectibus ar-  
thriticis & cachecticis, melancholiâ, ſcor-  
buto, ſudoribus colliquativis, gangræ-  
nâ, ſphacelo, &c. egregium perſæpè ef-  
fectum monſtraſſe, multiplici obſervatio-  
ne probare ſuſtinent. (a).

#### §. IX.

Sub tanto ſcriptorum diſſenſu circa  
virtutes dijudicandas medium tenere,  
mihi tutiſſimum videtur. Facile enim fa-

(a) Conf. Morton. L. c.



vor nimius, & odium nimium eò homines impellit, ut laudando aut vituperando, quod hic quoque à Medicis fieri, & factum fuisse arbitror, veritatis limites transgrediantur. Credo, immò expertus scio, corticem Peruvianum sedandis moribus febrilibus, & curandis pariter aliis quibusdam morbis aptissimum esse; ast scio etiàm, eundem, præmaturè aut incongruè usurpatum, maximum corpori detrimentum inferre, & ægrotantes in morbos, sublaro febrili truculentiores, præcipitare posse. Tota profectò juvandi ratio, uti antea pridem monui, ad abstersionem & adstrictionem redit, & rationalis itaque practicus facile perspicere valet, quid expectandum sit, quando primis viis nondum expurgatis, vasisque, meatibus, atque visceribus adhuc obstructis, vel mucidâ etiàm saburrâ, (quod in intermittentibus epidemicis observamus), per universam sanguinis ac lymphæ massam diffusa, largiori & iteratâ dosi propinatur.

## §. X.

Pro meâ igitur sententiâ ob nullam aliam rationem in usum vocandus est, quàm ut tonum primæ culinæ ac viscerum, valdè in vulgaribus febribus intermittentibus labefactatum, roborando ac

constringendo reducat, adeòque, velociùs restitutâ chymificationis & chylificationis integritate, prohibeat, quominùs sub quacunque alimentorum assumptione pròtinùs novæ cruditates, naturam postea, perenni quasi affluxu suo ad sanguinem, ac pristino insequente stimulo, ad iterandos motus febriles conquassatorio-depuratorios incitantes, generentur. Medicorum multi vulgò quidè naturam ita tandè motibus febrilibus assuescere, ut citra causam denuò suscitet, adeòque eos vi quoque cohibendos esse existimant. Verùm, qualem sibi hic conceptum formant, non cognosco: Si natura enì, secundùm *Organicorum* dogmata, anima rationalis est, ridiculum sanè, immò absurdum foret, si in domicilio suo toties absque ullo fine ludere quasi, ac stato tempore frustaneum, molestum, & nocivum strepitum febrilem concitare vellet; sin natura verò, quòd sic dicti *Mechanici*, certiori fundamento nixi, statuunt, in structurâ corporis mechanicâ, seu artificiosissimo compositionis modo consistit, multò adhuc minùs video, quomodò motus febriles, post paroxysmum plenè planèque cessantes, citrà causam irritantem materialem, vel præviam aut præsentem patheticam, sponte iterum oriri possint.

## §. XI.

Præscribitur hic cortex in pulvere, à scrupulo uno ad duos, immò drachmam integram, in decocto autèm & infuso vinoso à drachmâ unâ ad duas. Sæpissimè prætereà cum appropriatis in pilularum, boli & electuarii formam redigitur, vel sola tinctura, aut extractum, vino paratum, exhibetur: Fateor nihilominùs, mihi præ reliquis pulveris, electuarii, & infusi vinosi formam placere. Nonnulli apud infantes, aliosque, qui internè hoc medicamentum assumere renuunt, decoctum inde aquâ parare, idemque, priùs tamen percolatum, vulgaris clysteris instar, intestinis injicere suadent. Ad enema quodcumque ut plurimùm uncia corticis quatuor vel quinque recipiuntur, & unâ vice adultis libra una, infantibus saltèm dimidia, vel minor etiàm quantitas decocti injicitur.

## §. XII.

Quo usus hujus medicamenti in febribus intermittentibus vulgaribus (in epidemicis enim, præsertim autumnalibus, illum prorsùs improbo), securior evadat, sequentes cautelæ probè observandæ erunt:

I Ante corticis usum saburra febrilis, in primâ

*de Amaricantibus, Austeriusculis &c.* 329  
primâ culinâ stabulans, præviâ tamen  
decenti præparatione, emetici, pur-  
gantis, aut laxantis ope, eliminanda,  
& viscerum quoque obstructions, si  
adesse symptomata quædam monstant,  
referendæ sunt.

- 2) Interdum, urgente videlicet plethorâ,  
corticis exhibitioni venæsectio præmit-  
tenda, & deficiens quoque excretio-  
nis alvinæ libertas restituenda est.
- 3) Nunquam brevi ante paroxysmum,  
multò minùs in ipso paroxysmo feбри-  
li, sed diebus saltè intercalaribus,  
bis, ter, quaterque quovis die, exhi-  
bendus, & usus tandiù continuandus  
est, donec febris cesset, aut novæ for-  
san & singulares quædam circumstan-  
tiæ, febre etiàm nondum sublatâ, in-  
ducias, aut plenariam abstinentiam  
præcipiant.
- 4) Febre cessante, exhibitio per interval-  
la aliquotiès adhuc repetenda, nullum  
verò per aliquot hebdomades cathar-  
ticum, aut aliud evacuans, nisi urgen-  
te necessitate, exhibendum, ne febris,  
quod aliàs sæpe fieri solet, recurrat.
- 5) Diætâ bona & nonnihil tenuis, non  
tantum sub usu, sed aliquamdiù etiàm  
post usum corticis, præscribenda, ne,  
concessâ ingerendi libertate, esculen-  
torum copia aut qualitas crassa novam  
*CARTH. Mat. Med. Pars II.* Z

ventriculo materiam ingeneret, & facilem itaque recidivæ occasionem præbeat.

---

## CAPUT XIX.

### *De Ligno Santalo rubro.*

#### §. I.

**L**IGNUM SANTALUM RUBRUM OFF. *Bois de Santal rouge*, grave est, compactum, insipidum fere & inodorum, colore foris obscure rubro, ad nigrum inclinante, intus rubro dilutiori, vel intensè etiã rubro. Arbor, cujus medullium est, in *Golconda* & *Coromandelia*, aliisque *Indiæ Orientalis* tractibus crescit, & *Pantoga* nuncupatur. Flores papilionaceos, fructusque siliquosos ferre traditur, quoad reliquum verò crescendi modum ac formam adhuc parum nota est.

#### §. II.

Constat ex partibus *terreis*, *resinosis*, & *gummeis*. Partes terreæ maximam ponderis partem constituunt, & sex fermè drachmas in unâ ligni unciâ pondere suo æquant. Hisce primùm, tum quantitatis, tum virtutis intuitu, resinosa, deinde gummea succedunt. Ex unciâ enim unâ circiter drachmæ duæ extracti primi spi-

*de Amaricantibus, Austeriusculis &c.* 557  
rituosi, & totidem solummodò scrupuli  
aut drachma una extracti primi aquosi  
colliguntur. Infusum aquosum colore qui-  
dè obscure rubro tinctum cernitur, nul-  
lum tamen odorem, nullumque saporem  
singularem obtinet. Massa inspissata ru-  
bro-nigricans itidè parùm activa existit,  
debilem tamen saporem falso-subadstrin-  
gentem linguæ imprimit. Tinctura spiri-  
tuosa prima, quæ saturatè paritèr & ob-  
scure rubro colore est, lenissimam atque  
obtusam adstrictionem sub degustatione  
excitat, & ejusdem quoque indolis ex-  
tractum post evaporationem relinquit.  
GEOFFROY huic ligno *sal essentielle aci-  
dum, oleum spissum*, aquâ gravius, exiguam  
*salis volatilis* portionem, & multam *ter-  
ram* tribuit (a). Circà terræ copiam facilè  
consentio, reliqua verò principia, cum  
nullo prorsùs modo in naturali mixtione  
demonstrari possint, simpliciter nego.  
Confundit hic ligni fantalini species, &  
lignum santalum rubrum minùs rectè cum  
Santalo citrino, quod longè alia princi-  
pia activa fovet, eodem loco collocat.

### §. III.

Scriptores rerum medicarum huic li-  
gno ut plurimùm vires *refrigerantes*, & *ad-  
strictorias* tribuunt, & ejus itaque usum in

(a) In Mat. Med. T. II. p. 242.

hæcticâ, aliisque morbis, ad cohibendos sudores colliquativos, refrænandumque humorum orgasmum commendant. Sed nescio fanè, an, præter virtutem *subadstringentem*, ulla alia eidem competat & cum hæc quoque non adeò magni momenti sit, nihil omninò, vel valdè parùm ab internâ ejus exhibitione in memoratis similibusque affectibus sperandum esse credo. Præscribitur in decocto, infuso vinoso, & subinde pariter, quàm satis ineptè, in pulvere, nec rarò prætereà ad tincturas colorandas adhibetur. Externè rasura, citrà ullam tamen utilitatem, epithemata temperantia & anodyna, in febribus ardentibus fronti applicanda, ingreditur.

---

## CAPUT XX.

*De sanguine Draconis & succo acacia.*

## §. I.

**S**ANGUIS DRACONIS OFF., *Drachenblut.*  
*Sang de Dragon*, est concretum resinosum, siccum, durum, friabile, ad ignem facilè liquefcens, inflammabile, obscurè rubrum, saporis & odoris nulliùs singularis. Variæ ejus venduntur species, quarum plurimæ vel spurix prorsùs, vel

*de Amaricantibus, austeriusculis &c.* 533  
valdè tamen ignobiles sunt; quare illa  
semper eligenda est, quæ, in pulverem  
trita, sanguineam rubedinem ostendit,  
nullasque, vel saltèm paucissimas quis-  
quilias continet: rejiciendæ verò, quæ  
contritæ bolum Armeniæ, aut lateres con-  
tusos colore referunt.

§. II.

In variis regionibus, & ex diversis  
quoque arboribus sanguis Draconis colli-  
gitur; præ reliquis tamen quatuor sequen-  
tes eundem fœnerari dicuntur. Prima, in  
*insulis Canariensibus, Jamaicâ, & Mada-  
gascar* luxuriâs, à CLUSIO & C. BAU-  
HINO *Draco arbor*, à COMMELINO  
(a) *Palma prunifera foliis Jucæ* sive *Yucæ*  
dicitur; Secunda, quæ in *Amboinâ*, aliis-  
que Indiæ orientalis tractibus reperitur,  
KÆMPFFERO (b) *Arundo farcta*, seu *Pal-  
ma conifera spinosa*, aliis *Palma pinus*, *Pal-  
ma Amboinensis*, Indis *Rottani Dsjerenang*  
audit: Tertia in insulâ *Javâ* crescit, & à  
COMMELINO (c) *Draco arbor siliquosa*,  
*populi folio*, *Angsana*, vel *Angsava Java-  
nensibus dicta*, appellatur; & quarta de-  
nique, *Novæ Hispaniæ* incola, ab HER-  
NANDEZIO (d) *Sanguinis arbor*, ab

(a) In Hort. med. Amstelodam.

(b) In Amoenit. exot. p. 552. 554.

(c) L. c. (d) In plantarum, Animalium &c.  
*Mexicanorum Historia.*



Americanis *Ezquahuitl* vocatur. (a)

§. III.

Medicamentum admodum debile est, nullasque vires, nisi *subadstringentes* ac *leniter incrassantes*, possidet. Quando per se in pulveris formâ exhibetur, ad sanguinem transire nequit, sed actionem suam solummodò in primâ culinâ exercere tenetur, quoniam solo spiritu vini, minimè verò aqueis menstruis, solvitur. Et inde etiâ facilè patet, quod virtus adstrictoria & traumatica, quam illi, in substantiâ scilicet oblato, plerique in ulceribus viscerum, gonorrhoeâ, hæmoptysi, aliisque hæmorrhagiis tribuunt, prorsus imaginaria sit. De tincturâ paulò aliter sentio, licet huic quoque non adeò singularis activitas adscribenda veniat. Additur etiam pilulis & electuariis. Dos à granis aliquot ad scrupulum unum, vel drachmam semî ascendit. Externè emplastra styptica ac vulneraria, contrà hernias, fracturas ossium &c. usurpanda, nec minùs pulveres dentifricios, similisque fere usûs electuaria ingreditur.

§. IV.

SUCCUS ACACIÆ OFF. sive ACACIÆ.

(a) Plura de Arboribus hisce videantur in Geofroy Mat. med. T. II. p. 559, sequ.

VERÆ I. B. est inspissata massa merè gummea, dura, compacta, in ore lentescens, colore foris fusco aut nigricante, intùs rufescente, aut subrufo-nigricante, sapore primùm subdulci, postea austeriusculo adstringente, odore nullo. Ex *Ægypto & Arabia* affertur, ibidemque ex siliquis immaturis *Acaciæ folio scorpioidis leguminosæ* c. B. exprimitur. Spiritus vini illi nihil eripit, nisi paucissimas saltem particulas tingentes, in aquâ verò, accedente blandâ digestionē, prompta atque totalis solutio contingit. Militat inter medicamenta *incrassantia* ac modicè *adstringentia*, & contrà vomitum itaque, imbecillitatem ventriculi, profluvia alvina, diabetem, hæmorrhagias &c. subinde præscribitur. Datur à granis aliquot ad scrupulos duos sub formâ variâ, optimè nihilominùs inter pilulas & electuaria recipitur. Externè emplastrorum glutinantium ac consolidantium ingredientia auget.



## CAPUT XXI.

*De Granis Chermes , & Coccinellâ.*

## §. I.

**G**RANA CHERMES sive KERMES OFF., *Kermes-oder Scharlach-Beeren*, alias etiam *Grana infectoria*, *Grana tinctoria*, *Cocci baphicæ* &c. nuncupata, folliculi sunt rotundi, membranacei, pisi magnitudine, læves, splendentes, minutissimis atque rubentibus ovulis vel animalculis, sensim in vetustioribus in materiam pulverulentam degenerantibus, turgidi, coloris rubro-fusci, odoris debilis non ingrati, saporis subacris, amaricantis, & in recessu paululum quoque adstringentis.

## §. II.

Afferuntur ex *Italiâ*, *Hispaniâ*, *Lusitaniâ*, & maximè ex *Gallia Narbonensi*, ubi hinc inde, præsertim circa *Monspelim*, *Nemausum*, & *Avenionem*, uberius eorum proventus observatur. Folii & surculis tenerioribus pumilæ cujusdam arbusculæ sive fruticis, quem C. BAUHINUS *Ilicem aculeatam cocciglandiferam*, alii *ilicem cocciferam*, *coccigeram*, *aquisoliam*, appel-

*de Amaricantibus, Austeriusculis &c.* 537  
lant, adnata cernuntur, non fructus ta-  
men illicis sunt, neque naturales aut  
præternaturales excrescentiæ, sed singu-  
laria potiùs animalcula, quæ firmiter ad-  
hærent, &, præviâ notabili formæ mu-  
tatione, ovulisque depositis, tandem  
moriuntur, & exsiccantur (a). Collectio

(a) Placet prolixiorẽ animalculorum descri-  
ptionem ac paulatinæ accretionis rationem, quam  
GEOFFROY ex *Da. de REAUMUR Historiâ infe-*  
*ctorum* desumpsit, & in *Materia Medica* T. II. p.  
783. communicavit, hoc loco subnectere: « Sa-  
» gacissimus, inquit, naturæ arcanorum scrutator  
» D. De Reaumur, quo diligentiorẽ accuratio-  
» remve reperire est neminem, detexit tandem  
» Coccum infectorium infecti quoddam esse ge-  
» nus illorum ex familiâ, quæ Gallo-insecta (vul-  
» gò Gallo-insectes) ipsi dicuntur. In hujus Cocci  
» accremento tria cum Emerico Aquisextienti Me-  
» dico (a) tempora distinguit. Ineunte Martio,  
» animalculum quoddam semine Milii minus,  
» Millepedarum formâ oblongo ovatâ, ver us  
» caudam paulò acutiorẽ parte, supinâ conve-  
» xum, rubrum, punctulis plurimis aureis m'can-  
» tibus insignitum, & rugis aliquot transversis  
» distinctum, sex donatum pedibus, duabus  
» antennis, facilè mobilibus, & totiùs corporis  
» longitudinem ferè æquantibus, oculis nigris,  
» & duplici caudâ immobili ejusdem cum corpore  
» longitudinis, illicis trunco, ramis & foliis ad-  
» hæret, ibique torpidum & immobile fit, & sen-  
» sù intumescit. Si tunc temporis in illice ope mi-

(a) *Histoire des Plantes qui naissent aux environs*  
*d'Aix, par M. Garidel.*

mensibus Majo & Junio, ante solis ortum, instituitur, annisque calidioribus largior longè, quàm frigidioribus, deprehenditur. Postquam providè detracta sunt, ace-

» croscopii animalculi corpus observetur, dùm  
 » intumescit, coccineum apparet punctulis aureis  
 » nitens, tomento quodam involutum albicante,  
 » quod in quibusdam dorsii locis, sub ventre &  
 » circà ventrem in floccos erigitur, ac nidi spe-  
 » ciem repræsented. Dorsum in hæmisphærii m-  
 » multum intumescit rogosum; & in anteriore  
 » corporis parte capitis vice protuberantiæ tres  
 » percipiuntur, media crassior sobrotunda, duæ  
 » laterales exiliores, & versus mediam incurva-  
 » tæ. Alterum accretionis tempus est circa men-  
 » sem Aprilem; tunc animal prorsus mutatum.  
 » Pisi figuram & magnitudinem æquat. Ejus meni-  
 » brana seu cutis firmior est, & tomentum, quod  
 » initio fasciatim tantum in ejus eutim nasceba-  
 » tur, totam grani superficiem pulvisculi ad in-  
 » star regit; tuncque non amplius animalculum,  
 » sed folliculus videtur sanguine pallido & sero-  
 » so repletus. Circà Maji medium vel finem, ter-  
 » tium occurrit tempus, quo in interiore folli-  
 » culi parte sub animalculi ventre tenuissima re-  
 » periuntur granula ovata, seminibus Papaveris  
 » albi dimidio circiter minora, colore pallidè  
 » rubentia, & punctulis aureis distincta. Con-  
 » stant ex membranâ tenui, candidâ; pellucidâ,  
 » & liquore pallido rubente. Duo millia circiter  
 » i; singulis folliculis continentur. Prioris ani-  
 » malculi ovula sunt, ex quibus excussis pro-  
 » deunt ejusdem generis animalcula prorsus simi-  
 » lia, quæ per ilicis ramos ac folia vagantur, do-  
 » nec vere sequenti ad trunci ramorumque di-

*de Amaricantibus, austeriusculis &c.* 539  
to consperguntur, ne inhærentium animalculorum jactura fiat, posteaque soli, ut sicca evadant, aliquamdiu exponuntur.

### §. III.

Copiosam hæc grana, ac valdè activam *substantiam fixam*, tam *resinosam*, quàm *gummeam*, tenerrim is *particulis spirituosiss* odoratis *salino-inflammabilibus* prægnantem, in mixtione fovent; resinosa tamen virtute gummeam nonnihil superat. Infusum aquosum primum, eleganti ac saturato colore rubro tinctum odorem nauseosum & specificè balsamicum emittit, ac satis amarum, paululùmque in recessu adstringentem saporem obtinet. Evaporatum massam relinquit inodoram, rubro-nigricantem, quæ infusum amaritie &

visiones sedem figant suos foetus editura. Dum hoc animalculum seu Kermes ad debitam magnitudinem intumescit, tunc ventris cutis seu corporis pars prona intùs circa dorsum convellitur, & vacuum quoddam spatium inter ventrem & tomentum, cui incidebat, relinquit: sicque Millepedæ semiconvolutæ similis fit. Hoc in spatio vacuo ovula sua deponit: quo facto animal moritur & exsiccatur. Excussis ovulis, aliquandiù sub matris cadavere delitescunt; deinde in lucem prodeunt, pabulum in foliis quæsitura, non rodendo, ut erucæ, sed illorum succum proboscide sugendo. &c.

stringendi facultate superat, ac duas circiter drachmas, totidemque scrupulos ex uncia unâ pender. Tinctura spirituosa prima, odore nauseoso, & balsamico-amariante atque austeriusculo sapore donata, sese pulchrâ pariter rubedine commendat. Odor specificus ac planè singularis sub evaporatione intenditur, & magis successivè magisque gratus balsamicus evadit, ita tamen, ut specificum suum genuinum, quem verbis describere nequeo, retineat. Inspissata massa saturatè rubra gratum odorem balsamicum, quasi melleum, spirat, & balsamico-amaro, simulque austero fortiùs adstringente sapore pollet. Quantitate præcedenti extracto aquoso primo parùm cedit, duasque circiter drachmas atque semi pondere attingit.

## §. IV.

Elementum *salinum*, quod in mixtione hospitatur, duplicis generis est, alterum nempe *acidum*, alterum *urinofum*. Hoc substantiam gummeam, sive mucilagineam ingreditur, & animalis prosapia est, illud verò ad formandam substantiam resinofam concurrit, suamque originem è regno vegetabili ducit. Acidi præsentiam non tantùm sapor austerus, sed color quoque atramentosus prodit,

qui subito nascitur, quando grana Kermes cum solutione vitrioli martis aquosâ coquantur: urinofi verò inhæSIONEM destillatio eorum sicca manifestam reddit: Ex librâ enim granorum recentium, uti GEOFFROY, experientiâ edoctus l. c. p. 788. refert, præter phlegma copiosum, oleumque, primò citrinum atque fluidius, postea spissius, butyrosus, rufescens, magis empyreumaticum, quæ nullas salis acidi notas præbent, drachmæ sex salis concreti, sive sicci urinofi prodeunt, ex massâ relictâ verò, seu capite mortuo nigro, nihil prorsus salis fixi lixiviosi, vel, secundum MARSILII observationem, triginta circiter grana aquâ extrahi possunt. Me quidè non latet, aliquam salis urinofi partem ignis sicci ac violenti progeniem esse, ast totam ejus molem sub destillatione demùm generari, vero parùm simile videtur. Corpora enim, quæ unicè ex terrâ, oleo, & sale acido componuntur, longè minorem ordinario salis sicci urinofi, noviter producti, quantitatem largiuntur, & in reliquis eductis aliqua acidi vestigia plerumque supersunt. Non credendum prætereà est, laudatum sal urinosum quoad omnes particulas intimam arctissimamque cum terrâ & oleo unionem subire, sed multùm adhuc explicitum, & gum-



meo-resinosiſ moleculis ſolummodò interjectum eſſe, ſingularis infuſi & extracti, tam aquoſi, quàm ſpirituoſi, odor urinoſo-baſſamicus, nec minùs ſtimulandi virtus probant.

## §. V.

Partim abſtergendo, reſolvendo, & diſcutiendo, partim ſtimulando atque ſubadſtringendo hæc grana in corpore operantur, ſuumque ideò locum, quem hæcenus inter *nervina, cephalica, cardiaca, ſtomachalia, diuretica & aphrodiſiaca* occuparunt, egregiè omninò tuentur. Uſus eorum ſpecialis ad varios morbos extendi poteſt, frequentiùs tamen contra melancholiam & epilepſiam idiopathicam, vertiginem, ſyncopen, palpitationem cordis, vomitum, cachexiam, obſtructionem urinæ, menſium, & lochiorum, vermes inteſtinales, &c., nec minùs ad memoriam confortandam, & abortum præcavendum, ſub formâ pulveris, à granis aliquot ad drachmam ſemi, ſub formâ infuſi vinoſi autèm à drachmâ dimidiâ ad integram, exhibentur. Frequentiſſimè etiàm inter electuaria, bolos, pilulas, ſyrupos &c. recipiuntur. Ex recentibus, benè maturis, præviâ conuſione in mortario marmoreo, ſuccus exprimitur, & defæcatus cum æquali vel

*de Amaricantibus, austèriusculis &c.* § 43  
triplâ sacchari albi quantitate ad syrupi  
consistentiam, mediante calore blando,  
vel citrà eum, redigitur. Hic ipso pul-  
vere non gratior solum, sed etiâ præ-  
stantior judicatur, quoniam minori sty-  
pticitate, quæ in folliculis membrana-  
ceis præcipuè residet, instructus est, &  
volatilibus ex adverso particulis urinoso-  
balsamicis, præsertim si nullus ignis sub  
inspissatione, sed simplex tantum miscela  
accesserit, magis turget.

#### §. VI.

Cum Cocco infectoriâ majori Coccus  
TINCTORIA MINOR AMERICANA, vulgò.  
*Cochinilla, Cochenilla, Coccionella, Cocci-  
niglia &c.* appellata, ad eundem censum  
referri meretur. Asportatur maximè ex  
regno Mexicano & Peruano, ubi in *Opuntia*  
foliis, quam SLOANE *Opuntiam maxi-  
mam, folio oblongo rotundo, majore, spinu-  
lis obtusis, mollibus & innocentibus obsito,  
flore striis rubris variegato (a)*, Americani  
autem *Tunam & Nopal* vocant, copiosis-  
simè colligitur: Non fructus tamen est,  
sed ità describente GEOFFROY (b), in-  
sectum ovatum, pisi exigui crassitie, vi-  
viparum, hexapodum, proboscide in-  
structum, quâ succum plantarum exsu-

(a) Vid. Hist. nat. Jæmaicæ.

(b) In Mat. med. T. II. p. 797.

gendo alitur, cujus corpus ex annulis conflatum est, plantis, quibus pascitur, immobile adhærens, ubi semel sedem fixit, nulli mutationi obnoxium &c. Quandò animalcula hæc, justo tempore collecta, debite exsiccantur, non infecta amplius, sed grana irregularis figuræ, hinc convexa, alibi compressa aut concava, striis transversis quasi rugosa, coloris intus ad purpureum inclinantis, foris atro-rufi, aut leucophæo-cinerei, obscurè rubro paululum permixti, odoris mucidi (*Schimmficht*), saporis mucido-acriusculo-amaricantis & subadstringentis, referunt; hinc etiàm factum, ut quondam Physici, Medici, ac Pharmacopæi ea inter veros plantarum fructus collocaverint.

## §. XVII.

Salivam hæc grana, tepidamque aquam simplicem atro-purpureo, spiritum vini saturatè rubro amoenissimo colore tingunt; manifesto documento, *mucilagineas* non minùs, quàm *resinosas* adesse moleculas, ita tamen invicem mixtas, ut menstruo utroque potissimam partem extrahi queant. Uncia enim dimidia drachmas tres extracti aquosi primi, & drachmas duas, ac quinquaginta circiter grana extracti spirituosi primi largitur. Infusum aquosum, quod sapore amaricante & le-

*de Amaricantibus, austeriusculis &c.* § 48  
nissimè adstringente est, situmque redo-  
let, valdè crassum mucilagineum depre-  
henditur; hinc quoad aliquam solummo-  
dò partem chartam bibulam transit, re-  
liquum verò per linteum blandè expri-  
mendum est. Massa inspissata purpureo-  
nigricans rob sambuci odore æmulatur,  
& mucilagineo-amaricantem saporem ob-  
tinet. Tinctura spirituosâ prima, colore  
saturatè & elegantissimè rubro, ad pur-  
pureum inclinante, & singulari sapore  
subacri & balsamico-amaricante gaudet,  
odore autem solum ferè vini spiritum  
prodit. Extractum inspissatum sanguineâ  
rubedine tinctum cernitur, odorem sin-  
gularem, eumque ingratum, balsami-  
cum spirat, & balsamico-amarum ac mo-  
dicè adstringentem saporem linguæ im-  
primit.

#### §. VIII.

Commendantur contrà eosdem ferè  
morbos, in quibus grana Kermes pro-  
desse dicta fuerunt, hisce tamen virtute  
*stimulante* superiora, *adstrictoriâ* verò lon-  
gè inferiora sunt, quare urinæ quoque  
fluxum potentiùs cient, sabulumque re-  
num, atque vesicæ validè pellunt. Per se  
rarissimè, à granis aliquot ad scrupulum  
femi, exhibentur, sed aliis plerumque  
medicamentis, pulveribus v. g., electua-

riis , pillulis , infusis vinosis & aquosis ; modicâ quantitate adduntur. Apud gravidas, quibus, abortu imminente, grana Kermes , providè usurpata , ob medio-crem virtutem adstrictoriam, subinde auxilium ferunt , à coccionillæ usu planè abstinere decet , quoniàm eminentior stimulandi virtus magis , quam apud grana Kermes , suspecta est.

Ad hanc Sectionem etiam *Radix Petasitis* , *Aristolochia longa & rotunda vera* , *Graminis canini arvensis* , nec minùs *Agri-  
monia* , *Acmella* sive *Attmella Zeylanica* , *Marrubium* , *Fragaria* , *Euphrasia* , *Hypericum* , *Plantago major & minor* , *Alchimilla* , *Anserina* , *Flores Bellidis sylvestris minoris* , *Hepaticæ nobilis* , *Anagallidis rubræ sive pur-  
pureæ* , *Nymphææ luteæ & albæ* , *Papaveris rhoeados sive erratici* , (a) , *Millepedes &c.*

(a) Principium parcissimum ac debilè vaporosum, quòd in recentibus papaveris erratici floribus adest , in exsiccatis non ampliùs sentitur, sed fixa saltèm substantia resinoso gummea , quæ parùm quoque activa est , demonstrari potest. Nam extractum primum aquosum , licet colore obscure rubro , ad nigrum inclinante , tinctum sit , aldè iners deprehenditur , & debilem duntaxat odorem balsamicum , lenissimumque ac vix sensibilem saporem subdulcem & austeriuscu'm, vel saltèm terreum subadstringentem possidet. Extractum spirituosum primum , itidèm rubro-nigricans , vix melioris conditionis est , & , præter

*de Amaricanibus, austeriusculis &c.* § 47  
referri possunt, eo tamen ordine, ut odo-  
re, sapore, indole ac viribus magis ana-  
loga, radix petasitis v. g. cum *radice bar-*  
*dane*, acmella Zeylanica & agrimonia  
cum *betonica*, flores fragariae & anagalli-  
dis cum *floribus borraginis*, millepedæ cum  
*coccionella*, & sic porro, eodem loco col-  
locentur.

debilem, eumque molliusculum, odorem, debi-  
lem saltèm saporem balsamico subsalsum linguæ  
imprimit. Concludo inde, nullas singulares vires  
floribus hisce competere, nihilque illos, nisi exi-  
guam solummodò adstrictionem & absterisionem.  
in corpore præstare posse.






# SECTIO XIV.

DE

DULCIBUS, SUBDULCIBUS,  
Leniter Amaricantibus, auste-  
riusculis, atque Balsamicis Un-  
guinoso-oleosis & pinguibus.



## CAPUT PRIMUM.

*De natura, principiis, & differentia Oleoso-  
rum ac Pinguium in genere.*

§. I.



Unguinoso-oleosa hujus  
Classis saporem *dulcem*, aut *sub-  
dulcem*, vel *purum* omninò, vel  
*austeriusculo*, *balsamico*, aut *ama-  
ricante* nonnihil permixtum, linguæ im-  
primunt, & commodè, respectu nimi-  
rùm indolis, atque principiorum, in Un-  
guinoso-oleosa, purè talia, & Aqueo-oleosa  
distingui possunt.

§. II.

*Oleum*, ceu unicum, vel tamen præcipuum eorum elementum, sapore, recens nimirum, atque à reliquis moleculis expressione, aut blandâ coctione cum aquâ perfectè separatum, sapore dulci aut subdulci gratissimo, & unguinosâ ac temperatissimâ indole gaudet: Sin diutiùs autem, præsertim in loco calido, asservertur, blandam naturam suam atque dulcedinem sensim amittit, ac nauseosum rancorem cum notabili amaritie & acedine contrahit. Per se neque aquâ, neque spirítu vini solvitur, & frigore prætereà ita coagulatur, ut pinguedinem animale[m] referat, facîle tamen, intrante rursùs calore, ad pristinam liquiditatem revertitur. Cum salibus alcalibus siccis ac fervidis in saponem, cum acidis potentioribus in pinguedinem concrescit.

§. III.

Ab oleis æthereis, etiamsi cum iis quoad prima elementa, adeòque in radice, maximam partem conveniat, indole admodum differt, iisdemque partium subtilitate ac mobilitate longè inferius est, quoniàm phlegmate, & crassâ substantiâ terreo-mucidâ largiùs refertum existit. Nam olea pingua, unguinosa,



spissiuscula, iteratâ vice super calcem aut lateres contusos abstracta, multum materiæ terreo-mucidæ fæculentæ in vase destillatorio relinquunt, & tenuiora, fluidiora, ac magis pellucida evadunt, immò quodammodò hac ratione in olea ætherea mutantur: Non ampliùs enim post hanc depurationem cum acidis gravioribus in massam adiposam, sed æquè, ac vera ætherea, in resinofam coagulantur, & incensa quoque flammam puriorem ac lucidiorem præbent, minoremque fumi quantitatem spargunt.

## §. IV.

Sub temperatissimi hujus olei tegmine, quamdiu scilicet in simplicibus hæret, *subtile quoddam principium salinum acidum* delitescit, quod in emulsionum confectiōe, unâ cum teneriori terrâ farinaceâ, olei & aquæ unionem adjuvat. Emulsio v. g., ex aquâ simpliciter & amygdalis dulcibus, aut aliis seminibus ac fructibus lactescentibus parata, in loco tepido aut calido, intrâ breve tempus, acescit, & cremor pinguis oleosus, dulcissimus ad superficiem extruditur, æquè, ac in lacte animantium, in quo partium aquearum, oleosarum, terrearum, & acidarum divortium contingit, quando in loco tepido lenissimum motum fer-

*de Unguinoso-oleosis & pinguibus.* 551  
mentativum subire incipit.

§. V.

Ex eodem oleo subdulces ac temperatæ PINGUEDINES animantium primam ducunt originem, & olea quasi unguinosa sunt, ab acido, parcius intermixto, coagulata. Quandò cuidam enim oleo unguinoso, v. g. olivarum, amygdalarum dulcium &c., acidum ponderosius & concentratum minerale, præsertim nitrosum, superfunditur, & aliquandiù cum eodem digeritur, in massam, vulgari pinguedini simillimam, coagulatur (a).

(a) In *Actis Societatis Regia Scientiarum Parisiensis ann. 1719.* sequens communicatur experimentum, ad demonstranda memorata aptissimum: Recipitur limaturæ martis uncia dimidia, eidemque, spiritu vini prius humectatæ, primum oleum olivarum ad quatuor vel quinque digitorum eminentiam, deinde uncia duæ spiritus nitri affunduntur; sic ferrum eadem fere promptitudine, solvitur, quâ, oleo absente, fieri consuevit. Solutione peractâ, cucurbita in loco frigidiusculo collocatur; sic oleum olivarum coagulatur in sebum, solutionis superficiem innatans, quod postea separari potest, ac veram pinguedinem sebecam, quamquàm solito acriorem, offert. Notatu pariter hoc loco dignum est, animalia carnivora rariùs in genere, quàm granivora & herbivora, pinguescere. Ratio, me sentiente, primariò in alimenti qualitate differenti quærenda erit: Alimenta quippe, è vegetantium regno desumpta,

## §. VI.

Aliquid discriminis *Sevum* & *Adipem* intercedit. Illud pinguedinem sistit consistentiæ spissioris, atque in frigore durioris, pluribus comparativè partibus terreo-acidis instructam; hic verò pinguedinem denotat paulò liquidiorē ac molliorem, quæ promptiùs ad ignem fluit, nec penitus in frigore indurescit, & plus comparativè olei, minùs terræ & acidi coagulantis possidet. Silentio quoque haud prætermittendum est, sebum ordinariò in quadrupedibus ruminantibus, adipem verò solummodò in non ruminantibus generari. Fundamentum sine dubio itidem in alimento latet. Animalia ruminantia enim alimentis crudioribus difficilius resolutionis, gramine v. g., fœno, stramine, corticibus, aliisque rudiori substantiâ terreo-acidâ largiùs instru-

acido coagulante plerumque scatent, carnes verò, ceteraque animalis prosapix alimenta, si lac exceperis, eodem penitus destituuntur: Unde fit, ut oleum nutriens, quod ab acidâ quadam substantiâ salina quodammodò coagulari debet, ac condensari, rariùs ad pinguedinis consistentiam perveniat, sed partim genesi sanguinis ac gelatinæ impendatur, partim etiam, perenni inprimis motu intestino attritorio in tenerrimas particulas resolutum, per poros cutis, aliaque organa denuò excernatur.

Etis,

Etis, vescuntur, & licet naturâ quidè̃m duplicem illis, immò nonnullis triplicem aut quadruplicem ventriculum dederit, crassior tamen chylus, particulis terreis & acidis magis onustus, & sevo igitur generando aptior, inde elaboratur. Contrarium apud non ruminantia observamus, quæ pabulo molliori, minùs acido, minùsve terrestri, radicibus succulentis v. g., herbis tenerioribus, fructibus, seminibus farinaceis, quin carnibus aluntur, è quibus chylus subtilior, magis oleosus, adipi producendo aptior, in duodeno parari potest.

---

## CAPUT II.

### *De viribus oleosorum ac Pinguium.*

#### §. I.

**P**inguia, animalis prosapie, æquè, ac oleosa dulcia & subdulcia vegetabilia, animantium corpora nutriunt, exsiccatas, duras, rigidas, ac nimium tensas strictasque partes solidas, ob blandam, lubricam, & unguinosam suam indolem, humectant, emolliunt, ac lubricant, erosas demulcent, & egregiè contrà corporum rodentium ac pungentium stimulos defendunt, acrimoniam salinam

quamcunque obtundunt, involvunt, ac temperant, & fluida, hinc inde in meatibus indurata & exsiccata, lubricant, adeoque virtutes varias, maximè autèm *antispasmodicam*, *anodynam*, *demulcentem*, *temperantem*, *hypnoticam*, & *aphrodisiacam* in corpore exercent.

## §. II.

Præter vires indicatas, eorum aliqua, quæ cum aquis destillatis in emulsionem redigi possunt, eximiam pariter *refrigerandi virtutem* possident, & cum fructu itaque insigni in febribus continuis, præsertim ardentibus, inflammatoriis, & hecticis, nec minùs in inflammationibus solitariis, & morbis reliquis, à sanguinis ebullitione & præternaturali rarefactione derivandis, itèmque in vigiliis senum aut febre laborantium, maniâ &c. in usum vocari possunt.

## §. III.

Conveniunt præterea hæc, & reliquorum singula emaciatis, senibus, hecticis, & siccis cholericis, ac valdè inprimis sese commendant in spasmis & convulsionibus partium variarum, calculo, erosione meatuum, asthmate sicco, raucedine, tussi acri falsâ, scorbuto, siccitate & obstructione alvî, induratione excremento-

tum, defectu lactis &c., immò multum valent contrà venena corrosiva mineralia, & erodentia vegetabilia, purgantia drastica, & quævis medicamenta, justò acriora, solidaque vehementiùs vellicantia: Notari tamen debet, alia in hisce, alia in aliis ægritudinum speciebus meliùs locum invenire, & nonnulla in morbis quibusdam, in quibus alia egregiè profunt, nullo prorsùs modo convenire; quemadmodùm hæc ex specierum tractatione uberiori clariùs cognoscenda erunt.

§. I V.

Ufus externus latè quoque patet, & affectus omninò varii sunt, quibus, demulcendo, emolliendo, humectando ac refrigerando, medentur; præ reliquis tamen escharæ, crustæ variolosæ, tumores duri, fissuræ labiorum, papillarum in mammis, aridura ut & rigiditas ligamentorum, constrictiones partium spasmodicæ, induratio fecum alvinarum, & erosio faucium huc pertinent. Applicandi modus valdè differt, aliaque meliùs inter unguenta & emplastra, alia verò inter cataplasmata, clysteres &c. recipiuntur.

## CAPUT III.

*De Amygdalis dulcibus, Pineolis, Pistaciis,  
& Nucleis armeniacorum.*

## §. I.

**A**MYGDALÆ DULCES OFF.,  
adeò omnibus notæ sunt, ut proli-  
xiori formæ externæ descriptione com-  
modè memet supersedere posse existi-  
mem. Arbor, quæ fructus hosce fert, à  
Botanicis plerisque *Amigdalus sativa* dici-  
tur, & uberrimè inprimis in *Siciliâ, Ita-  
liâ, Hispaniâ, Candiâ, Delphinatu Galliæ,  
Ægypto*, & in *Germaniâ* circa *Moenum* ac  
*Rhenum* crescit.

## §. II.

*Oleo unguinoso, dulci, ac temperatissimo,*  
quod facili negotio præmissâ inprimis le-  
ni tostione, exprimitur, valdè hi fructus  
turgidi sunt, & in eo quoque tota eorum  
dulcedo, totaque virtus medicare fidet. (a)

(a) Aliter in hoc passu cum *amygdalis amaris*  
comparatum esse, observatio docet. Amarities  
enim minimè in oleo essentiali, quippe quod ex-  
pressum itidem dulce est, sed potius in parte re-  
sinosâ delitescit. Notatu præterea dignum est,  
amarum hanc substantiam quoad portionem sub-

Quicquid enim post perfectam olei expressionem relinquitur, subacre & inutile recrementum acidulo-terreum est, cujus tenerior tamen portio, sub emulsionis confectione simul cum oleo essentiali â massâ rudiori secedens, copulatoris munere perfungitur, & aquæ atque olei unionem adjuvat. Quandò amygdalæ paulò diutiùs, præsertim in loco tepido, aservantur, laudata substantia oleosa rancida evadit, & loco saporis subdulcis nauseosum atque mordacem nanciscitur; hinc multùm omninò interest, ut, reiectis rancidis ac semiputridis, recentiores ad usum feligantur.

§. III.

Locum eminentem inter esculenta ac medicamenta *ana'ptica*, *aphrodisiaca*, *demulcentia*, ac *temperantia* tuentur, & emaciatis itaque, aut febre ardente, inflammatoriâ, lentâ, hæmorrhagiis exorbitantibus, inflammatione partium solitariâ, præsertim erysipelaceâ, maniâ, agrypniâ, phthisi, tussi acri, rheumatismis calidis, phlogosibus, dysuriâ, stranguriâ, calculo, erosionè meatuum &c. laborantibus, egregiè conducunt. Plerumque cum aquis tiliorem cum aquâ & spiritu vini alembicum transcendere, & vehiculum utrumque sapore nonnihil amaricante imbuere.



destillatis in emulsionem rediguntur, vel integræ etiâ commeduntur, aut morfulis &c. adduntur. Quoties in substantiâ illas assumere consultum videtur, esus, justò largior sedulò vitandus est, ne oleo suo copioso, ac valdè pingui liquorem gastricum obtundant, poros vasculorum in-et exhalantium, accedente inprimis parte terreâ, obstruant, nimiùmque ventriculi tunicas emolliendo, appetitûs atque digestionis vigorem corrumpant, vel acriusculis etiam particulis recrementitiis apud subjecta sensibilia, aut disposita affectus spasmodicos, quin ipsos epileptico-convulsivos, concitent.

## §. IV.

Externè emulsio, cum aquis refrigerantibus parata, partibus ambustis & erosis, nec minùs oculis contrà ophtalmiam siccam sæpissimè cum fructu applicatur, & integræ quoque amygdalæ, nonnihil priùs manducatæ, emolliendis tumoribus imponuntur. De *oleo expresso*, cujus usus internus & externus amplissimus est, nihil hoc loco addo, quum magis ad præparata pharmaceutica, de quibus alibi egi, referendum sit.

## §. V.

Amygdalis dulcibus PINEOLI & PE-

STACIA OFF. naturâ, elementis atque virtute valdè respondent. *Pineoli* sive *Pineolæ* nucleos denotant oblongos, teretes, albicantes, tunicâ rufescente obductos, pingues, saporis subdulcis oleosi, & in recessu quoque, præsertim si paulò vetustiores sint, subacido-acriusculi, odoris nulliûs. Nascuntur in fructibus sive conis *Pini sativæ* c. B., quæ frequens *Italia*, *Gallie Narbonensis* & *Hispaniæ* incola est. Latent inter squamas coni lignosas in certis scrobiculis, è quibus postmodùm, squamis vel spontè, vel igne propiùs admoto, dehiscentibus, excidunt.

§. VI.

*Pistacia* sive *Pistacea* itidèm nuclei sunt oblongi amygdalis minores, pineolis verò majores & crassiores, angulosi, acuminati, alterâ parte elatiores, alterâ depressiores, subviridis, pelliculâ tamen, alibi pallidè luteâ, alibi obscurè purpureâ, cincti, saporis oleosi atque subdulcis. Duplici donantur putamine, altero externo, tenui, arido, membranaceo, primùm viridi, postea rufescente, altero interiori, candido, fragili, lignoso. Post collectionem putamen utrumque removetur, & soli nuclei denudati venduntur. Arbor, nuculas hæc generans, in *Arabîâ*, *Syriâ*, *Ægypto*, & maxime in *Persîâ*

reperitur, & C. BAUHINO *Pistacia peregrina*, fructu racemoso, sive *Terebinthus Indica Theophrasti* audit HERMANNUS & nonnulli alii *Pistacia* in *majora* & *minora* distinguunt; quæ distinctio tamen in Materia medicâ superflua videtur, quoniam pistacia minora parùm cognita, eaque, quæ ex Persiâ afferuntur, & in Officinis nostris prostant, semper *majora* sunt.

## §. VII.

Largiori fermè, quàm amygdalæ dulces, *olei unguinosi* quantitate tam pinei, quàm pistacei nuclei instructi inveniuntur; hinc faciliùs etiam rancidi evadunt, gratique saporis, ac temperatæ indolis. Nutriendi ac demulcendi facultate, recentiores nempe, pleni, ac benè maturi, amygdalas dulces quodammodò superant, quoad reliquas verò virtutes perfectè cum illis conveniunt, & iisdem itaque morbis, maximè autem phthisi, feбри hecticæ, catarrhis acrioribus, stranguriæ, impotentiae virili, & dyscrasie humorum scorbuticæ medentur. Plerumque per se comeduntur, vel morsulis, electuariis, aut esculentis adduntur, in emulsione verò rarissimè præscribuntur, quoniam pineolæ oleum paulò crassius continent, & pistacia liquori lacteo viridescentem colorem inducunt.

## §. VIII.

DE NUCLEIS MALORUM ARMENIACORUM prolixius hoc loco agere supervacaneum dico, quoniam naturâ ac viribus proximè quoque ad amagdalas dulces accedunt, & eodem prorsus modo in usum trahi possunt. HERMANNUS aliique ad eandem classẽ etiam *Nucleos Persicorum & Cerasorum* retulerunt, verum, pro meo quidẽm judicio, minùs rectè: Hi ipsi enim, præter *pingue oleum unguinosum, satis amaram substantiam gummeo-resinosam, & singulares quoque particulas volatiles*, quas odor sub contusione eorum, ac destillatione humidâ prodit, possident. Virtute Præterea magis *discutiente ac diureticâ*, quàm *demulcente ac temperante* donati reperiuntur, & meliori itaque jure *oleosis amaris*, v. g. seminibus cardui benedicti & cardui Mariæ, alibi dudum pertractatis, quàm *oleosis dulcibus atque subdulcibus* junguntur.



CAPUT IV.

*De seminibus Cucurbitæ, Citrulli, Melonum, Cucumeris, Lactuca, & scariolæ Portulacæ.*

§. I.

**S**EMINA CITRULLI, CUCURBITÆ SATIVÆ, CUCUMERIS HORTENSIS & MELONIS OFF. usitatissima *semina quatuor frigida majora* constituunt, hominumque quamplurimis tam nota sunt, ut uberiori descriptione vix egere videantur. Pulpa subdulcis, cortici albicanti inclusa, *temperato oleo unguinoso* satis prægnans est, ac sola in usum medicum cedit. Cum aquâ enim trita lacteam illi consistentiam, lacteumque colorem & saporem conciliat. Lacteum hunc liquorem, præter partes oleosas teneriores, etiâ crassiores, itemque acidulo-terrestres ingrediuntur, quæ singulæ in aprium prodeunt, quandò, præviâ blandâ & invisibili fermentatione, earum divulsio ac separatio accidit. Assurgunt nempe, quod in emulsione, è seminibus cucurbitæ excoctis paratâ, & in temperato loco per biduum detentâ observavi, ad superficiem subtiles moleculæ oleosæ, ibidemque aggregatione ~~fac~~ candidum, pinguem, atque subdul-

*de Unguinoso-oleosis & Pinguibus.* 563  
cem cremorem formant. Infra hunc conspicitur liquidum aquosum albicans, & in fundo satis copiosa materia alba, spissiuscula, ac valdè pinguis, nonnihil tamen acidula atquè subacris, jacet, quæ ordinarium coagulum caseosum, vel rectius, lac ovillum inspissatum (*dicte Milch*) habitu externo refert, &, decantato liquore supernatante, ac recenti aquâ superfusâ, denuò solvitur, novamque emulsionem acriusculo-subdulcem producit.

## §. II.

Sub formâ emulsionis hæc semina, tam internè, quàm externè, usurpantur. Usus internus in febribus ardentibus, inflammatoriis &c., orgasmo sanguinis & seminis virilis, maniâ, hæmorrhagiis, ceterisque morbis, qui acri ac fervidæ humorum indoli, & præternaturali commotioni primam atque præcipuam originem debent, adeòque præ reliquis refrigerantia, humectantia, ac demulcentia postulant; utilissimus est: Externè verò emulsio laudata vices epithematis subit, & partibus erosis atque ambustis, nec minùs oculis, inflammatione siccâ ac valdè ardente vexatis, applicatur. Nonnulli hoc epithemate etiâ in cephalalgia, præsertim febrili symptomatîcâ, utuntur; ve-

rùm , pro meo iudicio , hujus & reliquorum epithematum frontaliū refrigerantium applicatio in casu posteriori minùs tuta est , quoniam summè necessariam exhalationem periphericam in capite impedit , & materiæ peccantis ad interiora regressum haud rarò provocat , vel valdè tamen adjuvat.

## §. III.

Quemadmodum Semina descripta vulgò quatuor frigida majora audiunt , sic SEMINA LACIUCÆ , SCARIOLÆ , PORTULACÆ & PLANTAGINIS *quatuor frigida minora* nuncupantur. Tria priora præcedentibus majoribus naturâ , principio atque virtute valdè analogâ sunt , & jure igitur hanc denominationem merentur ; ultimum verò , *semen* videlicet *plantaginis* , ob principia *satis terrestria* , magis *subadstringendi* , quàm *refrigerandi* facultate pollet , & rectiùs proinde inter simplicia terreo-austeriuscula collocatur. Contra eosdem morbos , quibus majora medellam afferunt , plerumque commendantur , & eodem quoque modo , in emulsionem nempe cum aquis appropriatis redacta , adhibentur ; propter parvitatem tamen ante trituram non excorticantur , sed integra contunduntur , hinc , suppositâ aquali aquæ quantitate , paulò majori

*de Unguinoso-oleosis & Pinguibus. § 3.*  
etiam pondere præscribenda sunt.

§. IV.

Hiscæ, ob principii primarii similitudinem, etiam SEMEN CANNABIS SATIVÆ C. B. addi potest. Non contemnendam enim virtute *temperante* pollet, & specificè inprimis in agrypnia, mania, ictero, orgasmo seminis virilis & lymphæ vaginalis, gonorrhoea benigna, & frequenti pollutione nocturna prodesse dicitur. Internè plerumque datur in emulsione, rariùs in decocto, & emulsio externè quoque fronti atque temporibus, ad dolorem capitis compescendum, somnumque conciliandum, sub epithematis formâ, haud rarò applicatur.

---

C A P U T V.

*De Seminibus Lini & Fœni grati.*

§. I.

SEMINA LINI SATIVI C. B. oblongo-rotunda sunt, compressa, lubrica, fusco-punicea, saporis mucilagineo-oleosi, & subdulcis, odoris nulliùs singularis. Turgent *temperato oleo unguinoso*, & emolliendi, demulcendi, ac temperandi sine sapientiùs externè, quàm internè, præscribuntur.



tur. Externè clysteres , fofus , epithemata humida , cataplafmata , unguenta , & emplastra ingrediuntur, multumque , sub hac vel illâ formâ adhibita , contrâ ariduram partium , ambufta , tumores frigidos induratos , dolores colicos , cardialgicos , nephriticos , hyftericos , & hæmorrhoidales , paffionem iliacam , obftructionem alvi , fuppreffionem urinæ , fimilesque affectus valent. Pro ufu interno cum aquâ aut jufculo avenaceo tenuiori coquantur , & fapiùs cum fructu contrâ peripneumoniam , plenritidem veram , dysenteriam , calculum , erosiones meatuum , venena corrosiva mineralia &c. propinantur. Silentio tamen non prætermittendum eft , oleum expreffum creberrimè feminibus integris præferri , & vulgare inprimis unguentorum ingrediens conftituere.

## §. II.

A lini feminibus , cæterisque , præcedente capite recensitis, *oblonga , compressa, angulofa ac flavescentia* SEMINA FOENUGRÆCI SATIVI C. B. nonnihil recedunt : Fortem enim, & quodammodò ingratum, odorem balsamicum spirant , & , præter saporem farinaceo-mucilagineo-oleofum , lenem quoque amaricantem , qui sese maximè in recessu manifestat , obtinent : Unde liquet , quòd *activa principia non*

*fixa* solum, ac *crassa oleoso-mucilaginea* sint, sed *volatilia* quoque, *tenerima*, *odoratissimaque spirituosoinflammabilia*. Substantia oleoso-mucilaginea, volatilibus moleculis valdè turgida, mixtionem tantâ copiam ingreditur, ut unica uncia feminis integræ propemodum aquæ libræ, si calor blandus extractionem adjuvet, notabilem lentorem, habitumque externum olei amygdalarum dulcium expressi conciliare valeat. Quando infusum aquosum flavescent lentè evaporatur, massam relinquit subluteam, valdè pinguem, valdèque emollientem, odoris ingrati atque specificè balsamici, saporis mucilaginei, oleosi, balsamici, & in recessu amaricantis. Ex uncia unâ drachmas sex & grana octo impetravi.

§. III.

Validè quidem hæc semina, internè, sub decocti tenuioris formâ, usurpata, partes solidas nimium exsiccatas, strictas, rigidas, emolliunt, erosas demulcent, meatus, eorundemque contenta lubricant, acrimoniam rodentem obtundunt, & involvunt, humores justò tenuiores incrassant, & satis potenter prætereà discutiant, immò aliquam virtutem anodynâ exerunt: Ufus eorum nihilominus magis *externus*, quàm *internus* est. Ordinariè

videlicet inter epithemata, cataplasmata, unguenta, & emplastra, generatim abscessibus maturandis, tumoribus duris, ligamentis rigidis &c. emolliendis, partibusque erosis & recentius ambustis demulcendis, applicanda, recipiuntur, vel clysteribus etiam in tenesmo, dolore hæmorrhoidali, dysenteria &c. proficuis, minori tamen quantitate, adduntur.

---

## C A P U T VI.

### *De Cacao.*

#### §. I.

**C** A C A O O F F. five *Avellana Mexicana* I. B. nucleos denotat, amygdalis magnitudine ac formâ non dissimiles, oblongos, subrotundos, putamine tectos tenui, duro, fragili, spadiceo, aut subrufo-nigricante, cui substantia includitur sicca, dura, densa, gryseo-rubens, non continuata tamen, sed in plures ac dispares particulas divisa, saporis subpinguis oleosi, simulque amaricantis, & austeriusculi.

#### §. II.

Arbor, quæ nucleos descriptos gignit, in regno Mexicano, Guatimala, Nicaragua,

*Cuba, Jamaica*, aliisque *Americæ* regionibus & insulis frequens est, & ab HERMANDEZIO *Arbor Cacari*, & *Cacarifera*, (a) ab incolis vero *Cacahuahuilt*, itemque *Cocoatal* vocatur. Bis vel ter quotannis floret, & sylvas, aliaque loca umbrosa ac humida amat, in apricis autem, solis ardori nimium expositis, facile contabescit. Altitudine suâ quinque pedes rarissimè superat, nec adeò quoque ampla est. Folia, quibus vestitur, membranacea sunt, glabra, decem, aut novem pollices longa, & quatuor circiter pollices lata, ubi latissima, acuminata, citriorum foliis valdè æmula. Flores colore pallidè luteo gaudent, & pentapetali rosacei existunt. Hisce fructus succedunt, melopeponem seu potiùs cucumerem sativum formâ æmulantes, semipeedem circiter longi, tres quatuorve pollices crassi, novem aut decem costis prominentibus sulcati, toti verrucosi, in acumen desinentes, primùm è viridi albicantes, deinde flavescentes, tandemque, perfectè videlicet maturi, saturatè coccinei, subflavis tamen punctulis ubique ornati. Quilibet horum fructuum triginta ut plurimum nucleos, paucâ pulpâ albâ, succulentâ, subdulci cinctos, includit, qui, remoto

(\*) In Hist. Rer. med. Nov. Hispan. Lib. 3.  
Cap. 46.

ambiente duplici cortice communi, ab incolis justo tempore eximuuntur, purgantur, & exsiccantur.

## §. III.

Plures dantur tùm arborum, tùm nucleorum species. Arbores solâ *magnitudine*, aut *foliorum & fructuum amplitudine* atque *crassitie*, nuclei autem *patria* seu loco natali, *crassitie*, & *naturâ* differunt. *Cacao majus ex Nicaragua*, quod magis aridum quidè, ast suaviori sapore est, præstantius censetur, deterius verò *Cacao minus ex insulis*, quoniam saporem minùs gratum obtinet, licet cæteroquin magis, quam priùs oleosum reperiatur.

## §. IV.

Primo aspectu nuclei Cacao fatis quidè aridi videntur, *dulci* nihilominùs, ac *temperato oleo essentiali* admodùm turgent. Observante nimirùm GODOFREDO ex unâ eorum librâ, si contusi & calefacti, prælo subjiciantur, primâ expressione uncix duæ, & ex facie postmodùm, cum aquâ aliquantulùm coctâ, uncix tres & drachmæ duæ cum dimidiâ, adeòque conjunctim uncix quinque & drachmæ duæ cum semisse olei unguinosi extrahuntur, immò, quantitas longè adhuc major indè elicitur, quandò libra una, lapide

calente debite prius trita, octo aquæ ebullientis libris diluitur. Nam, postquam massa instar pultis spissioris densata fuit, copiosa, eaque crassior, materia oleosa ad superficiem assurgit, quæ paulatim ablata, servi instar, indurescit, ac prius collecta novem ad minimum uncias pondere suo æquat. Majorem crassitiem ac spissitudinem suam tenerrimis sine dubio moleculis acido-terreis dehet, quæ Cacao mixtionem simul ingrediuntur, & sub aquæ ebullitione separatae, oleosis quoad partem teneriorem miscentur.

§. V.

In nostris regionibus Cacao nunquam per se in usum medicum venit, sed sola *Succolada* sive *Choccolada*, quam vulgò ex *sacharo*, *siliquis Vanillæ*, & *nucleis hisce* præparant, sub potulenti formâ assumitur, quoniam grato non minùs sapore suo, quàm nutriente etiam, analepticâ, demulcente, & aphrodisiacâ virtute sese magnoperè commendat, & emaciatissimis, à morbo diuturniori convalescentibus, inediam aut fortem hæmorrhagiam passis, hecticis &c. egregiè conducit: Salubrius tamen hoc potulentum esse creditur, si aqua pura ac frigida, quæ partes viscosas, ab illo in ventriculo relictas, iterum eluat, modicâ quantitate superbibitur.

## CAPUT VII.

## De Lacte.

## §. I.

**L**AC ANIMANTIUM est liquor blandus, dulcis, ac valdè temperatus oleoso-aqueus, seu chylus, parùm ante secretionem in sanguine mutatus, hinc maximam quoque cum emulsionibus artificialibus convenientiam habet.

## §. II.

Componitur ex *oleo unguinoso mitissimo, sale acidulo, terrâ teneriori, & multâ aquâ*. Blanda fermentatio, in loco tepido spontè superveniens, singula hæc elementa detegit optimè, ac prorsùs & intrâ breve tempus in apricum producit: Destructâ enim pristinâ eorum unione naturali, partes dulcissimæ oleosæ protinùs in superficie colliguntur, ibidemque notissimum cremorem formant: Partes salinæ acidæ præcipuè in fero hospitantur, & partes denique terreæ unâ cum oleosis & salinis crassioribus ad componendum coagulum caseosum concurrunt.

## §. III.

Quantitas relativa *phlegmatis, & soli-*

dioris substantiæ terreo-salino-oleosa in diversorum animantium lacte nonnihil variat. Secundum HOFFMANNI enim observationem (a), libra una medicâ *lactis vaccini*, lentâ evaporatione ad siccitatem redacta, unciam unam & drachmas quinque materiæ siccæ, grumosæ, flavescentis relinquit: Æqualis quantitas *lactis caprilli* unciam unam & drachmas quatuor cum semisse, & æqualis denique quantitas *lactis asinini* & *muliebris* unciam duntaxat unam solidæ hujus materiæ, quæ ex lacte muliebri itidem flavescentis, ex asinino autem albi coloris, & subdulcis saporis est, suppeditat. Unde protinûs clarè constat, in unâ librâ mediâ *lactis asinini*, ut & *muliebris*, quod cum priori valdè in hoc passu convenit undecim uncias *aquæ*, & unicam tantummodo unciam *materiæ solidæ*, in *lactis vaccini* librâ uncias decem cum drachmis tribus *aquæ*, & unciam unam & drachmas quinque *materiæ solidæ*, & in *caprilli* denique *lactis* librâ uncias decem & drachmas tres cum dimidia *aquæ*, & unciam unam atque drachmas quatuor cum semisse *materiæ solidæ* adesse: Immò exinde patet, lac muliebre & asinum, ob minorem substantiæ solidæ inhæSIONem, majori,

(a) Vid. Ejusd. Diss. de Saluberrima sexi *lactis* virtute.



quàm vaccinum & caprillum, fluiditatē præditum esse.

## §. IV.

Laudatum magma solidum, siccum, grumofum, post perfectam lactis evaporationem relictum, blandæ coctionis beneficio denuò quidē ab aquâ purâ solvitur, nunquā tamen colatorii poros totum transit, sed pro lactis diversitate semper major vel minor portio in linteo remanet. Ex uncia v. g. unâ, & drachmis quinque hujus materiæ grumosæ, quam evaporata lactis vaccini libra medica largitur, uncia una & drachmæ tres cum dimidiâ substantiæ crassioris caseosæ in linteo relinquuntur, & unica tantum drachma cum semisse solvitur, atque teste vix laudato HOFFMANNO *l. c.* per linteum in aquæ contubernium transit. Cum lacte vaccino perfectè in hac parte lac caprillum convenit, præterquā, quod ferum, descriptâ methodo inde paratum, majori dulcedine polleat. Aliter comparatum est cum lacte asinino & muliebri: Uncia enim magmatis una, post evaporationem ex librâ medicâ lactis asinini relictâ, tota propemodum aquâ ebulliente solvitur, ita, ut in colatorio una tantum & dimidia drachma materiæ insolubilis remaneat, reliquæ autem drachmæ sex cum dimidiâ simul cum aquâ per lin-

teum transeant; & drachmæ novem substantiæ siccæ, è lactis muliebris librâ remanentes, ac denuò in aqua ebulliente solutæ, quoad maximam quoque partem cum solvente aquoso per linteum trajiuntur, & tres duntaxat materiæ caseosæ drachmæ in colatorio superstites inveniuntur. E quibus colligere licet, serum lactis asinini & muliebris dulce longè majorem substantiæ solubilis & activæ saccharinæ sive oleoso-salinæ quantitatem, quàm serum dulce lactis vaccini & caprilli, sub eadem mole consideratum, in sinu suo fovere reconditam.

§. V.

HOMBERGIUS varias lactis species destillationi seorsim subjecit, & observavit, liquorem aqueum & aqueo-acidum, è lacte vaccino & caprillo prodeuntem, odorem, placentæ recentis, paululumque utulatae odori ferè similem, adeoque non ingratum spirare, ex asinino autèm lacte prolectum, ingratiorem esse, rancidasque pinguedines & vetusta unguenta redolere. Observavit præterea partis oleoso-butyrae quantitatē ad partis caseosæ quantitatē sese in lacte vaccino ut 1. ad 1. &  $\frac{1}{2}$ , in lacte asinino ut 1. ad 4., & in caprillo ut 1. ad 1. habere. (a)

(a) Vid. Memoir. de l'Acad. Royal. des Sciences ann. 1712. p. 355.

## §. VI.

Lac recens, licet decenti fluiditate gaudeat, ac chylo valdè analogum sit, adeòque pleno quasi alveo ad sanguinem transire valeat, ob acidi nihilominùs præsentiam in primâ culinâ, aliquam ordinariò præcipitationem pati, summè probabile videtur. Apud tenellos enim infantes, & quadrupedum fœtus, qui adhuc solo aluntur lacte materno, quotidie feces, interdùm fat copiosæ, per alvum excernuntur, quarum collectio pro meâ sententiâ à præcipitatis rudioribus partibus caseosis præcipuè derivanda erit. Præcipitatio hæc apud adultos, qui vinum ac cerevisiam hauriunt, & fructibus horæis, aliisque cibis, acido explicito aut implicito magis minùsve prægnantibus, vescuntur, necessariò evadere debet largior, nec rarò quoque, ob paulatinam crassæ saburræ genesin, præsertim apud subjecta debilia, nociva; hinc multum omninò interest, ut ægrotantes, hanc vel illam lactis speciem medicamento loco adhiberi, ventriculum & intestina in principio, ac postea pariter per modica intervalla, abundante cruditate pituitoso-acidâ liberent, &, usu lactis durante, acidorum assumptionem studiosè fugiant.

## §. VII.

## §. VII.

Plerisque animalis profapiæ alimentis lac recens, propter fluiditatem suam, & egregiam nutriendi facultatem, palmam præripit, nec infimum quoque locum inter medicamenta, *analeptica*, *edulcorantia*, & *demulcentia* interna occupat; quare hæctici quoque, phthifici, emaciati, senes sicciore, molesto pervigilio laborantes, arthritici, podagrici, scorbutici, maniacy &c. multum subinde auxilii à congruo ejus usu experiuntur, præsertim, si aquæ cujusdam foteriæ mineralis, v. g. *Selteranæ*, miscela accedat, aut alia adjuvantia ac corrigentia jungantur, vel interponantur. Externè prætereà lac tepidum emolliente virtute sese magnopere commendat, & creberrimè proinde ad præparanda clysmata, cataplasmata, epithemata humida, fomenta &c. *emollientis*, *demulcentis*, *anodynæ*, & *antispasmodicæ* efficaciz, adhibetur.



## CAPUT VIII.

*De Spermate ceti, & ordinariis animantium Pinguedinibus.*

## §. I.

**S**PERMA CETI, *Ballrach, Blanc de Baleine*, est substantia tenera, contactu lævis, candida, sevo vulgari formâ & consistentiâ valdè similis, non unguinolâ tamen, sed magis fragilis, saporis modicè pinguis atque viscosi, odoris debilis, specificè adiposi, nec ingrati. Quando minus benè præparatum fuit, vel diutius etiam in loco calido asservatur, flavedinem ac levem rancorem contrahit, quæ vitia tamen novâ depuratione, mox describendâ, denuò auferri possunt.

## §. II.

Sebacea hæc substantia neque *spuma maris* est, uti veterum aliqui crediderunt, neque *bituminis mineralis species*, neque *verus ceti liquor genitalis*, neque *vulgaris pinguedo*, sed *cerebrum Orca piscis sive Ceti dentati depuratum*. Cerebrum hoc ex unico saltèm ceto adulto aliquot centenarios pendet, & valdè, æquè, ac apud pisces reliquos, oleosum est. Hinc primaria etiam

præparationis ratio ad olei liquidi ſeparationem redit : Peragitur autem ſequenti modo : Primò immittitur in ſaccum lineum, & in eodem aliquamdiù relinquitur, ut oleum liquidius ſenſim defluat, deinde in alio ſacco, ex pilis craſſioribus contexto, torculari ſubjicitur, & oleum fluidum violentiùs exprimitur. Hiſce peractis, lixivio frigido, aquâ ſimplici ex calce vivâ & cineribus clavellatis parato, injicitur, & identidèm baculo ligneo agitur, donec ſufficienter depuratum ſit, poſteaſque eximitur, aquâ purâ probè abluitur, in loco umbroſo leniter ſiccatur, & tandem cultello in fruſta majora & minora, qualia vulgo venalia proſtant, diſcinditur.

### §. III.

Quoad naturam, uti antea pridem dixi, cum ſevis animantium quadrupedum valdè convenit, præterquàm, quòd habitum ſicciorẽ, minùſque pinguem & oleoſum obtineat. Sal volatile explicum, cujus nonnulli mentionem fecerunt, ad eſt nullum, ſed odor debilis ſolummodò à tenerioribus particulis oleoſis dependet. Aquæ conſortium, pinguedinum vulgariũ more, prorsùs reſpuit, in fervidâ tamen mox liqueſcit, & olei fluiditatem tamdiù retinet, donec aqua denuò refri-

gescere incipit. Spiritus vini rectificatissimus nullam singularem quoque solutionem præstat, sed parùm duntaxat olei subtilioris, quod octavam circiter ponderis partem explet, sub blandâ digestionē extrahit. Quandò igne aperto ex retortâ destillatur, in oleum clarum butyraceæ indolis resolvitur, ac totum, nullo prorsùs capite mortuo relicto, in receptaculum transit. Cum oleo plerumque etiàm phlegmatis paucillùm transcendit, quod minimè tamen ad principia spermatis ceti constitutiva pertinet, sed sese procul dubio sub loturâ suprà memoratâ altiùs insinuat, & post exsiccationem itaque, cum illa saltèm blanda sit, in poris remanet.

## §. IV.

Egregiâ virtute *demulcente, lubricante, temperante, emollicnte, anti/spasmodicâ, & anodynâ* pollet, & frequentem proinde usum in anginâ verâ & spurâ, raucedine, tussî, astmate, catarrho suffocativo, pleuritide, cardialgiâ, colicâ, obstructione alvi, dolore hæmorrhoidali, ut nephritico, stranguriâ, tenesmo ani, dysenterriâ, passione hystericâ, torminibus ventris apud infantes, aliisque affectibus spasmodicis & convulsivis invenit. Plerique insignem quoque resolvendi facultatem

*de Unguinoso-oleosis & Pinguibus.* 581  
illi tribuunt; ast hanc, si nimirum de propriè tali semo est, admittere nequeo, & resolutionis effectum, quem subindè edere videtur, ex viribus antea memoratis unicè derivandum esse, arbitror. Internè datur à scrupulo dimidio ad drachmam integram, & quidè sub formâ variâ: Nunc enim per se cum vitello ovorum, vel in juscule aut calido infuso theiformi solutum, exhibetur, nunc verò, quantitate majori vel minori, inter linctus, electuaria, & pulveres recipitur. Externè unguentis & emplastris emollientibus, demulcentibus, antispasmodicis, & anodynis additur.

#### §. V.

Reliquæ animantium pinguedines partim spissiores *sebaceæ*, partim liquidiores *adiposæ* sunt. Ad priores præ reliquis SEVUM CERVINUM, HIRCINUM, BOVINUM, & VERVECINUM, nec minùs MEDULLA CRURUM VITULINORUM, ad posteriores verò AXUNGIA sive PINGUEDO HUMANA, CANINA, PORCINA, ANSERINA, GALLINACEA & VIPERINA spectant. Vires *nutrientes*, *emollientes*, *demulcentes*, *lubrificantes* &c., alibi pridè (cap. II.) recensitæ, singulis competunt, seva tamen, quòd generatim monuisse sufficiat, majori *demulcendi*, pinguedines adiposæ autem ma-



jori *emolliendi* virtute pollent. Sæpiùs externè, quàm internè, adhibentur, & vulgaria inprimis, usitatissimaque unguentorum ingredientia constituunt. De usu specialissimò nihil addo, quum apud species indicatas parùm differat, & facillimè ex generali operandi modo deduci possit, atque determinari. A scriptoribus huic quidèm & illi vires quædam specificæ tribuuntur, ast hæ ipsæ, si eximiam virtutem *ophthalmicam* pinguedinis viperinæ (a) exceperis, non adeò singulares sunt, & uberiores ideò considerationem hoc loco vix merentur.

Præter *Olivas*, *Semen Aquilegiæ* &c., quodammodò etiàm *Cera* ad hanc Classẽ pertinet. Singularis enim hæc substantia, in aquâ non minùs, quàm spiritui vini planè indissolubilis, sub destillatione notabilem *olei pinguis*, *butyracei*,

(a) Pinguedo hæc celebre *Unguentum ophthalmicum* quod doctissimus HANS SLOANE in parvo libello, Dantisci postmodum ex Angliâ linguâ sub titulo : *Machricht eines bevrvehrten Mittels vor Schmerhen, Bladigfeit, und andere Kranckheiten der ungen* &c. in vernaculam nostram translato, communicavit, ingreditur, & præcipuam illi virtutem largitur. Compositio sequens est : Rec. Tutia pptæ. unc. 1. Lap. hæmatitæ ppti. scrup. 2. Aloes optimæ gr. 12. Perlar. ppt. gr. 4. Pinguedinis viperar. q. s. M. F. S. à Unguentum.


*de Unguinoso-oleosis & Pinguibus.* 583  
*temperatissimi* quantitatem reddit, quod  
externè applicatum partes exsiccatas, du-  
ras, strictas egregiè emollit & relaxat,  
dolores mitigat, solida erosa, immò ipsos  
nervos denudatos demulcet, labia oris,  
& papillas mammarum, si fissuras egerint,  
defendit ac lenit, anodynamque præte-  
reà virtutem in hæmorrhoidum dolore  
exerit. Ab hoc oleo pariter ratio ex parte  
petenda est, cur cera inter emplastra  
quamplurima recipiatur.





## SECTIO XV.

DE INSIPIDIS ET SUBDULCIBUS mucilagineis & Gelatinosis.



### CAPUT PRIMUM.

*De natura, differentia, & virtute Gelatinosorum, ac Mucilagineorum in genere.*

§. I.



ELATINOSA solum regnum animale, MUCILAGINEA autem vegetabile medicis supeditat. De prioribus, eorumque indole, ac viribus dudum scitu necessaria in *Sectione secundâ de Terreis & Terreo-gelatinosis* dicta fuerunt; de insipidis autem & subdulcibus mucilagineis, tam odoratis, quam inodoris, fusiùs hoc loco agere placet.

## §. II.

*Mucilago*, quæ in simplicibus hisce principium activum vel unicum, vel tamen primarium constituit, substantia glabra est, viscosa, temperata, in aquâ solubilis, & ita præterea in igne fixa, ut citra mixtionis destructionem sub destillatione humidâ, aut apertâ evaporatione in sublime evehi nequeat. Componitur ex terrâ teneriori, phlegmate copioso, acido subtili, & paucâ substantiâ inflammabili, vel simpliciori saltem ac teneriori, vel crassiori oleosa. Ordinariò quidè partes aqueæ & terreæ prædominium obtinent, & salino-unguinoso-oleosæ, aut salino-inflammabiles subtiliores mixtionem quantitate minori ingrediuntur; alia tamen atque alia in diversis mucilaginibus elementorum proportio observatur, & in hisce comparative plus substantiæ oleosæ, aut inflammabilis simplicioris, in illis plus terræ aut aquæ reperitur: Hinc vegetabilium quoque mucilagines generatim in *oleosas*, *aquosas*, & *terreas* dividuntur. Oleosa v. g. mucilago obvia est in floribus chamomillæ vulgaris, aquosa in radice liliorum & altheæ; & terrea denique in radice symphyti, atque feminibus farinaceis Cerealibus.

## § III.

Præter mucilaginem nonnulla etiã-  
*sal quoddam medium*, partibus viscosis im-  
 mersum, alia simul *principium subtile, ex-*  
*halabile, odoratum, balsamicum* foveant.  
 Prius ad naturam *salis culinaris*, vel *tener-*  
*rimi nitri embryonati* accedit, &, sensim  
 per radices cum succo nutritio è terrâ ad-  
 ductum, absque mutatione mucagini im-  
 mergitur; (a) Quare non semper in plantis  
 hisce reperitur, sed præsentia ejus, & ab-  
 sentia à solo natali, quod sale culinari,  
 aut nitro embryonato modò prægnans est,  
 modò destituitur derivanda venit. Alterum  
 principium singulare, odoratis solummo-  
 dò mucilagineis inhærens, in aliis *merè*  
*inflammabile*, in aliis *oleoso-inflammabile* de-  
 prehenditur, & pro diversâ igitur tene-  
 ritudine suâ, citius aut tardius exhalando  
 consumitur.

## §. IV.

A mucilagine vegetabili parùm quoad  
 indolem *Gelatina animalis* distincta est,  
 præterquàm, quòd, loco salis aciduli,

(a) Nitrum subtile embryonatum in locis uli-  
 ginosis; putridis, ac stercoreatis facillimè gene-  
 ratur; hinc plantæ etiã, in solo ejusmodi cre-  
 scentes, notabilem plerumque ejus copiam cum  
 relique succo attrahunt.

*tenerimum quoddam sal medium ammoniacale, & longè major quoque substantia oleosa crassioris portio mixtionem ejus ingrediantur; de quibus scitu necessaria alibi dudum (Sect. II. p. 113.) fusiùs recensita fuerunt.*

§. V.

Respectu virtutum atque usûs medici gelatinosa & mucilaginea valdè cum pinguibus & oleoso-unguinosis conveniunt. Mediante enim mucilagine suâ, quæ promptè in ventriculo à liquore gastrico solvitur, & extrahitur, animantium corpora plus minùsve nutriunt, partibus solidis, duris, rigidis, exsiccatis mollitiem atque flexilitatem reddunt, erosas demulcent, fluida indurata lubricant, mucum, qui meatuum parietes naturaliter obducit, restituant, salia acria obtundunt, involvunt ac temperant, humoribus justò tenuioribus decentem systasin consiliant, & variâ hac operatione motus nimios, dolores, atque spasmos mitigant & compescunt. Cum aliquâ nihilominus limitatione memorata accipienda sunt. Nam, licet quidè̃ indicatæ virtutes generales singulis tribui queant, certo tamen certius est, eorum nonnulla, v. g. semina cerealia & gelatinas animantium, magis nutrire, alia, v. g. radice

*liliorum alborum, altheæ &c., eminentiorem emolliendi ac lubricandi virtutem edere, alia, v. g. semen psyllii & cydoniorum, efficacius demulcere, & alia denique, v. g. radicem symphyti & tragacantham, fortiùs increassare.*

## §. VI.

Ex recensitis clarè constat, quòd usus eorum internus & externus ad curandas multas ac varias ægitudines extendi possit. Internè sub formâ decocti, infusi, &c. exhibentur, & egregiam imprimis opem in febribus lentis & hæcticis, inflammationibus erysipelaceis, scorbuto, affectibus arthriticis & rheumaticis calidis, epilepsiâ idiopathicâ, ab impuritate valdè acri, nervis & membranis adhærente, oriundâ, nec minùs in spasmodicis dolorificis, dolore nephritico, ardore urinæ, stranguriâ, passione hypochondriacâ & hysteriâ, sodâ, dysenteriâ, cholerâ, diarrhoeâ acido-pituitosâ, venenis causticis mineralis ac vegetabilis prolapxiæ, erosione ventriculi & intestinorum, tenesmo ani, ulcere renum, atque vesicæ, induratione fæcum alvinarum &c. ferunt :: Externè autèm, inter clysteres, epithe-mata, cataplasmata, fomenta, balnea, infusus, & pediluvia recepta, multùm contra cardialgiâ, colicam, dolores à:

calculo, herniam incarceratam, tumores frigidos glandularum, rigiditatem ligamentorum, ariduram membrorum paralyticam, clavos pedum, ganglia, intertriginem, fissuras abdominis & mammarum, erosionem pudendorum in fluore albo diuturniori, erosionem urethræ in gonorrhoeâ virulentâ, perniones, ambusta, excrementa alvina indurata, aliaque hujus commatis mala, demulcentibus aut emollientibus maximè abigenda, vel mitiganda, valent.

---

## CAPUT II.

*De Radicibus Altheæ Malvæ, Liliorum arborum.*

### §. I.

**R**ADIX ALTHEÆ sive BISMALVÆ OFF., *Racine de Guimauve, Eibischwurzel*, oblonga est digitum crassa, in ramos divaricata, aliquantulum lignosa, foris pallidè cinerea, intùs albicans, saporis mucilaginei, odoris nulliùs evidentis.

### §. II.

Constat ex *partibus terreis, resinosis, & mucilagineis*. Mucilago, quæ præ reliquis principiis attentionem meretur, magnam



ponderis partem constituit, & in unciâ radicis unâ plerumque ad drachmas tres, & aliquot grana ascendit. Valdè emolliens, lubrica, temperata, ac satis quoque tenuis est: Infusum enim aquosum chartam bibulam, quanquam lentè, penetrat, & blandè evaporatum massam fordinè flavescens, unguinosam, inodoram, insipidam, validèque emollientem, ac lubricantem relinquit: Silentio tamen non prætermittendum est, quòd massa hæc, præter saporem mucilagineum, interdum lenissimum quoque falsum gustûs organo imprimat.

## §. III.

Propter mucilaginis teneritudinem hæc radix non solum inter clysteres, balnea, epithema, cataplasmata, & unguenta *emollientia*, *antispasmodica*, *anodyna* &c. recipitur, sed internè quoque, *demulcendi*, *lubricandi*, *temperandi*, ac *relaxandi* fine, in cholerâ, dysenterîâ, erosione faucium atque ventriculi, ictero spasmodico, stranguriâ, ulcere renum, doloribus à calculo, tenesmo ani, tussî acri salsâ, nec minùs contrâ venena corrosiva, sub decocti formâ, adhibetur. Dosis à drachmâ dimidiâ ad drachmas duas extendi potest.

## §. IV.

Radici Altheæ naturâ ac viribus RADIX LILII ALBI VULGARIS, & RADIX MALVÆ, tam SYLVESTRIS FOLIO ROTUNDO C. B., quàm ROSEÆ sive HORTENSIS I. B. respondent, frequentius tamen, præsertim lilii radix, quæ mucilagine paulò crassiori gaudet, in usum externum, quàm internum trahuntur. Parùm quoque differunt FOLIA ALTHEÆ & MALVÆ SYLVESTRIS, nec minùs FLORES LILIORUM ALBORUM, SAMBUCI, & MELILOTI vulgaris, præterquàm, quòd *mucaginem tenuiorem*, quàm radices memoratæ, in mixtione foveant, & flores prætereà recentes *principio volatili, odorato, balsamico, plus minùsve expansivo* instructi sint, quod sub exsiccatione tamen apud flores liliorum alborum & sambuci maximam partem exhalando aufertur, ità, ut nulla postmodùm, vel saltem minima ejusdem ratio habenda sit.



## CAPUT III.

*De radice Symphyti sive consolida majoris.*

## §. I.

**R**ADIX SYMPHYTI sive CONSOLIDÆ MAJORIS C. B., oblonga est, furculosa, pollicem plerumque crassa, foris nigra, intus albicans, saporis visco-mucilaginei, odoris nullius evidentis. Planta spontè in locis humidis provenit, & mensibus Maio & Junio florem purpureum, monopetalum, quasi campaniformem profert.

## §. II.

Ad formandam mixtionem ejus naturalem *partes terreæ rudiores, resinosa, & copiosissimæ mucilagineæ* concurrunt. Mucilago, cujus drachmæ sex in unâ radicis siccatae unciâ hærent, insipida, inodora, & adeò crassa est, ut filtra, imò, citrà expressionem, ipsa colatoria, transire renuat. Sub digestionem prætereà nunquam tota extrahitur, sed ipsam in fine coctionem ad plenariam sui separationem postulat.

## §. III.

Medici rationales nostrâ ætate ab usu

hujus radicis interno, licet decoctum ejus in dysenteriâ, hæmoptysi, phthisi, & ulcere renum atque vesicæ magnoperè prodesse dicatur, planè abstinent, quoniam extracta mucago, ob ingentem crassitiem suam, ventriculo molesta est, & vasa bibula aliaque facilè obstruit. Externè inter cataplasmata, unguenta, & emplastrâ *conglutinantia traumatica* recipitur, & sæpiùs cum fructu contrà rupturas membranarum, hernias, fracturas ossium, ac varia partium vulnera adhibetur. Subindè etiàm, sindoni tamen sub coctione inclusa, clysteribus, apud dysentericos, demulcendi & obtundendi scopo, injiciendis, additur.

---

## C A P U T IV.

### *De Radice Scorzonera.*

#### §. I.

**R**ADIX SCORZONERÆ OFF., sive *Scorzonera Latifolia Sinuata* C. B., *Schlangenmord*, *Spanische Habervulzel*, *Racine de Scorzonnaire*, oblonga est, nunc digiti minimi, nunc saltem calami scriptorii crassitie, colore foris pallido, aut ferrugineo, intus albo, sapore subdulci mucilagineo, odore nullo. Planta apud

nos in hortis colitur, in *Hispaniâ* autem in locis sylvestribus & campestribus spontè crescit; hinc vulgò etiam *Scorzonera Hispanica* nuncupatur. Radix recentissimè effossa succo subdulci lacteo valdè turget, qui sensim exsiccat, & temporis progressu lenissimum saporem amarificantem acquirit. Facile prætereà cariota redditur, quare semper recentiore, rejectâ prorsus exesâ vetustiori, ad usum feligere præstat.

## §. II.

Recentior, integra, ac debitè exsiccata *copioso, subdulci, ac temperatissimo principio fixo*, tam *resinoso*, quam *gummeo*, donata est; portio gummea tamen, sive mucilaginea copiâ, saporis dulcedine, & nutriendi facultate resinosa aliquantulum præpollet. Extractum enim aquosum primum, cujus quinque fermè drachmas ex unâ radice unciâ impetravi, contactu valdè unguinosum est, coloris fusci, odoris debilis, ac grati, instar panis milliti, saporis dulcis mucilaginei: Extractum spirituosum verò saltè drachmas duas, totidemque scrupulos pendebat, & saporem duntaxat subdulcem, blando ac grato balsamico lenissimè mixtum, linguæ imprimebat.

§. III.

Inter alimenta non minùs, quàm medicamenta, *analeptica*, *demulcentia*, ac *temperantia* locum sibi vindicat, & in hecticâ inprimis, phthisi, scorbuto, tussi acrisal-sâ, erosione partium internarum, dysenterîâ, calculo, ischuriâ, febribus ardentibus, affectibus scabiosis, arthriticis, & rheumaticis, singulisque morbis reliquis, ex humorum acrimoniâ oriundi, utilissima deprehenditur. In scriptis plerisque etiam virtus ejus alexipharmaca magnopore laudatur; ast hanc ipsam, cum solidè è principiorum naturâ explicari nequeat, imaginariam prorsùs, vel valdè tamen exiguam esse, credo. Præscribitur in decocto aquoso, à drachmâ unâ ad unciam dimidiam, vel jusculis ad carnibus additur. In officinis quoque *Radix condita* prostat.

---

C A P U T V.

*De Semine Psyllii & Cydoniorum.*

§. I.

**S**EMINA PSYLLII ANNUI sive MAJORIS ERECTI C. B. *Flöh-Saamenfraut*, *Semence de Psyllim*, *herbe aux Puces*, parva

sunt, oblonga, lubrica, splendentia; formâ pulcibus non dissimilia, coloris fusci aut fusco-punicei, saporis mucilaginei, nauseosi, & in recessu subacris, odoris nulliûs. Planta in *Galliâ*, *Italiâ*, & quibusdam *Germaniæ* locis incultis spontè progerminat, & hinc inde quoque in hortis feritur.

## §. II.

*Principium mucilagineum*, quod sub usu medico unicè considerationem meretur, *tenuè* quidè, *temperatum*, ac *valdè lubricum* est, *paucas* nihilominùs, easque *tenerrimas*, *particulas acres salinas* in sinu suo fovet reconditas. Infusum aquosum colore aureo, quem cortici magis, quàm ipsi mucilagini, debet, tinctum cernitur, & odore nullo, sapore merè mucilagineo, nonnihil nauseoso, gaudet. Chartam bibulam ob tenuitatem suam, licet contactu satis unguinosum ac lubricum sit, maximam partem penetrat, & modica duntaxat portio, quæ crassioris consistentiæ est, per linteum leniter exprimenda est. Post blandam evaporationem massa, aspectu sordida, fusco-nigricans, odoris debilis nauseosi, saporis mucilaginei, subtili tamen acredine mixti, relinquitur. Mecilago hæc seminibus copiosè inhæret, & exigua ejus quantitas,

v. g. scrupulus unus quatuor fermè unciiis  
aquæ consistentiam lubricam, & ungui-  
nosam inducere valet.

§. III.

Potentem hæc semina *lubricandi*, *de-  
mulcendi* ac *temperandi* facultatem possi-  
dent, rarissimè nihiloseciùs, ob latentem  
& suspectam acredinem, quodammodò  
causticam, internè præscribuntur, sed  
usus extractæ mucilaginis plerumque ex-  
ternus est contrà raucedinem, asperita-  
tem faucium, anginam, fissuras labio-  
rum, linguæ, mammarum, & abdomi-  
nis, ophthalmiam siccam, ambusta, in-  
tertriginem, aliasque partium solidarum  
erosiones. Subinde etiam in dysenteriâ &  
tenesmo ani clysteribus miscetur.

§. IV.

SEMINA CYDONIORUM, *Semen-  
ces de Coing*, *Quittenfern*, intuitu princi-  
pii *mucilaginei*, Pyllyi seminibus quo-  
dammodò analogâ reperiuntur, subtili  
tamen ac causticâ acredine carent, & gra-  
tiora igitur ac longè tutiora sunt. *Mucila-  
go*, quâ mirificè abundant, frigidâ etiâ  
aquâ facilè, & intrâ breve tempus, si se-  
mina obiter saltèm contusa fuerint, sol-  
vitur atque extrahitur, & protinùs aquæ  
formam & consistentiam gelatinæ albî-



cantis, observatâ nimirum justâ aquæ & feminum quantitate relativâ, conciliat. Ad magnam autem aquæ copiam modica saltem feminum quantitas requiritur: Nam plus simplici vice observavi, unicam drachmam feminum, tres ferè aquæ uncias ita mucilagine subdulci ac temperatissimâ imprægnasse, ut vix amplius diffluere potuerit. Quandò spissiufculum hoc infusum blandè evaporatur, constanter odorem gratum, odori, quem nuclei ceraforum contusi, aut chocolada, cum lacte cocta, spirant, simil'imum, emittit, tandemque colorem sordidè ac pallidè fuscum sortitur, remanente tamen pristino sapore temperato, subdulci, ac mucilagineo. Ex drachmâ seminis unâ dimidiam circiter drachmam hujus massæ inspissatæ impetravi.

## §. V.

Egregriè hæc mucilago partes solidas erosas, fissas, ambustas demulcet, meatus lubricat, ac contrà stimulos contentorum defendit, humores justo tenuiores paululùm incrassat, & acrimoniam salinam quamcunque involvit, obtundit, ac temperat; quare non externè solum, ad corrigenda vitia, in præcedentibus (§. 3.) dudùm indicata, applicatur, sed frequentissimè etiam internè, vel per se,

vel cum syrupis, aliisque, appropriatis mixta, contra erosionem faucium, & ventriculi, dysenteriam, tussim falso-acrem, hecticam, scorbutum, ulcus renum, stranguriam, venena caustica &c. in usum trahitur.

---

## CAPUT VI.

### *De Hordeo & Avena.*

#### §. I.

**G**RANA HODEI VULGARIS & AVENÆ ALBÆ non tantum inter alimenta animantium, sed etiam inter medicamenta diu pridem locum invenerunt. In crassiori enim substantiâ suâ farinaceâ *subtile* atque *subdulce principium mucilagineum*, *tenerissimo quodam* atque *refrigerante sale nitroso embryonato* plerumque permixtum, fovent: Non pertinet tamen salina hæc materia ad vera ac necessaria mucilaginis principia constitutiva, sed è solo stercoreato aqua extrahitur, ac simul cum succo nitritio in plantam deducitur, ibidemque postea mucilagineæ substantiæ obiter immergitur; hinc sub virium quoque determinatione ad salinum hoc principium non adeo rigorosè respiciendum erit.

## §. II.

Sub coctione blandâ cum aquâ simplici, ad granorum usque crepaturam protrahendâ, sola substantia mucilaginea tenerior, relictâ farinaceâ crassiori, extrahitur, & eximias menstruo suo vires *demulcentes, temperantes, refrigerantes* conciliat; quare ptisanæ quoque sive decocta hordeacea & avenacea frequentissimi usûs sunt, & in morbis quamplurimis, maxime autem in febribus continuis cujuscunque generis, inflammationibus, hæmorrhagiis exorbitantibus, rheumatismis, affectibus spasmodicis & arthriticis, scorbuto, maniâ, obstructione viscerum, calculo, dysenteriâ, tussi, astmate &c. multum plerumque auxilii ferunt (a). Hisce tamen addendum erit, laudatam utriusque decocti efficaciam medicam à solâ nequaquam mucilaginis virtute demulcente, temperante, ac refrigerante, sed simul quoque à *diluendi* facultate, quæ aquoso duntaxat menstruo competit, deducendam esse.

## §. III.

Non destituuntur quoque cerealia hæc

(a) De usu multiplici atque egregio Decocti avenacei plura in LOWERI *Bromographia* videri possunt.

femina

semina usu externo : Nam avena leniter tosta persæpe , vel sola , vel baccis juniperi, lauri, semine cumini, sale culinari, & similibus mixta , facculis includitur , & modicè calefacta abdomini contrà tormina colica & hysterica , partibusque aliis , ad dolores rheumaticos mitigandos , imponitur. Farina quoque ejus , ut & farina hordei haud rarò inter emplastra recipitur , vel per se , cum aquâ priùs in pulvem cocta , abscessibus , furunculis &c. , maturandi scopo , applicatur. De reliquo usu , quem farina hordei & avenæ internè habet , nihil addo , quum hominibus etiam plebejis jam notissimus sit.

---

## CAPUT VII.

### *De Gummi Arabico & Tragacantho.*

#### §. I.

**G**UMMI ARABICUM OFF. est substantia sicca, dura, fragilis, ordinariò in grumos globosos, magnitudine juglandis, vel grandiores etiàm, aut minores, extùs scabros paululùm, ac quasi rugosos, intùs læves, splendidos, pellucidos, rariùs in massulas oblongas, rectas, ac teretes, aut, erucæ in se convolutæ instar, contortas, condensata, coloris

vel albicantis, vel pallidè flavi, vel rufescentis, saporis fatui viscosi, odoris nullius. Pellucidum, nitens, candidum, aut pallidè flavescentis existit præstantius, rufescens verò ac sordidum deterius iudicatur, & mechanicis solummodò usibus impenditur.

## §. II.

Affertur ex *Ægypto*, *Arabia*, & quibusdam *Africa* oris, ubi ex fissuris corticis trunci & ramorum *Acacia vera* I. B. sive *Acacia foliis scorpioides leguminosa* C. B. spontè profluit. Gummi perfectum est, ac totum aquâ simplici solvitur, in oleis autem & spiritu vini nullam planè dissolutionem patitur, nec ullam quoque, igne admotum, flammam concipit, sed sensim in fumum & carbonem convertitur. Quandò destillationi in retortâ subjicitur, & mixtio naturalis destruitur, primò phlegma copiosum, limpidum, insipidum, inodorum, deinde liquor acidus rufescens, tandemque parùm liquoris alcalici, novè geniti, & olei, tùm tenuioris, tùm crassioris, prodeunt. In retortâ massa nigra carbonaria relinquitur, quæ quartam circiter totiùs ponderis partem explet, &, fortiùs in crucibulo, igne reverberii, calcinata, cineres suppeditat leucophæos, è quibus paucillùm salis

*De Mucilagineis & Gelatinosis.* 603  
fixi alcalici aquâ extrahi potest. (a)

§. III.

Contra affectus varios, maximè autem contra phthisin, hæcticam, hæmoptysin, tussim, catarrhos acres, raucedinem, anginam spuriam, scorbutum, dysenteriam, ardorem urinæ, stranguriam, & renum exulcerationem internè & externè in usum trahitur, quoniam partes erosas demulcet, acrimoniam humorum obtundit, involvit, ac temperat, succos justò tenuiores paululùm incrassat, & mucum naturalem ventriculi, intestinorum, aliorumque meatuum restituit. Pro usu interno pulveribus, trochiscis, electuariis, decoctis, & infusis additur, vel per se etiam, in aquâ priùs solutum, à scrupulo uno ad drachinam unam, propinatur. Externè gargarismata, collyria, lavamenta, unguenta, & clysteres ingreditur, & pulverisatum quoque ulceribus, humore ichoroso caustico turgidis, inspergitur.

§. IV.

TRAGACANTHA sive TRAGACANTHUM  
OFF. itidèm substantiam denotat gummosam, siccam, nonnihil tamen lentef-

(a) Conf. Geoffroy in Mat. Med. T. II.  
P. 575.

centem, semidiaphanam, modò in grumos, modò in filamenta longa, teretia, variè complicata, vermicularia, concretam, coloris albicantis, flavescentis, rufescentis, aut nigricantis, odoris nulliùs, saporis inertis viscosi. Eligenda est tragacantha pura, candida, vermicularis, rejicienda contra sordida, rufescens, ac nigricans. Planta, cujus truncus ac rami succum hunc gummosum, partim spontè, partim præviâ corticis vulneratione, fundunt, in *Græciâ*, *insulâ Cretâ*, & *Asiâ* nascitur, & TOURNEFORTIO *Tragacantha Cretica incana*, flore parvo, lineis purpureis striato, audit. (a)

## §. V.

Quoad naturam, vires, & usum cum gummi Arabico convenit, præterquàm, quòd plus acidi & terræ, minùs olei in mixtione suâ contineat, & viscosioris proinde consistentiæ sit. Aqua macerata valdè intumescit, & in densum ac spissum mucum, affusâ magnâ aquæ quantitate vix dissolvendum, convertitur: Quare internè & externè magis incrassandi, quàm demulcendi scopo adhibetur, & à pharmacopæis inprimis, ad saccharum &

(a) Prolixam hujus plantæ fruticosæ descriptionem vide apud vix allegatum *Godofredum* l. c. p. 578.

*de Mucilagineis & Gelatinosis.* 605  
pulveres in rotulas, morsulos, trochiscos, pilulas &c. redigenda, usurpatur.

§. VI.

Ad eundem censum etiàm GUMMI *Cerasorum, Prunorum, Pomorum, Persicorum, & Armeniacorum*, nec minùs Gummi illud Africanum, *Senega*, itemque *Seneca* dictum, spectant, dum ita prorsùs formâ suâ externâ, consistentiâ, indole, atque virtute ad gummi Arabicum accedunt, ut vice ejus, quoties necesse, in Medicinâ commodè perfungi queant.

---

C A P U T VIII.

*De Ichthyocolla & reliquis animantium gelatinis.*

§. I.

**I**CHTHYOCOLLA, *Hausenblase*, est gelatina inspissata, membranæ æmula, ex albo flavescens, aut candida, saporis glutinosi, odoris nulliùs. Ex intestinis, ventriculo, vesicâ, corio, immò pinnis & caudâ magni cujusdam piscis, qui *Huso* dicitur, & in *Ponto Euxino*, *Danubio*, ac pluribus *Russiae* atque *Tartariae* fluviiis majoribus frequens est, aquâ excoquitur, ac debitè, post sufficientem inspissationem, in polito ac pingui assere diducta, sub refrigeratione in lamellas



tenues , quasi membranaceas , indurefcit.

§. II.

Ufum magis mechanicum & œconomicum , quàm medicum habet. Potest tamen in dysenteria , diarrhoeâ , cæterisque morbis , in quibus increffantia ac demulcentia hujus classis profunt , cum fructu adhiberi , fi aquâ nimirum , vel vino , coctionis aut digestionis ope solvitur , & decoctum postea aut infusum tepidum cochleatim assumitur. Externè clysteres maximè ingreditur , præsertim illos , qui apud dysentericos , ad mitigandam dolorum acerbicatem , injiciuntur.

§. III.

Reliquæ GELATINÆ ANIMALES , v. g. *Gelatina Eboris* , *Cornu cervi* , *Crurum vitulinorum* &c. , nullam specialem hoc loco considerationem merentur , quoniam , ob usum creberrimum , notissimæ sunt , & singulæ præterea virtutes medicæ , quæ Gelatinosis Cap. II. in genere adscriptæ fuerunt , illis perfectè competunt. Hoc unicum solummodò monendum duco , gelatinas hæc ichthyocollam tenuitate ac teneritudine superare , & eidem proinde , intuitu usûs medici interni , longè præferendas esse.



## SECTIO XVI.

DE SICCIS SULPHUREIS,  
Mercurialibus , Sulphureo-mer-  
curialibus , Sulphurco-regulinis ,  
& Metallicis , semimetallicis , ac  
terreis martialibus.

\*\*\*\*\*

### CAPUT PRIMUM.

*De Sulphure vulgari minerali.*

#### §. I.



SULPHUR VULGARE sive  
COMMUNE OFF. est concre-  
tum minerale salino-inflamma-  
bile , durum , siccum , pulve-  
risabile , in massas oblongas , crassas ,  
cylindraceas ordinariò condensatum , co-  
loris subflavi , citrini , aut subviridi-fla-  
vescentis , saporis & odoris , nisi accen-  
datur , aut fortiùs in mortario teratur ,

nullius evidentis. Occurrit etiã sulphur *rubellum*, *rubrum*, *flavo-rubescens*, ac *gryseum*; ast numquã hæ species, ob partium arsenicalium aut terrearum miscellam, usui medico serviunt.

## §. II.

Quancquam sulphur minerale, cujus-  
cunque etiã coloris sit, genesis suam  
soli debeat naturæ, à plerisque nihilo-  
minùs, quum aliqua hominum opera ut-  
plurimum ad separationem necessaria in-  
veniatur, in *nativum* & *factitium* dividi-  
tur, ac binæ nativi, tres factitii species  
recensentur. *Fossile nativum*, vulgò *sulphur*  
*vivum* nuncupatum, vel *purum* omninò  
est, vel impurum. Hoc in *Italiâ*, *Islandiâ*,  
& alibi locorum è fodinis sulphureis, vel  
etiã circà montes ignivomos, eraitur,  
& variis recrementis terreis, arenosis,  
lapideis, aliisque permixtum est adeoque  
depurationem, antequàm trahi possit in  
usum, postulat: Illud verò purum ac se-  
midiaphanum existit, & colore vel citri-  
no, vel rubescente, vel rubro gaudet;  
quæ rubedo tamen sulphuri propriè non  
competit, sed unicè ab admixtâ substan-  
tiâ arsenicali deducenda est: Hinc quò  
intensior adest rubedo, eo major arseni-  
ci quantitas inhæret, ita, ut sulphur sa-  
turatè rubrum magis rubri arsenici, quam

quàm sulphuris species, æstimandum sit. Ad species factitias referuntur 1) *Sulphur stillatitium*, citrinum aut flavo-viridescens, 2) *Sulphur vulgare Officinarum*, flavum, flavescent, & subviridi-flavescent, & 3) *Sulphur caballinum*. *Sulphur stillatitium* in supposita vasa fictilia destillat, quandò Goslaria, & alibi pyritæ martiales, & marcasitæ sulphureo-veneræ, substratis & interpositis ligni segmentis, in acervos, tostioni in aere libero subjiciendos, congestæ, accenduntur. *Sulphur vulgare*, in Officinis venale, sublimationis beneficio, in retortis ferreis aut lapideis, methodo, à Clariss. HENCKELIO in *Pyritologia* descriptâ, è pinguibus pyritis, cæterisque marcasitis metallico-sulphureis separatur, partim ex foveis, quæ in prædictis pyritarum acervis, seu rogis accensis, vel spontaneâ partium subsidentiâ nascuntur, vel studio ab operariis; quamprimùm minera ignitione protractâ mollior reddita fuit, imprimuntur, & sulphure liquefacto paulatim replentur, ferreis cochlearibus exhauritur: Unde constat, hoc, & sulphur stillatitium, si illud semel duntaxat repetitâ liquefactione, & quisquiliarum subsidentiâ fuerit depuratum, nil planè discriminis intercedere. *Sulphur caballinum* denique ex fæcibus, post depurand. sulphuris ordinarii lique-

factionem ad fundum secedentibus, con-  
crescit, & nulliùs penè utilitatis est,  
præterquàm, quòd equis, unde etiam  
cognomen accepit, à mulo-medicis ex-  
hibeatur.

### §. III.

Sulphur minerale purum è binis solum-  
modò principiis, arctissimè invicèm uni-  
tis, ex *tenerâ* videlicet *substantiâ inflam-*  
*mabili*, & *acido minerali primo*, ac *ponde-*  
*rosissimo*, quod vulgò *acidum vitriolicum* vo-  
cant, componitur (a). Probant dicta dia-  
criseos non minùs, quàm syncriseos exem-

(a) HOMBERGIUS sulphuri vulgari mine-  
rali præter phlogiston & acidum vitrioli multum  
quoque *terrea simplicis rudioris*, & paucillum *me-*  
*tallica*; veneræ prolapix, tribuit: Veruntamen  
sententiam hanc veritati repugnare, & auctorem  
hunc examine suo, quod in Actis Societatis Re-  
giæ Parisinæ ann. 1703. descripsit, deceptum fuisse,  
palam pronunciare audeo. Nam 1) Sulphur  
impurum adhibuit, & 2) satis magnam olei  
terebinthinæ quantitatem sulphuri superfudit.  
Inde quippe non suspicari solum, sed clarè co-  
gnoscere licet, moleculas cupreas sulphuri im-  
puro, non tanquàm principia constitutiva, sed  
tanquàm corpuscula heterogenea, inhæsisse, &  
nigram quoque terram, quam deinde cum bora-  
ce in vitrum gryseo-fuscum fusione redegit, ma-  
ximam partem, quin unicè forsan, ex oleo te-  
rebinthinæ, quod terrâ abundat; eductam & se-  
paratam esse.

pla. Ex sic dicto enim hepate, uti alibi pridem fusiùs retuli, pars inflammabilis, blandâ, lentâ, & apertâ calcinatione ita separatur, sensimque in auras expellitur, ut solum acidum remanens cum alcali fixo perfectum sal neutrum, tartaro vitriolato simillimum, producat, quod rursùs tamen, cum adjecto carbonum pulvere colliquefactum, pristinam hepatis formam & indolem recuperat. Chymicis quoque noto notius est, ex magmate terreo-resinoso nigricante, post olei & spiritus vitrioli dulcis destillationem relictò, ut & ex oleis, resinis, atque gummatibus, cum oleo vitrioli combinatis, ex retortâ spiritus, sulphurei odoris, & sulphureæ indolis, destillari, quin, decenti adhibitâ encheiresi, verum sulphur, minerali analogum, sublimari posse. Plura experimenta, quæ in promptu habeo, adducere nolo, sed hoc unicum duntaxat addo, acidum in sulphure adesse copiosum, partem phlogistam sive inflammabilem verò, licet sulphur facilè flammam concipiat, ac totum eâ consumatur, exiguâ admodùm quantitate mixture ingredi. In integrâ quippe librâ, teste NEUMANNO (a), nondùm duæ drachmæ reperiuntur, & tota pars reliqua, ultra uncias quindecim & drach-

(a) V. Lect. de Sulphure.

mas sex pondere ascendens, sal acidum ponderosissimum est.

§. IV.

Menstrua lixiviosa cocentrata sulphur, si fortior ac diuturnior coctio accedat, superficialiè solvunt, aqua autem & spiritus vini nihil illi eripere valent, nisi tenerrimas quasdam moleculas inflammabiles (a), quæ in conspicuam tamen molem colligi ac condensari nequeunt. Odorifera ejusmodi effluvia etiã prodeunt, quandò sulphur in mortario marmoreo, vel siccum, vel aquâ humectatum, aliquamdiù teritur, aut in loco calido, ubi incalescere quidẽ, minimè ramen fluere, aut sublimari possit, collocatur. Unde cognoscere licet, sulphur minerale, sub formâ pulveris exhibitum, itemque flores ejus, neque solvi posse in ventriculo, neque vasa bibula & lactea quoad rudiorẽ suam molem subire, sed

(a) Infusum sulphuris pulverisati spirituosum colore quidem, sapore, & odore putum duntaxat v. ni spiritum refert, nec quicquam etiam, visu cognoscendum, post evaporationem relinquit; vacua nih lominus & prorsus exsiccata concavitrea, in loco calido adh c detenta, aliquamdiu sa is fortem odorem sulphureum emittit; unde manifestum est, tenerrima omninò ramenta, quæ conspicuam tamen molem formare nequeunt, sub digestionẽ à sulphure avelli.

paucissimas duntaxat , tenerrimas , odoratas , particulas inflammabiles , sensum liquoris gastrici , caloris , & motûs peristaltici actione detritas , & volatiles redditas , per ductus memoratos inhalando ad sanguinem penetrare.

§. V.

*Vires demulcentes , obtundentes , & pectorales* huic concreto à plerisque scriptoribus tribuuntur , idemque in phthisi imprimis , tussi acri falsâ , asthmate metallicarum , scabie , scorbuto , doloribus à calculo , dysuriâ , & colicâ saturninâ specificè prodesse dicitur : Verum enim verò , si pa lam fateri licet , quid sentiam , parùm omnino elogiis hisce fidendum esse , pronuncio. Admitto quidè aliquam demulcendi potestatem in iis morbis , qui sedem suam primariam in ventriculo & intestinis habent ; quòd ampliùs autem ad sanguinem , lympham , pulmones renes &c. extendi possit , asserere non audeo. Nam si integris sulphuris pulverisati moleculis , ob causas antea indicatas , transitus in vasa sanguifera & lymphatica interdictus est , & paucissimæ duntaxat particule odoratæ , seu tenerrima ramenta inflammabilia , inhalationis beneficio , ad humores circulantes pervenire possunt , non video sanè , undè tanti effe-



ctus in pulmone , asperâ arteriâ , renibus &c. derivandi sint. Usus externus in intertrigine , ulceribus ichorosis , & scabie non adeò magni momenti est , immò in morbo postremo , si sulphur scilicet , uti moris est , cum oleosis miscetur , & sub unguenti formâ applicatur , creberrimè noxius deprehenditur , quoniam crassa ejusmodi unguenta poros cutaneos obstruunt , & facilè igitur excernendæ materiæ regressum ad interiora procurant , vel eidem ad minimum occasionem præbent.

---

## CAPUT II.

### *De pulvere Lycopodii.*

#### §. I.

**P**ULVIS LYCOPODII, quem alii etiam *Sulphur* , itemque *Semen Lycopodii* nuncupant , subtilissimus est , levissimus , siccissimus , contactu lenissimus , inflammabilis , flavescens , saporis & odoris nullius. Excutitur mensibus Augusti & Septembri ex parvis atque squamosis clavibus *Musci terrestres clavati* c. B. , qui in siccis & arenosis *Polonia* , *Lithunia* , & *Ukrainia* tractibus uberrimi proventus est , & ab incolis frequentissimè , tanquam sin-

*de Sulphureis, Mercurialibus &c.* 61 §  
gulare specificum, internè sub formâ decocti, externè in unguento, contra sic dictam Plicam Polonicam adhibetur.

## §. II.

Tenerrima hæc substantia pulverulenta singularis planè naturæ est, & ex *terrâ* duntaxat, & *subtili materiâ oleoso-inflammabili* componitur; quemadmodùm hæc subjuncta experimenta, & observationes uberius docebunt:

I. Menstrua aquea & aqueo-falsa nullum ingressum inveniunt, nihilque, notatu dignum, licet fortior etiam ac diuturnior digestio accedat, extrahunt, sed aqua simplex aut falsa filtrum chartaceum limpida transit, ac tota pulveris moles sine conspicuâ mutatione relinquitur, interioresque chartæ bibulæ parietes circumquaque obducit. Si quantitate quoque sufficienti aquæ frigidæ inspergitur, densâ molecularum aggregatione ac cohæsione pinguem quasi cuticulam in superficie format, ità, ut digitus citrà humectationem ad fundum usque immergi possit.

II. Spiritus vini rectificatissimus sub blandâ digestionem tenuem quidè coloris flavescentem consequitur, post filtrationem nihilominus & evaporationem plenariam, nil, nisi tenerrimum duntaxat

pulvisculum, cujus pondus, nisi magnâ pulveris lycopodii quantitas adhibita fuerit, ob molem exiguam determinari nequit, in fundo vasis relinquitur.

III. Aquæ stygiæ in principio innatat, deinde autem, digestionem nimirum advocatâ, atque frequenti simul vitri concussione susceptâ, maximam partem ad fundum descendit, nullam singularem tamen solutionem aut extractionem patitur. Nam liquor, aquâ simplici debilitatus, ac postea filtratus, aquæ puræ limpiditate gaudet, &, instillato demum oleo tartari per deliquium, debilem flavedinem induit, paululumque turbidus redditur. Die sequenti pristina pelluciditas restituta, immò aucta cernitur, & color dilutè aureus est, in fundo autem tennerrima materia albicans salino-terrea, sensim sensimque præcipitata, in conspectum venit, quæ liquore decantato exsiccata, colorem albido flavescentem, debilemque saporem salsum obtinet. Sedimentum hoc aquâ simplici quoad aliquam partem denuò solvitur, eidemque flavescentem colorem conciliat, pars rudior albicans terrea autem in fundo indissolubilis remanet.

IV. Lixivia concentrata, ex alcali fixo parata, parùm quoque huic pulveri eripiunt, & pallidâ tantum flavedine post

digestionem & filtrationem tincta conspiciuntur , nihilque propemodùm , in-  
stillato liquore acido , ad fundum dimit-  
tunt.

V. Nitro fluenti injectus moderatam  
detonationem subit , & protinùs quo-  
que , flatu per angustam fistulam versùs  
candelæ flammam propulsus , accenditur ,  
tantâque celeritate consumitur , ut ful-  
guris illustrationi physicæ inserviat ; in  
carbone candente autèm nunquàm flam-  
mam concepit , sed partim in fumum ,  
partim in carbonem terrestrem conver-  
titur.

VI. Sub destillatione siccâ , teste NEU-  
MANNO (a) , notabilem olei empyreu-  
matici quantitatem reddit , & copiosum  
pariter caput mortuum terreum in retor-  
tâ relinquit.

### §. III.

Collocatur vulgò inter medicamenta  
demulcentia , anodyna , & sedativa , au-  
xiliumque non contemnendum , ab ali-  
quot scilicet granis ad scrupulum inte-  
grum exhibitus , in epilepsiâ , dolore ne-  
phritico , erosionè ventriculi & intesti-  
norum , torminibus ventris & cardialgiâ  
infantum , tussi , & scorbuto ferre credi-  
tur : An memoratæ autèm virtutes ratio-

(a) L. c. p. 213.

ni respondeant, aut repugnent, ex præmissis experimentis attentos facillimè cognituros, spero. Ego sanè lubentiùs negantium, quàm affirmantium sententiæ, non simpliciter tamen, sed cum aliquâ limitatione, subscribam. Probabile nempe mihi videtur, pulverem hunc demulcendo & obtundendo boni quidquam in torminibus ventris, similibusque ventriculi & intestinorum morbis præstare posse; quod in reliquis autèm, quorum causa in sanguine, lymphâ, & visceribus remotis latet, salutarem effectum edere valeat, asserere nolo, quum nulla ejus in ventriculo solutio, nec singularis quoque extractio contingat, & parùm itaque vel nihil activi ad humores circulantes penetret. Potestas demulcendi sub ad & inspersione externâ certior est, & usum itaque ejus in intertrigine, & ulceribus ichorosis præcipuè suadendum esse arbitror.

## §. IV.

Ejusdem naturæ atque virtutis etiàm *Pulvis* ille *flavescens* est, qui in JULIS CORYLORUM, ALNORUM &c., nec minùs in STOBILIS TENELLIS PINI ET ABIETIS reperitur: Præ reliquis tamen pulvis julorum coryli æstimatur, & in epilepsiâ in primis pulveri lycopodii, quanquam sine sufficiente ratione, præfertur.

# CAPUT III.

## De Mercurio vivo sive corrente.

### §. I.

**M**ERCURIUS VIVUS, *Mercurius Currens, Argentum vivum, Hydrargyrum*, est corpus semimetallicum, fluidum, siccum, mobilissimum, in igne fortiori totum volatile, post aurum ponderosissimum, & argenti instar nitens. Dividitur vulgò in *Virgineum & Vulgarem*: Hic in *Hispania, Bohemia, Hungaria, Carinia, Regno America Peruviano*, & aliis quibusdam regionibus partim ex *cinnabari nativâ*, partim ex *minera durâ, saxeâ*, partim ex *glebâ fossili, molliori, sulphureo-limosâ, argillaceâ &c.*, destillationis descensoriæ ope, separatur & educitur; ille autem in terræ visceribus, quanquam rarius, jam currens reperitur, & in locis, ubi spontè effluit, absque ullâ operâ aliâ colligi potest.

### §. II.

Vera liquidi hujus semimetalli elementa nondum satis detecta sunt, licet multi chemici varia cum eo experimenta susceperint, ac sedulò in specificum mixtionis modum inquisiverint. Parum inte-

reà hoc loco referre videtur, an memorata nota sint, nec ne : Mercurius vivus enim in animantium corporibus nunquam radicaliter, h. e., in partes dissimilares seu constitutivas, dissolvitur, sed, in minutissimos duntaxat globulos homogeneos divisus, vasa intrat ac permeat, tandemque, servatâ prorsùs mixtione pristinâ, iterùm per patula ostiola cutis, glandularum &c. exit.

### §. III.

Ore assumptus è ventriculo & intestinis, etiã si fluidum sit mobilissimum, nunquàm in vasa lactea ac bibula venosa transit, sed denuò per alvum, citra singularem formæ mutationem, ac citra ponderis decrementum, excluditur (a) : Per poros cutis autèm, seu rectiùs, per hiantia orificia vasculorum inhalantium & absorbentium facillimè humores circulares ingreditur, & ad intimos corporis recessus penetrat, quandò forti calore in effluvia resolvitur, vel, cum pinguedine etiã in unguentum redactus, tritu aliquamdiù continuato impellitur; quemadmodùm prius apud aurifabros, aliosque, qui argentum vivum in igne tractant,

(a) Conf. Miscell Acad. N. C. G. Dec. I. ann. 6. Obs. 176. Vid. etiã Mat. Med. T. I. Sect. I. p. 22.

*de Sulphureis, Mercurialibus &c.* 621  
posterius verò apud ægros venereos, in-  
unctione mercuriali curandos, creberri-  
mè observare licet.

#### §. IV.

Salia acida promptè recipit, & in cor-  
pore proinde, præsertim impuro, non  
tantum, propter eminentem ponderosi-  
tatem suam, validè premendo, verum  
etiàm absorbendo, & postea pariter,  
quamprimùm per adhærentes, & arctiùs  
unitas partes acidas moleculis globosis  
magna acredo, quin corrosiva nonnun-  
quàm indoles, conciliatur, fortissimè sti-  
mulando, pungendo, & incidendo, &  
operationem suam exercet: Unde ratio  
quoque facile cognoscitur, cur, hoc vel  
illo modò usurpatus, in desperatâ passio-  
ne iliaca, lue venerea, ejusdemque sym-  
ptomatibus ac prodromis, affectibus sca-  
biosis, tumoribus glandularum frigidis,  
gangliis, tophis, fungis, cancro occulto  
&c. notabile plerumque auxilium ferat,  
immò in nonnullis, v. g. lue venerea,  
& scabie specificè prorsus conducat. De  
virtute anthelmintica, quam plerique illi  
tribuunt, multa addere supervacaneum  
duco, quum satis incerta sit: Nam licet  
quidèmercurius dulcis vermibus valdè  
infestus reperiatur, ab illo tamen ad vi-  
vum nulla conclusio valet.



## CAPUT XXI.

*De Cinnabar nativa.*

## §. I.

**C**INNABARIS, *Ginnober*, est siccum ac ponderosum concretum sulphureo-mercuriale, gratissimâ quidè post depurationem & perfectam trituram rubedine, nullo autè odore, nullo sapore præditum.

## §. II.

Triples cinnabatis species, *Nativa* videlicet, *Factitia vulgaris*, & *Cinnabaris antimonii*, civitatis pharmaceuticæ jura successivè adepta est (a). Cinnabaris na-

(a) Nonnulli triplici huic cinnabaris speciei adhuc quartam, nimirum lunæ cinnabarim, addunt. Quid? quòd, concretum tale cinnabarinum ex omnibus metallis, eadem methodo, mutatis tamen pro metallorum diversitate mutandis, præparari posse perhibet. Verum enim verò, hæc, ac reliquæ, ex mercurio vivo, & putatio metallorum sulphure parandæ, cinnabaris species veris concretis cinnabarinis nequaquam annumerandæ sunt. Metalla pura enim nullum sulphur completum, cum vulgari comparandum, sed tantummodò longè subtiliorem ac simpliciorẽ substantiam phlogistam in mixtione suâ foveat,

tiva, quæ hoc loco primum tractationis objectum constituit, in *Carinthia*, *Syria*, *Carniola*, *Bohemia*, maximè autem *Andaloufia* & *Biscaya*, binis Hispaniæ provinciis, nec minùs in *Hungaria*, & regno novi orbis *Peruano* è terræ visceribus eruitur, vel frustra majora, minora, puriora, impuriora, aquarum subterranearum impetu abrafa, & ad telluris superficiem abrepta, ex rivulorum ac fluminum sabulo colliguntur, posteaque, à partibus heterogeneis loturâ debite purgata, venduntur. Prope *Scianam* v. g., superioris Hungariæ pagum, ditissimæ mineræ mercuriales & cinnabarinæ reperiuntur, è quibus magna mercurii quantitas quotannis eruitur. Minera effossa terram unctuosam, & lapidem varii coloris formâ ex-

quæ cum mercurio in veram cinnabarim combinari nequit. Memorata igitur producta nihil sanè aliud sistunt, nisi mercurium, post solutionem & præcipationem igne fortissimo sublimatum, ideòque rubedinem suam, & habitum æternum cinnabarinum minimè unito sulphuri metallico, sed unicè acidis spiritûs nitri potriculis, cum mercurii globulis simul evectis, iisdemque firmiter adhærentibus, debent; quemadmodum hæc ANDREAS HERMANNUS, *Medicina Doctor* & *Præcticus Neufolienfis* in *Hungariâ*, experimentis variis, in *Annalibus Physico-medice Wratistaviensibus ann. 1720. p. 102.* descriptis, satis demonstravit.

ternâ refert, & ideò etiâ minera mercurii unctiosa, miniata, rubra, grysea, lutea &c. vocatur. Contunditur illa sub peculiaris molendini pistillis, & inde resultans materia unguinoso-sabulosa in focus planis, modicè inclinatis, & linteo obductis, *aufden Plau-Heerde*, lavatur, ut aqua, placidè per planum foci inclinatum decurrens, terram Inertem, aliasque partes leviores heterogeneous secum abducatur, cinnabarinæ autem molecule, ob ponderositatem inter linteï fibrillulas relictæ, colligi, & collectæ ulteriori in alveolis loturâ depurari queant. Hæc cinnabaris nativæ species dicitur *Cinnabaris lota*, ac multùm ex eâ mercurii, destillationis descensoriæ ope, resuscitatur. Multùm præterea cinnabaris ibi locorum ab hominibus plebejis ex rivulis, mineræ memoratæ vicinis, sabulum extractum in alveolis lavando, colligitur. Occurrunt frustra minora & majora, fabam persæpè magnitudine superantia, purissima, &, rubini instar, pellucida, quæ ideò etiâ optimam ac pretiosissimam cinnabarim nativam constituunt. Rusticorum alii, propè rivulorum ripas, faciunt foveas, &, loturæ beneficio, ex terrâ limosâ mixta cinnabaris frustula separant, immò sunt, qui grana, ac satis magna subindè frustra, hinc indè in nidis latitantia,

*de Sulphureis, Mercurialibus &c.* 625  
rantia, ex agris eruunt, ac penitus à for-  
dibus liberata: vendunt. (a)

§. III.

Quoad elementa seu partes constituti-  
vas nihil planè discriminis cinnabaris ve-  
ræ species intercedit, sed cinnabaris na-  
tiva pura æquè, ac cinnabaris antimonii  
& factitia vulgaris, ex *solo mercurio cur-  
rente*, & *sulphure vulgari* eâ proportionē  
composita est, ut cum septem circiter vel  
octo mercurii vivi partibus unica saltē  
sulphuris pars firmam unionem subeat.  
(b) Quicquid enim de sulphure solari,  
quin ipsis auri moleculis in cinnabari na-  
tivâ Hungaricâ, non procul ab auri mi-  
neris effossâ, itemque de sulphure purio-  
ri & anodyno vitrioli in antimonii cin-  
nabari narratur, meritò ad aniles fabu-  
las, & alchemicorum somnia pertinet.  
Provoco in hoc passu ad chymicorum re-

(a) Vid. BRUCKMANNI *Magnalia Dei in locis  
subterraneis* P. I. 201.

(b) Clariss. MEUDERUS in *Analysi sua antimonii  
physico-chymica* rat. p. 16. circâ proportionem  
principiorum valdè dissentit, & quantitatem sul-  
phuris ad quantitatem mercurii sese ut 1. ad 30.  
habere, perhibet. Sed, assensum in hoc passu  
præbere nequeo: Vix enim concipere licet, quo-  
modò tam exigua, trigesima scilicet, sulphuris  
pars tantam mercurii molem ligare, & in massam  
solidam redigere valeat.

CARTH. *Mat. Med. Pars II.* D d

centiorum examina, immò ad propriam provocare possum experientiam: Maximâ sanè circumspèctione cinnabaris, tam nativæ, quàm factitiæ utriusque, resuscitationem institui, at nihil peregrini, nihil di-ersi circà separata principia observare mihi contigit, sed formâ, colore, cæterisque proprietatibus sibi invicem erant simillima. Idem B. FRID. HOFFMANNUS testatur, quandò ita de sulphuris vulgaris & antimorialis similitudine scribit (a):

„ Sulphur itaque, ex antimonio hoc mo-  
 „ do extractum, quoad omnes proprie-  
 „ tates sulphuri vulgari simile est; siqui-  
 „ dè illud, cum sale tartari si liquatur,  
 „ transit in massam rubicundam, ex quâ  
 „ affuso rectificatissimo spiritu, tinctura,  
 „ quæ à tincturâ sulphuris non differt,  
 „ extrahitur rubicunda. Pariter si hepar  
 „ solvitur in aquâ, & solutioni acetum  
 „ instillatur, lac sulphuris præcipitatur;  
 „ cum argento vivo si misceretur, in cin-  
 „ nabarim quoque sublimatur &c.

## §. IV.

Partes surphureæ mercurii interjecti globulos disjungunt, eosdemque, ceu cortex nucleum, ambiunt, & hi sulphuri, tanquàm mel cellulis ceraceis, immersi hærent, ut ideo in unam coire nesciant

(a) In Obs. physico-chymicis select. p. 248.

molem, nec quicquàm ab extrà illos ag-  
gredi, corrodere, aut alio modo solve-  
re valeat, nisi, fracto priùs atque remo-  
to cortice sulphureo, viam sibi paraverit.  
Valdè igitur cum L E M E R I O (a) errare  
videntur, qui partes sulphuris acidas, re-  
relictâ parte phlogistâ, mercuriî globulis  
firmiter adhærescere creunt. Si id enim  
fieret, aliqua etiâ mercuriî corrosio con-  
tingere, & cinnabaris necessariò saporem  
aliquem, & indolem quodammodò cor-  
rosivam nancisci deberet; quod nunquàm  
tamen observatum fuit, sed cinnabaris  
insipida prorsùs, & omnis acredinis ex-  
pers deprehenditur. Cingunt solummo-  
dò, uti dictum, integræ sulphuris partes  
divisos mercuriî globulos, & interposi-  
tione suâ collectionem eorum in unam  
molem, nec minùs dissipationem halituo-  
sam, & secessum solitarium in igne for-  
tiori impediunt. Ejusmodi quippe virtus  
non tantùm sulphuri minerali, verum  
etiâ substantiis quibuscvis aliis, resino-  
sis, pinguibus, unguinosis &c. propria  
invenitur, & unicuique notum est, mer-  
curiî currentis fluorem tolli per miscelam  
atque tritutam cum unguento pomato,  
terebinthinâ, & similibus.

(a) Vid. ejusd. Curs. chym. p. 270.

## §. V.

Cinnabaris, ut in pulverem redacta subtilissimum, neque cum aquâ frigidâ & tepidâ, neque cum falsis, lixiviosis, acidis, & inflammabilibus spirituosis liquoribus, licet centiès, leni etiâ filtrî succussione in auxilium vocatâ, reaffundantur, chartam bibulam transit, sed, citrà ponderis decrementum, citrà ullam coloris, formæ, atque indolis metamorphosin, in eadem remanet: Obsequium quoque, ob refractariam suam indolem, menstruis aqueis, falsis, spirituosis inflammabilibus, quid? quòd, acidis corrosivis fortissimis denegat, neque in partes similiares, neque dissimilares, etsi injecta diu in illis relinquatur, dissolvitur. Non speranda pariter singularis solutio in lixiviis aqueo-alcalicis, nisi ea valdè concentrata sint, & ipsa coctio completa, & ad tempus sed notabile protracta, accèdat (a). Diu denique per se

(a) Concentratæ salis tartari solutioni cinnabaris subtilissimè pulverisatæ portionem aliquandò injecti, & vitrum digestionì calidæ, naturalem, in animantium ventriculis possibilem, caloris gradum superati, commisi, visurus, an in hoc menstruo cinnabaris solutio insequi vellet. Portractâ per aliquot dies digestionem, liquor levissimâ flavedine tinctus apparebat, etsi cæteròquin tota injectæ cinnabaris moles, circà coloris

in mortario lapideo trita, nullas, naribus percipiendas, particulas emittit; per ignem verò in halitus quidè̃m resolvitur, at tortura Vulcani intensior, quæ gradum, ad aquæ ebullitionem necessarium,

mutationem, in fundo jaceret quæta. Liquori, à cinnabari decantato, ac filtra o, præcipitandi sine acetum destillatum instillavi: at ille, pristinam pelluciditatem retinens, nihil ad fundum dimittere vid. batur: Die verò sequente fundus tenerrimo pulvisculo albido-flavescente paululùm obductus erat, qui neutiquàm tamen, ob nimis exiguam quantitatem, & insignem teneritudinem, colligi poterat, & dubio procul ex minutissimis sulphuris moleculis, per menstruum abrais, & sol. tis, postè̃que præcipitatis, constabat. Sed caveant cinnabaris patroni, ne novum indè̃, ad demonstrandam ejusdem activitatem medicam, argumentum petant. In corpore enim humano nullum lixivium alcalicum, multò minùs concentratum, reperitur, nulla fit digestio, gradu huic comparanda, & tam exigua præterea sulphuris quantitas diuturnâ digestionem solvitur, ut nulla ejus ratio medica haberi possit. Ad ipsam denique coctionem, cujus ope paulò major partis sulphureæ in cinnabari solutio obtinetur, haud quemquam provocaturum esse spero, quoniam in corpore neque fit, neque citra momentaneam vitæ jacturam fieri potest. Tanta præterea solutio memorata non reperitur, quanta vulgò creditur: Nam, cum cinnabaris portionem aliquandò in concentrato lixivio alcalico per integram horam ebullire permitterem, perfecta cinnabaris solutio nequaquàm insecuta est, sed, absque ullâ mercurii resuscitatione, liquorem solummodò obtinui



longè superat , requiritur , & à blando igitur calore talis resolutio halituosa nunquàm expectanda est.

### §. VI.

Quæ cum ita sint , quis ampliùs igitur à cinnabari activitatem medicam internam sperabit ? quis ampliùs eidem vires anodynas , antispasmodicas , antepilepticas , cephalicas , cardiacas , aliasque excellentiores tribuere audebit ? Profectò , quicquid , post assumptionem , singularem ac verè medicum effectum in corpore edere , & ad humorum circulantium massam transferri debet , vel antea , uti alibi pridem retuli (a) , in ventriculo & intestinis solvi , vel in halitus tenerrimos mutari , adeòque vel filtrationis , vel

alcalico sulphureum , qui , durante coctione , ingratus odorem sulphureum eructabat , & post filtrationem eleganti colore dilutè aureo , & sapore alcalico sulphureo præditus erat. Aceto , per aquæ fortis additionem fortiori reddito , sensim instillato , odor ingratus sulphureus iterùm incresebat , & color dilutè aureus in pallidum mutabatur , at nihil sulphurei sub instillatione acidì ad fundum secedebat , sed die sequenti fundus vitri tenerrimo duntaxat pulvisculo flavescente , æquè ac in priori præcipitatione , conspersus erat , manifestò documento , etiàm coctione satis diuturnâ ac validâ parum cinnabari eripi.

(a) In Part. I. p. 19.

inhalationis ope, vasa lactea ac bibula venosa intrare ac permeare debet. Cinnabaris autem, uti ex præcedentibus luculentissimè constat, neque à menstruis aqueis, falsis, acidis &c. solvitur, neque blando calore in halitus mutatur, adeoque nulla etiam in primâ culinâ à temperato liquore gastrico ejusdem solutio, nulla per humidum, mitissimumque corporis calorem resolutio halituosa, nulla per se consequens ad sanguinem translatio, nulla denique in partibus remotissimis salutaris actio expectanda est. Nonnulli quidè, integras cinnabaris subtilissimè pulverisatæ moleculas, absque præviâ solutione aut resolutione vaporosâ, tubulos absorbentes lymphatico-venosos intrare, permeare, & sic absque ambagibus, vel per ductum quoque thoracicum perpendicularem, ad sanguinem omninò devolvi posse, existimant: Attamen, opinionem hanc verisimilitudine porsùs destitui, prudentiores protinùs cognituros spero: Nam cinnabaris moleculæ, ut ut exilissimæ, chartæ bibulæ poros, quod antecedentia pariter docent, neque cum aquâ purâ, neque liquoribus aliis transeunt, & vascula memorata prætereà tubuli capillares sunt, qui nil, nisi fluida subtiliora, & ipsis tubulorum tunicis specificè leviora, recipiunt, atque

transmittunt. Hisce accedit, quod gravissimæ hujus pulveris moleculæ, sub motu peristaltico, tunicæ nervoso-musculosæ contractione, propulsæ, rectè per longè ampliorem intestinorum canalem, ubi minimam inveniunt resistantiam, multò faciliùs progredi, quàm, penitus deficiente filtratione & inhalatione, exilissimos ac laterales hosce tubulos intrare valeant.

## §. VII.

Absorbendi denique seu antacidâ virtute, quæ ipsi, in primis viis latitanti, surperesse videtur, prorsùm destituitur cinnabaris. Corpora enim, quæ acida absorbent, vel tota, vel ex parte, corroduntur, & levissimam superficiei arrosionem major protinùs vel minor ejusdem, quoad formam atque colorem, alteratio sequitur. Verùm, nihil horum observatur, in cinnabari pulverisatâ, diutissimè etiam in concentratis liquoribus acidis relictâ, immo, splendentes moleculæ grandiores, iisdem injectæ, metallici sui nitoris ne minimam jacturam faciunt. Ex hisce itaque & præmissis reliquis concludere tandem, atque pronunciare audeo, cinnabarim concretum iners planè, ac fatuum esse, nec ullum ideo locum inter medicamenta vera ampliùs tueri posse (a).

§. VIII.

Cum cinnabari, quod ultimò addendum duco, ÆTHIOPS MINERALI: in eâdem classe collocari meretur. Conve-

(a) Subjungere placet, quæ Clariss. D. D. TRALLESIUS in *Examine Absorb. rigoroso* p. 81. de inertibus pulveribus terreis & cinnabarinis jocose proposuit: » Adeste, inquit, vos pul-  
» veres insipidi bezoardici; atque rigidius paulisper  
» examen sustinete. Video aliquos vestrum auri  
» quisquiliis condecoratos, sed fatuus splendor  
» nil vobis præstantiæ adfert, nec est, ut speren-  
» tis; me judicem severum atque justissimum au-  
» ro mansuescere, absit illud longissimè. Accedi-  
» tis, ut observo, plurimi candidissimâ veste con-  
» spicui, vultisque fortè, ut innocentiam vestram  
» inde arguens, vos absolvam statim atque dimit-  
» tam, imò vero hanc sententiam vobis expectan-  
» dam esse declaro, eritis pulveres innocentissimi,  
» manebitisque, vestris fautoribus nec nocere,  
» nec prodesse cupientibus. Atque quid sibi volunt  
» rubicunda illa integumenta cinnabarino pi-  
» gmento exornata, quibus aliquos vestrum in-  
» dutos adspicio, fallor! aut rubore suffundimi-  
» ni, quod nihil boni unquam præstiteritis, quod  
» opprobrium sitis medicorum, quod ægrorum  
» languentium fiduciam toties destitueritis. Vah.  
» improbum facinus! ita omnium criminum ex-  
» pertes declarari haud poteritis; si forte inter-  
» dum socordi practitorum factum est, ut vobis  
» demandatum fuerit munus, quòd aliis genero-  
» sioribus prædiis demandari desiderabat vis  
» morbi, vitæque ad finem properantis pericu-  
» lum. &c.

nit quippè cum illâ quoad elementa, & inertiam medicam, præterquàm, quòd plus sulphuris, laxiùs paulò cum mercurio coherentis, in mixtione foveat, & proindè aliqua fortassis, quanquàm valdè exiguâ, virtute anthelmiticâ fortassis gaudet. Suffragatur mihi BOERHAAVIUS, quandò in *Chemiæ T. II. p. m. 431.* scribit: „Æthiops mercurii, datus intra corpus, non valet vasa absorbentia venosa, vel chyliifera, vel lymphaticâ ingredi, sed rectâ tantùm per fistulam intestinalè propulsus, si fortunato operatur, vermibus fortè necatis, exit. Decipiuntur, qui alios indè effectus sperant, quos indè natos nunquàm videre potui. Incautos vereor, qui tantâ copiâ infantibus, puellis, & tenerioribus, exhibent alienam, naturæ indomitam, massam fossilem; tantò suspectiorem sanè, quo pigriori inertia, diutius restat. Salivationem non ciet: quia venire nequit in sanguinem. Quis verò scit effectus à materie, quæ composita quamdiù manet, non videtur actuosior quacunque ponderosâ insulsâ ter-  
ra, &c..



## CAPUT V.

### De Antimonio crudo.

#### §. I.

**S**TIBIUM sive ANTIMONIUM CRUDUM OEF., *Spiehl-Olah*, *Antimoine* est corpus minerale sulphureo-regulinum sive sulphureo-semimetallicum, durum ponderosum, fragile, obscurum, nitentibus tamen striis distinctum. Excoquitur, vel rectius, fusione separatur è propria suâ minerâ, quæ in *Saxoniâ*, *Bohemia*, *Hungariâ*, *Transylvaniâ*, *Galliâ*, *Sueciâ*, aliisque regionibus è terreæ visceribus eruitur. Minera hæc alibi purior, copiosior, ac magis solitaria occurrit, alibi mineris metallicis, aliisque mineralibus valdè permixta est. Antimonium *Hungaricum* vulgò præstantius judicatur, & *Germanico* præfertur, quoniam strias majores, nitidioresque obtinet, & sulphure solari donatum esse, falso creditur.

#### §. II.

Constat ex sulphure vulgari minerali, & substantiâ regulinâ semimetallicâ, quæ iterum ex terra vitrescibili, materiâ arsenicali, & subtili inflammabili componitur.

(a) Pars regulina, ob intimam arctissimamque principii arseniculis miscelam, per se caustica est, drastica, emetica, virulenta; pars sulphurea autem acredine prorsus destituitur, & præcedentem regulinam unione suâ ita temperat, ut, durante mixtionis integritate, nullum in corpore humano effectum violentum edere possit. De duplici antimonii sulphure, altero nimirum *rudieri, sylvestri, vulgari*, alterò *excellentiore, solari, anodyno*, multa proponere superfedeo, quum nobilius solare ens imaginarium sit, ac tota sulphuris moles in antimonio crudo unam eandemque naturam habeat, nec ullo planè modo à sulphure vulgari minerali distincta inveniat (a).

## §. III.

Quondam antimonium crudum venenorum catalogo simpliciter inferebatur, nostro autem ævo, postquam KUNCKELIUS contrarium docuit, erronea hæc opinio maximam partem expiravit, & concre-

(a) Singula hæc antimonii elementa à Chemicis facillimè multis ac variis demonstrari possunt, experimentis, quæ hoc tamen loco adducere nolo quum in libris chemico-pharmaceuticis plerisque maximè autem in B. NEUMANNI *Lectione de Antimonio* fusius pridem descripta sint.

(æ) Conf. Caput præcedens §. 3.

tum hoc à plerisque inter bona ac tuta pharmaca refertur. Saliva quidem & simillimus liquor gastricus simpliciter illud atque perfectè solvere nequeunt , in partem regulinam nihilominus , non obstante sociati sulphuris copiâ , aliquem ingressum inveniunt , & pauxillum extrahunt , quod validè postmodùm *abstergit , stimulat , alvum laxat , sudorem & urinam pellit* , immò , largiori scilicet quantitate assumpta , *blandam emesin provocat* : Valet itaque ad sanguinem cæterosque humores purificandos , & in scabie imprimis , tam benignâ , quàm malignâ , affectibus arthriticis , rheumaticis , & scorbuticis , nec minùs in gonorrhoeâ virulentâ , fluore albo , obstructione mensium chronicâ , aliisque hujus commatis morbis utilissimum reperitur.

§. IV.

Nonnulli specificam quoque virtutem illi in colicâ saturninâ tribuunt , eamque à sulphuris facultate obrundendi ac demulcendi derivant : An hæc autèm satis certa , & rationi consentanea sit , aliis judicandum relinquo. Ego ad minimùm valdè dubito , quoniam liquor gastricus , uti dictum , magis partem regulinam stimulantem , quàm obtundentem sulphuream , aggreditur , & aggredi valet. Re-



cipitur inter pulveres, morfulos, rotulas, bolos, & electuaria, ac dosis ejus à granis aliquot ad scrupulum integrum, & ultrà ascendit. Subindè etiàm, in petia ligatum, decoctis sub ebullitione immergitur, ut vim eorum sudoriferam augeat, ast sine successu singulari, quum aquà simplex parum vel nihil activi indè extrahere possit.

---

## CAPUT VI.

*De Ferro, Lapide hematite, rubrica fabili, aliisque terris martialibus.*

### §. I.

**F**ERRUM est metallum ignobile, in aggregato durissimum, præ reliquis minùs ductilè ac fusile, ex *specificâ terrâ vitrescibili metallicâ*, & *tenerâ substantiâ inflammabile* compositum. Pars terrea in igne fixissima est, principium inflammabile autèm igne sicco violentiori facilè destruitur immò, sub corrosione & solutione, partim acidis potentioribus, præsertim sic dicto vitriolico, adhærescit, partim præcipitatur: Nigricans enim sedimentum illud, quòd sub artificiali vitrioli martis ex limaturâ ferri, & oleo vitrioli, aquâ debilitato, confectione colligitur, post

elutriationem verum sulphur exhibet , & cum mercurio currente , certâ adhibitâ encheiresi , in cinnabarium sublimari potest : Ut nihil dicam de inflammabili vapore sulphureo , qui post aquæ simplicis , olei vitrioli , & limaturæ martis miscellam in cucurbitulâ vitreâ assurgit , & avulsis particulis ferri inflammabilibus originem debet.

§. II.

Ferrum , in subtilissimam limaturam redactum , per se in corpore nihil efficit , & ineptum prorsus ad agendum existit , nisi acidum in primâ culinâ offendat , quòd corrodere illud , solvere , & unione suâ in vitriolum tenerius mutare possit : Laudatâ verò superveniente metamorphosi , operatione sua vitriolum debile imitatur , & fibras , membranas , ac tunicas laxas ad- et constringit ; unde fit , ut viscera obstructa , pro causarum discrepantiâ , nunc aperiat , nunc autem , quoties scilicet spasmi obstructionum causæ sunt , magis occludat. Ex eodem quoque fundamento hæmorrhagias exorbitantes , & fluxiones serosas præternaturales , ab erosione , rupturâ , aut flacciditate vasculorum pedentes , sistit , ac magnum subinde auxilium in cachexiâ , febre quartanâ rebellî , passione hypochondriacâ , &

morbis similibus, quæ protinùs, vel præmissis remediis aliis, potentiora postulant adstringentia, procurat.

## §. III.

LAPIS HÆMATITES, *Blutstein*; *Ulab-Kopff*, qui in *Bohemiâ*, *Hispaniâ*, *Sueciâ*, *Norwegiâ*, *Hassia*, & alibi effoditur, minera martialis purior atque perfectior est, obscurè rubescens, ponderosa, dura, ex striis oblongis, acutis, & aggregatione densissimâ unitis, compacta. Quandò, additis carbonibus, aut aliis corporibus, inflammabili principio prægnantibus, ignis proportionati ope, funditur, & phlogiston itaque, quod adhuc deficit, in mixtionem introducit, ferri perfecti naturam & proprietates consequitur. Per se, sub formâ pulveris, exhibitus, solida modicè adstringit, & humores quoque paululùm incrassat; hinc vulgò ad sistendas hæmorrhagias commendatur. Idem fermè iudicium de RUBRICA FABRILI, *Xæthelstein*, ferendum est: Quippe quæ itidèm terreo-martialis indolis est, & easdem in corpore vires medicas exerit.

## §. IV.

Ad martialium familiam TERRÆ BOLARES, SIGILLATÆ, ac SIGILLÆ

**L A N D Æ** colore *flavo, rubente, fusco, aut rubro-brunneo* donatæ, v. g. *Terra Lemnia rubra, Laubacensis, Goldbergensis, Strigoniensis lutea, Bolus vulgaris, Bolus Armenia &c.* pariter referri merentur. Nihil aliud enim sunt, nisi subtiliores aut rudiores *terre martiales*, quibus ordinariò *lapilli, arena, terra vulgaris*, ac parùm quoque *acidi vitriolici (a)*, & *substantiæ pinguis, unguinosa, mineralis* mixta reperiuntur. Inter terras sigillatas illæ judicantur optimæ, quæ tenerrimæ, contactu læves, ac pingues sunt, & linguæ in

(a) E Bolis & terris coloratis sigi latis, in retortam immisiss, violentiori Vulcani actione pauxill inliquo isacidi, vitriolicæ proscapiæ, expellitur, eodemque expulso, terræ hæ, quæ antea pertinaciùs cohærebant, friabiliores evadunt, & pristinâ virtute adstrictiorâ maximam partem spoliantur. Vulgari quoque experienciâ constat, acidum nitri, quod aliàs, citiâ acidi vitriolici ponderosissimî, vel expliciti, vel impliciti additionem, à parte alcalicâ separari nequit; è nitro expelli, quando eidem sub destillatione terra bolalis, sigillanda, limosa &c. additur; manifesto documento, in terris hisce acidum gravissimum vitriolicum præsens esse. Eodem enim scopo chemici nunquàm potiuntur, quando terras macras, cretaceas, calcarias &c., vel terras etiàm bolares, semel jam adhibitæ; adeoque pauco suo acido sub primâ destillatione pridem orbatas, cum nitro miscent; de quibus plura in **STAHLII Traët. de Salibus cap. 8.** nec minùs in *Pharmacol. nostrâ p. 12.* videri possunt.

aggregato tenaciùs adhærent.

§. V.

Possident terrea hæc concreta virtutem *subadstringendi ac leniter incrassandi*, & in illis itaque morbis locum inveniunt, in quibus hujus commatis remedia promiscuè desiderantur: Quòd diaphoreticis autem & bezoardicis quoque viribus instructa sint, asserere nolo, licet ipsis vulgò à scriptoribus medicis tribuantur (a). Pro meo judicio facilè, citrà ullum artis

(a) Addam hoc loco examina illa, quæ cum *Lapide hamatite, Rubricâ fabrili, Bolo Armenâ, & Terrâ sigillatâ Lemniâ rubrâ* suscepi, ut eo meliùs, quid in corpore præstare valeant, utentibus innotescat.

I. Spiritus vitrioli vulgaris, licet quantitate largiori superfundatur, & calida prætereà digestio, per biduum, triduum, immò quatridduum protracta, in auxilium vocetur, in genere parùm solvit, paulò meliorem tamen ingressum in terram Lemniam, & rubricam fabrillem habere, ac còque illis plus, quàm bolo Armenæ & lapidi hæmatitæ eripere videtur. Maxima enim utriusque portio in filtro remanet, & id, quòd postmodum circà pristinum pondus deficit, tria circiter grana ex integrâ drachmâ soluta esse, ostendit. Terra Lemnia & rubrica fabrilis paulò plus, uti dictum, amittunt, & materiæ solutæ pondus, memoratâ scilicet quantitate suppositâ, ad quatuor vel quinque grana ascendit.

II. Filtrata lapidis hæmatitæ solutio, aquæ limpidæ instar, perfectâ gaudet pelluciditate, &

medicæ detrimentum, ex Officinis pharmaceuticis exulare possent. Dantur ordinariò in pulvere, & quandòque etiàm externè præsertim Bolus Armena, cataplasmata, contrà inflammationes venereas applicanda, ingrediuntur.


saporem acido causticum, in recessu lenissimè stypticum, possidet. Quandò, instillato liquore lixivioso, præcipitatur, pauca solummodò, atque tenerrima materia subluteo-albicans, sersim ad fundum descendens, in conspectum venit. Similima ferè apud bolum Armeniæ observantur. Solutiones rubricæ fabrilis & terræ sigillatæ Lemniæ à præcedentibus nonnihil recedunt: Colorem enim, præsertim terra Lemnia, flavecentem obtinent, & copiosorem materiam teneram, lutosam, post præcipitationem, ad fundum deponunt; hinc, alcali liquido instillato longè quoque turbidiores evadunt, & filtratæ majorem in chartâ bibulâ terræ fusco-luteæ quantitatem relinquunt.

III Injæctus gallarum pulvis neque pelluciditatem, neque colorem mutat: undè concludere licet, nullam prorsus substantiam, vitriolo analogam, ex acidi & terræ solutæ unione generatam fuisse. Inhærente enim vitriolo, paucissimo licet atque tenerrimo, confestim color ex rubente aut cœruleo nigricans nascitur, & pristina quoque pelluciditas aliquantulum minuitur. Probabile itaque videtur, acidi & terræ corrosæ concretione corpuscula duntaxat salso-terrea lenissimè subadstringentia, minimè verò completas moleculas vitriolicas, quæ ferrum perfectum ad sui genesisin postulant, generari.



## SECTIO XVII.

DE AQUA SIMPLICI,  
& aquis mineralibus, Medicatis,  
tam frigidis, quàm calidis.



### CAPUT PRIMUM.

*De natura, proprietatibus ac viribus medicis  
aqua simplicis.*

#### §. I.



E aquæ simplicis naturâ, proprietatibus, & amplissimâ virtute medicâ prolixam hoc loco tractationem adornare possem ac vellem, nisi compertum haberem, multa præteritis pridem temporibus, maximè autem præsentî sæculo, de hoc argumento in lucem prodiisse opuscula (a), & hanc ideò materiam suffi-

(a) Legi inprimis merentur *Dissertationes*, & *Tractatus varii*, quos D. S. W E R D T N E R U S col-

cienter , immò propemodùm ad nau-  
seam usque , pertractatam esse. Ne ean-  
dèm tamen sicco planè pede præteriisse  
videar , nonnulla saltem , eaque genera-  
liora , hic proponere placet.

§. II.

AQUA est fluidum humectans , admo-  
dùm mobile , atque porosum , nullo au-  
tèm modo elasticum , quod sese plerisque  
corporibus solidis , itemque fluidis in-  
spissatis , ac plus minùsve induratis ,  
insinuat , priora emollit , lubricat , &  
humectat , posteriora resolvit , atte-  
nuat , & ad pristinum fluorem reducit.  
Promptè præterea salia quæcunque sol-  
vit , & in poros suos recipit ; citiùs tamen  
atque vegetiùs singula hæc succedunt sub  
certo caloris gradu , magis scilicet hac ra-  
tione agitatae particulis aqueis , quin ipsis  
ex parte in vaporem resolutis. Virtus hu-  
mechtans enim & emolliens major obser-  
vatur , quandò aqua tepida est , minor  
contrà , vel nulla plane , si fervida aut  
intensè frigida ; quum ex adverso facul-  
tas salia &c. solvendi major in fervidâ ,  
minor in tepidâ , & minima in frigidâ  
existat.

legit , & è latina , aliisque linguis in vernaculam  
nostram transtulit. Hisce addi poterit *SLO Y E R S*  
*Tractatus von salten Basser-Vaden.*



## §. III.

Aqua simplex fontana & fluvialis nunquam in globo terraqueo perfectè pura reperitur, sed varia plerùmque corpuscula heterogenea, terrea, lapidea, salina, alteriusque generis, in sinu foveat. Optima cæteroquin censetur, quæ levissima est, crystalli purissimi instar pellucida, coloris, odoris & saporis penitus expers, quæ citò calefit, & citò iterùm refrigeratur, quæque, post aliquàm in vase mundo quietem, nullas ad fundum & latera impuritates deponit, saponem facilè solvit, fructus leguminosos sub decoctione probè emollit, & , instillato liquore alcalico, aut solutione argenti, neque albescit, neque præcipitationem patitur, sed pristinam potiùs pelluciditatem retinet.

## §. IV.

Gravitas aquæ optimè per *hydrometra*, puritas autèm per *coctionem*, tum *solitariam*, tum etiàm cum leguminibus institutam, itèmque per *instillationem olei tartari per deliquium*, *solutionis lunæ*, ac *salis culinaris*, *dissolutionem saponis* &c. exploratur. Si instillatâ enim solutione lunæ, cum aquâ stygiâ facta, præcipitatio quædam contingit, & candida filamenta, vel exigua, saltèm moleculæ albicantes, quæ

nihil aliud sunt, nisi præcipitata particu-  
læ argenti soluti, in conspectum veniunt,  
sal commune culinare in aquâ hospitari,  
certò judicare licet. Chymicis nimirum  
notissimum est, argentum protinus ex  
aquâ forti ad fundum deturbari, si pau-  
xillum salis sicci culinaris, vel solutio  
ejus aquosâ argenti solutioni immittitur,  
quoniâ mixtio confestim invertitur, &  
aqua fortis, in aquam regiam mutata,  
argentum amplius solvere nequit. Simi-  
lis propemodum ratio alleganda est, quan-  
dò in aquâ examinanda, post instillatio-  
nem olei tartari p. d., nubecula albescens  
generatur, aut integra aquæ moles opa-  
ca paululum, turbida, & albescens eva-  
dit. Indè enim cognoscimus, illam plus  
minùsve partibus terreis, tophaceis, cal-  
cariis &c. refertam esse, quæ paucò antea  
atque subtilissimo acido, ex aere & terræ  
visceribus sensim aquæ poros intrante,  
solutæ erant; accedente autem sale alca-  
lico, quòd subtile acidum solvens avel-  
lit, amplius sustineri nequeunt, sed præ-  
cipitata aquam turbidam reddunt, nu-  
beculam albicantem aggregatione suâ for-  
mant, tandemque ad fundum & latera  
vasorum secedunt. Non dubito denique,  
ejusdem ferè commatis rationem in aquis  
subesse, minùs debitè, forti etiâ accen-  
dente conquassatione, cum sapone spu-

mescentibus. Nam observatio chemica docet, partes pingues saponis, qui ordinariò ex alcali fixo, & pinguedine animali componitur, illicò mixtionem deferere, & seorsim, sub molecularum formâ, ad superficiem assurgere, quamprimum acidum quoddam, v. g. vitriolicum, aquæ saponis probè spumidæ instillatur, & alcali abripiendo partibus pinguibus secedendi libertatem procurat.

§. V.

Aqua simplex pura animantibus non tantum saluberrimum præbet potulentum, sed etiâ medicinam penè universalem. Decenti enim quantitatè hausta, humores crassos diluit, mucum attenuat, salia acria temperat, eluit, solvit, ac secum per vias urinarias & poros cutis educit, æstum sanguinis ac bilis præternaturalem minuit, solida humectat, simul tamen, si frigida, roborat, sin verò tepida, emollit; adeòque generali hoc respectu egregii usûs est in morbis quamplurimis, præsertim iis, qui ab orgasmo, acrimoniâ, aut viscositate humorum, siccitate & aridurâ solidorum, penuriâ feri &c. primariò derivandi sunt, uti v. g. febres continuæ ardentes, inflammationes partium, spasmi & convulsiones epilepticæ, mania, hæmorrhagiæ exorbitantes, obstructions

obstructiones viscerum, calculus, affectus arthritici, rheumatici calidi, & sic porro. Usus quoque ejusdem externus, si sub lavamanti scilicet, pediluvii, & balnei tepidi, aut frigidi formâ adhibetur, magni omninò momenti est multùmque sæpiùs ad profligandas ægritudines rebelles valet; quemadmodùm plura de singulis hisce in scriptis antea recensitis videri possunt.

---

## CAPUT II.

### *De Aquis medicatis mineralibus.*

#### §. I.

**A**QUÆ MINERALES SOTERIAE vel *Frigidae* sunt vel *Calidae*: Hæ *Thermæ* audiunt, illæ, autem, pro saporis, odoris, ac contentorum diversitate, modò *Aquæ acidulæ* modò *Aquæ amaræ*, *sulphureæ*, *alcalico-sulphureæ*, modò *Aquæ martiales* vocantur.

#### §. II.

In regionibus quamplurimis saluberrimæ hujusmodi aquæ prorumpunt, & Germania imprimis valdè iisdem abundat. Ad celebriores pertinent AQUÆ ACIDULÆ *Pyrmontanæ* in ejusdem nominis Comitatu, *Wildungenses* in Comitatu Waldecen-

fi, *Geismarienses* in Hassiâ, *Svvalbacenses* & *Braubacenses* in Comitatu Catimelibocensi inferiori, *Antoniana* sive *Toensteinenses* in Archiepiscopatu Colonienfi, *Selterana* in Archiepiscopatu Trevirenfi, *Goppingenses*, *Ibenhusana*, & *Deinacenses* in Ducatu Wurtembergio, *Spadana* in Episcopatu Leodienfi, *Elsterana* in Vogtlandia, *Egrana*, *Buchenses*, & *AQUÆ AMARÆ Sedlitzenses* atque *Seidschutzenenses* in Bohemiâ, *AQUÆ MARTIALES Freyenvaldenses* in Marchiâ Brandenburgicâ, & *Lauchstadenses* in Ducatu Martisburgensi, nec non *THERMÆ Carolina* ac *Toplicenses* in Bohemiâ, *Aquisgranenses* in Ducatu Juliaco, *Badenses* Austria inferiori, *Wisbadenses* in Comitatu Nassovico, *Serpentina* in Comitatu Melibocensi inferiori, *Emsenses* in Wetteravia, *Hirschbergenses* in Silesiâ, *Landecenses* in Comitatu Glacensi, *Gebersvveitenenses* in Alsatiâ superiori, nec non *Bollenses*, ac sic dictum *Balneum Ferinum* in Ducatu Wurtembergico. (a)

## §. III.

Commune vehiculum *aqua* est, variis

(a) De singulis recensitis, multisque aliis fontibus medicatis, tam calidis, quàm frigidis, Medici docti libros & libellos peculiares ediderunt, quos hic tamen, licet plerisque ad manus sint, evitandæ prolixitatis causâ, adducere nolo.

*moleculis mineralibus, terreis, lapideis, salinis, sulphureis, semimetallicis, vel penitus solutis, vel violentius saltem abreptis, referta & imprægnata. In Acidulis enim nobilioribus, ac comparativè perfectioribus ordinariò reperiuntur 1) partes terreæ, nunc tophaceæ, aut calcariæ, nunc margaceæ, argillaceæ, feleniticæ &c. 2) martiales 3) salsæ, salis culinari aut mirabili Glauberi plerùmque analogæ, 4) vitriolica tenerrimæ ac semispirituosæ in calore facillimè dissolubiles, 5) salinæ alcalicæ, & 6) spirituosæ sulphureo acidulæ, mobilissimæ ac valdè activæ, cum spiritu sulphuris volatili S T H A L I I comparandæ. Paulò aliter, respectu contentorum sive ingredientium, cum aquis foteriis, comparativè imperfectioribus, comparatum est: In harum enim nonnullis solummodò principium terreo-martiale, & tenerrimum vitriolicum adest, in aliis alcalico-sulphureum, in aliis duntaxat sal medium, vel salsum, vel amarum, aut amaricans, & sic porro. (a)*

## §. IV.

Laudata corpuscula mineralia, quæ in aquis foteriis frigidis hospitantur, iisdemque primariam activitatem largiuntur, ab

(a) Vid. Commentat. ejus de Thermi Carolinis.

aquâ simplici, varia strata subterranea, lapidea, terrea, salina, nec non metallico, & semimetallico-sulphurea transeunte, excipiuntur, avelluntur, solvuntur, & educuntur. Thermæ eadem ferè principia, crassiora tamen ac minùs spirituosæ, foveant, suumque calorem, secundum BERGERI, (a) HOFFMANNI (b) SEIPPI (c) &c. sententiam summè probabilem, pinguibus pyritis, sub humectatione plus minùsve incalescentibus, vel secundum Neotericos alios (d), concentrato acido vitriolico sive sulphureo, largiùs aquæ poros intranti, debent.

## §. V.

Thermæ meliùs externè, acidulæ meliùs internè adhibentur. Vires ingenere pos-

(a) V. Diss. de Acidularum & Thermarum convenientiæ.

(b) V. Ejusd. *Pyrmonische Brunnenbeschreibung* cap. 4.

(c) Multi pridem Auctores præsentiam horum principiorum in scriptis suis abundè evictam dederunt, & ipse pariter in *Specimine Amoenitatum Natura & Artis*, linguâ vernacula conscripto, præcipua experimenta, & observationes selectiores, quibus eorum inhæsiō, & indoles monstrari ac demonstrari possunt, uberius retuli; quare illa huc transferre, ac denuò enarrare displicet.

(d) V. Diederich Bessel lindens *unmerkungen über D. Schuttens nachricht vom ursprung der mineralischen Basser.*

**T**ident resolventes , aperitivas , roborantes , & purificantes : Aqua simplex enim humores crassos atque viscosos diluit , acrimoniam salinam temperat , impuritates secum per filtra varia è corpore educit , & solida sicca , dura , rigida humectat , adeòque decentem illis flexilitatem restituit. Spiritus subtilis sulphureo-acidulus , qui præcipuum omninò ingrediens constituit , exilissimos corporis canaliculos promptè penetrat , crassa & coagulata quævis commovendo attenuat , obstructions reserat , vim contractilem , ipsamque contractionem suscitatur , vegetioremque reddit , diaphoresin auget , nec rarò completum sudorem excitat. Sal alcalicum acidam & acido-mucidam saburram , in primâ culinâ , aliisque locis accumulata , infringit atque resolvit , & , validè adjuvante sale neutro , excretionem quascunque , maximè autèm per alvum & vias urinarias , promovet. Tenerrimum denique ac semispirituosum vitriolum , ut & principium martiale fibras & membranas flaccidas atque debiles leniter constringendo roborant , & hac ratione solidorum contractiones ubique fortiores efficiunt. Thermæ prætereà , externè usurpatæ , tubulos ac poros cutaneos aperiunt , humores , in vasculis minimis subsistentes , resolvunt ac promovent , & solidos



rum ariduram ac rigiditatem humectando corrigunt. Unde liquidò constare arbitror, quod aquæ hæ medicatæ in multis morbis, præsertim chronicis, egregium omninò auxilium præstare valeant, & sæpiùs itaque plerisque medicamentis reliquis præferri mereantur.

## §. VI.

Allegatæ virtutes acidularum generales apud aquas medicatas, comparativè imperfectiores ac simpliciores, paululùm limitandæ sunt. Nam aquæ *martiales* solummodò adstringunt, roborant, & adstringendo quoque viscera obstructa nonnunquàm aperiunt. Aquæ *salæ* abstergunt, resolvunt, & urinam pellunt: Salinæ *amaræ* alvum laxant, humores viscidos attenuant, obstructions tollunt, & urinam potentiùs movent. *Sulphureo-alcalica* acidum in corpore extinguunt, obstructionibus medentur; urinam & sudorem pellunt, sanguinemque ac lympham egregie purificant. Inde igitur clarè patet, aquas soterias diversæ prorsùs indolis atque virtutis esse, nec promiscuè ea propter in usum vocari posse, sed aliam his, aliam illis ægrotantibus meliùs ac certius opitulari; quemadmodùm hæc, & reliqua, ad elementa, proprietates, & usum spectantia, ex specialissimis fontium suprà memoratorum (§. 2.) descriptionibus, quas hoc loco subjungere scopus & spatium prohibent, uberius cognoscenda sunt.





# INDEX

## RERUM ET VERBORUM SPECIALIOR.

A.

Acidum formicarum  
duplex I. 220

**A** Botanum P. II.  
Pag. 117

Absinthium I. 538

Acerba I. 383

Acetosa I. 245

Acetosella I. 243

Acetum simplex I. 248

Acetum scilliticum I.  
443

Acida &amp; Acidula I. 220.

225. eorum divisio.

225. elementa 225.

differentia 225. mo-

dus operandi 229.

virtutes 234. poten-

tiorum ac caustico-

rum mineralium no-

cendi facultas 237.

sanguini immediate

mixtorum effectus

perniciosis 237. cau-

te'æ circa usum co-

rum observandæ I.

240

sanguinis parcum  
ac debile I. 220

Acidulo-dulcia I. 241.

eorum elementa I.

241. virtutes I. 241.

241. usus circumspe-

ctus I. 242

Acemella Zeylanica II.  
546

Acria alterantia I. 418.

eorum Principia I.

419. potentiorum

correctio I. 425. mo-

dus operandi I. 426.

sequ. virtutes I. 429.

noxæ ab abusu me-

tuendæ I. 431

Acriuscula II. 420. 422

Adstringentia I. 383

Aeris vis vis in conten-

ta ventriculi I. 130

Affio Indorum I. 641

Agol'ochum II. 147

Agaricum sive Agari-

Ec liij

- cus I. 603. Agaricus  
 verus I. 604. spurius I.  
 604. mineralis I. 170  
 Agrimonia II. 546  
 Allum Græcum I. 132.  
 133  
 Alcahest Glauberi I.  
 270  
 Alcanna II. 433  
 Alchimilla II. 546  
 Alcis ungula I. 196  
 Alcium epilepsia unde  
 I. 198  
 Alcohol vini I. 84  
 Althædal I. 621  
 Aloe I. 609. caballina  
 I. 609. hepatica I.  
 609. 610. lucida I.  
 609. Soccotrina I.  
 609. 610  
 Alumen crudum vulga-  
 re I. 414  
 Amara I. 518. inodora  
 I. 519. odorata bal-  
 samica I. 520. eorum  
 principia I. 521. vir-  
 tutes I. 528  
 Amaricantia I. 518. II.  
 420. 421  
 Amaro-austera II. 420.  
 422  
 Ambraliquida II. 320.  
 solida II. 412  
 Amomum II. 372  
 Amuleta medica licita  
 & illicita I. 54. 55.  
 activa & inertia I. 55  
 Amygdalæ amaræ II.  
 556. dulces II. 556  
 Animalculorum sper-  
 maticorum, alio-  
 rumque vermiculo-  
 rum stupenda exi-  
 guitas I. 62  
 Animal moschiferum  
 II. 399  
 Zibethicum II. 402.  
 403  
 Anima oleorum II. 8  
 Antophylli II. 379. 385  
 Anthos II. 83  
 Antimonium crudum  
 II. 635  
 Anodyna I. 621. vid.  
 vaporosa.  
 Anserina II. 546  
 Aqua calcis vivæ I.  
 187. ejusdem præ-  
 paratio 187  
 Aqua picis liquidæ II.  
 301. simplex II. 644.  
 645  
 Aquæ puræ criteria &  
 examina II. 646.  
 647. usus medicus  
 amplissimus II. 648  
 Aquæ foteriæ minera-  
 les calidæ & frigidæ  
 II. 649. 650. earum  
 differentia II. ibid.  
 acidularum & ther-  
 marum convenientia  
 & origo II. 652.  
 653. earum elementa

# ET VERBORUM SPECIALIOR. 657

II. usus II. 650. medicus amplissimus II. 398. humana II. 581

653. & sequ.

## B.

Argentum vivum II.

519

Armoracia I. 454

Arnica vera & spuria I.

464

Aromatica II. 1. eorum

principia II. 3. mo-

odus operandi II. 19.

virtutes II. 19. abu-

sus II. 26

Artemisia II. 484

Asta foetida II. 265.

odorata sive dulcis

II. 286

Asthma siccum convul-

sivum I. 432

Atomi solares I. 102

Atramenti præparatio,

& nigri inprimis co-

loris ratio I. 390

Avellana mexicana II.

568

Austera I. 383. eorum

principia & diffe-

rentia I. 383. 384.

modus operandi I.

391. virtutes I 391.

usus circumspæctus I.

394

Austeriuscula II. 420.

421

Austeriusculo - amari-

cantia II. 421. 422

Axungia castoris II.

**B** Accæ juniperi II.

355. lauri II. 354

Balaustria I. 403

Balsamica II. 1. eorum

modus operandi II.

19. virtutes II. 19.

abusus II. 26

Balsamica debiliora II.

421. 422

Balsami liquidi natura-

les II. 15

Balsamus Copaivus II.

316. de Mecha II.

319. Peruvianus al-

bus & niger II. 312.

Tolutanus II. 319

Basilicum II. 81. 82

Bdellium II. 260

Benzoe II. 286

Bernavi Ægyptiorum I.

643

Betonica vulgaris II.

460

Bituminabalsamica mi-

neralia II. 17. mine-

ralia I. 91

Borax I. 368

## C.

**C** Acao II. 563

Calcanthum I. 407

Calcium terrearum di-

versitas I. 102

E e v

- Calx viva I. 177. ejusdem incallescencia & dissolutio in ac e humido I. 181. ebullitio cum aqua simplicis I. 182. elementa I. 178. 179. infusum I. 187
- Camphora creta II. 205. 210. depurata Off. II. 205. 210. ejusdem depuratio II. 211. elementa II. 216. modus operandi II. 220 221 virtutes II. 222. & seq.
- Camphorata substantia in multis aliis plantis obvia II. 97. 218
- Canella alba II. 201. officinarum II. 181
- Canis Potius II. 396
- Cantharide I. 477. 480. xii interne sumptuum effectus I. 482
- Caranna II. 273
- Cardamindum I. 462
- Cardamomum II. 386
- Caricæ I. 507
- Caryophilli aromatici II. 377
- Caryophyllus Regius II. 385. spicatus II. 385
- Cassia alba II. 201. cariophyllata II. 198. Ceylanica sive cinnamomea II. 181.
- fistula Alexandrina I. 505. lignea II. 192. putgatrix arabum I. 505
- Castor II. 390. Castoreum II. 390
- Cathartica I. 545. vid. Purgantia.
- Catus Zibethicus II. 403
- Causæ morborum generales I. 47.
- Cera II. 582
- Cerasa I. 264
- Ceratonia I. 593
- Chalcanthum I. 407
- Chamædrys II. 465
- Chamæpytis II. 468
- Chamomilla vulgaris & Romana II. 119
- China china II. 516
- Chocolada II. 571
- Cinerum metallicorum & semi-metallicorum reductio I. 78. & 79.
- Cinnabaris II. 622. nativa II. 623. factitia vulgaris II. 623. antimonii II. 623. lunæ II. 623. lota II. 424.
- Cinnamomum II. 181
- Coccus infectoria major II. 536. tinctoria minor II. 543
- Cochinilla II. 543

ET VERBORUM SPECIALIOR. 659

Cochlearia I.	459	378. Winteranus II.	
Cohæſionis cauſa ma-			201
terialis I.	73	Coſtus Arabicus II.	201
Colchicum Zeyiani-		Cranium humanum I.	
cum II.	29		199
Colocynthis I.	621	Cremor Tartari I.	257
Colophonium II.	308.	Crocus orientalis I.	
	311		665
Colorum cauſa mate-		Cryſtalli Tartari I.	257
rials I.	73	Cryſta lorum Salina-	
Conchæ fluviatiles &		rum figura diverſa I.	
lacuſtres I.	141		305
Concreta baſamica re-		Cubebæ II.	374
gni animalis II	18	Curationes morborum	
Conſtrictiora I.	383.	magneticæ & ſym-	
vid. Auſtera.		pateticæ I.	45
Contrayerva II.	435		
Corallia rubra & alba			
I.	151		
Cornu cervi I.	201		
Corpora primigenia			
ſive mixta prima I.			
57. eorum ſubſtili-			
tas I.	57. 62		
Cortex aurantio um II.			
172. caſcarillæ II.			
174. chinæ chinæ. II.			
516 citri II.	170.		
ligni Guajac II.	146.		
ſaſſafras II.	137.		
limoniorum II.	164.		
mali granati I.	401		
Cortex Peruvianus I.			
516. pomi Punici I.			
401. pomorum Si-			
nenſium II.	174.		
Thymiamatis II.			

D.

D	Actyli I.	507
	Decoſtum ave-	
	naceum II.	600.
	hor-	
	deaceum II.	600
	Dentes apri I.	203.
	205. Caſtoris ibid.	
	Elephantorum ib.	
	hippopotami ibid.	
	Rofma i	205
	Diagrydium I.	617
	Dulcia I.	485.
	eorum	
	diviſio ibid. princi-	
	pia I.	489.
	virtutes	
	I. 492. uſus & abu-	
	ſus I.	495

E.

- E**bur I. 203  
 Electrum II. 406  
 Elementa corporum  
   Physica I. 57. & he-  
   mica ibid.  
 Emetica I. 545. eorum  
   principia activa I.  
   547. modus operan-  
   di I. 557. virtutes I.  
   561. cautelæ circa  
   usum observandæ I.  
   564  
 Erysimum I. 463.  
 Essentia cort. aurantio-  
   rum sicca II. 172.  
   pimpinellæ albæ I.  
   449  
 Euphrasia II. 546  
 Extracta amara I. 518.  
   & seq.  
 Extractum opii I. 677

F.

- F**œcula radice præo-  
 niæ II. 427. ari I.  
   447  
 Februm malignarum  
   indoles I. 233. re-  
   media optima I. 236.  
 Fermentatio incomple-  
   ta in ventriculo hu-  
   mano possibilis I.  
   496.

- Ferrum II. 638  
 Fertilitatis terræ causa  
   materialis I. 76. &  
   seq.  
 Ficus I. 507  
 Flores anagallidis II.  
   546. arnicæ I. 465.  
   bellidis II. 546. ben-  
   zoes II. 288. borra-  
   gini II. 507. calca-  
   tippæ II. 503. ca-  
   lendulæ II. 135. cha-  
   momillæ simpl. &  
   Rom. II. 124. con-  
   solidæ regalis II. 133  
   cyani II. 504. hepa-  
   ticæ nobilis II. 546.  
   lavendulæ II. 132.  
   liliorum alborum II.  
   591. convallium II.  
   489. mali Punicæ II.  
   403. matricariæ II.  
   105. melitoti II. 591.  
   nymphææ 546. Pa-  
   paveris erratici sive  
   rheados II. 546.  
   paralyseos II. 489.  
   rosmarini II. 83.  
   pæoniæ II. 497. pri-  
   mulæ veris II. 497.  
   rosarum rubrarum &  
   albarum II. 500. 502.  
   salis ammoniaci I.  
   382. salviæ II. 86.  
   sambuci I. 665. II.  
   591. spicæ II. 132.  
   133. tanacetii II. 108.

# ET VERBORUM SPECIALIOR. 667

tiliæ II. 495. tunicæ	Granichermes II. 536.
rubræ II. 499	paradisi II. 388
Flos osteocollæ I. 172	Gummi ammoniacum
Fluxus niger I. 80	II. 255. anime I. 18.
Folia altheæ II. 591.	277. arabicum II.
betel I. 586. cardui	601. cerasorum II.
Benedicti I. 519.	605. elemi II. 279.
majoranæ II. 91	euphorbium I. 474.
malvæ Sylvestris II.	guajacum II. 145.
591. sabinae II. 115.	gutta I. 554. 618.
salviae II. 86.	hederæ II. 275. juni-
fennæ I. 598. tana-	peri II. 280. laccæ II.
ceti II. 108	292. pomorum ar-
Fragaria II. 547	meniacorum II. 605.
Fraxinella I. 532	pomorum Persico-
Fructus chamæmori	rum II. 604. pruno-
vulgaris & Norwve-	rum II. 605. saga-
gicæ I. 264. grossu-	penum II. 263. se-
laræ non spinosæ ib.	nega II. 605. taca-
mori ibid.	mahaca II. 284.
Fulguris illustratio	
physico chimica I. 83	
Fungus laricis I. 603	

H.

G.	<b>H</b> Alitus carbonum
<b>G</b> Albanum II. 257	nocivus I. 632.
<b>G</b> Gallæ I. 403	narcoticorum acti-
Gas Helmontii sylve-	vus I. 634. pyrita-
stre I. 629. 639	rum pingvium I. 632.
Gelatinæ animales II.	Hedera terrestris II.
606. earum natura &	462
elementa I. 125. seq.	Hepar sulphuris I. 80
II. 586	Herba icotiana I. 656
Gelatinosa II. 584. co-	Hordeum vulgare II.
rum virtutes II. 587	599
Gialappa I. 584	Hydragryum II. 619.
Glandulæ subcutaneæ	Hydromeli I. 517
I. 36	Hydrophobia species.



endemia I.	483	203. 285. percarum
Hyoscyamus Peruvia-		I. 203. & seq.
nus I.	656	Lapis bezoar orienta-
Hypericum II.	546	talis I. 207. & seq.
Hyssopus II.	100	occidentalis ibid.
		Bononiensis I. 185.
		hæma ites II. 638.

I.

<b>J</b> Allappa I.	584	Lignum aloes II. 147.
Jchthyocollo II.	605	colubrinum II. 166.
Ignis actualis causa		guajacum II. 140.
formalis I.	70	juniperi II. 156.
Ignis gradus ad aquæ,		lentixi II. 158.
alcoholis, olei, lini		neprhiticum II. 161.
& mercurii curren-		Rhodium II. 551.
tis ebullitionem ne-		santalum album. II.
cessarius I.	85	156. cæruleum II.
Inebriantia I.	627	161. flavum II. 154.
Jujubæ I.	507	rubrum II. 530.
		sassafras II. 137
		Limonada I. 248
		Liquidambarum II. 319.
		Liquor apum venena-
		tus I. 480. gastricus
		I. 22. œsophageus
		ibid. pancreaticus
		ib. salivalis ibid.
		Lycopodium II. 614.

L.

<b>L</b> Acanthium		
II. 572. afini-		
num II. 573. capril-		
lum II. 573. 575.		
lunæ I. 170. mulie-		
bre II. 573. vacci-		
num II. 573. 574		
Lactis elementa & dif-		
ferentia II. 538. &		
seqn		
Lapides Bezoardici ge-		
nuini I. 212. spurii		
210. officina' um di-		
versit sl. 213 calcarii		
I. 178. carpionum I.		
		M.
		<b>M</b> Achina Papini I.
		130.
		Macis II. 363
		Magisteria terreorum
		I. 121
		Malicorium I. 401
		Majorana II. 21.

# ET VERBORUM SPECIALIOR. 663;

- Mambu** five **arundo** fa-  
charifera I. 487  
**Mandibulæ** **lucii** **piscis**  
I. 205. & seq.  
**Manna** **Calabrina** I. 512  
**Margaritæ** I. 143  
**Marga** **saxatilis** I. 170.  
**Mariubium** II. 546  
**Martialium** **diversus**  
**effectus** I. 395  
**Marum** **verum** II. 112  
**Massach** **Turcarum** I.  
641  
**Mastiche** II. 283  
**Mater** **balsamorum** II.  
363. **perlarum** I. 150  
**Materia** **medica** **empī-**  
**rica** I. 1. **rationalis**  
I. 2  
**Materiæ** **medicæ** **ratio-**  
**nalis** **impedimenta** I.  
5. 6  
**Matricaria** II. 108  
**Mechoacanna** **alba** I.  
588  
**Mechoacannæ** **succus**  
**lacteus** I. 591  
**Meconium** I. 641  
**Medicamenta** **alteran-**  
**tia** I. 29. **diueticæ** II.  
165. **medicamenta**  
**evacuantia** I. 29.  
**externa** I. 24. **ma-**  
**terna** I. 20. **lithon-**  
**triptica** II. 165. **spe-**  
**cifica** I. 29. **sympa-**  
**thetica**. I. 49. **to-**  
**nica** I. 29.  
**Medicamentorum** **di-**  
**visio** **generalis** I. 20.  
29. **effectus** **quid** I.  
8. 9. **causæ** **impel-**  
**lentes** **primariæ** &  
**secundariæ** I. 13. **di-**  
**versæ** **actionis** **ratio-**  
**I.** 9. 10. **discrepans**  
**apud** **diversa** **ani-**  
**mantia** **operatio** I. 31  
**resolutio** **in** **ventri-**  
**culo** I. 21. **modus** **tran-**  
**slationis** **ad** **sangu-**  
**inem** I. 21. 22. **exter-**  
**norum** **actio** **diversa**  
I. 24. 39. **sanguini**  
**immediate** **mixto-**  
**rum** **effectus** I. 26  
**Medulla** **crurum** **vitu-**  
**linorum** II. 581  
**Mel** **apum** I. 515  
**Melissa** **citraria** II. 78.  
**Romana** II. 81. **Tur-**  
**cica** II. **ibid.**  
**Mentha** **crispa** II. 103.  
**Mercurius** **currens** II.  
619  
**Meteora** **ignea** I. 78  
**Millefolium** II. 126  
**Millepedes** II. 546  
**Minii** **gravitas** **spe-**  
**cifica** **plumbi** **gravi-**  
**tate** **major** I. 95  
**Mixta** **prima** I. 57. 65  
**Monades** I. 57  
**Morbi** **ex** **abusu** **tere-**

- reorum I. 114. 120  
 Morborum curationes  
     magneticae I. 45  
 Moschus II. 399  
 Moxa II. 486  
 Moxiburium II. 488  
 Mucilagines I. 89. 92  
 Mucilaginea II. 584.  
     mucilaginis natura,  
     differentia & ele-  
     menta II. 585. &  
     sej mucilagineorum  
     modus operandi &  
     virtutes 587  
 Muscus clavatus II. 614  
 Myrra genuina II. 234.  
     ejusdem modus ope-  
     randi & virtutes  
     egregiae II. 242. &  
     seq.  
     N.  
**N** Aphta II. 17  
     Nasturtium aqua-  
     ticum I. 462. hos-  
     tense ibid. indicum  
     ibid.  
 Natrum Aegyptiacum  
     I. 318  
 Natura corporis huma-  
     ni quid I. 332. con-  
     nata I. 19. torpida  
     debilis I. 16. sequ.  
     torbida robusta I. b.  
     vivida debilis I. ib.  
     vivida robusta I. ib.  
 Naturae diversitas & di-  
     visio generalis I. 150  
     & seq.  
 Nepenthe Benjanorura  
     I. 642  
 Nitrum embryonatura  
     I. 319. II. 586. fi-  
     xum I. 270. moder-  
     num I. 317. nati-  
     vum I. 318. vete-  
     rum I. 318  
 Nitri genesis & ele-  
     menta I. 319. mo-  
     dus operandi I. 326.  
     virtutes I. 328. 337.  
     virtus aperitiva I.  
     328. antispasmodica  
     I. 334. antaphrodi-  
     siaca I. 336. diapho-  
     retica I. 334. & seq.  
     diuretica I. 333. li-  
     thontripica I. 334.  
     refrigerans I. 335.  
     & seq. usus amplissi-  
     mus I. 337. & seq.  
 Nuclei Armeniacorum  
     II. 561. cerasorum  
     II. ib. Persicorum ib.  
 Nutritionis causa ma-  
     terialis I. 73  
 Nux areca I. 641. mos-  
     chata sive myristica  
     II. 359  
     O.  
**O** Bstructionum  
     causae I. 393. &  
     seq.

Offa Helmontii I. 281  
 Olea ætherea I. 90. 91.  
     II. 5. 11. unguinosa  
     I. 90. II. 548. & seq.  
 Olei ætherei elementa  
     II. 8. 11  
 Oleorum æthereorum  
     proprietas discre-  
     pantes II. 11. 12.  
     diversa in simplici-  
     bus aromaticis &  
     balsamicis quantitas  
     II. 9. 10  
 Oleosa unguinosa II.  
     548. eorum virtutes  
     II. 553  
 Oleum amygdalarum  
     dulcium II. 556. asæ  
     fœtidæ II. 267. bac-  
     carum lauri II. 354.  
     juniperi II. 356. bal-  
     sami de Copaiva II.  
     316. Peruviani II.  
     312. 313. benzoï-  
     num II. 287. 288.  
     cacao II. 570. cala-  
     mi aromatici II. 54.  
     canellæ albæ II. 202.  
     & seq. carannæ 273.  
     cardomomi mino-  
     ris II. 387. caryo-  
     phyllorum II. 381.  
     382. castorei II. 394.  
     chamomillæ Roma-  
     næ II. 121. vulgaris  
     II. 121. cinnamomi  
     II. 183. & seq.

oleum cochleariæ I.  
 460. cort. auran-  
 tiorum II. 172.  
 cascarillæ II. 176.  
 citri distillatum II.  
 171. expressum  
 idib. cubebæ II.  
 375. curcumæ II. 37.  
 formicarum I. 221.  
 gummi c'emi II.  
 279. galbani II. 258.  
 hyssopi II. 101. la-  
 vendulæ II. 133. li-  
 gni Rhodini II. 152.  
 fantali flavi II. 154.  
 fassastras II. 138. lini  
 II. 565. & seq. ma-  
 joranæ II. 91. mari-  
 veri II. 113. melissæ  
 II. 78. menthæ II.  
 103. millefolii II.  
 128. myrrhæ II.  
 239. nicotianæ I.  
 656. nucis moscha-  
 tæ II. 362. nucum  
 juglandinum expres-  
 sum I. 618. picis II.  
 299. 300. pini II.  
 298. piperis II. 369.  
 374. rosæmarini II.  
 84. rosarum rubra-  
 rum II. 501. sabinæ  
 II. 115. salvæ II. 87.  
 saturejæ II. 110. sem.  
 ammeos II. 352.  
 sem. anisi stellati II.  
 327. vulgaris II. 328.

- apii palustris ll. 344.  
 carvi ll. 348. cinæ  
 ll. 336. 337. cummi  
 Æthiopici ll. 352.  
 dauci Cretici ll. 346.  
 fœniculi ll. 322.  
 nigellæ Romanæ ll.  
 330. storacis solidæ  
 ll. 291. succini ll.  
 409. terebinthinæ ll.  
 308. thymi ll. 96. &  
 seq. zedoariæ ll. 29.  
 zingiberis ll. 34  
 Olibanum ll. 281  
 Olivæ ll. 582  
 Opium l. 671. frequens  
 ejus apud gentes  
 orientales usus l. 640  
 Opobalsamum ll. 319  
 Orca ll. 414  
 Origanum ll. 100  
 Os sepia l. 150  
 Ossa de corde cervi l.  
 202  
 Ostecocola l. 175  
 Ostrea l. 142  
 Ovorum putamina l.  
 142  
 Oxymeli scillitum l.  
 444. simplex l. 517

## P.

- P**Assulæ majores l.  
 506. minores l. 260  
 Perlæ l. 143  
 Peltis curatio apud  
 Turcas l. 236  
 Petroleum l. 91  
 Pharmaca sordida l. 200  
 Phosphorus Balduini l.  
 185  
 Pinguedines animan-  
 tium l. 89. 91. ll.  
 551  
 Pinguedo castoris ll.  
 398. canina ll. 581.  
 gallicanacea ll. ibid.  
 humana ibid.  
 porcina ibid.  
 viperina ibid.  
 Pinguia ll. 548. eorum  
 proprietates & virtu-  
 tes ll. 553. differentia  
 inter sebum & adi-  
 pem ll. 552  
 Pineoli ll. 559  
 Piper album rotundum  
 ll. 365. caudatum ll.  
 375. longum ll. 368.  
 nigrum rotundum ll.  
 365. odoratum Ja-  
 maicense ll. 372  
 Pistacea ll. 559  
 Pix liquida ll. 297. 301.  
 sicca navalis ll. 297.  
 300  
 Plantago major & mi-  
 nor ll. 546  
 Plantæ acres antifcor-  
 buticæ l. 287  
 Plaste ll. 235  
 Principia corporum  
 chymica l. 56. & seq.

physica ibid. principiata l. 57. 64. 65

Principiorum perennis restitutio l. 68

Principium aqueum l. 63. inflammabile l. ibid. salinum l. 63.

68. 92. terreum l. 63. 68. 99. 100

Pruna Damascena l. 507. Sebestena l. 507

Pseudocorallia l. 151. 152

Psarmica l. 465

Pulpa tamarindorum l. 262. 263

Pulvis julorum alni ll. 618. corilli ll. 618.

lycopodii ll. 614. strobilorum abietis ll. 6. 18. pini ll. 618

Purgantia l. 545. eorum divisio generalis l. 545. 546. principia activa l. 547.

modus operandi l. 557. differentis activitatis causæ l. 556.

560. virtutes l. 563. cautelæ circa usum observandæ l. 564

Putamina ovorum l. 142

Putrefactionis causæ & effectus l. 286

Pyrophorus Hombergii l. 80

Q.

Q Uinquina ll. 516

R.

R Adix anchusæ ll. 433. angelicæ ll.

68. 69. althææ ll. 589. apii palustris ll.

455. ari l. 424. 445. aristolochiæ longæ ll. 546. rotundæ ll.

546. bardanæ ll. 440. bis malvæ ll. 589

bistortæ l. 398. bryoniæ l. 593. calami aromatici ll. 53.

carlinæ ll. 75. caryophyllatæ ll. 437. chinæ ll. 448. consolidæ majoris ll.

592. rubræ l. 397. cicho ii l. 536. curcumæ ll. 36. cyperi longa ll. 39. & seq.

rotundæ ll. ibid. dip-tamnii albi l. 533. enulæ ll. 57. galan-gæ ll. 42. 43. gentianæ albæ l. 532.

rubræ l. ibid. gly-cyrrhizæ l. 500. graminis ll. 546.

helenii ll. 57. helle-bori albi l. 456.

nigri l. 595. heptaphylli l. 396. impetatoriae ll. 66. ipecacuanhæ l. 579. iridis Florentinæ ll. 45. levistici ll. 71. lilii albi ll. 591. liquiritiæ l. 500. malæ hortenſis ll. 591. ſylveſtris ibid. mechoacannæ albæ l. 588. nigræ l. 585. mei ll. 74. nymphææ ll. 427. pareiræ bravæ ll. 446. pæoniæ ll. 425. petasitis ll. 546. petroselini ll. 458. pimpinellæ albæ l. 449. polypodii l. 498. pharomicæ l. 452. pyrethri l. 452. raphani ruſtici l. 423. 454. rubiæ tinctorum ll. 431. ſaſaparillæ ll. 453. ſaxifragæ majoris l. 449. ſcillæ marinæ l. 422. 434. ſcorzonæ ll. 593. ſerpentariæ rubræ l. 398. Virg nianæ ll. 60. ſymphyti ll. 592. taraxici ll. 441. tormentillæ l. 388. 396. trifolii ſibini l. 533. tuſſilaginis ll. 443. valerianæ ll. 62. vin-

cetoxici ll. 444. viperini ll. 60. Zedoariæ ll. 28. Zingibaris ll. 33. Reſinnæ l. 89. & ſeq. Rhabarbarum monachorum l. 578. Orientæ l. 570. Rhaponticum Thracicum l. 569. 575. vulgare l. 577. Rob. juniperi ll. 358. Roſmarinus ll. 83. Roſviriolatus l. 97. Rubrica Fabrilis l. 638. S. 640

**S** Abina ll. 115. Scharum lactis l. 488. vulgare l. 487. 509

Sal acetofellæ l. 227. acilum plantarum l. 227. Anglicanum l. 355. Ammoniacum l. 372. nativum l. 373. factitium l. 373. ejus ſublimatio l. 374. Carolinarum l. 361. commune ſive culinare l. 349. ebſhamenſe l. 355. fontanum l. 349. foſſile l. 349. 350. gemma l. 351. Kali l. 265. marinum l. 349. montanum l. 349. petræ l.

317. primigenium  
l. 92. sanguinis natu-  
rale l. 231. Sedli-  
zenſe l. 365. Seidf-  
chuzenſe l. 365  
Salia acida l. 99. vid.  
Acida alcalia fixa l.  
99. 265. eorum pro-  
prietates l. 266. ele-  
menta ac genera l.  
269. 272. 273. dif-  
ferentia l. 274.  
virtutes medicæ l.  
277. ubuſus l. 277.  
278. 279. fixo-  
rum & volatiliu  
differentia l. 280.  
ammoniocalia l. 99.  
eorum virtutes l. 303  
314. 315. amari-  
cantia l. 314. eorum  
virtutes l. 314. lixi-  
vioſa l. 265. media l.  
ib. 304. eorum diffe-  
rentia l. 307. diviſio  
l. 308. 309. proprie-  
tates l. 303. diffe-  
rens ſolubilitas l.  
305. 308. diverſa  
cryſtallorum fig. l.  
305. 306. ſalium  
mediorum modus  
operandi & virtutes  
l. 308. 310. neutra  
l. 99. nitroſa l. 308.  
eorum virtutes l.  
307. urinoſa ſive al-  
calia volatilia l. 264  
279. eorum proprie-  
tates l. 280. elemen-  
ta l. 282. geneſis l.  
282. 285. modus  
operandi l. 297. vir-  
tutes l. 298. 299.  
abuſus l. 300. co-  
etellæ circauſum l.  
300. 301. in plantis  
nullum adeſt ſal uri-  
noſum l. 297  
Salium corporeorum  
geneſis l. 98. 99  
Salina Bochnienſes ac  
Velificenſes in Polo-  
nia l. 350  
Salvia hortenſis ll. 87.  
ſylveſtris ll. 90  
Sandaracha Arabum ll.  
280  
Sanguis draconis ll. 532  
Sapo l. 91  
Satireja ll. 112  
Scammoneum l. 614  
Selarea ll. 90  
Scordium l. 537  
Sedativa l. 627  
Semen ammeos ll. 351.  
anethi ll. 353. aniſi  
ſtellati ll. 326. vul-  
garis ll. 324. apii  
hortenſis ll. 345. pa-  
luſtris ll. 343. aqui-  
legiæ ll. 582. badian  
ll. 326. cannabis ll.  
565. cardamindi l.



642. ardui benedi-	Senna l.	598
cti l. 542. mariæ l.	Serpillum ll.	100
542. carvi ll. 347.	Serum lactis acidulum	
cinæ l. 132. citrul-	l. 258. dulce l.	258
li ll. 62. cochlea-	Sevum bovinum ll.	
riæ l. 459. coriandri	581. cervinum ibid.	
ll. 328. cucumeris ll.	hircinum ibid.	
562. cucurbitæ ll.	vervecinum ibid.	
562. cumini ll. 349.	Silbqua dulcis sive edu-	
cydiorum ll. 577.	lis l.	503
dauci cratici ll. 345.	Soda Hispanica l.	265
vulgaris l. 345. eru-	Solutionum terrearum	
cæ l. 469. tœniculi	diversitas l.	110
vulgaris ll. 321. Ro-	Somnus naturalis &	
mani ll. 322. fœnu	præternaturalis l.	
græci ll. 560. lactu-		649
cæ ll. 562. 564. le-	Spasmodum causæ l.	
visticci ll. 353. lini ll.		329
565. melonis ll.	Spelunca canina l.	632
562. nasturtii l. 463.	Sperma ceti ll.	578
nigellæ Rom. ll. 330.	Spiritus salis concen-	
papaveris bortenſis	tratus Glauberi l. 94.	
l. 680. pastinacæ	subterraneus l.	633.
fylvestris ll. 345.	terebinthinæ il. 308.	
petroselini ll. 345.	vini rectificatissimi	
plantaginis ll. 564.	indoles & elementa	
pertulacæ ll. 564.	l.	84. 634
psyllii ll. 595. ruæ	Stibium ll.	653
ll. 343. santonicum	Storax calamita ll. 289	
ll. 332. scariolæ ll.	290. liquida ibid.	
564. sinapi album l.	solida ibid.	
469. nigrum l. 469.	Subastringentia ll. 420	
ranaceti ll. 343.	Succinum ll.	406
Zedoariæ ll. 332	Succolada ll.	571
Semina quatuor frigi-	Succus acaciæ ll. 534.	
da majora ll. 562.	& seq. citri l.	246.
minora ll. 564	limoniorum l. 247.	

# ET VERBORUM SPECIALIOR. 671

fedi vulgaris l. 290	Terræ nigiliacæ albæ l.
Sulphura mineralia l. 90	170. martiales rubræ, flavæ, fuscæ ll. 641
Sulphura caballinum ll. 609. commune sive vulgare ll. 607. fossile nativum ll. 608. lycopodii ll. 614. minerale ll. 608. 609. stillatium ll. 609. vivum ll. 608	Terræ alcalina, abforbentia, præipitantia l. 106. 107 eorum principia l. 108. modus operandi l. 114. virtutes l. 114. 119. usus l. 114. 117. 121. abusus. l. 114. cautelæ circa usum l. 121
Sulphuris mineralis elementa l. 80. ll. 609. virtutes ll. 612. 613	Terreo gelatinosa l. 122. eorum natura & principia l. 122. 124. virtutes l. 128
Summitates centaurii minoris l. 540. fumaricæ ibid.	Testæ ostreorum l. 142. ovorum l. ibid.
<b>T.</b>	Teucrium verum l. 442
<b>T</b> Abacum l. 656	Thea Buu ll. 471. 476. fusca ll. ibid. vera orientalis ll. 470. viridis ll. 471
<b>T</b> Tabaci fumus & pulvis l. 661	Theæ collectio l. 471. præparatio ll. 474. infusi virtutes ll. 474. orientalis succedanea ll. 481
<b>T</b> Tabula graduum affinitatis corporum l. 106	Thermæ ll. 649
<b>T</b> Tamarindi l. 260	Thus ll. 281
<b>T</b> Tanacetum ll. 108	Thymus sylvestris ll. 100. vulgaris ll. 95
<b>T</b> Tartarus vini l. 227	Tragacantha ll. 603
<b>T</b> Terebinthina ll. 306. lota ll. 309. coctall. 309. 310	Trifolium fibrinum l. 538. 639
<b>T</b> Terra caatcheu sive Japonica l. 388. 404. primordialis l. 101	
<b>T</b> Terræ bolares ll. 640	

## V.

**V** Aporefa l. 627.  
 eorum divisio &  
 differentia l. 627.  
 principia l. 628.  
 principii narcotici &  
 inebriantis indoles l.  
 629. corrigentia l.  
 638. modus operan-  
 di l. 640. eorum  
 virtus exhilarans l.  
 640. sudori fera l.  
 644. aphrodisiaca l.  
 643. hypnorica l.  
 652. anodyna l. 652.  
 sedativa l. ibid. cau-  
 telæ circa usum l.  
 654.  
 Vasa absorbentia veno-  
 sa l. 32. 33. bibula l.  
 33. exhalantia arte-  
 riosa l. 33. 37. 45.  
 nervosa l. 35. inha-  
 lentia l. 32.  
 Vasorum in- & exha-  
 lantium subtilitas l.  
 34.  
 Venæ bibulæ l. 32.  
 lymphaticæ l. 33.  
 Venenum viperæ l. 28

Veratrum nigrum l. 595  
 Veronica spicata ll. 482. vulgaris ll. 458  
 Virunculus subterra-  
 neus l. 633  
 Vis vitæ l. 15  
 Viscum ll. 507  
 Vitriolum l. 407. ejus  
 species l. ibid.  
 Ultramarinum animale  
 l. 392  
 Unguinoso oleosa ll. 548. vid. Oleoso un-  
 guinosa.  
 Unguentum arthanitæ  
 l. 25. ophtalmicum  
 ll. 582  
 Ungula alcis l. 196  
 Uniconu verum l. 204  
 Uniones l. 143  
 Vomitoria l. 515.  
 vid. Emetica.  
 Urina hominum. l. 309  
 Uvæ passivæ l. 506

## Z.

**Z** Ibethum ll. 402  
 Zingiber flavum  
 ll. 36. vulgare ll. 33  
 Zizyphi l. 507

F I N I S.















